

甘肅府縣志輯

中國地方志集成

民國重修鎮原縣志(二)

甘肅府縣志輯 ②⑥

民國重修鎮遠志

鳳凰出版社 上海書店 西泠書社

重修鎮原縣志卷之二

輿地志下

地質

禹貢爲中國地質學最古之書然僅及皮面而已歐洲十八世紀下半期至十九世紀上半期百餘年爲歐洲地質學之最盛時代地質學者研究地殼之變化地層之構造植物之變遷及地球上各種關係之學也其原因由土地之升降地殼之震動火山之崩裂水成岩火成岩之種類遂因之以分自民國成立以來研究中國地質之優秀學者接踵而出本其素日服務學術文化之旨趣不顧經濟之損失不畏道途之險巇近十數年來所採集之古

生物無慮盈千累萬故地層之分析日益詳調查所之設立亦最多中國北部如甘肅新疆等省掘得人文初期石器陶器及零碎銅器亦頗不少可與歐洲之地質學者並駕齊驅矣鎮原向亦有調查所之組織以兵馬紛紛徒托空言今擬實行調查由教育局同人分任其責所有應行研究之部門與鎮原天然產生之資料分別臚列於左

古生物

研究地層者宜先
從古生物入手

案管子云上有丹砂下有黃金此中國之言地層也特後人少所增闢不能精益求精斯爲遺憾泰西博物家於地層中得古鳥獸遺跡往往爲今世所無乃知自洪荒時代以至今日其間消長生滅淘汰於天行人治者多矣此

豈山海經博物志所能盡哉近人袁復禮於新疆天山南麓發見大小恐龍
無數謝家榮於甘肅固原亦發見含腹足動物之始新統層鎮原與固原鄰
古生物之發見期當不遠

泥盆系

泥盆紀地層在甘陝南部及雲貴川廣分布最多大致中上泥盆紀地層在國內殊為發達

案泥盆系古生界地層構成時代之一是時植物有隱花植物及松柏類動
物有魚而軟骨魚硬鱗魚等尤多故地文學上稱為魚類時代華亭縣魚化
石其卽此類也乎鎮原距華亭甚近泥盆紀地層蓋有之矣

石筆石

與滑石同類而質較硬色白石板上書畫所用製法以
細截石材如常用半圓溝形之磨削之磨以木賊卽成

案筆石一屬從前僅於南京崑山湖北宜昌及雲南等處偶一發見近來則

甘肅河北靡不有之矣北平大學教授孫雲鑄嘗據此與英國地層對比以分奧陶紀與志留紀地層如江蘇高家邊湖北龍馬等處產者屬下志留紀湖北五峯所產者屬上奧陶紀甘肅平涼雲南永昌等處所產屬中奧陶紀河北開平趙谷莊等處所產者屬下奧陶紀至志留紀地層中國譯爲錫魯里亞日本譯爲志留利亞系爲古生界地層構成時代之一又寒武利亞系我國譯作坎布里亞系前

石灰岩

礦物學名詞亦名石灰石
簡稱灰石成分爲碳酸鈣

案石灰岩有在海中者有在河中及溫泉中沈澱而生者中國到處有之湖北所需之石灰皆取給於大冶縣北境鎮原四鄉皆有種類甚多色灰而黑

不適用或檢河灘青石以錘擊碎質甚堅以火煨之則成石灰用塗牆壁色

純白

泥板岩

泥多而不易滲水者爲黏土砂多而易滲水者爲砂土地質表面泥砂等混合久則結爲泥板岩

案岩石之爲軟板狀者由黏土凝固而成與石灰岩砂岩泥灰岩等相間成層故又稱頁岩可作砥石硯石等鎮原東鄉祁家川山中產樂工石大者可作碑小者可作硯石砥石殆地質學之泥板岩也

水成岩

如砂岩黏板岩凝灰岩之類皆由水之作用堅固成層者

案西儒攷古既分地質爲十二層而火成岩水成岩始一一有所統系鎮原東西兩川在過去時代似係水冲經若干年漸推漸廣人民居於斯縣治亦

設於斯登縣城而左右顧鎮之四面皆原也原平如掌中有山澗一上一下

約十里許推其原因皆水冲所致分無機質岩與有機質岩二種

煤鑛今日之世界煤鑛之世界也夫孰知此文明利器乃千萬年
老死朽腐之植物積壓於地層中化為鑛質以備採擇

案煤鑛古代植物埋藏地下經若干年始成鑛物掘而採之色黑質堅可然

燒此石炭岩之所由名也漢書地理志豫章出石炭可燒為薪宋史陳堯佐

傳徙河東路以地寒民貧仰石炭以生奏除其稅今謂之煤炭鎮原南鄉平

泉鎮北溝有煤鑛官紳細加研究以鑛苗不富色不甚黑未經開採邑人以

然料缺乏農事畢紛紛往華亭安口窰馱煤炭以資需用

又案本草綱目石炭一名煤炭李時珍曰煤炭今人用以代薪炊爨煨鍊鐵

石大爲民利土人皆鑿山爲穴橫入十餘丈取之有大塊如石而光者有疏散如炭末者重修皋蘭縣志曰細而爲末者名煤大而成塊者名炭隴東所屬各縣山內如平涼崇信山外如靜甯縣皆出煤炭究不如安口窰所產之豐富

土

壤 謂泥土也由黏土砂礫及腐植質三者而成於農業最有關係

案禹貢九州之所屬白壤黃壤黑壤赤埴或爲塗泥或爲斥鹵固已辨之詳矣近人謂土壤大別有二一構成地盤之岩石由風化作用霉爛成粉堆積於地是爲霉爛土壤一岩石分解所成之粉爲流水沖刷沈積於湖海之底及河谷之沿岸者是爲沖積土壤故有埴土砂土壤土等類鎮原四面高原

厥壤惟黃黃土性溫柔易於生物且普徧皆見掘井者矣掘至二十餘丈土色如一無一砂石雜於其中是爲純粹土壤

又案黃河自崑崙發源由青海流入甘肅復轉而北流以至甯夏其中經過之區域匯合之支流故黃土層隨處有之安特生謂黃土當屬第四紀中期爲冰河時代乾旱之象因而本地砂石隨風四布以造成今日堆積之情形又據舊石器時代之遺物可證明人類於舊石器時代不僅分布於甘肅東部及河套沿邊且進而分布山陝間之黃河流域鎮原居陝甘兩省之中河道所經土色與之俱黃矣而亦不盡然樂都逼近黃河而土壤皆黑可見土色自然生成與黃河無涉

白堊岩

又名白堊系中生界地層構成時代之一此時動物中鳥類甚盛並有顯花植物

案本草注土以黃為正色白為惡色故白土從堊禮既練居堊室有喪者之所居也然蔡邕詣鴻都門見役人以堊帚成字是殿廷且以白土漫其壁矣

中國白堊紀層岩前人非不見之而莫知其所自出近人謂中國東西南北

與中部白堊紀甚發達厚者至二千餘公尺鎮原之白堊岩四鄉皆有惟南

鄉常家山與陶家溝產者甚佳西鄉五里溝復產紅土皆層所結而成

農

業 近代之言地質學者謂大西洋兩岸多煤鐵太平洋兩岸宜農牧故工業之興多在歐洲西部與美洲東部而農業之興端在亞洲東部與美洲西部

案中國學術之發明大半導源於農學周以土會之法辨五地之物性種阜

物於山林種膏物於川澤種穀物於邱陵種莢物於墳衍種叢物於原隰又

有草人掌土化之法占地之宜而爲之種鎮原地居原隰以農爲本又爲周先王教稼之區老於農事者研究土地之性質肥沃磽瘠各以其地而異亦可用化學法改良之趙孟頫詩良農知土性非虛語也

地文史

地球上水陸氣三界之區分動植礦各物之分布考其變遷沿革錄之於書是爲地文史蓋專研究地質之構造也亦謂之天然地理

盈天地間者萬物也而皆自土生之人性之智愚物產之盈絀在在關乎地質欲知其詳非切實調查不可中國地質調查事業始於鼎革之初民元一月南京臨時政府實業部設地質科四月北京政府工商部設地質科二年六月工商部設地質研究所同時改地質科爲地質調查所五年六月地質研究所學生畢業者二十餘人自民國五年以後政局雖屢有變遷統轄機

關雖時有不同而地質學之研究有日進無日退今已二十四年矣而其間略可分爲二時期自民元至五年是爲地質調查籌備時期自民五至今約二十年是爲地質調查實行時期此二十年間出版物正復不少要以地質學會誌爲最完全蓋其內容之包括古生物地層學岩石鑛物學普通地質構造鑛牀等學術得於心而應於手爲中國地質學專門之刊物歐美各國研究地質之機關皆刮目相待現與歐美各重要地質學雜誌實行交換者有一百七十一處之多吾人卽稱近二十年爲中國地質學之英雄時代實無不可甘肅爲河嶽根源文化鼻祖經濟地質在河西五郡純粹地質在隴東各縣鎮原在隴東開闢最早深谷高原一望無涯要皆地史上重要之資

料而饒有研究之價值者也從此實行調查逐漸擴充推求深層地殼之構造及地球內部之情形並乘此以發刊地質調查之所得以供獻於人民是所望於後之來者

氣候

鎮原氣候以寒暑表驗之極熱八十餘度間有過九十度者數年內僅一見耳極寒三十餘度間有下三十度者亦數年內僅一見耳冬不酷寒夏不酷熱殆處溫帶之內者其收穫早遲與平涼縣相差祇在五六日耳

皇華紀聞云粵東節氣與嶺北迥異予以正月廿七日度大庾嶺已見穫麥然贛吉間穫麥在四月與江南北不甚相遠一嶺之隔而地氣判然如此又廣州二月間已食楊梅枇杷梅李杏子王瓜瓠茄之屬東南氣候且大相懸殊又何論乎西北鎮原與近陝西氣候亦不一致東南區宜種冬麥地氣和暖故也西區與固原接壤處北區與環縣接壤處地稍寒多種春麥

鎮原地形平原與川谷雜呈然川谷究屬無多概言之純係高原性質夏歷正月冰初消迎春開二月麥苗漸萌三月桃李爭榮四野皆青燕乃巢黃栗留鳴人換春服天氣清明四月東南季風開始活動五月豌豆熟小麥黃六月炎熱多雷雨冰雹七八月天氣晚涼麻穀登場九月肅霜草木凋零黃菊盈徑紅葉滿山西北季風發軔十月十一月十二月寒以漸而甚此時老幼皆著棉服風疾而寒乞人肌骨冰雪凝積累月不消四時景物之不同如此可知氣候之懸殊矣

四季氣候截然不同春夏冬三季雨水比較稀少每當秋季輒陰雨連綿有類江南之梅雨就普通情況而論常年亢旱雨水缺乏平原與川谷氣候微

有差別大抵平原風力勁健冬寒而夏涼川谷之間風力微弱冬溫而夏熱因之植物之生長成熟亦較之平原略早惟因地形關係所受陽光時間頗短實不若平原竟日在陽光普照之下氣候爲各種氣象要素及地文等所構成本非簡單數語所能表示然生長於斯息息薰陶謹就植物之生長成熟及候鳥之來去節候略書大概而氣候情況亦可證明矣

--	--	--	--	--	--	--	--	--	--

物產志

夏書雍州之貢球琳琅玕而已邑自五穀六畜外無所謂異產也雖唐宋志載有氍毹鞍籠龍鬚甘草諸物今且或失其業或亡其種所以叙次食貨者誠以民用所繫不敢從略且以明鎮原所有皆天下郡縣所共有其人農紅耕織其貨布帛菽粟其用服牛乘馬其畜狗彘雞豚饑可食寒可衣惟土物愛厥心臧異於異物之貴如斯焉已矣

穀屬

小麥

(拾遺本草)小麥出關中者為上品(治生金書)北麥花晝發故宜人南麥花夜發故發病(輯志)案小麥秋種冬長春秀夏實具四時中和之氣故有四節五葉邑中凡四種赤白芒者赤白無芒者同時布種無芒者收穫頗早(附方)用小麥麩皮洗筋淨出漿粉名烏龍膏治一切癰腫發背無名腫毒初發焮熱

輿地志下

物產志穀屬

蘭州俊華印書館排印

取效如神用隔年小粉愈久益佳以鍋炒黑冷定放地上出火毒研末陳米醋調糊熬如黑漆瓷罐收之用時攤紙上剪孔貼之即如冰冷疼痛即止少頃覺痒乾亦不得動久則腫消藥力盡而自脫甚妙

春麥

（輯志）似小麥皮厚而大少種春初種與小麥同時收穫

大麥

（綱雅）大麥牟（名醫別錄）今稷麥一名牟麥似穉麥惟皮厚（唐本草）大麥出關中即青稞麥拾遺大穢二麥自是一種（輯志）穉麥即大麥中之多芒者熟時並春去皮可以代米可以磨麵（附方）纏喉風食不能下以此麵作稀糊令嚥麥芒入口用大麥黃汁洗之即出產後腹脹轉氣急坐臥不安以大麥芽一合為末和酒服良久通轉神驗老人煩渴大麥一升水七升煎三升入飴糖二合飲之神效

案詩云貽我來牟來謂小麥言其當年來也牟謂大麥秋種而來年夏收也故禮曰勸民種麥勿或失時蓋詳秋風後也夏收禮所謂麥秋至也崔實月令正月可種春麥盡二月止本草綱目小麥一名來亦作粦九穀考來小麥皆言春麥也唐人詩曰四月南風大麥黃謂冬麥也說文天降瑞麥一來二雜廣雅大麥詳小麥粦漢書劉向傳向上封事周頌曰飴我釐粦注飴與胎同釐與來同是則鎮原所種之冬麥其為來也無疑今之大麥另是一種即唐本草所載與周頌截然不同

辨菽粟者不可不知也

稻

一名稷米俗名白米縣西川有種之者性黏與糯米相似說文稻稌也稌稻也程瑤田九穀考稻稌大名也稌糯也其黏者也稌之為言硬也不黏者也南方謂之

籼邑素有香米一種今少

燕

麥 (輯志)考爾雅名雀麥俗呼燕麥又名油麥去芒炒熟作粝食良女人產不出黃汁飲之胎死及胞衣不下用一把水五升煮二升汁服

蕎麥

(輯志)實有三稜老則烏黑一名烏麥作麵食其法不一蒸使氣飽烈日中暴令開口春取仁作飯尤佳又有南蕎麥繫四川蠻種稍大似豆麵亦同又有一

種苦蕎麥可飼豬人食必蒸使氣滿滴去黃汁乃作餅備荒附方蕎麥積燒灰淋汁一碗灰條菜曬乾燒淋汁一碗風化石灰淋汁一碗胡椒四十九粒巴豆

去殼六十粒共研末入上物砂鍋熬膏收貯治面癩用翅敷上乾則剝去再敷候癩枯白落真神方也亦枯蚌並爛痘痕蝕肉去腐最良氏穰作薦辟壁蒸

大豆

(輯志)有黑白黃褐青斑數色黑者可入藥及生芽充蔬喂牛白黃者可作腐榨油造醬餘俱可作腐及炒食廣雅大豆菽也

洋黍

壳子均白近有試種者食之味甚甜

青稞

色青無芒性寒春種夏收與大麥之有芒者別晉書載吐谷渾國產青稞貴州亦有之王禎農書青稞有大小二種似大小麥而粒大皮薄多麵無芒西人種之

洋麥

種出自美國幹高穗長粒似油麥味不及小麥嘉祥者甚少

西番米

有紅黃二種可作酒熬米湯種者亦少

小豆

廣雅小豆菽也有白黑赤綠數色俗亦因其色名之赤者入藥黃白者名飯豆可煮粥可炒食綠豆最小者性尤涼能解一切毒羣芳譜綠豆以色名作菜非有二種一種粒粗而色鮮者為官綠皮薄粉多一種粒小而色暗者為油綠又名灰綠皮厚粉少

豌豆

有青黑白斑數色白者又名藏豆一種形銳圓似同帽者俗名同帽豆亦名桃兒豆本草綱目豌豆一名胡豆一名戎菽一名同鵲豆李時珍曰豌豆苗柔嫩宛宛故得豌豆名種出西戎舊志齊桓公伐山戎以胡豆布天下即此子有大小二種大者如杏仁小者良

苦豆

本草綱目胡盧巴一名苦豆掌禹錫曰胡盧巴或云是番蘿荀子似與此名同物異花開時連莖葉採之陰乾用以糝餅氣味芬芳

菹豆

(平涼府志)一名邪豆蒔同豌豆又有藥中所用白菹豆形似小豆與此異附
白菹豆治方婦人服毒藥墮胎腹痛及服藥胎氣有傷或墮或口噤手頭眼閉
頭低似乎中風九死一生若作風治必死宜
用生白菹豆去外皮為末米飲服方寸匕良

蠶豆

(輯志)葦方中空葉狀如匙頭實似蠶形俗呼大碗豆考
此豆與碗豆同自胡中來故吳瑞本草亦以此為碗豆

菜豆

(輯志)可作粥飯磨為麵澄濾取粉可作餌頓糕生芽充蔬為菜中佳品接骨
膏治跌折神效用菜豆粉於新織內炒令真紫色旋汲水調成稀膏厚敷損處
須徧滿貼以白紙將
杉木縛定其效如神

虹豆

(輯志)一種蔓長一種蔓短嫩時充菜老則收
子此豆可菜可果可穀備用最多為豆中上品

刀豆

(輯志)莢形如刀故名嫩時煮醬蜜煎
皆佳同豬雞肉煮食尤美老則收子

黎豆

(輯志)虎豆也一名狸豆
子作狸首文黑色故名

麻苴

(沈存中筆談)古者中國止有大麻其實為苴名大麻者以別於胡麻脂麻(輯志)麻苴大麻也俗呼麻子有二種子俱苴生一名油麻葉大莖歧子多油

而皮不堪用邑中惟以榨油名麻子油一名火麻藉高葉狹長子少油七月刈之較油麻早收二三月皮可績布莖可為燭心子即火麻仁入藥用邑中向止有油麻一種火麻近日始種倫能習為績織亦貧氓衣被之至利附方截腸怪病大腸頭出寸餘痛苦乾則落落又出腸盡則死初覺截時用脂麻油浸之飲火麻子汁一斗即愈骨髓風毒疼痛不能連動用火麻仁水浸沈者一大升銀器內炒香熟木臼內搗細如粉分作十貼每貼取無灰好酒一大碗入麻粉搗滅去殼砂鍋煎至減半溫服不出十貼必失所苦矣

胡麻

（輯志）胡麻本草紛論無定蓋與脂麻種同自胡中來此物東南所無故亦不諳案胡麻細麻也有赤白二種梗高尺許莖圓葉細銳狀類石竹透骨草花有藍白藍者子赤白者子白一苗十數莖莖頭有小殼子生殼中如脂麻子而光滑多油皮可為布可作口袋今人不識祇以供薪失其利矣麻枯餅荒歲人亦食之可養魚飼牛兼肥田油塗諸溼瘡甚效

脂麻

（輯志）一名芝麻種亦自胡中來故本草亦云胡麻香而多脂與胡細麻別者莖方子房葉大耳有赤白黑三色油名香油黑者多巨勝入藥用花生禿髮人身上生肉丁者拭之即愈

菜子

(輯志)莖葉俱似蔓菁秋種春起莖花黃子似芥子油甚美俗呼菜油根甘甜貧民取以度荒油可塗瘡枯餅可肥田

藝薑子

(輯志)葉花莢子俱似芥子灰赤色可作油其種出自胡地之雲臺故名俗呼為芸格孫思邈曰藝薑子搗貼丹毒隨手即消其效如神

桂子

桂音忍(爾雅疏)葉下紫花而氣甚香一名桂桂(本草)桂子可壓油(輯志)油亦香美詩藝之桂菽菽者豆之總名桂即此

蔬屬

韭

(輯志)爾雅云家園者名韭山中者名葎一名草鍾乳一名起陽草附方胸脾急疼連背不可俛仰用生韭或根汁服之噎膈食入即吐胸中刺痛韭汁入鹽梅鹵汁少許細嘔得入漸加吐出濁涎愈有食熱物及怒鬱致死血攻心者用韭汁加桔梗服之腎氣上攻心痛者韭汁和五苓散為丸空心茴香湯下反胃用韭汁蘆汁牛乳各一杯細細溫服金瘡出血韭汁和石灰敷之玉莖強硬精流不住如針刺痛病名彊中用韭子破故紙各一兩為末每服三錢水煎服凡韭子蒸曬去皮炒黃治洩精鬼交小便頻數遺尿女人白帶白淫屢有奇效

薤

(輯志)古有今無依前志仍之

葱

(平涼府志)有枝頭生蓮子如蒜者倍辛辣(輯志)又有春末食者一種名曰小葱附方金瘡出血疼痛不止葱白沙糖等分研封之其痛立止無疤痕葱管吹入玉蒸內治小便不通及轉脬危急者極效又治卒中惡死或疑臥奄死用葱中心黃三四寸刺入鼻或耳中血出者即活無血者不可治葱子溫中益精

蒜

(平涼府志)大而植於圃者為葫野生者為蒜白小曰摘(輯志)案中國止有小蒜漢使張騫至西域得大蒜種自胡中來故一名胡蒜附方中暑毒人爛嚼三兩攤溫水送之下咽即甦不可飲冷水鼻衄不止以蒜搗敷足心毒瘡腫毒號叫臥眠不得人不能別者用獨頭蒜二顆搗爛麻油和厚傅瘡上乾即易之神效又凡一切癰腫初起用大獨頭蒜橫切一分炷大艾於上灸之不可太熱蒜焦即易由疼灸至不疼由不疼灸至疼不計狀數腫痛疣贅無不可灸其效

神通

蘿葡

(輯志)有白有圓長有水子名萊菔入藥用附方蘿葡同羊肉銀魚羹食治勞瘦嗽嗽鼻衄垂危搗自然汁和無灰酒飲之即止痰湯飲之治豆腐積中烟火燻毒蘿葡及紫嚼嚙之偏頭疼生蘿葡汁仰臥注鼻中噤口痢蘿葡切片蘸蜜嚼嚙覺味淡再換候思食少投以肉食或粥食不可過多子下氣消食除脹止

下痢後重

胡蘿蔔

(輯志)考時珍本草此物自元時始自胡地來氣味頗似蘿蔔故名有赤黃二種內外一色苗葉頗似邪蒿根生熟皆可啖兼果蔬之用子如陀牀子有毛褐

色可糊和食料

蔓菁

(輯志)一名蕪菁一名九英松諸葛武侯行軍多種之又名諸葛菜與油菜子相似但菜子根小而蔓菁根大可生啖亦可煮食

葫蔓菁

(輯志)大蒜曰葫此物形狀似葫故府志名爲葫蔓菁三月下種五六月起莖攢簇有葉如薤狀根出莖下極似葫而重大倍於蔓菁有至十餘斤者俗呼爲

整葫可生啖可熟食爲俎尤良莖之嫩者及根外黃皮蒸曬和肉煎食尤美歷考本草諸書未有言其形狀者或亦東南所無耳

葫葱

(輯志)今人以葫蒜種蒔成之者苗似葱而根似蒜故名冬春皆可食俗呼青蒜一名蒜葱元人以大蒜種自胡來呼爲回回葱

菘菜

(輯志)俗名白菜平涼府志云似菘而莖窄如葑而根大春秋皆種秋種者經霜愈美所謂秋末晚菘也

芥菜

(輯志)有花芥火芥二種二種中又各有二種花芥中一種根大者名大頭菜可淪切碎和肉食作菹尤良一種根小惟芥心嫩莖可食謂之芥藍脆美淪食

醃食俱佳火芥一種春種葉可醃食子有黃白俱名芥子白者入藥俱可研末
泡過為芥醬佐肉食黃者又可作油以種自胡中來又名胡芥附方婦人經閉

至一年者腰腿沈重寒熱往來用芥子二兩為末每服二錢食
煎熱酒服以效為度小兒乳癖白芥子為末水調攤膏貼之

茄子

（輯志）一名草豨甲一名崑崙瓜俗呼青水茄有大小二種附方根及枯莖葉
煮湯漬凍瘡皴裂根飯上蒸過治中癱瘓秋茄花乾燒研治牙痛塗患處立止
治赤白癩風茄蒂煎硫黃及白附子末拭之茄科用馬
尿浸三日曬乾炒研為末牙痛取牙每用點牙即落

瓠子

（坤雅）長而瘦上曰瓠短頭大腹曰瓠瓠性甘瓠性苦（輯志）有二種一種越
瓜長尺許名瓠子詩幡幡瓠葉齒如瓠犀即此一種似瓠而稍長脰名菜瓠瓠
一名瓠瓜皆甘滑可食
邑人曬乾用者名瓠條

壺盧

（正字通）瓠瓠皆名壺盧（陳大樽曰）瓠似瓠而圓剖開可為酒器可為腰舟
淨水嫩者可為茹（輯志）有二種有柄而圓者名甜壺盧可為茹經霜作瓢腰
細者名苦壺盧又名藥壺盧入藥用
冠子云中流失船一壺千金即謂此也

黃瓜

（本草綱目）一名胡瓜張騫自西域得來故名（杜寶拾遺）隋大業四年避諱
改胡瓜為黃瓜（輯志）有刺光二種有黃白綠三色又有架者一種並生熟可

食兼蔬蔬之
用糖醬尤良

菜瓜

(輯志)一名越瓜有青白二色長者至二尺許
生食可充果蔬醬豉糖醋藏浸皆宜亦可作菹

南瓜

(通志)種出南蕃正圓大如西瓜皮上有稜如甜瓜形色味俱不
一斑者曰蕃瓜黑者曰北瓜(輯志)邑呼為蕃瓜可留至春食

金瓜

(王貞農書)一名陰瓜宜陰地種之秋
熟色黃如金皮膚稍厚可藏至春食

絲瓜

(輯志)一名蠻瓜蔓汁可染綠瓜頭如魁首嫩時去皮可烹可曝點茶充蔬長
有至三四尺者老則大如杵霜枯後可藉鞋履滌釜器花苞及嫩葉皆可食

山藥

古謂之薯蕷杜甫詩充腸多薯蕷五代時蜀王孟昶月旦必素飧性喜薯蕷黃
庭堅有山藥湯詩負暄雜錄山藥木名薯蕷唐代宗諱豫改名薯蕷宋英宗諱
薯又改名山藥侯甯藥譜山藥曰銀條德星又宣和齋譜晉王羲之有草書山
藥帖唐韋應物詩山藥寒始著韓愈詩山藥煮可掘是山藥之名宋以前已有
矣

羊芋

形圓皮黃肉白有大如拳者續通志謂為土芋一名土卵一名土豆梁
漢人名為黃獨蔓生如芋懶殘芋即此餘見第五卷民生志飲食類

洋辣子

形似佛手色紅肉肥味不甚辣

洋山藥

俗名洋蔥桿與羊芋同類其枝葉茂盛又似向日葵冬日成熟其形長其嫩無辣味漬以鹽水可常食

蓮花菜

毬如蓮萼而大色味俱似京白菜古浪志蓮花菜四川名金瓜菜雲南志蓮花菜相傳蒙詔時觀音大士化箭鏃所成又方式濟龍沙紀略老翁菜即俄羅斯松出抽薹如蒿莖高二尺餘葉出層層刪之其末層葉葉相抱如毬取次而舒已舒之葉老不堪食割醃烹之略似安肅冬菘當即此種惟莖之長短稍殊耳

洋蘿蔔

形大色白味嫩而香與白蘿蔔相輔而行

雞頭

輯志莖方葉皺花紫根形如雞頭而肉白脆俗呼雞頭筍又有一種莖圓者花葉一如雞頭根形似小藥壺處俗名葫蘆子可生食亦可淪食

菠薐

劉禹錫嘉話錄種出自西國有僧將其子來云是頗陵國之種俗訛為菠薐唐會要太宗時尼波羅國獻菠薐菜類紅藍實如蒺藜火熟之能益食味

輯志俗呼菠菜

高苣

墨客揮塵種自高國來故名續通志高苣名高菜一名千金菜輯志邑有紫白二種紫者止可食葉白者四月抽薹高一二尺剝皮生食味如黃瓜糟食

亦良邑人鹽曬
壓實謂之高荷

菴 蓮

(爾雅疏)莖大如釵股葉如蓬蒿扶風人謂之藻聚熟按去脫去米麵
糝蒸為茹嘉美饑荒可以當穀食(輯志)即恭菜一名甜菜見扶風志

原 萎

(許氏說文)藟屬可以香口本草綱目胡萎一名香萎一名藤萎(本草原始)
張騫自西域得之一名胡萎子葉皆可用生熟皆可食(輯志)此菜中上品諸
肉得之能益味又有山萎者名鷄不食草入藥用此可代附方小兒痘疹不快
用切萎二兩酒二大盞煎令沸蓋定勿令走氣候溫含噴從頂背至足令徧勿
噴其面

芹 菜

(爾雅疏)一名水英可作菹及淪食之又有渣芹可為生菜亦可噉食
(輯志)有荻赤二種荻芹取根赤芹取莖葉並堪作菹故周禮有芹菹

金 鍼 菜

似萱草而葉細花長河東山東諸省所產為者以花之單
瓣者曬乾狀如鍼黃如金味微甜宜炒食或名黃花茶

紅 辣 菜

(輯志)蔓如野柿初結綠角經霜乃紅俗名辣
角味極辣烈嫩可為蔬乾為末可調和諸肉菜

苘 蒿 菜

(南史物性志)苘蒿香可食(輯志)七八月下種秋冬
春采食肥莖花葉微似白蒿其味辛甘作蒿氣食莖良

苜蓿

(大宛列傳)種出大宛漢使張騫取其實來始種之肥饒地(輯志)一名光風草一名懷風一名連枝命光明經謂之塞鼻力迦可為菜食和醬食亦可作麥子名米粟可為飯兼釀酒今人以飼牛馬

以下俱野生者

黃花菜

(輯志)似地丁而差小一科數花花結細子不似地丁之花成絮地丁即蒲公英亦可食菜今人多誤以地丁為黃花菜

邪蒿菜

(輯志)葉紋皆邪莖細軟作羹食良

莧菜

(輯志)有赤白二種俱名馬莧治瘰別詳藥屬黃曬作蔬至難燥以槐木槌碎向日束作架曬之三兩日乾即如隔年

辣米菜

(林洪山家清供)朱晦庵飲後輒以草菜供蔬品(輯志)考草菜即今米辣辣也本草云布地蓮生柔莖細葉三月開細黃花結細角角內有細子野人連根拔食之今俗呼米辣辣南人呼為辣米菜

薺菜

(輯志)味甘人取其葉作菹及羹詩谷風其甘如薺即此又案師曠占云歲欲豐甘草先生甘草即薺也今驗之猶信又有老薺名析葵味不及此

苦菜

（輯志）即茶也詩誰謂荼苦月令孟夏苦菜秀即此苦菜生於寒秋經冬歷春得夏乃成又一名游春有微甜極苦二種脆可生食可蒸為茹貧民曠收以度荒

秦荻藜

（山海經）秦山有草名曰藜如荻可為蔬（輯志）即今俗名藜蒺菜也最脆美府志及前志並名力肋未詳何義又有一種獨帚嫩時亦可茹蔬而不及藜一科數十枝老時作帚耐俗呼為獨科掃帚子即地膚子入藥用府志前志俱以藜蒺子為地膚子者誤

茨瀨

（時珍本草）一名灰藜莖葉上有細灰如沙而枝葉翹翹故名（輯志）考梁簡文帝勸醫文作茨瀨菜俗訛為灰條菜柔脆又有紅心茨藜一種莖葉稍大嫩時可食一名藜莖老可為杖古云藜杖即此一名萊詩北山有萊即此茨瀨自然汁治火痰喘嗽立效見聊齋志異

雞骸根

（輯志）即翻白草根也一名雞骸兒一名天藕剝去赤皮內白如雞肉食之有粉生熟皆宜小兒生啖之存之以備荒年人和飯食

仙人杖

（輯志）一名白棘即枸杞之有鉞者葉脆美可為茹昔陳子昂自言世代服食枸杞有二種子甘者枸杞無鉞葉苦子澀者名白棘葉甘作茹食去痰癰除風冷

關中道志卷之三

輿地志下

物產志蔬屬

關州俊華印書館排印

長壽果

(輯志)一名藏麻蔓生節節有根圓葉紫花根大如麥門冬黃色如金俗為呼金棒棒野人多挑食之和米炊為粥極甜美服食家多餌之故一名長壽果葉

煮湯飲止瘡疾極效

中道帽

(爾雅)中道菌(釋名)地草地雞七菌也可啖(本草)地釐似釘蓋凡菌經雨生釘上若繖狀如槌又若中道之帽者名仙人帽(輯志)菌食甚美考本草凡

煮者投以薑屑飯粒黑者殺人又冬春無毒夏秋有毒中毒者以苦茗白礬泡新水嚥之

蕈菇

(輯志)老苜蓿地挑後經雨多生又新伐樹根經雨亦生惟榆樹根生者可食

地耳

(輯志)狀如木耳一名地木耳俗呼地輦菜大抵草木之葉落地經雨雪而成者四時常有夏秋小有毒氣味清寒能明目解酒利小便研末和脂止痔瘡

果屬

桃

(圖經)關中者尤大而美(輯志)核肉有黏難二種大者曰漳桃尤美核仁可作油桃切片淪過曬乾可為脯充饑附方婦人難產數日不出用桃仁一箇劈開一片書可字一片書出字吞之即生又殺三蟲每夜嚼一枚又和蜜塗手足良

杏 (廣羣芳譜) 巴豆杏一名八檐杏關西諸處皆有 (輯志) 仁有甜苦二種可炒
煮食可作茶生杏曬乾可作脯附方血崩不止諸藥罔效用甜杏仁上黃皮燒

存性為末每服二錢空心熱酒調服

李 (王貞農書) 北方有御黃李形大肉厚甘香又有麥李麥實時熟小而肥
甜 (輯志) 邑有桃李杏李皆接桃杏樹成之者詩召南云花如桃李即此

梨 (通志) 關中處處有之其種類不一 (輯志) 邑有平頭雞腿
二種削梨蒂種於蘇蒲地經年不爛梨切片貼湯火傷止痛

棗 (詩綱風) 八月剝棗埤雅大者棗小者棘 (輯志) 棘酸棗也別入藥屬食棗惟
木棗白棗即時珍本草所稱者也長者亦間有之食椒閉氣京棗食之即解

楸子 (鄭樵通志) 一名海紅類海棠而花差小實如小核桃至
秋可食味甘酸 (輯志) 邑中用此以接花紅及柰諸果樹

林禽 (本草釋名) 一名來禽一名文林郎果 (圖經本草) 此即柰之小而圓者味甘
美其酢者為楸子亦有冬月再實者熟時曬乾研末點湯服甚美謂之林禽妙

(輯志) 俗名花紅熟時喜鵲多食之故一名來禽樹生
毛虫埋蠶蛾於下或洗魚水澆之即止見物類相感志

柰 (本草) (釋名) 即頻婆梵語也北人亦呼之 (本草綱目) 柰與林
禽楸子一類三種柰實似林禽而大西土最多 (輯志) 俗作蘋果

輿地志下 物彙志果類

棠 梨

(爾雅)杜甘棠郭疏今之杜梨白者棠赤者杜一名赤棠白棠子少酢滑美甘棠也赤棠子澀而少味語云澀如杜是也(輯志)考詩蔽芾甘棠即今之甜杜梨也俗通名杜梨又考唐志原州有土梨樹土梨即杜梨俗亦作土梨

柿

(輯志)邑中以標棗樹接成之

棗

(本草釋名)一名棗棗一名牛奶柿一名丁香柿一名棗榘子(輯志)考子虛賦名棗棗吳都賦名棗榘皆棗棗異名實甜美乾則紫黑救荒本草以為羊矢

棗者誤

石 榴

(博物志)張騫使西域得塗林安石國種以歸故名安石榴(輯志)有甜酸及干葉花者凡種折其條盤土中即生須安儼石枯骨於根下則花實繁茂見齊民要術

櫻 桃

(輯志)爾雅名荆桃月令名含桃邑呼櫻桃有結實干葉花二種

葡 萄

(輯志)漢書作蒲桃邑有紫白黑綠馬乳數種折藤壓之最為易生

蓼 藟

(本草綱目)一名山葡萄一名野葡萄蔓生苗葉花實俱似葡萄實小黑赤可食詩六月食蓼即此子朱甘酸堪釀酒

核 桃

(圖經本草)原出羌胡漢時張騫使西域得種還植之秦中漸及東土故一名胡桃(平涼府志)胡桃花可為茹醃食尤宜(附考)胡桃外青皮壓油和詹秋香塗毛髮毛黑如漆春月斫皮汁沐頭至黑煎水可染褐誤吞銅錢多食胡桃肉自化觀胡桃銅錢同嚼成粉可證

山 桃

(廣羣芳譜)山桃花開最早(輯志)即山中毛桃爾雅所謂攬桃者小而多毛核枯味遜其仁充滿而多脂焦之可滑諸菜

無花果

(本草釋名)一名映日果一名優曇鉢一名阿駟(輯志)此果無花而實亦物理之奇實則其內虛輒采之以鹽漬壓區充果食熟則紫色軟爛其味如柿而核無

土 木 瓜

(輯志)樹高七八尺葉似槐花如龍柏而白結實如石櫛子亦白色酢澀可食多生山崖及溝壑中糴及牧童打食之俗號救瓜即木瓜木桃李之屬

西 瓜

(日用本草)契丹破回紇始得此種以牛糞覆而種之結實如斗而回今北地多有之(天祿識餘)五代時胡嬌征回紇得此種名曰西瓜(輯志)色有青綠黑白駁斑瓢有紅紫子黑色又有淘子者一種小而多子但性冷又名寒瓜不可多食(松漠紀聞)有人苦日病或教以西瓜切片日服之遂愈

蘭州志下 物產志果屬

甜瓜

(王貞農書)甘肅甜瓜皮黝皆甘勝糖蜜其皮暴乾尤美(輯志)甜瓜果瓜也其類有圓長扁尖大者徑尺小者或一捻色有青綠黃斑核斑名有理首蜜箭七里香等惟邑東南香味勝亦地氣然也再案王貞云瓜類不一其用有二供果者為果瓜甜瓜西瓜是也供菜者為菜瓜胡瓜越瓜是也在木曰果在地曰蔬據此則天子削瓜及瓜祭皆指果瓜蓋果瓜本不可作蔬此茲集所據道此前志及府志俱列蔬屬誤

秦椒

(時珍本草)花椒也始產於秦人於蜀故名秦椒味辛香(輯志)子名椒目治水腹脹滿利小便十二種水氣及腎虛耳卒鳴聲勝胱急止氣喘痔漏腫痛椒目一撮碾細空心水服三錢如神

地椒

(時珍本草)出北地味微辛土人以煮羊肉食香美(輯志)能殺蟲治霍亂此與秦椒本草舊列果部今仍之

藥屬

黃精

(輯志)葉似竹小尖兩兩相對根如嫩薯俗呼野生蒸熟曬可度荒根可劈種

地黃

(平涼府志)鐵原最多(輯志)葉生布地便出似車前葉皺又不光深青色葉中揷莖上有細毛稍開小筒子花紅紫色亦有黃花者其實作房子細沙褐色

二八月採根考地黃始生秦地今懷慶人家布哇蕪種今人若能效之其利當不減於懷慶種宜虛地厚糞水澆九蒸九曬者名熟地黃病後虛汗口乾心燥

熟黃五兩水三盞煎一盞半分三服一日盡

透骨草

（輯志）高尺許草圓葉尖有齒抽三四穗開黃花結實三棱類薏麻子五月採苗子寄林貓喜食之俗呼為寄林貓核桃附方反胃噎食透骨草獨科蒼耳生牡蠣各一錢薑三片水煎服一切腫毒透骨草漏蘆防風地榆等分煎湯絲煎乘熱不住湯之三二日即消又治一切風溼癢縮瘡癬薰洗皆妙以其有透骨之功故名

柴胡

（輯志）邑所產即軟柴胡較銀夏者尤佳其苗如竹葉而緊小七月開黃花根淡赤色形如鼠尾二八月採根治傷寒後邪入經絡體瘦肌熱推陳致新解利瀉寒時氣伏暑瘧疾治不論長幼柴胡四兩甘草一兩每用二錢水一盞煎服眼目昏暗柴胡六銖決明十八銖以人乳汁和傅目上久久夜能見五色

沙參

（本草備要）北地生者真難得（輯志）初生如小莖葉青色七八月抽莖高一尺葉上葉尖長柯如葉而小有細齒開紫花狀如鈴鐸五出亦有白花者結細子根莖折之皆有白汁獨蘆者真二八月採根色黃白內虛俗名烏羊婆奶又名鈴兒草又名棉麵根專補肺氣清肺養肝益脾肺熱咳嗽沙參五錢煎服

地志下

物產志藥部

開州俊華印書館排印

車前

(輯志)此草多生道旁詩采采芣苢即此嫩苗作茹七八月收子葉根俱堪用車前能利水發而固精竅精盛則有子五子衍宗丸用車前二兩枸杞兔絲各八兩五味覆盆各四兩蜜丸人患暴下車前為末每服二三錢米飲下兒初生尿澀車前搗汁入蜜少許灌之身即不止生車前搗汁飲之

草薺容

(唐本草)原州秦州渭州靈州皆有之(原始本草)生山南及巖石上暮春抽苗長五六寸至一尺莖花俱紫色繁密莖圓有鱗甲根與肉莖相似四月中旬採取壓扁日乾治陽不興草薺好者二斤好酒一斗浸隨意飲之

甘草

(平涼府志)縣北境最多(輯志)甘草產於邑中者堅實長大較枹罕者最良故宋志著為原州土貢根節俱用陰頭生瘡密煎甘草末頻塗之效

黃菁

(唐本草)今出原州及華原者最良蜀漢不復採用定州宜州者亦佳(輯志)葉似槐而微尖又似蒺藜葉而微闊大青白色作羊齒狀開黃紫花結小尖角長寸許獨莖或叢生枝幹根長二三尺折之絲韌俗呼為米裝子

知母

(輯志)生山中葉似韭四月開花如韭花根黃色柔潤如梳背子形故俗呼為梳背草邑中惟此草與遠志頗多土人挑去以為利

志遠

(輯志)似麻黃赤華葉銳而黃其為小草三四月采根其小草可代茗

仙茅

(輯志)考本草始生西域葉如茅而輒且略闊有縱文四五月抽莖四五寸開黃小花六出其根蠟細有節或如筆管根外皮蠟褐色二八月采根俗呼馬奶頭仙茅丸治五勞七傷曰少氣力風疹繼作服之益筋力明目八九月採得竹刀刮去黑皮切如豆粒米泔浸兩宿陰乾搗篩蜜丸如梧子每空心酒下二十丸不可間斷

地榆

(輯志)宿根三月內生苗初生布地獨莖直上高二三尺對分出葉葉似榆葉而稍狹細長如鋸齒狀青色七月開花如椹子紫黑色根外黑裏紅如桐根因葉似榆故今俗呼為地榆根代指逆腫單黃地榆作湯漬之半日愈

黃連

(輯志)苗生似茶又似甘菊凌冬不凋莖高尺許一莖二葉四月開花黃色六月結實似片子亦黃色根如鷹雞爪故今俗呼為雞爪連蜀本草產秦地者亦佳附方蘇東坡收筆以黃連煎汁調輕粉蘸筆頭候乾收藏不蛀羊肝丸羊肝一具黃連一兩搗丸凡目疾皆治黃連吳茱萸等分治口瘡熱鬱惡心欲吐用黃連數分甚效

黃芩

(輯志)苗長尺許莖幹麗如筋葉從地四面作叢生亦有獨莖者葉細長青色兩兩相對六月開紫花根黃色長四五寸空腸內虛二八月採根俗名壞心芩

身如火燎煩躁引飲盡者由於肺
熱黃芩一兩煎服又治崩中暴下

秦 朮

(輯志) 朮音交幹高五六寸葉連莖婆娑如高蔭葉俱青色六月開紫花當月
結子其根土黃色相交糾左紋俗呼為左紋根春採根急勞煩熱秦朮紫胡
各一兩甘草五錢每服三錢小兒骨蒸潮熱食減瘦弱秦朮炙甘草各一兩每
服一二錢黃疸皮膚眼精如金色小便赤心煩口乾者秦朮三兩牛乳一大升

煮取七
合溫服

前 胡

(輯志) 春生苗青色極似斜蒿初出時有白芽長三四寸味甚香美人亦采食
又似芸蒿七月開白花與蔥花相類八月結實根青紫色二八月採小兒夜啼

前胡蜜丸如大豆日服一丸
熱水下至五六丸以瘥為度

防 風

(輯志) 莖葉俱青綠色莖深葉淺似青蒿而短小五月開細白花中心攢聚作
大房似茴香花其氣如芸蒿一名芸茴實似胡荽子而大根土黃色類蜀葵及

首脊根治破傷風防風天南星等分為末每服
二三匙用童便五升熬至四升許二服服即止

苦 參

(輯志) 葉極似槐花黃子作莢根味苦惡俗名地槐又名野槐治偏身風疼痛
痒苦參一兩阜莢二兩水一斤揉濾取汁石器內熬成膏和苦參末丸梧子大

每服二十九丸食後溫水服時疾熱病心燥狂言苦參不拘多少炒黃爲末水煎服連煎三服有汗出爲度苦參實如豆子久服明目

貝母

（平涼府志）出近道間（輯志）案爾雅云蔞詩云言采其蔞即貝母也苗莖細青葉亦青似蕎麥七月開花碧綠色形如鼓子花根有瓣子黃白色如聚貝子末和沙糖丸含之止嗽研末點目去目膚翳燒灰油調傅人馬惡瘡

細辛

（輯志）葉如葵赤黑色根細而味極辛嚼之習習如椒而更甚於椒色黃白俗因葉似馬蹄呼爲馬蹄香亦名細辛草諸般耳聾真細辛淡黃蠟丸鼠屎大絲裏塞之二次即愈神效

蛇牀

（輯志）即斜蒿菜子也極輕虛煎湯浴一切溼痒陽事不起蛇牀五味兔絲等分蜜丸梧子大每服二十九丸日三服女人月好病秘方蛇牀一兩炒黑糖一兩水銀一錢炒人精不拘多少飛以上共爲末溫酒一盃調服即時蒙被出汗而愈

香附

（輯志）即莎草根也烏鴉喜食之故俗呼爲鴉兒酒一切氣血凝滯結成背癰乳癰等症香附爲末每服二錢米飲下止痛排膿甚效

香薷

（輯志）葉如薄荷陳花并紫連邊成穗凡四五十房爲一穗如荆芥穗氣香葉柔可充蔬花房似蜜蜂房今俗呼爲蜜蜂草治水病洪腫氣脹不消食乾香薷五

十斤焙用細判納釜中水浸之出香蒿上數寸使氣盡去渣清澄之漸微火煎令可丸如梧子大服五九日稍加以小便為度舌上忽出血如鑽孔者香蒿汁

服一升
日二服

荆芥

(輯志)方莖細葉似獨帚葉而狹小淡黃綠色八月開小花作穗成房子細如葶藶初生辛香可啖人取以作生菜產後中風荆芥穗研末酒服三錢

薄荷

(輯志)蒸方似花赤色葉亦如花而尖長經冬根不死邑北境最多赤弦爛眼薄荷以生薑汁浸一宿曬乾為末每用一錢沸湯泡洗

紫蘇

(輯志)即今野桂之莖葉皆紫者故名一名桂桂子名蘇子梗名蘇梗嫩時可為茹白者名桂亦名白蘇為茹兼作油

山艾

(輯志)考本草以山者為佳面青背白有茸柔厚邑多誤以菴闔為艾矣艾灸百病一名醫草可代著策可作燭心碾艾難著力入白茯苓三五片同碾即時

可作
細末

益母草

(輯志)一名荒蔚葉似荏方莖白花花生節間節生花實似雞冠子黑色夏至後枯俗呼轉翎子亦名夏枯與夏枯草異詳見後小暑端午或六月六日采

子及莖葉花蜜丸名濟陰返魂丹治胎前產後百病隨症用飲極效搗汁熬膏亦良

夏枯草

(輯志)冬至後生葉似旋覆三四月作穗紫白色結子亦作穗五月便枯按本草補遺云有臭味者荒蔚無臭味者夏枯是以充蔚夏枯為一類矣不知荒蔚

夏枯形狀全異且夏枯夏至前便枯而益母夏至後至六月猶有未枯者此可辨也府志云俗名旋風邑中尤多四月菜莖葉用治目珠夜痛連目稜骨及頭

半邊用夏枯草香附子各二兩甘草四錢共為末每服錢半茶調下並治肝虛羞明冷淚疼痛又女人赤白帶下夏枯末二錢米飲調下血崩不止方同上

傷金瘡夏枯草口嚼爛罨上亦塗瘰癧馬刀已潰未潰

旋覆花

(輯志)考本草及典故諸註即今苦菜花也名金錢花爾雅云覆盜庚其疏云庚者金也謂其夏開黃花如菊盜竊金氣也田野人亦呼為金錢花

青箱子

(輯志)一名草決明葉似柳而輒莖似蒿青紅色莖端作穗如兔尾上紅下白子黑光而扁大類雞冠花俗呼野雞冠花但雞冠花中亦有狀如兔尾者其一

枝恆至數十尾此則一莖直上端止一尾故本草綱目以野雞冠花別之

紅藍花

(輯志)即紅花所絞汁以染真紅者漢張騫得種於西域有刺無刺二種邑中惟有刺一種子可作油狀似藍故名紅藍喉痺壅塞紅花汁一小升服之以

瘥為度冬月開溫水浸乾者取汁用之極效亦治產後暈絕紅花酒治婦人六十二種風

大小薊

(輯志)薊皆花紅而形如鬚大小薊皆相似大薊高三四尺葉皺心中出花頭如紅藍花青紫色小薊亦如之但高尺許葉多刺不皺一名馬薊一名千鍼草一名野紅花俗呼刺薊四月采苗九月采根崩中下血搗大薊根汁半升服之立瘥惡瘡疥癬同鹽研罨之陰冷癰腫疼痛欲死者大薊根汁服之立效小薊專主血不能消腫卒瀉鮮血小薊根葉搗汁溫服一升夏月熱煩不止小薊苗搗汁半升服之

胡盧巴

(輯志)俗名苦豆子邑中多種於園圃中至秋采實其氣味苦大溫得附子硫黃治腎虛腹冷面色青黑得茴香桃仁治膀胱氣甚效小腸氣痛炒研末每服二錢苗香酒下

蠶寶

(輯志)即馬蘭子也一名馬蘿一名馬棟子一名鐵掃帚俗謂馬棟為馬蘭考禮月令荔挺出說文云荔似薊而小根可為刷蠶即荔之譌又案本草衍義云馬蘭葉出土便硬牛馬皆不食正今馬棟也諸冷極病醫所不治者馬蘭子九升洗淨空腹酒下服一合日三服寒疝不能食及腹內一切諸疾消食肥肌馬蘭子一升日取一把以麵拌煮吞之服盡愈喉痺腫痛馬蘭子一合升麻五分水一升煎三合入蜜少許細呷大驗水痢百病馬蘭子同麵炒各等分爲末空心米飲服又方馬蘭子同乾薑黃連各等分爲散熱湯服方寸匕入腹即斷寒熱皆治神效忌豬肉冷水(本草綱目)就地叢生一本二三寸莖苗高三四尺

葉中抽莖開花結實葉似薤而長厚開黃紫花結實作角子細如麻大赤色有稜根細長通黃邑人取以為刷案馬蘭葉如薺草鹽漬可為索今人用以繫角

黍及諸菜腰

牛蒡子

（輯志）牛好食其根故名實狀惡而多刺鈎又名惡實鼠過之則綴惹不可脫故今俗呼為鼠黏子術者又隱其名為大力子葉如芋而長大實如蒲桃而褐色根葉皆可食根之大者作菜茹其益人根搗絞汁和蜜服治中風汗出搗和豬脂貼瘡腫及反花瘡

蒼耳

（輯志）爾雅謂之臬耳詩人謂之卷耳羊過之黏綴故今俗呼羊黏子亦呼蒼耳子可熬油點燈炒香浸酒去風補益一切風痺四肢拘攣蒼耳子三兩搗末以水一升半煎七合去渣服頭痛目暗齒痛鼻淵瘰癧瘡疥采根葉熬服名萬應膏偏身瘙癢作浴湯佳葉搗汁治產後痢又去疔腫如神

麻黃

（輯志）葛中甚多用以代薪婦媪皆識其非李時珍云麻黃發汗之氣駛不能久而根節止汗一如影響物理之妙不可測度如此治白汗盜汗麻黃根黃者等分為末飛細篩作丸梧子大每服一丸九浮小麥湯下夏月雜蛤粉為末撲之

木賊

（輯志）生近水地獨莖苗如箭竿無葉長一二尺青色寸寸有節經冬不枯采無時作木器者用之磨光能去木屑俗名節節草又名水麻黃治舌硬出血用

木賊煎水
嗽之即止

款冬花

(輯志)有黃紫二種一種根紫色葉似山辛十二月開黃花青紫萼去土一二寸初出如菊花萼通直而肥無子至正月燈節時開俗呼為看燈花又有紅花者葉如荷而斗直大者容一升小者容數合本草以為蜂斗葉俗呼為牛蓬葉大抵此花隆冬獨秀先春開敷得腎之體先肝之用故為溫肺理嗽之最款冬百合等分蜜丸名曰花齋治咳嗽痰喘

地膚子

(輯志)即獨科掃帚子也一名獨帚一名鴉舌草一名千心妓女益精強陰利便通淋脇下疼痛子為末酒服葉作浴湯去皮膚風熱丹腫洗眼目除雀盲澀痛患久淋取子葉搗自然汁服之立通

瞿麥

(輯志)即石竹花實也為通淋要藥用葉實

王不留行

(輯志)即前金花子也俗呼麥辣辣花如鈴鐸實如燈籠子殼五稜四月取苗子莖用鼻齧不止王不留行連莖葉陰乾煎濃汁溫服立效婦人乳汁不通王不留行三錢穿山甲炒二錢當歸身天花粉各一錢木通炙甘草一錢共為末用煮豬蹄湯一盃調服立通

白 苳

(本草)葉似初生稷苗及藜蘆開花長寸許紅紫色中心如舌七月實熟根似菱米有三角白色角端生芽連及而生二八月采根可以作齩鼻衄不止津調

白苳末塗鼻梁上即止肺傷嘔血白苳末米飲日服其效如神為末除面上疥癬塗手足皴裂令人肌滑亦研朱

析 蓂 子

(輯志)爾雅謂之大薺俗謂之老薺即甜薺藤也似薺其葉細通謂之靡月令孟夏之月靡草死即此子似芥子大而扁五月采眼熱痛淚不止析蓂子為細

末臥時以銅箸點眼中富有熱淚及惡物出并去勞肉當頻點

苳 薺 子

(輯志)即薺中之微苦者一名狗薺爾雅云薺薺藤郭注云實葉皆似芥名為狗薺案此與析蓂皆薺子但味分甜苦而逐水之功則一治水腫及暴腫薺薺

三兩杵六千下令如泥即下漢防己末四兩取綠頭鴨就藥白中宰血瀝白內血盡截鴨頭入臼內更搗五千下丸如梧桐子患甚者空腹白湯下十九丸輕者

五丸頻服五日 止水利如神

連 翹

(輯志)爾雅云連異翹有二種大翹葉狹長花黃可愛者子似榕實之未開者作房翹出眾草故物異翹小翹葉花實皆細小

藍 實

(輯志)即今大葉藍子也邑中用葉以作澱染青者凡蜘蛛蝥及蟲豸傷用大藍汁和雄黃麝香點患處立效或并服其汁取靛花名曰青黛緊繞上浮末旋

收曬乾者治小兒疳蝕下痢消瘦發熱眼澀大便青黃赤白面黃鼻孔赤穀道開張毛焦口渴四肢枯槁唇裂不乳等症用青黛散屢有奇功耳疳出汁青黛

和黃柏末乾搽口瘡青黛末拭之一婦患臍腹二陰偏生溼瘡熱痒而痛出黃汁二便澀用馬齒莧四兩青黛一兩研和塗仍服入正散而愈

篇 蓄

（輯志）即道生章也一名扁竹一名粉節草五月采苗小兒蛛咬心大痛面青口出沫臨死者取篇蓄十斤水一石煎去渣再煎如飴空心服蟲自下熱淋澀痛篇蓄煎湯類飲

刺 蒺 藜

（輯志）俗呼八角子詩牆有茨師曠之占曰旱草即此蒺藜去刺杵為末每服三錢新汲水調下日三服勿令中絕長肌肉明自輕身

穀 精 草

（輯志）收穀後荒田中所生一科叢生葉似嫩穀秧抽經莖高四五寸莖頭有小花點點如亂星九月采花明目退翳功在菊花上目中翳膜穀精草防風等分為末米飲服之小兒雀目羯羊肝一具不洗竹刀割開入穀精草煮熟食之或作丸茶下

地 丁

（輯志）春生苗覆地葉如柳而細小花有紫白二種根直如鍼紫者良結實如羊角俗名羊角子又名米布袋下地生者起壘溝壑邊生起蔓黃疸內熱地丁末酒服三錢癰疽發背無名腫毒地丁同蒼耳葉搗爛酒一盞攪汁服又方三伏日豫收地丁以白麵和成鹽醋浸一夜貼之如神又方白蒺藜末同地丁末

油和塗之又方地丁
搗汁服雖極者亦效

天門冬

(輯志)春生藤莖大如欵股高或至丈其形類松有逆刺亦有澀而無刺者葉如絲杉而細散夏開白花亦有黃花者秋結黑子在其根枝傍入伏後無花暗結子其根白或黃紫色大如手指長二三寸一二十枚同一撮俗呼為棘麻扎邑人不識以為毒往往搗以菴瘡余於邑北二十里北山中親挑正之附識於此集中所增補及沿諸舊志者大率皆經親驗云再案門冬一名癩癘一名顛棘一名管松列仙傳稱赤松子服天門冬齒落更生細髮復出神仙傳謂太原甘始服天門冬在人間三百餘年抱朴子云杜紫微服天門冬御八十妾有男一百四十人考其苦寒之性未必補益如此而清金降火滋腎潤燥止渴消痰澤肌利便之功為不可少云

大黃

(輯志)邑中多圃種莖脆可生啖能推陳致新如定禰亂以致太平故又有將軍之號性易蛀壞須寸截燒石使熱著上罇之以繩穿繫外腎偏腫疼痛大黃為末和醋塗乾即易之夷堅志湯火傷者搗生大黃醋調敷止痛無癢

土太黃

(輯志)即俗呼拜塌菜者葉似羊蹄一名羊蹄太黃抽條出穗結實如蕎麥黃色一名金蕎麥詩言采其蔬即此治疥癩極效

馬齒莧

(輯志)俗名馬齒菜有赤白二種多年惡瘡或嫩痛不已及脛瘡腫瘡焮痒不可堪者搗爛馬齒莧上即瘥男女瘡疾馬齒搗扎手寸口男左女右產後虛汗

研汁三合服如無以乾煮汁飲產婦及小兒血痢小便不通臍腹疼痛生搗汁三合入蜜一合和服赤白帶下不問老穉孕婦搗汁三大合和雞子白二枚溫

熱頓飲陰腫疼極搗傅之腹中白虫水煮一盃和鹽醋空腹食之少頃虫盡出風齒腫痛取一把嚼汁漬之即日腫消漏耳諸瘡及耳內外惡瘡頭瘡肥瘡癩

瘡用黃柏五錢乾馬齒一兩為末傅之頂上癩瘡乾馬齒燒研臘豬油和敷之小兒火丹熱如火繞臍及損人馬齒搗塗疔瘡腫毒馬齒石灰各二分為末雞

子白和傅之豌豆斑瘡馬齒燒研傅之須臾根逐藥出不出再傅身面癩痕馬齒湯日洗二次以上諸症皆人所易有而馬莧又人所易得最有便於貧民故

備錄之其功用即不止此

翻白草

(輯志)面青背白人皆識之崩中下血翻白根一兩搗碎酒煎服疔瘡初起不拘已成未成用翻白草十科酒煎服出汗即愈臍瘡潰爛五月五日午時采翻

白草每用一握煎湯傾入盆內圍住薰洗極效又洗疥癩亦良

蔓菁子

(輯志)一名天仙子俗因萬惠神應丸內稱蔓菁為先生今俗通呼為秀才花有大毒過服令人狂走見鬼神昏不知人麻藥中多用之牙齒官露風痛搗末

綿裏敲之有
汁吐出勿嚥

蓖麻子

(輯志)一名菓麻有毒仁有油可作印色及油紙內服不可輕率水瘖浮腫研服當下青黃水壯人只可五粒鍼刺入肉搗敷傷處鍼出即去藥竹木骨鯁菜

麻一兩凝水石二兩研勻以一捻置舌根嚙嚥自然不見胞衣不下菓麻二粒巴豆一粒罌香一分研膏貼臍中並足心胞下即去之若子腸挺出者即用此

膏塗頂心即收去皮黃連水浸每晨用浸水吞一粒至三四粒治大風疥癩偏風不遂啞邪搗餅左貼右貼右貼左即正口噤鼻窒耳聾搗爛塞耳塞鼻喉痺舌

脹油作紙然煙蒸一切痔腫
疼痛難忍搗爛敷之即瘥

草烏頭

(輯志)葉似艾根似烏鳥之頭一名金鴉一名土附子一名鴛鴦菊俗呼兩頭尖有大毒取汁曬為毒藥能毒鳥獸治陰毒傷寒搗末以葱頭蘸末納穀道中

遠行脚腫和細辛防風等分為末搽鞋底內可行千里久患頭風烏頭尖生用一分赤小豆三十五粒罌香少許每服半分薄荷湯冷服更隨左右嚙鼻熬膏

名射肉傅箭射獸見血立死
中毒者以黑豆冷水解之

半夏

(輯志)二月生苗一莖莖端三葉淺綠色頗似竹葉根下粗重上大下小月令五月半夏生蓋其根之生當夏之半也半硫丸治老人虛秘半夏硫黃等分生

輿地志下

物產志藥屬

蕪湖丸殺死溺死壓死斃死產死五絕症用半
夏末吹入鼻中凡心頭溫者雖經一日可活

射干

（輯志）即今扁竹俗謂為板竹葉似鳥羽及扇故一名鳥扇烏髮花有紫
碧紅黃其根通名射干皆可用為治喉痺咽痛要藥搗汁醋和噉之引涎

芫花

（輯志）葉似柳二月開花紫碧色頗似紫荊而作穗宿根白色似榆根舊枝
莖紫葉生花落葉未生時采收去水飲痰癰根療疥其氣惡人呼為頭痛花

蔞麻

（輯志）莖有刺高二三尺葉似花桑或青或紫上有毛芒觸人如蜂螫蠶以
人溺澆之即解花無實冬不彫按投水中能毒魚風瘳初起以此點之一夜皆

失

菟絲子

（輯志）苗莖似黃絲無根蔓延草上草多被纏死或生一葉開花結子黃如
黍粒八九月采花白色微紅俗呼為無根草面上粉刺取子絞汁塗之立瘥

馬兜鈴

（輯志）藤蔓附木而上葉脫時鈴尚垂之狀如馬項鈴俗謂為馬燈籠清肺去
熱今人用治人馬勞瘁大效根名青木香水煮一二兩取汁服吐蟲毒搗末水

調塗疔腫大效藤名天仙藤
疏氣和血帶治姪子腫

牽牛

（輯志）邑多種以為玩子有黑白二種治腸結黑者搗為末阜角膏丸服之即
通酒色過度二便不通脹痛呻吟用棟實苗香穿山甲倍牽牛三服平下焦陽

虛用牽牛鹽水炒黑沈香杜仲肉
桂破故紙爲丸名真丹服之

白藥子

（唐本草）出原州三月生苗葉似苦苣四月抽赤莖長似壹盧六月開白花根亦白色九月采以水洗切曬主金瘡生肌消痰止咳喉中熱塞咽中常痛今爲

治馬熱
要藥

茜草

（輯志）今染絳草也俗名茜根又呼爲驢兒黏主行血
止血治女子經水不通以一兩酒煎服之一日即通

草血竭

（輯志）小草就地而生赤莖黃花實黑狀如蒺藜之朵斷莖有汁一名地錦草一名血見愁一名血風草一名雀兒臥單今俗呼雀兒著頭治血痢不止用地
錦草曬研每服一錢空心米飲下婦人血崩嫩者蒸熟以酒鹽薑淹食飲酒一
二盞或曬乾爲末薑酒調下趾間雞眼割破出血以血見愁搗敷賊毒赤白爲

乾末米飲下
一錢立有效

烏藥

（輯志）邑人圃種今酒麵中多用之辛溫香竄通
行十二經絡爲治氣理血妙品貓犬有病可磨服

枸杞

（輯志）有二種甜者枸杞甜者名白棘邑中甜者頗妙甘平能補精益陽葉名
天精草清上焦客熱可代茶根名地骨皮除有汗骨蒸熱淫於內帶下地骨皮

輿地志下

物產志藥屬

兩州俊華印書館排印

生地黃酒煮服同鮮
小蘇煎濃浸下疳

麥門冬

(原始本草)生川谷及隄阪石間久廢處葉青如韭一名烏韭又名馬韭羊韭
又類莎草秀長凌冬不彫根類積麥有鬚連珠二月十月采附方衄血不止麥
門冬生地黃各五錢煎服立止
齒縫出血麥門冬煎湯漱之

旋花

(輯志)纖細莖生葉似柳而小其花粉紅色不作瓣狀如軍中所吹鼓子故謂
之鼓子花其根似筋一名筋根田野最多旋鋤旋生故名旋花俗名苦子蔓又
名打碗花根能續筋筋斷者搗汁滴傷處渣
傳其上半月不開筋自續矣花去面好黑色

小茴香

(輯志)邑人多圃種治陰疝用大小茴香各一兩用豬脬一箇連尿入藥酒煮
爛為丸服惡毒癰腫連陰腫疼痛急舉牽入小腹不可忍一宿殺人者用小茴
香葉搗汁一斗服之日三四服用其渣貼腫上冬月采根用此方
起死回生不可輕忽小兒遺尿鹽炒研末飲飯中時用之極效

胡黃連

(輯志)初生似蘆乾似楊柳枯枝心黑外黃不拘時采折之曬出如
煙皮黃白亦有蒼黑者為小兒驚疳良藥解喫煙毒合茶服之甚效

金銀花

(輯志)邑多種以為玩花初開白色經久變黃故名藤多左纏一名左纏藤凌
冬不彫又一名忍冬忍冬酒治癰疽發背初起便服奇效忍冬五兩甘草一兩

水二碗煎至一盃再入酒一盃略煎分三服一日一夜喫盡重者日貳劑服至大小腸通利則藥力到忍冬丸照前分兩酒煮曬乾同甘草爲末以所煮餘酒

打糊爲丸熱毒血痢濃煎服又方金銀花連莖葉自然汁煎服治一切腫毒未潰已潰

蒲公英

(輯志)嫩時可茹與黃花菜同但此花罷飛絮與彼不同俗因清公之名相呼爲閑老蠶又一名黃花地婦人乳癰醫諸惡瘡腫毒飲根葉自然汁良封之

尤良乾者煮汁用亦通淋漱齒鄭方升曰一莖兩花高尺許者掘下數尺根大如拳旁有人形拱抱搗汁酒服治腸噎如神

山慈菘

(輯志)葉如韭根與老鴉蒜略同花有紅黃狀若燈籠一名金燈俗呼爲山丹花廣筆記云根無毛俗云有毛誤也治癰瘡疔腫癩癧結核蛇虫狂犬傷醋磨

服治粉渣面野山慈菘搗爲膏夜塗日洗

馬勃

(輯志)生溼地及腐木上紫色虛輒如狗肺彈之紫塵出一名馬它府志云卽今馬皮泡同白礬吹喉中治喉痺咽痛外用傅諸瘡良

五加皮

(輯志)生苗作叢又似藤蔓高三五尺莖青上有黑刺葉赤色生五枚作簇每一葉下生一刺每五葉簇聚若節四葉三葉者最多四五月開白花結青子至

六月漸黑色根皮黃肉黑有白骨甚硬十月采根俗以爲羊吸條者誤五月五日采莖七月七日采葉九月九日采根合爲末服治五勞五加浸酒常服大有

補益鄰縣崇信所
產者尤為著名

曼陀羅花

(輯志)即俗名醉麻仙者曼陀羅蕃語也葉似茄一名山茄子一名風茄兒花此花笑舞種采釀酒飲令人笑舞俗用以戲襟姻附方八月采此花七月采火

麻子陰乾等分為末熟酒調服三錢
少頃昏昏如醉割瘡鍼灸初不覺苦

阜莢

(輯志)邑所有者即豬牙一種俗名牙阜本草云樹多刺采角時雜上以篋籬其樹一夜其角自落有不結莢者樹鑿一孔入生鐵三五斤以泥封之自然結

莢亦一異也考阜莢能損鐵亦投其所感云附方阜莢浸酒中取盡其精熬作膏塗帛上貼一切腫痛大效治休息痢多年不愈牙阜炒黑為末白細炒黃等

分為末水調下以瘥為度神效鬼魔不寤阜莢末吹鼻中能起死人中風不省人事或口噤不能進藥以末及半夏末吹鼻中有噓生無噓死或用阜莢末一

兩白礬五錢每用一錢溫水調嚙不拘奇瘍惡毒用生肥阜去子弦及筋搗爛醃醋和敷立愈不愈再敷奇驗又方生肥阜火煨存性生油膩粉調亦敷諸惡

瘡阜角木不可作
薪燒燬大損釜

酸棗仁

(輯志)即孟子所謂槭棘者有二種甜而差大者名山棗仁不入藥酸而小者名酸棗九月采破核取仁主安心療膽虛不眠及膽熱好眠

蕤仁

(輯志)俗名馬兒刺五六月采實取仁爾雅檇曰白櫻詩大雅芃芃檇檇即此其仁生治足腫熟治不眠怡赤爛眼用蕤仁杏仁去皮研勻入膩粉少許為丸

每用熱湯化洗

金櫻子

(輯志)大類薔薇有刺四月開白花夏秋結實亦有刺黃赤色形如小石榴一名山石榴俗以其似油瓶呼為油瓶子采收半黃者去刺核用大能止痢澀精

盧藥

(本草拾遺)似乾茅赤黃色味鹹溫無毒主折傷內積瘀血生膚止疼治五臟除邪氣產後血病煮服之亦搗傅折傷(輯志)俗名殺血草類葶草而葉厚大

極辛臭俗用以治經血不通冒風寒病服之能活血發汗隨手而愈

巨勝子

(平涼府志)道曰野胡麻(輯志)形狀與胡麻無異結實子黑色俗呼為野胡麻滋陰益陽本草不明以為即芝麻中之黑者誤矣

菴朮子

(輯志)莖穗俱似艾惟葉似菊而薄而背皆青莖花者以之接菊主五臟瘀血腹中水氣臃脹及婦人月水不通消食明目

茵陳蒿

(輯志)雖蒿類苗細莖幹經冬不死至春更生舊苗而生新葉故名俗呼為鐵桿蒿為治黃疸之君藥陽黃利大黃梔子治之陰黃和附子炮薑治之極效

白鮮皮

(輯志)苗高尺餘莖青葉稍白如槐四月開花淡紫色似小蜀葵根白色內實數作羊翅氣息一名白羊鮮俗名白雞婆五月采收根皮為諸黃風痺之要藥

白鮮皮一味湯治產後風又治鼠瘻有口膿血出者白鮮皮煮汁服一升當吐鼠子而愈

王瓜

(輯志)苗蔓花大類狸瓜結子纒如彈丸及大棗生青熟赤根似葛細而多糝月令四月王瓜生即此俗謂之土瓜味有土氣亦如山藥一名黃瓜根子皆用

一味單服能下乳搗汁和伏龍肝末服治傷寒發斑甚效

墓頭回

(本草原始)山谷俱有根如地榆長條黑色聞之極臭俗呼雞糞草(輯志)俗名脚汗草乾久益善今人用治傷寒溫瘧極效又治崩中赤白帶下不拘新染

久嬰百藥不效者每用一把水酒各半蓋童便半蓋新紅花一捻煎七分隨臥服少則一服多則三服無不神驗

白頭翁

(輯志)苗作叢生柔細葉生莖端上有細白毛而不滑澤近根有白茸正似白頭老翁故本經名野丈人又名胡王使者俗呼為白頭翁治熱痢合黃連黃柏

秦皮煎服之治偏墜傳患處極效

杜牛膝

(輯志)考爾雅名荊甄豕首本草名天門精葉似菘菜而小一名地菘根白如短牛膝故名杜牛膝結實殼有三稜四稜最黏人衣子極尖細乾即黃黑色俗

呼為大黏子辛味如薑有麥句蓋之號氣香如蘭有蟾蜍蘭之稱狀類蘆又謂蝦蟇蘭略似蔓菁又呼天蔓菁原始云昔劉暹射一鰲剖五臟以此草塞之厥

然而起爐怪而拔草便倒三試皆然因名活鹿草因密錄種主折傷多愈世又傳爲劉燼草甘寒微毒能破血一婦產後口渴氣喘面赤有斑大便泄小便秘用行血利水藥不效用杜牛膝濃煎膏飲下血一桶小便通而愈又能止血吐痰除熱解毒殺虫治乳蛾喉痺又方治砂淋血淋濃煎加麝少許神效又小兒急驚慢驚風牙關緊閉不省人事絞汁入好酒灌之即甦又以醋拌渣傅項下服汁亦吐瘡痰漱汁止牙痛搗傅蛇虫螫毒煎湯洗痔渣塞患處良

鶴 蝨

(沈存中筆記)即杜牛膝子有狐氣炒熟則香(輯志)苦辛有小毒殺五臟虫治蚊蠶腹痛面白唇紅時發時止者肥肉汁調末服又方蜜丸如梧子每早五十九丸蜜水送下

羊躑躅

(輯志)葉似紅花莖高二三尺夏開黃花三月采花羊誤食則死俗名毒羊草有大毒主賊風淫淫在皮膚中痛及溫瘧惡毒諸痺

角 蒿

(輯志)葉似白蒿花赤可愛亦有白花者角長二寸許微彎子似王不留行黑色七八月采一名莪蒿一名蘿蒿味辛苦有小毒治惡瘡有虫及口齒瘡千金

方曰薺薇根角蒿爲治口疔之聖藥

箭頭草

(輯志)苗初場地葉可作茹一名莖芽菜至夏葉間撥葶開紫花結三瓣角兒有三稜內子如芥子而小紫褐色蒴乾裂子落有似大茴香狀只三角傳諸腫

毒止痛散血搗汁洗馬毒瘡并服之又塗蛇虫
毒及癰疽俗以其角有似箭頭呼為箭頭草

穿地鱗

(輯志)苗比水荳矮短莖葉亦類水荳其莖節密葉稠比水荳葉瘦小可作菜
食根赤黃有節穿地人呼為穿地鱗一名兔酸主筋骨折傷今人接骨藥中多
用之入藥用根苗葉燻熟以新
汲水淘淨油鹽拌食可救荒

花屬

牡丹

(輯志)周子所謂花之富貴者邑有赤
白二色千葉單葉二種又有荷包一種

芍藥

(輯志)世說牡丹為花王芍
藥為花相邑有紅白二種

蓮

(輯志)省志西蓮花池盛植
故名今若效之亦成一景

菊

(輯志)邑有大葉一種色有紅黃紫白粉紅泥金水紅淡黃淡碧大類楊菊有
小葉一種色惟赤黃白皆稱甘菊又有花葉俱小者名曰苦蕒皆宿根又有子

種秋開者
名六月菊

薔薇 (輯志) 一名牆薔 邑有粉紅黃色二種黃者
俗名刺梅 紅者俗名梅桂子名營實入藥

月季 (輯志) 俗名月月紅 薔薇類也 逐月開放不結子 談楚翁試驗方治瘰癧 未破
用季花頭三錢 沈香五錢 芫花炒三錢 碎剉入罈 魚腹中以魚腸封固 酒水各
一盞煎熟食之效 魚須
安薑水內遊死者方效

龍柏 (輯志) 有赤紫白三種略似
丁香皮葉極苦甚於黃柏

探春 (輯志) 似龍柏花
而細小綽約

紫荊 (輯志) 花深紫色
即田氏荆也

海棠 (輯志) 枝硬略墜花稍紅生子如木
瓜可食勝於南海又有秋花者

木槿 (輯志) 有檨榔二名故爾雅云檨木槿檨木槿其華朝生暮落可食又名舜詩
鄭風頤如舜華即此木中白皮名槿皮服之令人昏昏欲睡久病不寐者宜之

迎春 (輯志) 十二月及正月
開放小黃花不結實

素馨

(輯志)枝幹扁那葉似茉莉而小邑中頗妙其花壓油澤頭其香滑

千石榴

(輯志)花黃如金光彩奪目不結實

千櫻桃

(輯志)二月開放未綻時苞形如唇深紅可愛

葵

(輯志)葵為五菜之一故詩云烹葵今人不解食之矣其種不一有蜀葵一名戎葵俗名蜀季紫者可染又呼紫花葉似葵花似木槿又有千葉如木芙蓉者即爾雅所謂蒹也

有莧葵花小初開如單葉蜀葵有檀心色如牡丹中姚黃即爾雅鄭疏所云有毛灼之可食者也又有黃葵花大如盤鵝黃色紫心六瓣而側且開午收暮落即爾雅翼所謂傾日者也又有龍葵葉似茄子形若老鴉眼睛謂之龍珠大抵遲開者名冬葵色濃者名錦葵

鳳仙

(輯志)有黃紅紫碧諸色肥莖可為醃以充高筍根入取牙藥用子犯之即自裂名急性子亦入藥花可染指故又名指甲花

雞冠

(輯志)此以形名也高者四五尺矮者莖圓扁不一圓長至一二尺色有紅黃白諸種花最久耐霜又有雁來紅花穗子俱同雞冠惟葉九月紅又有十樣錦

花穗子亦同雞冠惟葉六月紅

玉簪 (輯志) 有白紫二色
花未開時正如簪形

水仙 (輯志) 根如雞
卵冬生夏死

金盞 (輯志) 花狀如盞子四時不絕夏月結
實在萼內宛若尺蠖蟲數枚盤屈之狀

金錢 (輯志) 其苗大似紅藍花而無刺高一二尺葉如柳莖細六月開花如菊銅錢
大深黃色田野人皆呼金錢花余細案即今苦菜花也一名滴滴金一名夏菊

在藥中名曰旋覆午開子落羣芳譜又名子
午花六月開黃花盜金氣故爾雅名為盜庚

水紅 (輯志) 似蓼而大花赤繁紅高丈餘爾雅
云紅龍古其大者爾詩云隰有遊龍即此

扁竹 (輯志) 俗呼為板竹一名烏扁一名野豈
花花多紫亦有紅色者其根即藥中射干

石竹 (輯志) 有細白粉紅紫赤斑爛諸色有花微大
有叉極香亦有千葉單葉結實即瞿麥入藥

剪金 (輯志) 即麥辣辣花也子即王不留行 (世說) 蜀主嘗好
此花後絳宋遷汴人言此花曰王不留行故又名禁宮花

輿地志下 物產志花類

廣州俊華印書館排印

翦紅羅

(輯志)花似石竹而大深紅色六出周迴如翦成可愛又有翦春紗花亦如石竹稍大四圍如翦鮮紅

茉莉

(輯志)開小白花黃者一種可代桂蒸茶又一名奈花楊慎丹鉛錄云都人簪奈花即此

百合

(輯志)形似山丹花有白紅二色紅者上有黑點根俱如蒜可食

山丹

(輯志)葉似百合而粗其花深紅色鮮妍可愛根亦如獨蒜形

粟

(輯志)俗呼米殼即藥中粟殼(平涼府志)花有五色脂為阿芙蓉其皮為粟殼

以下雜小花

十層樓

花繁枝茂 萬壽葵 花最耐久 狀元紅 色深葉綠 藏金蓮 花紅黃氣穿心梅

如梅花自 粉淡梅 如梅粉紅 一錠銀 如梅五月 荷葉蓮 葉似荷 爛葉蓮

葉爛時起 轉枝蓮 又名串竹 夾竹梅 似竹葉窄 珍珠花 以形似名 地棠花

有千葉草

草屬

龍

鬚

(唐地理志)原州土貢毡氍毹龍鬚草席(平涼府志)俗呼莎瓜以鹽紉爲
鞭爲索唐人作席貢焉今人若能之當獲粟數倍(輯志)俗以其絲堅多取以
爲索又呼爲絲秧邑北處處有之今
人不解爲席自失其利附識於此

蒲

(盧氏詩疏)蒲似莞而編有脊滑柔而溫可爲席
(輯志)萑蒲類也邑蒲川河以此得名今頗尠

葦

(輯志)可爲席覆屋詩云
蒹葭中庸云蒲葦卽此

荻

(輯志)似葦而小可覆屋又有蘆
花白根可爲簾籠諸具農用尤夥

莎

(輯志)其草可爲笠及雨衣故詩云彼都人士
齊笠緇撮根名香附子其草農家取用尤多

蕒

(山海經)崑崙之邱有草名曰蕒食之可已勞(西陽雜
俎)瓜州飼馬以蕒草(輯志)蕒似莎而硬鹽漬可爲索

萱 (輯志)花與黃花菜同根與麥門冬同俗謂萱草為川草

蔥 (輯志)莖葉花俱似萱而窄小有香氣撲鼻

蓬 (輯志)蒿草之不理者也種類非一有彫蓬即今臭蓬蓬蒿之屬有黍蓬即今棉蓬有子可度荒者詩召南蒹蓬荀子蓬生麻中不扶自直皆此

茅 (輯志)有白茅春生茅如鍼可噉夏白花秋黏根白有節有管茅長大抽莖開花如荻結實尖黑黏衣刺人根如細竹根即爾雅白華野菅有黃茅葉在莖上

莖下有白粉根有黃毛短硬無節秋老可為索綯有香茅葉有三脊其氣香俗訛為香麻即禹貢包匭青茅根俱入藥用

蓼 (輯志)考蓼音料其類皆高有飛揚之貌有青香水馬紫赤木七種紫赤二種葉小狹厚青香二種葉俱薄馬水二種葉俱闊大有黑點水蓼蔓生葉似柏六

蓼花紅白惟蓼花黃白諸蓼冬死香蓼宿根重生可為生菜

蕭 (輯志)蒿也春時各有種名秋老統名為蒿有經冬不死因舊而生曰因陳有

色葉俱青香中炙啖者曰香蒿又名芸蒿有色綠帶黃氣辛臭名黃花蒿即今臭蒿草蒿有初生白於他蒿根莖肥生熟可食即詩註所謂繁蒿爾雅所謂艾蒿有開淡紅紫花或白花花罷有角者曰角蒿有宿根叢生先於衆蒿葉似斜

蒿可蒸食曰羅蒿一名黃蒿一名抱娘蒿卽爾雅所云莪蒿詩小雅所云青青者莪有葉似充蔚開紅白花結角如小豆角而銳長曰馬先蒿卽爾雅所云蔚牡蒿詩所云匪莪伊蔚有葉獨禿於諸蒿俗謂之齊頭蒿卽牡蒿有莖叢不及著叢之多而莖直可爲燭心者曰著蒿有莖柔肥可生熟食者曰斜蒿有可作

索然火辟蛟者曰白線蒿又有赤蒿箭頭蒿大抵蒿類不一邑人統呼蒿蕘

芒

(輯志)有二種如茅而長大快利傷人花穗如蘆葦花者名芒又有短莖白花者名石芒並於花時剝釋皮可爲繩箔草履諸具其莖穗可爲掃帚

萃

(輯志)蒿屬青白色似蕭而極肥初生香可生食蒸食詩小雅呦呦鹿鳴食野之萃考爾雅釋草云卽藟蒿

藻

(輯志)生水底或水旁有羅紋不一其種

苔

(輯志)水苔也一名石髮多生石上爾雅薄石衣卽此

藓

(輯志)一名遊屋一名八鮮好生人家屋牆上葉似莧而小有黃花

蕨

(輯志)莠屬葉作腐齒如鬼鍼有根如釵名蕨杷又名郎罷

輿地志下 物產志草屬

莠 (輯志)似稷而無實詩齊風云維莠孟子云惡莠亂苗皆此

煙

(陔餘叢書)王阮亭引姚露旅書謂煙草一名淡巴菰出呂宋國能辟瘴氣初漳州人自海外攜來蒲田亦種之反多於呂宋矣然唐詩云相思若煙草似唐時已有服之者(王肱枕詞菴瑣語)煙葉出閩中邊上人寒疾非此不治關外致以一馬易一助崇正中禁之(景岳全書)我明萬歷時出於閩廣之間其服習之始以征滇之役王師病寒途弛其禁今三尺童子莫不喫煙(輯志)煙之耗費不啻邑村田中亦有布其種者習俗難移莫若多種廣收猶得省費

箭

(輯志)似藜其樹可為掃蕪俗呼箭子爾雅云箭王翳即此

苻

(輯志)似藜可為掃蕪即今馬箭子爾雅云苻馬帶即此

藟

(本草)節節有根著土如結纓羊馬喜食之一名羊粟一名馬飯其氣極臭(輯志)俗呼臭蓬而根甚清香亦物理之異也

馬棟

(輯志)一名鐵掃帚根可為馬刷一名旱蒲似蒲而小俗以此繫角黍腰及封菜鹽漬可為索及編席又名三堅草葉堅莖堅根堅子名馬蘭子入藥用月令荔挺出即此

蓆具

(述異記)一名塞路生北地胡地古詩云千里蓆具草即此(輯志)可為草帽覆屋邑西北間有之

守田

(爾雅疏)名皇似燕麥子如雕胡不可食生廢田中(輯志)今荒場廢田中皆有一名守氣雕胡芥別名

毛蠟

(輯志)生稻田中形似蠟燭其毛絨可以止血

狗舌

(輯志)多生溝壑溼地葉似車前而無文理抽莖開花黃白色

馬鞭

(輯志)莖葉似益母花穗似車前能破血殺血

鼠尾

(輯志)蔓生俗呼牛兒蔓可染皂根名蘆杷小兒多挑食之

狼尾

(輯志)一名孟今人用以覆屋

蓆箕

即芟草也可編蓆故名金史謂之小燕莢甘肅無地不產而沙漠為尤多(輯志)哈關外戈壁灘及關內不毛之地夏極熱冬極寒他草不生惟生芟芟此草與竹同性質堅而幹直冬還凋遇陽氣復生惟心實此與竹異者也五代史契丹襄澤有息鷄草味美而本大馬食不過十本而飽殆今蓆箕耶魯蘭舊志稱為

積積古浪志稱爲其其甘州志稱爲藉藉卽武威志及王全臣甯夏渠務書所稱爲席其者也古詩千里席具草任訪述異記席具草一名塞路生北方席具

疑是席其之訛至玉篇所云及藎草謝靈運山居賦自註及皮可作紙本草綱目白芨或作白及或作白給皆與席其異種

藍葉

南原農人多種之俟長成用藍葉之汁和水與石灰沈澱而成謂之水靛用以染布色耐久自洋靛興而國內染料無人過問矣

蘆

蒲蘆見中庸其萌芽可食略如竹筍俗名蘆筍稱秋開細花甚繁密其莖可以編筐葺屋其根可作薪其葉可喂牛馬

案爾雅釋蟲云果蠹蒲蘆郭景純註云卽細腰蠹也俗呼爲翳蠹沈存中筆談乃云蒲蘆說者以爲螺蠹疑不然蒲蘆乃蒲葦耳故曰人道敏政云存中謂

蒲蘆非螺蠹其說是矣然果蠹之爲蒲蘆爾雅業有明文特蘆字不以草耳

棉

共有三種有絲質草本木本之殊一曰絲綿出於蠶緝一曰木棉出於交廣名班枝花一曰草棉史照釋文所言形狀是而以解木棉則非也其曰竹爲小弓

長尺四五寸今之制棉花弓長五六尺以羊腸爲弦彈之聲如晴雷邱文莊謂棉花元始入中國殆未考史照之說也唐李商隱詩木棉花發鷓鴣飛南中木

棉樹大盈抱花紅似山茶而蕊黃花片極厚非江南所藝者雲南阿迷州有之嶺南尤多邑人所種者草本耳可織布

木屬

松 (輯志)有二種
舊多今少

柏 (輯志)有油柏木良有側柏有異柏在玉皇閣前此八景之一
天下有三異柏此其一也前志謂野雲簪柏朶插成者妄

檜 (輯志)柏葉松
身即今刺柏

桐 (輯志)邑東彭陽縣暨
蕭金鎮等處最多

楸 (輯志)似桐一名
梓亦邑東最多

槐 (輯志)有青白黃諸種其木材
理堅實可為車輻青者尤良

桑 (輯志)邑中最多亦最易生而其利不聞竊聞茂陵楊雙山先生之說曰蠶桑
逐處皆宜我秦人自誤於風土不宜之說知耕而不知桑是有食而無衣每歲
賣食買衣因衣之費而食耗其半又兼諸凡之費莫不取給於一耕稍有荒歉
則衣食俱困人但知凶荒始於無食而不知實胎於無衣大旨謂邪風一詩詳

輿地志下 物產志木屬

載周秦先世蠶桑豈宜於古而不宜於今又引孟子王道章為質旨哉斯言不獨切中三秦病痛尤切中邑中病痛余嘗謂木棉麻苧氣寒難成至桑則山陡皆宜夫有桑之處即無不可養蠶余嘗身試數年實有成效因東西奔走半途遂廢邑之人誠能各於隙地布種七八十株訪求養蠶繅絲之法即不諳織紵而質絲易衣不數十年而豐衣足食久之女習知織皆衣其夫而女紅亦與由是風俗日醇敦詩書興禮讓豈不盛哉願吾輩共相勸勉勿視為迂闊焉可

椿

（輯志）香者名椿可為茹夏書作杙左傳作檉蘇橫作種皆一物臭者名檉實名鳳眼草與根皮俱入藥山者名栲不材香者材粗臭者有黃白二種白者良

榆

（輯志）有刺有山有黃有白刺者名樞詩唐風山有樞是也山者名蕪莢入藥用白者名粉詩陳風東門之粉是皮粉可救荒仁可作羹皮可治不眠可作糊

黏瓦石子至乾可釀酒醬黃者可為車轂車輻諸具

楊

（輯志）有白赤青黃四種白者風驟至葉如大雨聲即詩唐棣偏反者青者葉長赤者霜降葉赤材理亦赤黃者性堅緻難長歲長一寸圍年倒長一寸又有

撥楊葉圓而弱微風大搖材皆可用

柳

（輯志）有楊柳枝硬而揚一名蒲柳可為箭有垂柳枝弱而垂一名澤柳有赤柳材理赤可為窗棧有柔柳即杞柳可為車轂諸柳根俱可為筴箕諸具

檉(時珍本草)檉河柳也小幹弱枝皮赤葉細一歲三花(輯志)俗名沙柳即觀音柳也一名兩師爾雅翼云天之將雨柳先知起氣以應即此又食霜不彫乃

木之聖故名與柳不同故從別列故詩大雅云其檉其楛其木為炭淋汁可煮銅有脂號檉乳

楓(輯志)似白楊而香厚葉弱枝善搖

檀(拾遺本草)葉堪為飲至夏有不生者忽然葉開當有大水農人候之以占水旱

械(輯志)一名白松小木也叢生有刺實如耳璫紫亦可啖詩大雅凡械樸即此

茶(輯志)縣西北多有前志載神翁洞口有香茗今枯

竹(竹譜)楠類之中有物曰竹不剛不柔非草非木小異空實大同節目(輯志)邑中有者皆中實

畜屬

馬(輯志)有田馬有乘馬毛色不一

牛 (輯志)牛無他異願邑人賴其力以服田而老則斃於屠宰之手甚矣其忍也普願邑人共相勸誠焉可

騾 白騾肝見呂氏春秋宋徽宗御駁騾見揮應錄烏騾見陸游詩集甘肅所產騾父馬母所生曰馬騾馬父騾母所生曰騾騾古謂之駃騠見說文騾身軀小

邑人多寶諸脚行不似馬騾之為人寶貴也然唐兵志以尙乘掌天子之御左右六閑飛黃吉良龍媒騶駼駃騠天苑是駃騠亦可寶貴矣楚辭九歎注馬母

騾父生子曰騶駼約古今注與楚辭注同又玉篇駃騠騾父牛母蓋亦騾之一種也甘肅則未之見不知者通謂之騶駼矣

驢 (正字通)長頰廣額修尾大耳有褐白黑三色以午及五更初而鳴應漏刻

犬 (坤雅)有田犬吠夫食犬 (輯志)田犬獵獸吠犬伺守食犬若今菜牛

豚 (輯志)豕之稱名不一邑通呼杜者曰殺豬杜者曰母豬

羊 (輯志)有白黑二種白者曰綿羊黑者曰羯羊羊之子曰羔杜曰羝杜曰母去勢者曰膳羊

貓 (輯志)有黑灰黃白黑斑諸色杜曰郎杜曰女睛能定時

雞(輯志)大者曰邊即鬪雞
小者曰柴去腰子曰膳

鴨(輯志)鴨類不繁只有家野之別一
名家免一名鶩水禽也皆雄瘠雌鳴

鵝(輯志)善鬪夜鳴應更見異類必差翅鳴一
名家鳳一名舒鴈(爾雅翼)家曰鵝野曰鴈

禽屬

鵠(輯志)似鶴頂不丹長頸赤喙色灰白短尾俱黑多集於高木
其飛上奮屑霄旋繞如陣仰天鳴號必主有雨俗呼為老鵠

鵠(輯志)似鴈無後趾毛有豹文
一名獨豹俗訛獨豹為鵠豹

鵠(陸機詩疏)如鵠而大喙長尺餘頰下胡大若雀小
澤中有魚羣杼水滿其胡棄之竭澤食魚俗曰淘河

鴈即陽鳥也昔陽鳥攸居時鴻雁于飛肅肅其羽傳大曰
鴻小曰鴈隴東春秋多鴈春北鄉秋南翔必經過縣境

鳶俗名鷂鴈又名花鴈蘭州人呼為餓老鷂詩小
雅鳶飛戾天即此曲禮前有鷹埃則載鳴鳶

雉 (輯志) 漢因呂后諱改雉為野雞今俗呼雉為野雞

鵲 (輯志) 有喜鵲一名鵲鵲有練鵲純白有山鵲名鵲彩色長尾背脚赤

案爾雅翼涉秋七日鵲首無故皆髮相傳以為是日河鼓與織女會於漢東役烏鵲為梁以渡故毛皆脫去歲華紀麗鵲橋已成羅注織女七夕當渡河使鵲為橋庚肩吾七夕詩倩語離陵鵲填河未可飛李商隱詩星橋橫過鵲飛迴天下理之所必無而為事之所或有者此類也夫

鳧 (輯志) 水鴨也背青卑脚紅掌短喙長尾詩鳧鷖在涇即此

蛇頭 (輯志) 形似雀而頭如蛇

鳩 (輯志) 布穀也俗名種穀一名鷓鴣似山雀而小短尾青黑色性拙不能為巢詩召南云維鷓鴣有巢維鳩居之又化物月令仲春鷹化為鳩王制仲秋鳩化為鷓

鷓鴣 (方言) 尸鳩自關而西謂之鷓鴣 (嚴粲詩緝) 左傳五鳩備見詩經祝鷓鴣鷓鴣也四牡嘉魚之離是也唯鳩關關唯鳩之鳩是也鷓鴣布穀也曹風之鷓鴣是也鷓鴣大明之鷓是也鷓鴣鷓鴣非斑鳩小宛之鳴鳩無食桑椹之鳩是也 (輯志) 案草木疏鳴鳩即斑鳩 (方言) 自關而西秦漢之間謂之鷓鴣

桑 鳧

(陸佃詩疏)有二種青質者鶩曲食肉好盜脂膏素質者其翅與頰皆有文章所謂率場啄粟有鶩其羽也(輯志)考爾雅以為鶩雀朱子詩註以為青雀本

草綱目以為蠟鶩雀即今俗呼為蠟兒者但蠟鶩食粟與陸氏後一說合而毛色與二說俱不合存之俟考

黃 鵠

(詩秦風)交交黃鳥(陸璣詩疏)黃鵠留也或謂之黃栗留一名倉庚一名鵠黃一名楚雀一名鶩一名搏黍一名金衣公子關西謂之黃鳥當椹熟時往來

間 桑

烏

(輯志)一名慈鳥一名孝鳥一名寒鴉俗呼鴉兒即廣雅所謂純黑而反哺者也邑中人家多畜之前邑侯宗義六先生有鴉兒詩今附入其序云秦鴉之出

原州山中者鶩赤馴習依人畜之庭前見人鬪則飛鳴排解釋則止噫秦鳥過人詩曰干尋緣石壁五月探鴉兒丹喙原殊衆鳥衣恥炫奇翻飛爭解鬪飲啄

近多知綴羽渾無恨哀鳴自昧時

鴉

(本草綱目)一名烏鴉一名老鴉有三種似慈鳥而大背腹下白不反哺者鴉鳥也似鴉鳥而大白頂者燕鳥也似鴉鳥而小穴居者山鳥也一名鴉出西方

(輯志)不反哺者廣鴉通謂之鴉今俗或呼為老鴉或呼為哨鴉

輿地志下

物產志鳥類

三二七

關州俊華印書館排印

練了

(平涼府志)鳴則殺野蚋蟲死焉
蜡神也見者宜起敬慎勿害

鷓鴣

(輯志)鷓鴣俗呼鷓鴣子善逐雀(列子天瑞篇)
鷓鴣為鷓鴣為布穀久復為鷓此物變也

戴勝

(爾雅疏)禮月令戴勝降於桑方言自關而西謂之戴為或謂之戴
頰(輯志)案勝為婦人首飾此鳥首有文如勝故名俗名羊帽帽

鷓鴣

(廣韻)
鷓鴣屬

鷓鴣

(輯志)音松似鷓而小
能捕雀俗呼鷓鴣

鷓鴣

(平涼府志)有家生野
種青灰白紫諸色

鷓鴣

(本草綱目)鷓鴣性醇窠伏草澤無常居而有常匹隨地而安故莊子云聖人鷓
居其行遇小草避之亦可謂醇矣(輯志)月令云田鼠化為鴽即此雄者足高

雌者足卑邑有
鐵嘴鷓最善飼

鷓鴣

(輯志)俗名水老鷓色黑赤
如鷓而長喙善沒水取魚

鷓 (輯志) 一名負雀似雀而差
大善捕雀俗名雀兒鷓

燕 (輯志) 亂鳥也詩
燕燕于飛即此

雀 (輯志) 一名瓦雀一名嘉賓言常棲人家屋
檐如賓客也有麻白二種冀名白丁香

鴛 (輯志) 似雀而無白腹俗呼鴛
雀與雀之色麻者別是一種

鷓 (坤雅) 一名怪鷓一名隻狐靈無所見夜即飛噉蚊蟲莊子所謂夜撮蚤察毫
末晝出暝日而不見邱山是也 (輯志) 本名訓鷓又名幸胡即賈長沙所謂鷓
鳥也俗訛為訓狐又訛為鴛鵒頭目如貓似鷓而大色黃夜多擾人家雞食之
喪伏夜出鳴聲惡訓其名自呼亦捉鳥子而食之入人家多凶前人以鷓為

一物
者誤

鴉 (輯志) 似黃雀而小綠色長則食母古者冬至捕鼠即鴉詩陳風有鴉萃止
鴉頭能彼飛鴉集於泮林即此其肉美莊子見彈而求鴉炙此等不孝之鳥人
人宜朝暮食之務絕其類焉可俗
呼夜鷓子夜鷓入人家則主不祥

輿地志下 物產志鳥類

金翅 (輯志)本名鵯鳩似山鵯而小翅黃色一名鵯鳩(本草)其鳴云鈞鞞格磔自呼也

半翅 (輯志)大如山鵯而尾有紋麻黑相間

斑子 (輯志)有文彩俗名火斑斑子而大如瓦雀

鵯 (爾雅疏)一名脊令一名鵯鵯大如鵯雀長脚長尾尖喙背上青赤色腹下白頸下黑如連錢飛則鳴行則搖詩小雅云脊令在原即此

鷦鷯 (說文)桃蟲也俗呼黃腹雀喙銳如錐(輯志)此鳥巢於葦若剖取葦中蟲食之小於黃雀其雛化而為鵯故陸璣謂鷦鷯生鷦鷯詩周頌璧允彼桃蟲拚飛維

此鳥即

斥鷃 (輯志)小雀也常晨鳴如雞案禽經雉上有丈鷃上有赤赤同尺言雉上飛能丈故計丈鷃上飛能尺故計尺莊子所謂斥鷃騰躍不過數仞下翔蓬蒿之間

是也俗名蒿宿

啄木 (本草綱目)此鳥斲裂樹木取蠹食故名一名裂禽經云裂志在木鷦志在水(異物志)此鳥有大有小有褐有斑褐者雌斑者雄又山中有一種青黑色頭

上有紅毛土人呼山
斫木亦名火老鴉

鷓鴣

鷓鴣

(平涼府志)一名叫霜如鴉而稍大啼則霜
將至(禽經)鷓鴣飛則霜鷓鴣飛則露其名以此

聒

雞

(平涼府志)形
如鴨頭似雉

沙

雞

爾雅謂之鷓鴣博物志鷓鴣生關西(本草綱目)突厥雀一名鷓鴣一名寇雉李時
珍曰唐書高宗時突厥犯塞有鳴鷓鴣飛入塞邊人驚曰此鳥一名突厥雀南

飛則突厥必入寇已而果然肅鎮志沙雞鳥身鼠爪重修皋蘭縣志沙雞
不常見聞自縣北羣飛而至至則主災諺云沙雞過不是年凶便是禍

臊鷓鴣

說文作卜雉俗名鷓鴣雉似鷓鴣而大脩尾黃背翅下及腹兼紅藍白三色頂
有長毛如雞冠或赤或黃其名自呼見人則撲嘴一聲冠毛開裂氣甚臊

鷓鴣

(本草)俗呼早鷓鴣可為箭羽(廣韻)黑色多子黃頭赤目又有白鷓鴣名鷓鴣
悍多力盤旋空中無細不睹(平涼府志)黑者大而鷓鴣黃羊之羔(輯志)俗

呼為
花豹

濫堆

(平涼府志)
大如鷓

輿地志下

物產志鳥類

四一

蘭州俊華印書館排印

呱

雞

(輯志)如鴉而大麻色善飛窺多羣呱呱有聲

蝠

蝠

(輯志)似鼠而肉翅夜出食蚊蚋俗呼為夜蝙蝠

鵓

鵓

(本草綱目)五更鳴其聲架架格格漢人以為榨油郎又曰鳳凰阜隸汴人呼為夏舌如燕黑色長尾有歧頭上戴勝一名鷓鴣鳥

獸屬

狐

(輯志)邑狐多色麻名曰沙狐

狼

(通志)秦地處處山中有之

獾

(方言)獲關西謂之獾(本草綱目)獾猪獾也獾狗獾也皮可作褥

鹿

(輯志)古有今無

狸

(輯志)家曰貓野曰狸今間有

兔 (王充論衡) 兔舐毫而孕及其生子從口而出 (輯志) 邑有家野二種家者色有黑白野者麻又有一種前腿低後腿高跳足而行名曰跳兔

寓屬

鼠 (輯志) 一名田鼠月令田鼠化為鼯即此其形類鼠而肥多膏無尾黑色尖鼻常穿行地中故又名隱鼠俗呼瞎鼠子早歲為田害方言又名犂鼠謂起地若

耕說文云鼠伯勞所化

黃鼯 (輯志) 大似小狸赤色其腰黃色故一名黃腰善啖鼠亦制貓

鼯 (本草綱目) 似鼠而身長尾大黃赤色其氣臊臭善捕鼠及禽畜又制蛇虺莊子所謂騏驎捕鼠不如鼯鼯即此一名黃鼠狼埤雅取其毫與尾可以製筆

松鼠 俗民鼯鼠毛通體豹文長三寸許尾與身均緣崖直上身體如飛人不易獲安慶府志松鼠似鼠而尾為盤山志松鼠有二種小者不過三寸通身豹文最靈

註

鼯鼠 (輯志) 一名拱鼠即今黃鼠考本草晴暖則出坐穴口見人則交其前足拱而如揖乃窺人穴即詩所謂相鼠韓子所謂禮鼠也

輿地志下 物產志附屬寓屬 蘭州俊華印書館排印

鼯鼠 (爾雅疏)形大如鼠頭似兔尾有毛青黃色好
在田中食粟豆(輯志)形似小貓俗呼寄林貓

老鼠 (輯志)小獸善
為盜一名家鹿

蟲屬

蛇 (酉陽雜俎)蛇有水草木土四種(爾雅翼)蛇草居常饑每得食稍飽輒復脫
殼冬輒含土入蟄及春出蟄則吐之(埤雅)牛以鼻聽蛇以眼聽(輯志)蛇入

人口用刀割破尾尖納花椒十數粒自
出(平涼府志)有青黑白花黃水六種

蝴蝶 (本草綱目)一名蛺蝶蝶美於鬚蛾美於眉大曰蝶小曰蛾其類甚繁皆四
翅有粉好嗅花香其交以鼻交則粉退(丹鉛錄)有草蝶水蝶水蝶在水中

蛾 (輯志)有飛蛾善拂燈一名火花一名暮光
(平涼府志)野蛾有黃白青種生好妨害稼

蜂 (輯志)家養者為蜜蜂
餘有馬黃土木桃諸種

蠶 (輯志)古多今問有
之府志又有野者

蟻

(輯志)俗曰馬蟻又呼蚍蜉馬
有大小白黑赤飛種者一名螿

莎雞

(朱子詩註)斯螽莎雞蟋蟀一物隨時變化而異其名(圖經本草)生林木上
六月中出而振羽索索作聲人或畜之樊中頭方腹大翅羽外青內紅而身不

黑頭不赤(本草綱目)居莎草間似蝗而斑有翅數重下翅正赤
六月飛而振羽有聲(輯志)蟋蟀一名促織語曰促織鳴懶婦驚

案詩爾風五月斯螽動股六月莎雞振羽十月蟋蟀入我牀下朱註云斯螽莎
雞蟋蟀一物隨時變化而異其名此說恐未確也按爾雅云蟋蟀郭註云

蟋蟀也俗呼春蟋陸佃云亦或謂之春箕草木疏云蝗類青色長角長股股鳴
者也或曰似蝗而小股黑有文五月中以兩股相切作聲聞數步者是也此蟲

一生九十九子詩周南斯羽即此蓋斯螽即蟋蟀郭註云小螽黑身赤頭一名
云斯螽類非一此其一種也爾雅又云幹天雞郭註云小螽黑身赤頭一名

莎雞又曰榜雞陸佃云其鳴以時故有雞之號詩曰六月莎雞振羽言於是時
莎雞羽成而振迅之也幽州人謂之蒲錯古今注一名絡緯謂其鳴如紡緯也

此則莎雞自成一種也爾雅又云蟋蟀郭註云今促織也亦名青蟹陸佃云
似蝗而小善跳正黑有光澤如漆一名蓋一名促織一名吟蓋秋初生得寒乃

鳴世則蟋蟀自成一種也三種之蟲顯然
各判紫陽竟欲混而一之不知何所據耶

輿地志下 物產志蟲類

開州俊華印書館排印

蟲 螽

(爾雅疏)一名螽子也(本草)瘦長修股善跳有赤斑數色亦能害稼詩超超蟲蟲即此(輯志)俗名馬蟮

白 螳

凡屋舍梁棟用松木者大抵多生白螳其形似蟻而差大色白腹肥有光澤初皆緣地而生遇松即齧一螳當先衆螳以次踵至首尾相續不絕如線若有部伍行列然久則生翼遇春末夏初溼熱之日成羣飛出不返其未生翼者居木中齧食極易孳生齧食既久其屋輒有崩塌之患

草 螽

(爾雅疏)一名負螽大小長短如蝗奇音青色好在茅草中又名草螽詩嘒嘒草螽即此(輯志)此物動股作聲俗名叫馬蟮

炸 蟻

(輯志)似蝗而小亦善跳即爾雅土螽俗呼蟻蟻

樗 雞

(本草)頭方而扁尖喙面下四足重翼黑色及長能飛外翼灰黃有斑點內翅五色相間其居樹上布置成行(輯志)即樗樹上蟲俗名椿牛者爾雅疏以爲即莎雞者誤

蟻 蟻

(本草)一名地蠶大者如足大指以背滾行詩首如鱗蟻即此

蚯 蚓

(本草)一名蝸蟻一名土龍入藥用(博物志)蚯蚓長吟地中謂之歌女(輯志)俗名地吟吟

蟻

蟻(輯志)一名蝓蟻一名推車客一名黑牛兒一名鐵甲將軍一名推丸莊子云蟻娘之智在於轉丸即此喜入糞土中取糞丸而推卻之其蟲深目高鼻狀如

羌胡背有黑甲狀如武士俗呼屎持牛

土

鼈(輯志)形扁如鼈俗名鼈箕蟲逢申日則過街細與燈蛾相牝牡

蜚

蠅(輯志)一名茶婆蟲一名香娘子即今俗名尸蚣蚣者形似蠅而輕小本生草中八九月知寒多入人屋裏逃避春秋蜚不為災即此

蟾

蜾(本草)一名瀨蝦蟇生人家溼處腹大皮上多疥疥有大如盤者皮中汁有毒大齧之口盡腫

蝦

蟇(本草)在波澤中背上有黑點身小能跳接百蟲解作唧唧聲舉動極急

螻

蝈(本草衍義)一名田雞一名蛤魚一名青雞春後脚長故善跳大其聲則曰鼃小其聲則曰蛤(本草綱目)蛙好鳴其聲自呼南人食之呼為田雞肉味如雞

(東方朔傳)長安水多蛙魚家給人足(圖經本草)似蝦蟇而背青綠色尖嘴細腰俗謂之青蛙又有背作黃路者謂之金線蛙(輯志)案考工記云以腹鳴

者鼃之屬農人即其聲之早晚大小以下豐歉故唐人章孝標詩云田家無五行水旱卜蛙聲禮月令云螻蝈鳴即此

蝌蚪 (本草綱目) 即蝦蟆子生水中。有尾如餘魚。漸大則脚生。陸農師云：初生有尾。無足。月大盡則先生前兩足。月小盡則先生後兩足。(輯志) 俗呼河墓蜆。蜆子。

委蛇 (輯志) 泥鰌也。出莊子註。

蚰蜒 (爾雅疏) 似蜈蚣而細長。呼為吐舌。喜入人耳。

好蚘 (齊民要術) 害稼者。汜勝之術曰：牽馬令就穀堆食。數口即以馬踐過。為種無好蚘蟲。

尺蠖 (埤雅) 似蠶食葉老亦吐絲。作室屈伸蟲也。今人布指求尺一縮一伸如蠖之步。謂之尺蠖。豈放是乎。

好蜉 (爾雅疏) 一名渠略。似蜉蝣而身狹長。有角黃黑色。聚生糞土中。朝生暮死。緒好啖之。(輯志) 似甲蟲。甲下有翅。能飛。詩曹風好蜉之羽。衣裳楚楚。即此俗呼。

夾蠅

水蛭 (本草) 一名馬蟻。一名馬蠶。處處河池有之。有數種。似水中馬蟻。得蓄人腹中有血者。乾之為佳。

蟪蛄 (輯志) 一名天蟪。一名仙蛄。一名蟪蛄。俗名天蚰。穴土而居。有短翅。四足。雄者善鳴而飛。雌者腹大。羽小。不善飛。翔吸風食土。喜就燈光。此物春生夏死。夏

生秋死故莊子云
蟪蛄不知春秋

蠍 虎

(輯志)
食蠍者

臭 蟲

一名牀蝨唐劍南節度使鮮于叔明好食臭蟲杭州人以臭蟲多窠卜家業盛衰相戒不敢治又壁蝨一名蟠蟲屬蜘蛛類今博物家析牀蝨與壁蝨為二鎮原東西兩川人家多臭蟲入夜緣牀入被吮人肌血最可厭恨祛之不盡

蠅 虎

(輯志)小喜蛛捕蠅
食之謂之蠅虎

蜘蛛

(輯志)有數種有草土布網者有地中布網有在人家屋檐布網者大者蜘蛛小者喜蛛(西京雜記)蜘蛛集而百事喜(關尹子三極篇)聖人師蜘蛛立網器(爾雅翼)春月游絲有長數丈者蜘蛛所為

壁 錢

(本草)大如蜘蛛而扁時作白幕如錢貼牆壁間白色如繭此蛛有毒故人至死以桑柴灰煎汁調白礬末傳之俗名扒虎

蛭 蟄

(本草)形似蜘蛛穴土為窠穴上有蓋覆穴口俗名土蛛

叩頭

(本草)大如斑蝥黑色按其後則叩頭有聲能入人耳灌以生油則出

守宮

(本草)一名壁虎人家牆壁多有之狀如蛇鬚灰黑色扁首長頸細鱗四足長者六七寸善捕蝎蠅

蝸牛

(輯志)似小螺白色頭青有四黑角行則頭出驚則首尾俱縮一名土牛

斑蝥

(本草衍義)七八月大豆葉上甲蟲也長五六分黃黑斑文鳥腹尖嘴黑頭赤尾春食芫花為芫青夏食葛花為亭長秋食豆花為斑蝥冬入地中為地膽

蟠

(爾雅疏)一名鼠婦一名蜘蛛在壁根下窠底土及鼠坎中似白魚者是也(輯志)案詩東山云蜘蛛在室即此俗呼土蟲

蟬

(爾雅疏)一名白魚一名蝻魚今衣書中蟲本草謂之衣魚

螢

(輯志)夜飛腹下有火一名耀夜一名景天一名耀耀一名憐一名丹鳥一名夜光一名宵燭腐草所化禮月令腐草為螢詩東山熠燿宵行即此晉車武子

家貧不常得油夏日則練囊盛數十螢火以照書

載

(爾雅疏)一名蝟毛蟲有毒一名毛載

蠅 (坤雅) 青蠅亂色蒼蠅亂聲 (詩註)
蠅之爲蟲汗白使黑汗黑使白

蠟 (輯志) 一名蠟尾蟲一名主簿蟲一名杜白長尾爲蠟短尾爲蠟古語云蜂蠟垂芒其毒在尾蠟螫人用井底泥塗或瓦溝上泥塗或畫地作十字取土水服

方寸匕古今錄驗謂以木盃合螫處神驗余近得一方較靈寶如意丹十數粒塗之神效又方用膽礬研末和醋塗之立止白礬亦可

蝻 (輯志) 一名蚊蝻人飛蟲也俗呼蚊子 (博物志) 地溼則生蚊 (爾雅翼) 惡木中子子所化嗜人肌膚其聲如雷 (莊子天運篇) 蚊蟲嗜膚則通夕不寐

蜻蛉 (古今注) 一名蝴蝶色青而大小而黃者名蝴蝶小而赤者名絳縵一名赤衣使者好集水上亦名赤弁丈人

蛺蝶 (本草) 一名野蛾一名風蝶色白背青者是其大如蝴蝶者或黑色或青斑名爲鳳子

結葦 (輯志) 一名結草蟲好於草末折屈草葉以爲巢窟

蠶 (爾雅翼) 齧人蟲大曰蠶小曰蠶

蝶 (爾雅疏) 一名蝶蝶似蚋而喜亂飛 (列子殷湯篇) 春夏之月有蝶蚋者因雨而生見陽則死 (輯志) 俗呼雨蝶亦呼遊蝶

輿地志下 物產志蟲屬

蘭州俊華印書館排印

魚屬

魚

(輯志)邑中惟鯽魚一種似小鯉色而黑狼泥多無雜物可食亦有紅色金黃者惟大洋湫為多近有三尾五尾諸種皆人家盆畜者

鼈

南人呼為團魚四周有裙味美五代史補南唐僧謙光無拘檢尤嗜鵝鼈常曰但得鵝牛四隻腰鼈著兩重裙足矣

鱉

(輯志)大者如錢

貨物

清初章實齋永清縣志記製榨器蘇州府志記孫春陽南貨店之歷史光緒秀山縣志述丹砂桐油煙草石炭之貨湘潭為商業著名區王闓運選其邑乘亦深能注意及之他若博山之於玻璃浮梁之於磁業普通物產尋常貿易亦皆詳哉言之近代工商業化之都邑中尤應極力提倡以窮社會經濟之變况甘肅乎鎮原出口貨物如燒酒菜油蜂蜜等看似平常要皆土地之所產也

火 硝

各處均有惟縣城附近鹹土熬成者質最佳為邑產物中出境之一大宗

胡麻油

本草綱目胡麻一名狗彘一名油麻沈存中筆談胡麻即今油麻邑人以此榨油行銷於鄰縣

輿地志下

物產志貨物

九七

蘭州俊華印書館排印

菜子油 色黃而味香宜炒菜冬則結為一塊行銷固原等縣

蜂蜜 行銷甯夏等處比洮岷所產更上一層近購意國蜂種實行改良每年收蜜亦漸多

黃蠟 由蜂滓中溶煉而成

麻 不及華亭所產之柔軟

羊皮羊毛 皮分二種色白者曰棉羊皮黑者曰山羊皮毛分春秋二季春毛粗而長秋毛短而細近無銷路

驛駒 入鎮皆產惟蕭金所產最馳名每年七月開會秦晉豫客商來縣買驛者絡繹於途

靛 南三鎮農人於高原上種糜葉及長成刈葉積汁和以石灰可為靛染衣不脫色自洋靛行而土靛無人過問矣

栽絨毯 清末邑宰宋連貢提倡實業捐廉派員詣甯夏迎織師來縣設廠使巧手作機收貧民子弟以教栽毯未及三年製成之貨已行銷陝西省矣

昔太史公著貨殖傳自鐵鑛以至洋芋皆筆之於書傳之於後世斯誠注重

實業之苦心矣甘肅物產豐富而十室九空皆工商業不發達之故也省政
府調查工商業而各縣呈報率以一紙空文敷衍塞責而已以衆所知如秦
安之褐康縣之紙成縣之鐵甘谷之毛襪武山之草帽辦武威之水磨澄張
掖之掛麵氈鞋酒泉之各種玉器何一非工人所製何處無商業團體宜詳
其製造方法交易價額行銷地點斯亦提倡實業之一端也賢有司其留意
乎

重修鎮原縣志卷之叁

建置志

自繇作城而後之司險守固者因之置堞牆建樓櫓以睥睨非常此金湯之謀所以宜取諸豫也城鎮原枕山阪南沿大河雷穿冲塌自昔為患時治之功所不可少顧繕修何年恢復何代往牒雖仍而皆非故址蓋今治成於有元故溯城池者斷自元始

秦置朝那縣

是為鎮原置縣之始朝那即大洋湫詳見輿地志山川

漢析北地置安定縣

領縣二十一高平臨為首詳見輿地志古蹟

獻帝興平元年冬十月分安定扶風為新平郡

時馬超韓遂等亂雍涼帝東遷許昌安定陷於超

晉安帝義熙三年秋七月夏王赫連勃勃議定都高平不果

後魏置高平鎮兼置原州

後魏即併赫連緣邊列鎮於後套置沃野於靈置薄骨律於鎮原置高平三鎮鼎峙相為形援關隴邊境無患者百

年

北周武帝天和四年築原州及涇州東城

隋置湫谷縣

元和志湫谷縣取縣內湫谷為名

唐代宗廣德八年冬十月元載奏請城原州

原疏見文存奏議類

德宗貞元四年冬十月吐蕃城故原州而居之

吐蕃城詳見民族志種姓內

貞元十八年夏四月涇原節度使劉昌奏請移行

原州為平涼城詔從之

此即縣西故臨涇城唐為行原州至此改為平涼城

宋太宗至道二年置鎮戎軍於原州

涇原經略使郝玘築臨涇城

仁宗慶歷二年冬十月知環州种世衡知原州蔣偕築細腰城

范仲淹奏疏詳見藝文志奏議

類

元李思齊城原州即今之縣城也

(平涼府志)縣城在高平川北

元和志以為彭陽川蓋縣川東西俱有彭陽近是

元至正二十年平章李

思齊遣僉院張德欽築縱橫各六百步縱贏一分池深及仞雍門四損北增

西樓櫓三十餘明成化末知縣徐鏞增修嘉靖癸卯知縣雙應麟加板崇四

尋有二尺完樓櫓

(李志)隆慶時邑令高自治馬呈圖相繼補修令陳遇文建四門樓令趙以

莊開小東門即今東門東西北三面剝削侯李榮加築

(張志)萬歷時南城一帶被河水冲崩及後喪亂縣遂棄而不守故城址崩

削益甚清初僑治縣南黃家岔堡康熙四年侯甯世延詳請截築新城一道

工未竟而遷侯孫象觀踵成之新開南門並舊小東門小西門爲三門云

(縣册)乾隆二十二年侯荆有慶重修東南二門

縣城 邑城北包大山中峯南臨好水周六里四分六厘四毫自元至正二十

年建築迄今五百四十有九年清道光二十七年以前變遷已述於前茲查

卷檔花門變後歷事粘補同治九年邑侯廖溥明補修全城十一年侯左壽

堂補修雉堞光緒二年侯易簡移河固城四年侯宋之章補修北城十一年

侯劉玉衡補修南城二十三年侯汪宗翰補修北城三十年侯宋運貢補修

西南城並移河固城

附錄邑宰宋運貢稟各憲原文其辭曰竊卑職於光緒二十九年十月十七日到任後周歷城垣見南城外土崖下緊臨茹水河相去不過數武詢之紳士據稱前數年河水距城尚有十餘丈近年以來被河冲塌甚多再遲數年恐南城亦將不保舊南城於國初時冲入河內今之南城係康熙年間新修之城等語卑職邀集城鄉紳士周歷河道上游謀築隄移河南行之策惟費工太鉅非旦夕所能奏效而經費又無所出籌之再四惟有集民夫於每年農隙之時家出一工通力合作三年後可望成工商之紳民老農亦皆樂於從事遂於三十年九月農忙後開工挨戶傳工畚插齊施於河之上游南山下向東開一新河道計寬八九丈十餘丈不等長二百餘丈於河之上游趁北岸石咀俗名避水珠之處築一隄一道寬三丈高八尺長六十餘丈於是年九月內即堵截向北河流移入新開之道東行因冬月地凍停工旋於三十一年二月農事未開之時動工築隄開渠四月十五停工不料是年六月河水因雨暴發所築之隄被

建德志 縣城

開州後學印書館排印

水冲去者幸水落後河仍歸新道東行緣隄雖冲潰而北岸地勢已竟淤高故也復於秋後動工重新築隄較初次築隄向北又寬出十餘丈以容大水將騰出舊河道灘地作成方塘計登百餘方於冬月地凍時停工而工尙未竣也仍復於去春二月動工雇石匠於上游南岸逼河北行之石咀鑿成石方石條大者千餘斤小者數百斤陸續抬置北岸土隄之腳層累而上如臺階然緣隄兩旁以柳條編爲長船船之兩旁插小柳樹兩行其密如櫛中實土石於三月間河水稠時引水入渠由渠入塘十餘日方塘內卽淤尺許之泥其平如砥又於方塘之透築小隄高四尺寬一丈長二百丈以障水於四月中旬種稻登百四十七畝於八月初八日稻熟收穫卽於方塘之外築場納禾計共碾獲稻穀登百三十四石七斗是役也歷三年之久始覩成效計陸續共集民夫二萬五千餘工計栽小柳樹壹萬五千三百餘株計用大小石方石條壹千五百餘塊作工者每人日給米粥一次計用石工編柳條工及麻繩土籠鉄線小米樹栽等價壹千五百五十餘串內除用罰款錢五百串其餘由卑職捐發卑職日督工分所應爲惟監工官員前署理經制張樹德現任典史崔祥基卑職家兄附貢生宋連發及紳士義貢任國棟例貢劉文選附貢田培林武生張生運廩生劉秉直范耀宗范希淹劉浴武舉李憲章附生劉渥恩張繼先監生張紹文吳清華附貢張必昌從九段鳳麟等亦皆輪流朝夕從卑職所敢攢擬此項騰出無微勞呈錄可否仰邀獎勵之處出自逾格鴻施非卑職所敢攢擬此項騰出

舊河灘地畝及去年所收稻谷仰祈批示立案永遠充入鎮原高等小學堂作為常年經費實為公便再有請者三十一年潰隄舊河仍入新道去年樓稻至夏居然有秋雖衆人之出力實平招河神之效靈可否叩懇頒發匾額由卑職敬謹懸掛茹水河神廟前之處伏候鈞裁所有卑職到任三年以來築隄移河固城及新開稻田稻谷充入學堂并請獎出力官紳頒發河神匾額各緣由謹恭稟具陳

民國六年知事劉循良補修東南城隅十一年縣長劉萬鵬以寧夏護軍使賑銀登百五十兩修全城雉堞暨東門洞十七年縣長王正寬補修北城十九年縣長蘇天民於匪氛猖熾中修東西城門樓各三間且東樓下基土箱窰三隻使高出西樓以正賓主位二十二年縣長錢史彤補修北城並飭公安局長黨效賢按照馬路形式興修街道以利於行又城東南水洞填塞多年二十三年秋雨經月城垣漫倒十丈餘史彤集士紳妥商即事鳩工築城而外並在城內砌一石井深丈餘井底用石向南鋪出上用磚旋洞長五丈餘使水由井下注平緩出洞以免沖激城根而期久遠紳李世棟段與邦董其事時經費月需款四百餘元始竣亦邑工也

按邑侯宋紳直移河固城用意至美惜未澈底計其僅移至南岸加之後繼無人不知防固未久水患又至矣近年愈浸愈塌南城危極如不早為堤防一經

塌陷改河修城勢必並進所費當較現在更多並二十二年縣長錢史彤蒞任有鑒及此並考查前志如固縣城非使河由故道不可於是呈准改修但以經費維艱萬分未及動工

案邑城建於元順帝至正二十年距今民國二十三年合五百七十餘年有奇其間亦祇黏補並未重築乾隆三十年凡甘省破損城池奉文勘修邑令吳道甯竟以堅固詳報嗣後賢父母迭經補葺但傾圮過甚中外無分竟成坦道穿窬之患延及官舍矧可禦外寇乎嘉慶五年楚匪逸至固原牛營川邑人震恐公派錢文於西南重加補築而東北則俟江勻楠令里民葺之稍稍完固雖然民力幾何克荷此任非動官帑興工終成築舍再者城南河道舊從河南黃家岔東流溝底皆石斯鮮

衝塌自河失故道不惟故南城冲崩且將近截築之南城而邑至不可居矣將來欲建新城先決河水使循故道並治山水以防穿罅爲工無多而萬世利賴是在仁人君子矣

街市

古者日中爲市交易而退各得其所此市政之所由昉也都會如此郡縣亦如此清乾隆浙江鄞縣志於疆里篇中備載市肆甘肅西甯府志備載城關糧麵市舊志於街巷中兼記居宅中者尙有而記及市肆者殊鮮夫各縣均有極久之市場與商號資本固難鉅萬而信用普及社會在一縣經濟上恆爲重要關鍵其潛勢力實足以左右其地之商業此而缺如國民經濟將奚從而託始三

輔黃圖洛陽伽藍記其書坊間有可考而知者斯足徵古肆所立古人有詳述者矣鎮原自同治兵燹後城內一片焦土所有東西街商肆皆亂後復興建築幾經培植垂六十年元氣稍復而舊觀如在後之視今猶今之視昔

今縣治

(張志)元征都督帥府明洪武初縣丞鄭旺建宣德八年縣丞李廉重修成化間侯徐鏞修萬曆八年侯陳遇文增修二十一年侯李榮修中為正堂五間有

暖閣左右庫房二間又左為贊治廳右為學聖堂各三間署內仕學堂曰燕思堂後為知縣宅宅東為縣丞宅典史宅西為主簿宅為吏公廨西南隅為犴獄

東南隅為土地祠東序為吏戶禮承發房西序為兵刑工舖長房中央為儀門東西有角門前為大門上有譙樓左為事友堂右為願學堂外為照壁戒石牌

左為旌善亭申明亭萬歷間裁縣丞缺又裁主簿缺宅俱廢崇禎十五年流賊破縣及闖逆之變官署民舍俱為邱墟

初官居城南山堡順治十三年侯吳一夔移治於城北山窩康熙四年甯侯世琿始移建於故址即今規模三十六年李侯穎達重修四十四年遭回祿之厄

後宅灰燼五十三年侯志彤捐俸重新之又建一草亭於宅後以上年遠多廢

今治規模

(輯志)正街南照壁譙樓為衙門門內偏東為土地祠次為儀門儀門之次有戒牌稍西為犴獄近戒牌左為民壯班又為馬快班上為正堂五間左右為庫左庫之左倉五間右庫之右倉四間又有倉一在西序之南一在東序之後左後為馬房馬房之後有倉數十間堂之東序為吏禮戶承發房西序為兵刑工倉屯糧房偏西為典史署詳見後

解署

高牙大纛堂切題垂所以勤政者在斯所以臨民者亦在斯當斯境也履斯地也賢有司其有思乎撫我虐我侯詛侯祝一步履而將有凜凜其祇懼者下之衙官佐貳亦當推國家命吏以之意無曠厥職陰造蒼生之福彼高坐堂皇濫行職權者此座亦豈可惜矣

鄂公臺

上鑄古原州三字

凡事必有所由來有人過宣化大通見民居門闥屋脊多飾獸物當時頗以爲異後閱乾隆宣化縣志乃知此明代邊軍官房之遺縣署大門口如城門洞者然據父老云此爲前代涇原節度使舊署又云唐初鄆國公尉遲敬德閱兵於此理或然歟

原州辨

清張元鼎邑人

按漢武置安定郡領縣二十有一而高平臨涇彭陽在鎮封內焉臨涇彭陽無可擬議惟高平遺趾在今鎮之南原城隍廟杜寨詳注古蹟查其地勢高大廣平與唐徐彥引公羊太原之解正相符合魏之太平原州隋之平涼唐之舊原州平涼郡宋之鎮戎軍皆在此地及觀平涼府固原州志所載與鎮邑互相摺稽被固各有所見而究之不能無誤也何者舊高平南二十餘里高平川久屬府治北百里外卽屬固原據今已有飾古所無記事者之鋪張往往類是余獨以爲今府治爲古涇陽高平川之西以上自爲舊屬於高平無與焉固原舊爲高平地史不記其官師者特附高平已耳其地當在鎮原西北百里外之內若

今州治去舊高平三百里之遙其以上多半應屬靈武一帶在宋猶爲堡在元乃爲開城路亦何得據高平原州徑爲固原乎且平涼所紀如寇恂皇甫鏞等或因涇陽附近高平牽連可也若王符漢書不曰安定臨涇人乎固原所紀如李賢元褒等或以開成隸舊原州援引可也若王彥昇神師道非五代及宋臨涇城之原州更乎斯又未免子盾自相枝梧矣夫一代建置沿革雖殊而名義往往可釋如平涼府雖襲隋郡之稱當因地近舊郡故移其名要其地實爲涇陽而謂涇陽卽隋之平涼郡不可也固原建名應因原州之舊屬要其地則在開成而謂開成路之卽原州不可也若鎮原合鎮戎軍原州得名事有可據義亦吻合考古者之搜求必至於此或不盡穿鑿之見也又按涇州自高平川歷鎮邑新城驛至古鎮戎軍彭陽驛以上爲古逆道寇恂駐扎韓琦巡邊皆在新境而漢匈奴唐吐番宋元昊屢犯邊傲此地實當其衝故唐置原州以總其治宋增鎮戎以撫其軍蓋昔爲要害之區用武之地巍巍乎巖疆也自金置平涼府元廢鎮戎軍而其後遂移通衢於府川而鎮原割削過半介在鄙壤矣然其驛路支點之所猶可考稽而或以今之彈丸並疑昔之無其制不亦守株之甚耶茲據高平臨涇彭陽原州鎮戎舊爲鎮封及今遺趾猶存者悉採輯入於固原平涼無虛附於本邑有實錄至於安定非明注臨涇高平者概未收取防冒濫之失也後之作者因端以求其備將使千載之山川土物瞭如指掌更有精且確者在焉此又前賢之所以畏後生也歟

典史宅

（輯志）舊在東萬歷時教主簿缺移之於西主簿宅歷任黏補未至傾圮自典史孫塘染疫全門盡於署內嗣任孫思忠觸於忌諱借居民宅又借居書院以致堂房十損七八嘉慶七年典史朱敦元重新之同治回亂燬於火九年典史來縣無民房可借忠恕街有前蒲城縣知縣慕維城第宅子孫逃難典史占作

衙署今改公安局

演武廳

張志在東門外廳垣俱圮有教場地百十畝

察院行臺

縣治東南百步今廢

布政司行臺

縣治南又名南察院今廢

按察司行臺

縣治東又名北察院後改建節孝祠亦廢今址存

平安寨巡檢司

明成化間侯徐鏞申題設立清初裁

醫學

洪武十七年訓科折均山建後改為馬侯祠在儒學左今俱廢（輯志）乾隆三十六年呂侯易文基於其地建潛夫祠今廢

陰陽學

洪武十七年訓術郭東建在縣治東南隅即在城舖今廢

道會司

在觀音院今廢 僧會司在文昌宮左今廢

民國縣政府及各局所

縣政府

舊名縣署民國十六年改稱今名

清同治七年回亂焚燬無存九年侯慶溥明重修光緒

二十三年侯汪宗翰創修

民快班房各五間三十年侯宋運貢創建五里樓修葺儀門暨內外各房民

國二十三年縣長錢史彤改修三堂東房為會客室西花廳北房為會議廳

並修葺刷新內外各房

科長科員

漢時惟守相命於朝廷而自曹掾以下無非本郡之人故能知一方之人情而爲之興利除害其辟用之者卽出於守相而不似後代之官一命以上皆由於吏部故廣漢太守陳寵入爲大司農和帝問在郡何以爲理寵頓首謝曰臣任功曹王渙以簡賢選能主簿鐔顯拾遺補闕臣奉宣詔書而已帝乃大悅至於汝南太守宗資任功曹范滂南陽太守成瑨委功曹岑旺並謠達京師名標史傳今之科長科員卽古之掾屬也以用本地人爲是

所謂文者會集衆長以成錦繡裁剪衆字以成段落著於竹帛謂之文章行於案牘謂之公文前清有司衙門以一人總刑名錢穀苟例案稍熟文理粗通亦能援筆成章而無措置乖方之處今縣署科長科員同案辦公雖事變

萬端政體紛更爲民造福則著眼將來之按時立言則注重現在此理則古今一也使非諳練人情通達事理與夫大勢所趨以之操觚未必動中竅必也平日多看書史以廣其識隨時留心世務以會其通調閱歷年檔案以知其利弊胸有成竹言之長短皆宜天下事無論如何改革大端不外情理時勢四字苟知準情酌理審時度勢自無往而不利矣

慕少堂曰余勞形案牘久矣嘗謂擬文稿如造屋然門窗椽柱及屋內器具均須周備案中應有不可減應無不必增既貴明晰易而簡淨難欲求簡淨莫如剪裁某處應實叙某處應帶叙某處應並敘某處應點叙詳略得宜位置不亂方爲妥當不然者非鴻文無範即自我作古得毋貽笑於大方家耶

教育局

清光緒三十三年設勸學所於尊經閣民國八年遷於西街昭忠祠二十一年在黨教互換復移於文廟後舊儒學衙署址有上房三間東西廂房各三間二門一座大門三間爲清教諭蔣鴻英捐建

公安局

在忠恕街即濟典史署舊有大門暨門房三間過廳三間南北廂房各四間民國二十三年秋大雨連綿各房漏水局長党效賢請縣府撥款補修並建上房

三間

建設局

民國十六年成立無定址二十三年局廢歸縣政府第三科辦理

財政局

在縣署東偏舊蕭曹廟今為公款公產委員會

管獄所

縣政府前西邊舊有監獄如故民國改典史為管獄員尙未建有專所歷任住縣署西花廳或賃居民宅

郵寄代辦所

民國元年冬成立無定址

保衛總團部

民國二十二年春成立賃住民宅

商務會

附城南財神廟民國十三年成立

區公所

第一區附節孝祠第二區在屯子鎮街第三區在蕭金鎮街第四區在孟壩鎮街第五區在平泉鎮街

舊倉廠

義倉

先是漢五鳳中設常平倉於邊郡後漸行於天下皆官入而官出之隋開皇中長孫平請令諸州百姓及軍人勸課當社共立義倉收穫之日隨其所得勸課出粟及麥於當社造倉貯之即委社司執帳檢校每年收積勿使損敗倘或不熟當社有饑饉者即以此賑之其後又詔秦渭等州社倉並於當社安置準上中下三等稅上戶不過一石中戶不過七斗下戶不過四斗是義倉即後世之社倉也民得以司其出入歷代之頗利於民

預備倉

(張志)明在縣治南廟清康熙四十二年開例積貯令江雲建於獄南二所令牛長華建於大堂左右各三間

建府志 社倉

蘭州後學印書館排印

官學倉

(張志)明在縣治南今廢為民居

常平倉

(張氏紀聞)乾隆三年錢候應築於城東門內西偏賃民居建倉四十間十九年周侯泰元建於署內宅後若干闕

社倉

甘肅地處邊陲歲恆饑饉清道光五年秋八月總督那彥成奏請甘肅州縣設立義倉為積穀以防饑年也先從蘭州入手以為州縣倡皋蘭富戶意存觀望那彥成先捐倉斗粟穀一千石布政使楊健捐粟一千石按察使蔡炯捐五百石蘭州道楊翼武捐五十石蘭州府桂明捐五十石皋蘭縣李清傑捐四百石由是皋蘭士民共捐小麥一千九百一十七石一斗二升粟穀三千六百七十六石七斗五升大麥一百一十九石七斗八升豌豆五石一斗

青稞一百一十九石五斗五升御麥一石二斗統計官民共捐倉斗糧八千

八百三十九石五斗一升俱皋蘭士民公舉正副議長在源源倉並寺廟民

房收貯外府廳州縣均照省城辦理鎮原城鄉社倉於道光六年成立同治

回亂均廢

案(縣冊)清乾隆二年貢生張繼孔在於勸民積貯案內捐社穀二百石首倡大義嗣以衆皆慳嗇事遂寢(補志)道光五年邑侯蒙古吉公復勸捐置衆輸

京斗麥三千零七
七石六斗七升一合

養濟院

在縣治東南
隅今廢址存

寄樞院

在城東南隅養濟院西道光十七年邑令唐侯釗捐置地基邑監生賈純一捐修上房三間東西廂房各五間大門一間周圍牆二十八丈

最近各地方倉儲管理規則

民十九年一月十
五日內政部公布

國紀紀元糧價極賤官吏勸民衆填社倉或自行收貯而罔有應者問其故則曰凡積穀者皆富人而賤糶者皆貧人也賤者必貴入富益富而貧益貧繇此矣及十七年河州之亂蘭州市小麥一斗售銀洋三十元往往有懷寶自戕者以糧之不易購也經此一番痛苦人乃稍覺悟幸今豐歲宜於城鄉人多之處每縣積糧若干民若樂從而國受長久之利計之善者也縣倉市倉區倉鄉倉鎮倉義倉共六種皆爲各地方備荒卹貧而設此其總綱也縣倉市倉歸縣政府或市政府區倉歸區公所鄉倉鎮倉歸鄉公所或鎮公所辦理其由私人捐辦之倉稱爲義倉依監督慈善團體法之規定辦理之

各倉籌備積穀應以地方公款辦理若無公款時或於年豐糧賤時以公平方法派收之或向殷實民戶及熱心公益者捐募之派收或捐募倉穀均以本色照收此二者手續完竣後應造具出穀人姓名及數目清單榜示之其各倉積穀不得挪作別用或變價存儲其依法使用之倉穀須於一年以內填還

壇廟祠宇

季梁曰民神之主也聖王必先成民而後致力神故邑之山川社稷及凡爲民捍災禦患者則祀之若夫文廟師教萬世不得與凡有功德者比其典禮至爲渥隆近以武聖俱列祀典報功崇德誠度越千古矣他若從俗附祭亦

以爲民而禱固司土者之所不容廢敬而遠之義有宜然茲列其次如左

文廟在縣治東

（李志）洪武初邑丞鄭旺建於舊基侯蔣泰重修成化時提學婁公檄徐侯鏞新之案長沙李東陽有記載藝文（張志）萬歷時陳侯遇文李侯榮重修清初

邑侯宗書江雲鏡志彤重葺（張氏紀聞）乾隆十三年侯程光鑑募葺三十七年侯易文基捐俸補葺（輯志）嘉慶七年侯陳琪繁任內士人公捐銀二千七

百兩一切重新時進士張元鼎生員慕佑信張光祖張應張石麟席叙猷舉人賀步元副貢段士熬等二十人管工俱皆勤廉人人家食即茶水之微不取給

於公凡閱四年以至於成故登以勵來者

重修鎮原縣廟學記

明李東陽大學士

鎮原縣在國初隸慶陽府後改隸平涼縣舊有學不知所由建歷元而廢洪武二十年縣丞鄭旺於舊址重建正統以來知縣李燮蔣泰張仲芳主簿陳興馬良教諭段清訓導馬貞相繼修葺久復就圯成化甲辰武昌徐侯鏞以御史請知縣事慨然有意於此會歲大校民不聊生方急賑貸未暇也按察副使婁君謙嘗以謂侯侯謝曰鏞何敢一日忘是役故越三年丙午修豫備倉掘地得藏錢甚富侯盡籍於公以伐民稅共官用因謂其師生曰此天所以相吾志也乃

請於巡撫都御史鄭公時給價製物修廟及學拓地增制木石瓦以爲材型
冶髹繪以爲具繩度構結藝斲裝飾以爲工指畫既定規制亦舉有成事矣侯
改知臨潼郭侯釗來代乃督縣丞王端等白諸巡按御史武君清繼成之縣人
真定府知府張侯琰及致仕訓導范忠等若干人國子監生張象等若干人縣
學生張塘等若干人僉謂吾邑僻在邊徼有此盛舉不可無述乃以書抵予請
爲記竊惟綱常之道人心所同其有備不備者氣稟習俗之異爾氣稟出乎天
習俗則繫乎所處之地與所接之人故聖人立教必有典則制度以爲準又爲
之條格器具以抑其過誘其不及導其嚮方使不惑於他歧示其瞻仰使有所
慕而不怠羣其居處使得專其業而不遷夫然後不爲氣習所移易而性可復
也孔子不得位道不行於時而著書立訓所以爲典則器具者皆備於是故有
利器之喻居肆之說志道游藝之序學文修行之法雖萬世之久四域之遠億
兆人姓之不同然從則善違則惡一也則凡佩服其教者惡可不致力於廟貌
祭祀之間以爲瞻依嚮往之地哉學與廟之不可偏廢蓋如此鎮邑之地曠
矢業耕牧累歷世代以入於熙皞之治登甲科而名仕版者不乏也又有賢有
司陳力宣化亟起而作之非其民與士之慶哉夫居良肆操利器得工師以爲
之依歸而業終不就則士之責也矧秉彝好德出乎其性其所業有大於彼者
又將奚諉乎哉請以是爲諸士子勸是役也廟有大成殿徙於舊址西北五丈
爲間五左右有廡爲間各十聖賢有象惟廡象皆新設其數百有九前有戟門

又前有櫺星門有廚有庫庫有篋篋儲爵凡及祭器百八十有五學徒於殿後有明倫堂為間七有日新時習二齋前有學門後有饌堂開各三有號房間二
 十凡費以縉計者千二百有奇皆給諸藏錢而官與民不與焉徐侯字用和起已丑進士其謫也以言事故今天子即昨用大臣薦擢知淮安府優化學慎操履蓋所謂良有司云

計開新舊廟式

大成殿南向七間

木料圍牆依故外添上頂東北角木料椽瓦全換內添大柱鋪地磚塊內外全裝朱紅油漆

至聖神牌

明嘉靖時從宰輔張璠議易像為主去王號易以先師清因之神牌係本邑庠生奇籍咸陽後為湖廣巡撫之張連登監製送入

四配東西向祀

復聖顏子

宗聖曾子

述聖子思

亞聖孟子

至聖先師說

壽壽祺邑人

禮文王世子凡學春官釋奠於其先師秋冬亦如之鄭注官謂詩書禮樂之官周禮曰凡有道者有德者使教焉死則以為樂祖祭於瞽宗此之謂先師之類

也若漢禮有高堂生樂有制氏詩有毛公書有伏生億可以爲之也又凡始立學者必釋奠於先聖先師鄭注先聖周公若孔子文獻通考學校考長樂劉氏曰周立四學虞庠以舜爲先聖夏學以禹爲先聖殷學以湯爲先聖東膠以文王爲先聖各取當時左右四聖成其德業者以配享焉臨卽魏氏曰古者民以君爲師孔子以前曰聖曰賢有道有德生都顯位沒祭大烝非諸生所得祠者學校廢井牧壞君師之職不修民散而無所紀於是師弟子羣居講授所謂各祭其先師秦漢以來始有之而詩書禮樂各立師不能以相通則秦漢以前爲士者斷不若是之隘此以見世變日降君師之職下移而先王之道分裂矣然而春秋戰國之亂猶有聖賢爲之師秦漢以來猶有專門爲之師故所在郡國尙存先師之號奠祠於學故祀人識於禮傳者又卽所聞見以明之也唐太宗貞觀二十一年詔以左邱明卜子夏公羊高穀梁赤伏勝高堂生戴聖毛萇孔安國劉向鄭衆杜子春馬融盧植鄭康成服子慎何休王肅王輔嗣杜元凱范甯賈逵等二十二人代用其書垂於國胷自今有事於太學並令配享尼父廟堂高宗顯慶二年從長孫無忌等議止孔子爲先聖加諸儒爲先師其周公依別禮配享成王宋理宗時進朱熹周惇頤張栻程顥程頤張栻呂祖謙邵雍司馬光而貞觀時所謂二十二人者惟存左邱明卜子夏公羊高穀梁赤伏勝高堂生毛萇孔安國杜子春等九人其黜者十二人於是後之論者紛然各異馬端臨以謂毛鄭釋經義理差舛王輔嗣宗旨老莊賈景伯附會議緯戴聖馬

融素履貪鄙劉定之以謂仲尼素王也七十子助其創業者也二十二經師助其垂統者也彭祖以謂漢晉之時道統無傳幸有專門之師講誦以詔學者斯道賴以不墜焉融范甯諸人雖學行未純亦不得而廢顧炎武以謂棄漢儒保殘守缺之功獎末流論性談玄之學於是語錄之書日增月益而五經大義委之榛蕪自明人之議從祀始也有王者作其必遵貞觀之制乎震榮案三代教人之法六年教數與方名迄於三十博學無方孫友視志左塾右塾太師少師自閭師至於鄉大夫無地不建之學無人不入於學凡詩書象勺御先王制作精微因事寓理者朝夕動靜少而習長而安家無異學學無異師遷善遠罪道一文同民可使由之不可使知之此之謂也春秋時禮教未泯而老聃之徒蘧芽其間孔子於是修明六經傳授弟子曰攻乎異端斯害也已蓋隱然懷千歲憂矣戰國諸侯皆去先王之籍而莊周慎到列禦寇韓非子等假借緒言高談性命狐竄於學校之中而亂其真張儀蘇秦陳軫馮武安之流說縱橫以出人主之金玉尋干戈以毒一世之蒼赤鴟張於學校之外而無所忌孟子於是守先王之道辭而闕之以遂其願學孔子之心觀其對梁惠王論庠序之教特加之曰謹蓋其時非孔子之時其言不得不視孔子而加厲也漢承秦火諸經蕩無子遺諸儒收拾於灰燼之餘講說註釋門徒付授各守一經故經無不通各私其師故義有偏倚然而前聖之制度禮儀燦然可觀矣又數百年宋之周程張朱呂諸先生出即其制度禮儀得其由來而返求之身心日用之間而闡

發之於文章於是制度禮儀不特爲先王之陳迹而虛無纖緯一切僞妄無稽之言不能淆亂則是宋儒之大有造於漢儒也雖然前無漢儒則程朱雖賢其生既晚其傳彌失豈能於千載之後憑臆師心一一空言其義而切究於身心日用哉此天之衛道後先而生其人又各付其材質以羽翼生民未有之一人使其時再生一孔子聚數代儒生於一堂之上成德達材四科設教何莫非升堂入室之選其間有辯正不能符合亦猶夏商周相繼因革損益期於至當其爲心公之大者也聖人皆所許也而晉儒斷於馘馬之小疵則宰予之不可雕子張之堂堂冉有之聚斂子路之野且佞幸得聖人爲依歸耳不然棲皮造布蕘澤之蒲可勝既乎又聞之古之君子使之則必報之田祭先齋桑祭先蠶五兵祭蚩尤報本也今非竹簡槩鉛之世矣筆造於蒙恬紙作於蔡倫墨造於邢夷田真板造於馮道李愚毋昭裔萬世享其利春秋莫報其功食田鼠功之小者也而祀焉蒙恬諸人雖不足數不得齒於虎貓之列也斯亦禮之未備者歟

清同治兵燹後焚燬無存卷查光緒四年邑宰宋之章籌款議修旋遷去八年侯劉玉衡偕紳劉蘭馨包中廉趙其昌慕迪吉等重修大成殿十年落成三十四年邑宰宋連賢偕紳鄭治馬喜良亢致中等重修崇聖祠三間於大殿後東北隅民國十年邑宰傅金榮令各鎮紳募修東西廡各七間未竣即遷繼

任劉萬鵬完成紳焦國理劉渥恩董其事廟前照橋原稍出官街二十二年邑宰錢史彤建築街道即有意取直米果二十三年秋大雨經月傾其西段教育

局長買乘機呈請重修錢遂集衆議商移入四尺七寸不惟式樣較前美觀而周道亦如矢矣紳劉渥恩朱維陽督工

隋唐之際天下州縣皆立學置學官生員而釋奠之禮遂以著令其後州縣學廢無所從祭則皆廟而祭之歐陽文公曰後之人不推所謂釋奠者徒見官爲立祠而州縣莫不祭之則以爲夫子尊雖堯舜莫若何其謬論者歟故此編以文廟列於祠祀以彰後人崇聖之意而學校之要在此不在彼

附文廟祀典

(會典)直省府州縣歲以春秋仲月上丁祭

先師於預宮以正印官將事佐貳分獻監理以師儒贊引執事以生員中和韶

樂羽籥之舞及牲牲登銅簋簠豆尊爵之數將事之儀均如太學丁祭

禮

按祭儀祭品縣今一切如制惟禮器及樂舞器散佚殊舊錄之以存其

名

禮器

帛篋二十 白磁爵二十九 登一 銅十八 簠簋各一百六十四

籩豆各五百八十六 尊三 銅爵一百四十七 牲俎二十並架

按明志正位酒尊一爵三登一銅二犧尊象尊山罍各一籩豆各十簠

簋各四 配位共酒尊二各爵三登一銅二籩豆各六簠簋各一十

哲共酒尊一東西各爵五銅一籩豆各四篋簋各一東西廡每四位

爵一籩豆各四篋簋各二

崇聖祠視四配東西配視十哲從祀兩廡惟犧象山疊不設十哲增二東西廡

各爵六

樂器

麾旛二琴八瑟二祝一敔一搏拊二龍笛二鳳簫二

洞簫二笙四篋二金鐘十二玉磬十六壎二應鼓一鼗

鼓一

舞器

節二 羽十六 籥十六 干十六 戚十六

按乾隆五年定例府州縣學樂舞生額設三十六名照依六佾之數外
加四名以備疾病事故更替之用其餘罷黜

舞譜

初獻 神 正立籥翟分之 曲身向內蹈內足面轉來 正立籥縱翟橫兮 正立合籥
執平身俱縱之 向外翟縱執籥斜交 交如十字式 翟微拱

籥 正立籥平舉 籥 身微向外兩手推 式 兩手伸出籥翟斜交 陳齊胸籥縱
過肩翟縱執籥 向外籥翟俱縱 式 兩手伸出籥翟斜交 陳齊胸籥縱

執翟倒向神 身俯向內內足進前之 身俯向內兩足格 正面身微蹲兩手
內斜垂 垂手翟縱籥斜指地 並籥翟分植地 平胸翟縱籥斜

兮 身微向外兩手齊胸 凡 內向兩手齊肩 筵 外仰面兩手式 身向上面
籥翟交如十字式 凡 翟縱籥斜交 筵 仰出籥翟斜舉 式 轉向外兩

手推向內親 植籥上居中 極 內向左手齊胸右手 昭 正立兩手齊胸
籥翟俱縱 植籥上居中 極 垂下翟縱籥斜指內 籥 籥縱翟斜分執 彰

外向箭下垂右兮 內向舉內足兩手靈 正立箭平 胸箭偏東 既胸箭與翟交如十字

式致 正立左手伸出箭 緝 正而身微蹲兩手高舉 潔 正面蹈右足兩手高舉 斜舉翟縱近左肩 箭縱翟橫交如十字式 舉箭翟交如又字式

兮 身俯向外外足 明 身向上微蹲面向外箭 禮 內向兩手伸升 內向兩手進前箭翟斜交 縱近肩翟橫加於膝上 出箭翟俱縱 升 伸出箭內

指翟縱交香 正立合箭翟 兮 正面進外足 伊 正面進內足 兩手推出箭俱如十字式 兩手齊胸 箭翟推內俱縱 伊 兩手推出箭俱

縱始 正立箭縱執齊 居 身俯向上箭平執 欵 正立箭翟斜 兮 曲身向內面 翟橫加于箭上 居 翟植箭上居中 交如十字式 側向外箭平

肩翟縱交佑 正身舉左足兩手推箭 我 正面跪左足箭 人 正立俯首 民 正如十字式 斜舉過額 翟縱平胸 橫膝上翟縱執 人 兩手微拱 立

兩手高拱過額

亞獻

再 正面身微蹲箭翟 酌 內向身微蹲箭翟 兮 外向身微俯面微仰箭 珞 內分執平胸俱縱 分執平胸俱縱 高舉斜指外翟俱縱 珞 向

首微俯兩足並箭 觴 正立俯首兩手齊 燦 正立兩手平胸 爛 正立箭平胸 翟交如十字式 胸箭翟分執俱縱 箭縱翟橫指東 右手推出翟

縱兮 正立兩手推 庭 身微向內左足進前 燎 內向箭斜指內近之 外 身俯偏	出箭覆俱縱 箭斜倚肩覆橫近膝 膝 內向箭斜指內近之 外 身俯偏	足覆植地箭光 正面舉右足覆斜舉 申 外向身俯外足進 虔 正面身作向 內勢兩手高	交如十字式 過額左手推開箭縱 前箭下垂覆植地 虔 內勢兩手高	舉推內禱 身微向外外足進前 覆兮 正面身作向外勢兩手 神 正面屈 外足箭	箭覆俱縱 斜舉倚肩箭近膝指外 兮 高舉推向外箭覆俱縱 神 外足箭	覆偏內交座 內向面仰兩足並 儼 正立箭覆斜交 步 正面右足交於左足 合箭覆兩手齊胸	如十字式 箭覆交如十字式 儼 如十字式偏內 步 正面右足交於左足 合箭覆兩手齊胸	降 身向上微蹲面向內兮 正面身微蹲兩手推 帚 正立箭下垂橫 旁 外向	覆縱近肩箭橫膝上兮 向內箭覆分執俱縱 帚 斜覆植箭上 旁 舉外向	足箭覆分 正立箭平胸覆縱 醴 正立箭下垂 灑 內向身俯舉內足兮 內	執俱縱 柔 執居石如卜字式 醴 覆斜舉過肩 灑 箭橫覆縱斜交 兮 向	身俯內足進前 齊 正面屈右足伸左足箭 灑 外向身俯箭對胸 將 正立身 俯合箭	箭下垂覆植地 平舉偏左覆縱執居中 灑 覆縱交如十字式 將 俯合箭	覆 正立箭縱舉過肩 景 內向兩手相並 運 正面踏左足箭斜兮 正立微	覆橫交如十字式 景 內向兩手相並 運 正面踏左足箭斜兮 正立微	箭下 正面身微向外箭 長 身俯面微仰向內抱內	俱縱 下垂覆斜倚肩 長 膝箭覆斜如十字式
---	--	---	--	--	---	---	--	--	---	---	--	---	---	---	--	---------------------------------	-------------------------------

Shant' SA University 112-21-11

禮記 禮記

蘭州俊華印書館排印

終獻

禮 正立簫下垂 成 外向身俯兩足並 三 正立簫分執 獻 正面身作向外

翟縱執齊胸 翟 正立簫下垂 翟 斜執簫後垂 單 外向左手加於 敷 內向右手加於 元 面

偏外 交 正面屈左足伸右足向 樂 正立兩手相 奏 正面舉右足翟 三 正

屈內足簫翟交 終 正面身俯翟 單 外向左手加於 敷 內向右手加於 元 面

如十字式偏外 終 斜執簫後垂 單 外向左手加於 敷 內向右手加於 元 面

上身屈向內簫 化 正立身俯簫斜 分 正立簫翟分執 緊 正面左足進前 神

翟近肩俱縱 化 植地翟縱執 斜 斜倚肩偏內 緊 簫前翟後俱縱 神

正面右足進前 功 外向簫平胸 馨 三進一步 香 三退一步 達 正立合簫翟

翟前簫後俱縱 功 指外翟縱執 馨 三進一步 香 三退一步 達 兩手齊胸偏

內兮 正面屈內足合 肸 正面屈外足翟斜 蟹 正面身微蹲翟 通 正面屈雙

簫翟兩手齊胸 肸 舉過肩簫垂下 蟹 橫執簫植翟上 通 足簫橫胸

翟縱交如 歆 正面出右足舉 明 正面出左足舉 德 正立身俯簫 兮 正立面

卜字式 歆 簫齊肩翟下垂 明 翟齊肩簫下垂 德 翟俱植地 兮 仰簫翟

賓典

分舉 昭 向垂手察 舞隨拱手 寅 正面屈雙足簫 衷 俯首至地簫翟

交如十字式

鄉飲酒禮

向在文廟舉行
故連類而及之

其儀注歲以孟春望日孟冬朔日舉行

按此禮縣中近日數舉先期學師出示邑衆悉訪紳士優齒德者舉爲
正賓諸生優齒德者舉爲介賓鄉老優齒德者舉爲從賓儒學牒呈正
印官前一日以名帖肅請至日司正率執事諸生先集儒學之講堂陳
設坐次正印官率僚屬亦先詣學遣人速賓至則主人率僚屬迎於庠
門之外揖入賓升自西階主自東階陳香案向闕謝賜畢東西相向立
贊兩拜揖讓升堂復揖讓就坐執事者贊司正揚觶司正舉酒云云如
制畢執事者贊獻酒次贊舉饌案先正賓次介次從次主三賓以下各

以次舉訖贊獻賓贊賓酬酒皆如制賓主以下酒三行供羹執事者以次酌酒供饌三品畢執事者贊徹饌案訖皆行禮各兩拜贊送賓以次下堂分東西行仍三揖出庠門而退

清陸稼書靈壽志論云余讀安州志言祀事之失嚴敬曰壇壝廟宇宿莽積塵神主龕籠傾斜破毀几案皆烏鼠之迹庭除有人畜之糞及祭祀屆期齋戒視爲虛文執事何嘗告戒拂拭者濁膩重重滌濯者污垢班班渣醜不問生熟犧牲未知精潔帶泥連草之菁芹含蛙蒙塵之棗栗凡百供陳盡托僕隸師生不躬親有司不省視嗚乎今天下如此者多矣豈獨安州哉惟恃知禮之君子相爲留心其闕云讀稼書所論不

禁感慨係之嗚呼甘肅文廟如安州者多矣豈獨鎮原哉

文昌宮

牆垣坍塌僅宮及獻殿存

案明史禮志梓潼帝君記云神姓張名亞字居七曲山仕晉四川七曲山清虛觀

碑帝君生於唐時與世異戰歿人為立廟唐宋屢封至英顯王
與圖志唐明皇西狩追封左丞僖宗入蜀封濟順王

宋咸平中改封英顯王道家謂帝命梓潼掌文昌府事及人間祿籍故元加號為

帝君而天下學校亦有祠祀者全祖望經史問答文昌之祭始於元之袁清容事見袁尙寶符彙集此廟李

進明景泰時任蘭州衛指揮文廟祭器碑稱為帝君廟荆州俊明萬曆時任兵備副使重修學宮

碑稱為文昌祠建置應在元時矣續志謂嘉慶六年始建殊誤

關岳廟

清為關聖廟民國初年始關岳並祀但廟自同治回亂燬後未修二十三年邑宰錢史彤補修三代祠紳亢致中督工

城隍廟

初為貢生賈文煊捐建後殿繼為其孫師憲師惠重脩次典史朱敦元改建同治十年邑人路效吉等募脩大殿戲樓光緒十一年紳張紹齡及子宸樞募脩獻殿

頭門民國四年邑人朱應元等募塑行身二十二年縣政府三房四班重新東西兵工戶各科土地祠每年八月十五日五里合演戲九日

欽定續文獻通考城隍之名見於易記曰天子大蜡八伊耆氏始為蜡蜡祭八

神水庸居七水則隍庸則城此正祭城隍之始春秋傳鄭災祈於四鄩

宋災用馬於四鄩

鄩即庸古字通用

皆其證也唐李陽冰縉雲城隍記謂祀典

所無惟吳越有之然成都城隍祠太和中李德裕所建張說有祭荊州

城隍文張九齡有祭洪州城隍文杜牧有祭黃州城隍文則不獨吳越

為然蕪湖城隍建於吳赤烏二年高齊慕容儼梁邵陵王綸祀城隍皆

書於史又不獨唐而已宋以來其祀徧天下或錫廟額或頒封爵或遷

就附會指一人爲神姓名秦蕙田城隍考後唐清秦中封城隍神以王爵元天歷二年加大都城

隍夫人封號明洪武二年封天下城隍府爲威靈公州爲靈佑侯縣爲

顯佑伯三年去封號止稱某府州縣城隍之神置木主撤塑像

魁星閣

民國九年地震東南隅十年邑宰傅金榮補修

先農壇

民國九年財政廳變賣

清雍正四年八月詔直隸各省府州縣衛所設立行耕藉禮祭期每年

十月初一日頒時憲書後欽天監選擇五年頒行藉田壇位之規制按

禮祭統云天子親耕於南郊諸侯耕於東郊今各省宜擇東郊官地之

潔淨豐腴者立爲藉田如無官地照九卿原議動支正項錢糧置民田

以四畝九分爲藉田外卽於藉田後建立先農壇又按春秋文義云天

子之社廣五丈諸侯半之各省先農神牌高二尺四寸寬六寸座高五

寸寬九寸五分紅牌金字其壇後建正正房三間配房各一間正房中

間供奉先農神牌東間存貯祭器農具西間收貯藉田米穀配房東間

置辦祭品西間令看守農民居住壇廟藉田之外周圍築土爲牆開門

南向

社稷壇

在邑東門外

風雲雷雨山川壇

附前陝甘總督那彥成分建雷雨風雲太白泉神廟碑記其文曰余奉命督秦隴於庚子三月重蒞蘭陽值歲旱詣壇步禱遍走羣泉潔牲瘞帛既虔既飭郡士民

相率跪而請曰維茲社稷山川之壇舊建西郊雷雨風雲太白泉神實皆從祀無專廟顯仁照應民受其福歷有年所昨歲移壇東郊秋弗告登旱校繼作衆心茲懼意神其不饗於茲請復西郊舊制余以敢位之設義主妥侑有舉莫廢其敢類置基以作神羞衆固請察其義若其有惴惴者乃諭之曰夫神依民而立無所往而不在誠敬之至通乎神明掘井及泉而曰水專在是昔人所譏願神之壇廟神之宜之以歲之不登旱校之不免適當改建壇位之後民情之不協卽神志未安社稷山川民之司命其宜從民以安神乃復其舊移之西郊至雷雨風雲諸神旣無專廟未全其尊今以東郊改建基址建祠以祀一壇一廟一西一東禮所謂求於彼復求於此之義也神其庶有孚乎衆皆曰善乃定議鳩工尅期集事捐廉興作不假民力增成於辛未廟亦以次告成工旣竣余親往祭告禮成郡士民者老乃大觀僉曰自定議復舊制二年於茲矣明神昭格庇我田畝雨暘時若年穀順成微定議力不及此意蓋欲歸功於余余惟封疆大吏民生之休戚民事之因革順其情而樂利之舉事求得當獲免拂於民而違於神焉幸矣繼自今廟祀馨香以嚮以佑神其永孚於休用克佑我民安享豐樂於無窮余惟頌祝之不暇敢貪天之功以爲己力乎是舉也寮屬稔其始末謂不可以不書爰爲紀實叙之如此

厲壇

俗名無祀壇
在城隍廟殿

續文獻通考洪武三年命祭無祀鬼神禮官言祭法王祭泰厲諸侯祭公厲大夫祭族厲士喪禮疾病禱於厲鄭注謂漢時民間皆秋祠厲則此祀達於上下矣春秋傳曰鬼有所歸乃不爲厲後世不舉其祭無依之鬼或依附土木爲民禍福以邀享祀今定京都王國各府州縣及里社皆祭祀之使鬼無所歸者不失祭享則災厲不興亦除民害之一道也從之命京都築壇於元武湖中府州縣皆設壇於城北歲以清明日七月望日十月朔日長吏率僚佐候晡時致祭前期七日檄城隍神祭日城隍神位於壇上無祀鬼神等位於壇下之東西二語參明史禮志各設羊一豕一並飯羹以祭邑厲壇

各壇廟祭期

文廟春秋逢丁日致祭清末升爲大祭八月二十七日孔子聖誕加祭一次今改爲紀念日文昌廟清嘉慶六年列入祀典咸豐八年奉旨每歲加祭一次關帝祭以春秋二仲咸豐三年奉旨每歲五月十三日加祭一次四年升入中祀先農壇祭以春秋二仲風雲雷雨壇咸豐八年列入祀典春秋二仲祭奉遷城隍神主共壇合祭厲壇每歲春清明日秋七月十五日冬十月一日奉城隍神以主厲祭設無祀鬼神之位於壇下止行一跪三叩禮今俱廢

土地祠

在衙門內東面朔望行香

建曆志

壇廟

關州俊華印書館排印

東嶽廟

（張志）在東門外里許康熙五十二年邑貢生田爾盛等募化重修（輯志）乾隆三十八年士人重修正殿東西考察各三間大門樓一座四十二年五里捐贊公

建獻殿東西閣羅東西官廳靈官樓鐘鼓樓牌房東西道房廚房內角門外角門碑樓一座照壁三座管工人典史孫壩貢生張國謀

彭陽廟

（平涼府志）縣東五十里

馬神廟

舊在縣署內歷任知縣逢朔望日親往拈香今已廢

周禮校人春祭馬祖夏祭先牧秋祭馬社冬祭馬步注云馬祖天駟星

也先牧始養馬者馬社始乘馬者馬步神為災害馬者四時各有所祭

唐開政要覽太僕寺每年祭馬神在通州北四十里安德鄉鄭村壩春

祭在二月二十二日前期題請遣少卿一員行禮今則惟夏六月廿四

日俗通祭之而春秋之祭亦無常典失古禮之意矣

龍王廟

在縣西門外今已廢

案宋始有五龍廟九龍堂以祈雨龍王之祀古無有也然禮有功德於

民則祀之鎮邑導河引水斥鹵皆可耕食河之澤多矣其祀河渠之神

也固宜

九龍廟

縣西二十里其地有九龍泉

潛夫祠

鎮原北山之巔舊有潛夫祠久圯前清康熙五十四年韓宰談可法兩學博合鎮士庶復建於山之巔與佛寺相連又幾經歲月棟折榱崩乾隆初年知縣周泰元

與幕賓劉從龍李登陞司捕白如璠邑紳張繼孔重建享祠三楹繚以澗垣伴與佛寺隔前涇州知州張延福爲之叙其顛末乾隆三十六年知縣易文基因春秋

祭祀不便每至失誤捐俸改建於儒學左舊醫學之地同治亂燬於火民國八年重修詳見金石志邑紳焦國重修王潛夫祠堂記

鄂公祠

(張志)在北察院祀唐尉遲敬德者今廢(輯志)神牌今附祀於名宦祠

梁公祠

(輯志)縣東十里在今新堡子地祀唐狄仁傑又縣東毛家河龍泉山寺亦有祠

相國祠

(補志)祀漢蕭何曹參

白馬廟

(輯志)祀秦太子扶蘇者縣西門外又縣北原二十五里縣西長城原凡三

俗傳扶蘇太子巡邊至縣喜乘白馬故名故狄道州有白馬將軍廟義無所

稽或以宋顧琛守吳郡曾立白馬廟其神即此似矣但於狄道無涉考金史

熙宗天眷元年熙河野水見一人白馬紅袍玉帶如少年官狀馬前有六蟾

蜍凡三時乃沒土人神之而遂為立廟

護國祠

(補志)祀唐秦叔寶與相國祠俱在衙內東偏道光六年邑令吉侯祜建

王珪祠

(陝西通志)在縣南珪與夏人戰嘗以所得二鎗植山上後戰歿邑人即其處為立祠(輯志)今邑南三十里湫子頭有祠即此土人呼為征西將軍祠雙槐盤曲

廟貌
甚古

陳生祠

(輯志)在文昌宮東
祀陳侯遇文者今廢

馬侯祠

在儒學左祀邑
侯馬呈圖今廢

王公祠

(張志)在馬侯祠左祀明固原兵備道王公諱振奇崇正時公
同總兵曹公文詔破方山賊於縣境邑人德之立祠祀焉今廢

昭忠祠

今為縣
黨部

孝節祠

(補志)在北察院祀邑孝子節
婦者久廢於道光八年重建

雙愛祠

(張氏紀聞)在城隍廟聖母宮內祀邑侯趙與鴻易文基二侯一純於文教一精
於政治俱大有功德於邑士民感之立祠祀焉(補志)後邑侯陳琪繁改祀八蜡

今遷祀二公
於潛夫祠中

劉家祠

在忠恕街
坐西向東

慕家祠 在忠恕街
坐東向西

坊第 僅就在城
內者記之

考五代史其量地之宜高於外門門安綽楔左右建臺高一丈二尺廣
狹方正稱焉坊以白而赤其四角使不孝不義者見之可以倏心而易
行石晉天福時旌表李自倫為義門敕用此制後因稱旌表為綽楔吳
鼎芳詩煌煌樹綽楔有清一代邑人建坊者數人而已洵不易哉

進士坊 為路于
竟建

孝義坊 為貢生張
繼孔建

孝子坊 為貢生
張峯建

忠義坊

為清同治二年冬平泉禦賊陣亡團總慕性
生建奉蘭翰林劉爾忻題額曰力維桑梓

節烈坊

為清文童慕子駿之妻王氏建
劉爾忻題其額曰節凜松筠

寺觀

漢明帝時沙門摩騰至京師置於鴻臚寺數年來者益多因作寺以處

其徒凡僧居稱寺始此六朝時凡今道觀皆謂之某館至唐始稱為觀

東觀餘論說甚明故道士所居皆稱觀鎮原佛寺始於元魏道觀始於

李唐各隨其時之所趨也今則時世變遷迷信破除而信教自由復載

憲法韓愈曰人其人火其書廬其居明先王之道以導之亦言之已甚

者矣

石窟寺

在縣東九十里北魏宣武帝永平二年涇州刺史奚侯建刻石為龕內有唐宋人題咏俱磨滅不可讀又有原州彭陽縣建石窟寺碑亦刻案魏書奚侯字康生籍

河南洛陽弓刀石失異常箭戰功卓著齊寇徐州康生助之賞帛于匹御胡馬一出為平西將軍華州刺史封南武縣開國男頗有聲績旋轉涇州刺史後以不

隨元丈反矯詔處斬其人非貪鄙小人涇州志未載殊屬闕文况本傳稱康生尚佛道數捨居宅以立寺塔凡歷四州皆有建置是涇州之南石窟寺亦作於康

生無疑

又案鎮原石窟寺在涇州之北是為北石窟寺涇州南十五里永甯里王家溝地方亦有石窟寺是為涇州南石窟寺清光緒二十八年甘肅學政葉鞠裳昌熾按

試涇州屬州牧訪南石窟寺碑獲於土中移置學宮碑文典雅深決非庸手所能惜下段剝落不克卒讀惟落尾一行完好題曰大魏永平三年歲在庚寅四月

壬寅十四日乙卯使持節都督涇州諸軍使平西將軍涇州刺史南武縣開國男某某建姓名係三字而無一字可辨似刊去者豈以康生在刺史任內輒用官炭

瓦為御史所劾除官爵故削之耶

鄧隆曰北魏崇佛天下從風史稱西域沙門居洛陽者三千餘人佛閣之數一萬三千餘州郡之僧達二百萬以半壁山河有佛閣萬三千則凡村落所在有山可

鑿之處號爲石窟者必衆豈止南北二窟後世發現又豈止涇州南石窟寺碑而已哉

龍山寺 在縣東九十里今毛家河地有寺形如堡寨門有石刻題曰龍泉寺初宋有龍身紫鬚鎮戎軍此即是矣後改爲寺

玉山寺 (輯志)在縣東七十里劉大夫莊其地有玉山故名

石佛寺 縣東四里許鑿石爲窟中有丈八石佛俗名石佛灣

千佛寺 在中峯山左明萬曆戊申僧古松建

天甯寺 在潛夫山左脇有唐時古鐘

萬佛寺 一名萬佛洞縣東北七十里蒲河川亦號石爲之者金碧輝煌工費鉅萬

雷祖寺 在縣東南趙州莊奉祀雷祖

鐵佛寺 卽今中原鎮唐家寺內有鐵佛像一座明正德九年四月八日鈔

嘴廬寺

在馬渠鎮東二十餘里明弘治八年建

西壕寺

縣北六十里

延壽寺

縣東南五十里在屯子鎮

觀音寺

在縣東北元至正年建

大洋寺

縣東七十里即大洋池地

石空寺

縣西上有湫今涸

悟山寺

縣南五十里

慶雲寺

縣南四十里

陽音寺

(輯志)在今寺店馬家其地有陽音水故名今訛陽音為陽甯

同立寺

縣南二十里

金城寺

縣東北一百一十里
在蒲金鎮中有塔

天恩寺

縣西南四十里
在平泉鎮

孟孺寺

縣北四十里康熙二十年
邑僧照源募化重修

幕少常曰晉處江南文盛區輔佐多耆儒名士而立佛精舍不修孔子廟秦以鳩摩羅什為國師而佛書布中國是後且有親講者矣及元魏滅秦鎮原入魏版圖邑人胡國珍之女後為魏太后素好佛遣敦煌人宋雲如西域取經世變可觀矣大中二年涇州刺史奚康生復在邑東九十里建石窟寺由此佞佛者日益甚修寺者日益多矣時勢所趨法不能禁况端自上開乎舊志謂人民避徭役而作豈確論哉

高平觀

縣東八十里屯子鎮東東臺苟家故高平第一城元魏高平鎮之地有碑字多割落其略云魏世宗訪經之處後万俟醜奴於此稱帝其城名京城其佛及城隍土地

地俱號京城佛城隍土地云

佑德觀

在潛夫山上即宋天慶觀址明永樂中建上有玉皇殿老君閣清嘉慶五年邑人重修

案俗稱張玉皇亦自有出徐孝穆詩張星舊在天河上從來張姓本連天唐段成式諾皋記云天翁姓張名堅字刺渴漁陽人少不羈無所拘忌嘗張羅得一白雀

愛而養之夢天劉翁資怒每欲殺之白雀輒以報堅堅設諸方待之終莫能害天翁遂下觀之堅盛設賓坐乃竊騎天翁車乘白龍振策登天天翁騎餘龍追之不

及堅既到玄宮易百官杜塞北門封白雀為上卿侯改白雀之脣不產於下土劉翁失治徘徊五嶽作災堅患之以劉翁為太山太守主生死之籍天翁者即俗所

稱之玉皇大帝也其說荒唐姑妄聽之

中峯觀

在中峯山上明成化時重修上有鎮武朝八仙樓

案世人以鍾離權呂洞賓等為八仙後蜀趙昶生日道士張素卿進八仙圖乃李耳容成董仲舒張道陵嚴君平李八百范長壽葛永瓊也詳見黃休復茅亭客話

及圖畫見聞志

圓峯觀

在縣西南六十里故鎮戎州地圓峯山上與中峯同

高峯觀

縣南四十里今史楊家地廟與圓峯山同

西峯觀

縣西三十里今橫河景家廟與高峯山同

元都觀

在中峯山腰元至正年建

琳宮梵宇惑於邀福祈年者無不奔馳建造今古一轍君子無從笑其愚也而亦既閔之矣鎮原古寺指不勝屈然大都為元魏時民間避役之作則時事又可知矣清嘉慶時邑紳張輝祖議將右列寺觀皆深鳩築廢棄足惜擬將各寺常住田地查出俾作社師之用寺觀即作社學之地以時弦誦化無用為有用豈不有裨民風益人心也哉

羣祀

羣祀者民衆所信仰者也舊志於民衆信仰雖明知其要而苦無地以容納之蓋民間所祠並非秩祀又在釋老以外不得云寺觀也王國運湘潭縣志禮典篇爲羣祀佛寺二表吳恭亨慈利縣志則爲祠祀志而附以家廟寺表觀表等茲仿其體例而爲之述羣祀

千勝廟

邑東北二十里俗名寇家廟有神燈夜深輒見

真人洞

在中峯山祀唐孫真人

聖母宮

一在中峯山左俗名百子宮一在隍廟西

案俗有聖母娘娘之祀其左右多塑嬰孩考其義則廣嗣宮也案毛詩傳古者玄鳥至之日以太牢祀於郊媒即廣嗣之義歟今雜佛老之教以附會不

經之說煽惑愚婦以爲入廟燒香之地此邪說之當禁者愚意或如陸稼書

靈壽縣志所載土人祀帝譽姜嫄正其稱號或猶不失古意云

純陽宮

在聖母宮右邑人沈毓章募化創建

玉皇殿

在潛夫山頂清光緒三十二年紳任國棟重脩民國九年地震殿及南天門破爛十六年會首張文祺買國璽亢致中等募脩殿前有漢時義柏一株極蒼古十九年冬陝匪舉梅軒部砍其幹紳任瑞琳等代以變價

財神廟

光緒二年邑人劉樹德等募脩戲樓獻殿每年七月二十二日商界演戲

呂祖廟

即舊純陽宮

聖母宮

在中峯山即百子宮在隍廟西今宮前爲第一女學校

白衣菴

在潛山腰內有白衣菩薩銅像一座高尺餘民國十九年陝區雷吼盜竄現僅有大銅佛像存

建於志 寺觀

開州復華印書館排印

奎文閣

在縣南左
家坡頭

三台閣

在潛山上民國十九年邑紳劉篤培任瑞琳
李芳洲亢致中等連同奎文閣重脩

雷神閣

在潛山前燬
於同治回亂

安慶宮

縣東北五十
里在太平鎮

王母宮

縣西門外百步其上
有王母三清等殿

雷神閣

在潛夫
山上

觀音院

縣內東山
上今廢

無量殿

在中峯山
上今廢

廟產

南潯鎮志卽有宋時寺院檀施數目上方山志亦載寺產田畝纖悉不遺嘗考中國當業之由來卽起於唐宋僧寺之長生庫故寺院關係社會之經濟最巨兌之論之詳甘肅在承平時代表廟宇最多之處卽商業繁盛之區亦卽人民活動力所表現之一端安得以其迷信而忽視之也鎮邑受天災人禍種種破壞廟門十扣九不開矣而產業若干有地方觀念者可勿妥爲保存哉

關帝暨城隍廟地

太陽高家楊暢二姓捐原地四十畝零山地壹頃六十畝零東至水心西至白治民張屋南至深溝北至水心

隍廟地

坑塔王家王劉二姓捐地二十五畝有零地名王家灣東至溝邊南至劉姓地

西至郭大士北至溝邊為界

棗林李家山地捌拾畝零地名紅塚

紙房趙家山地叁拾畝零地名荒蒿灘乾隆三十六年大里六甲路靈運恐價

買明劉姓地一頃零貳畝

衙門口東西舖面各兩間

以上隍廟兵戶
工科鑲有碑

開邊南坡城墩墩山山地壹頃貳拾畝

毛家堡銅鼓山山地壹拾陸畝

惠家溝圍黃耳岔山地捌拾畝

交口河川賈家山山地一連捌拾畝

玉皇山無量山兩廟地

玉皇中峯兩山山地共柒拾玖畝

高莊坪川地二段叁拾畝

席家四灣老山地壹連伍拾畝

黃蛟岔淺灣上中山山地壹連肆拾畝

左家坡頭嶺地叁段貳拾畝

西城外堡子山地連段肆畝

共地貳頃貳拾畝

玉皇山地每年納糧叁錢柒分陸厘無量山地每年納糧貳錢捌分均係大里

一甲

玉皇山玉皇殿鑲有碑

奎文閣廟產備詳前志今陳家溝龍王廟崖背有山地陸畝

村堡

明末流寇之方熾也承平久人不知亂且謂寇遠難猝難及甯郡魏禧獨憂甚移家翠微峯居焉翠微峯距寧都四十里四面削起百餘丈中徑坼自山根至頂若斧劈然緣坼鑿磴道梯而登出其上穴如鑿口因置閘爲守望士友稍稍依之而彭氏望林確齋亦至其後數年寧都中

寇被屠掠而翠微獨完同治回亂城屢陷邑人結寨自保如西門外之五里溝堡子南川之石堡子賊屢攻未陷其地形與江西之翠微峯彷彿似之是民衆建置之一端也

朱家堡 縣東八里

赫連堡 縣東二十里詳山川目赫連山

新民堡 縣東二十里

金城堡 縣西二十五里

五里溝堡 縣西五里

大戶坪堡 縣西二十里

劉家坪堡 縣西北三十里

川鄭堡 縣南三十里

夏家堡 縣北三十里

靈麓堡 縣北十五里

高家堡 縣東五十里屯子鎮

賈家堡 縣東五十里屯子鎮

党家堡 縣東南一百一十里屯子鎮

万俟堡 縣東八十里屯子鎮詳山川目金塘山

大王堡 縣西南七十里新城鎮

毛家河堡 縣東一百一十里蕭金鎮

下劉堡 縣東一百一十里蕭金鎮

棗嶺堡 縣東五十里太平鎮

蘇李堡 邑北五十里孟壩鎮

大李堡 邑北五十里孟壩鎮

孫家堡 邑北九十里馬渠鎮

硯瓦堡 邑北五十里馬渠鎮

修鄉土志

此編所紀於四鄉一切建置查焉不詳已由官紳會議催四鄉各修其鄉土志

江浙二省小志反多佳構如法華鄉志甘棠小志南潯鎮志之流其中甚饒故實蓋方志之書大則難工細則易審南方稍大之鄉鎮較西北一縣之文而有餘亟宜倣照辦理令鎮原四鄉各成分志彙送縣志局以待成書鄉志不必侈言體例但令就所見所聞所傳聞據實寫錄亦可會萃成書阮元序北湖小志曰使各郡縣數十里中皆有一人載筆以志其事則郡縣之志可不勞而成善哉是言

將來之縣志

從民國二十四年起所有關於建置事宜由縣政府照檔案錄一份交教育局妥為保存俟滿三十年修新縣志時分別記載以免遺失而成信史

舊時各省修志多稟承大吏檄令通式康熙二十九年河南巡撫通飭修志

牌照

見康熙間始縣志

乾隆中陝西湖北則畢沅同治中江西則劉坤一光緒中山

西則曾國荃之類是也然大府所頒格式未必悉合地方情形有司視為具

文不能延聘通人為之裁定參差紊亂之譏恐難免矣舊例學政考試所至

之處州呈送志書不知始於何時至乾隆中各州縣新修志書更有由學政

考核之例據嘉慶時常州昭合縣云乾隆三十一年據浙江巡撫熊學鵬具

奏以遂安縣志侈陳毛一鷲政績嘉興府志曲諱虞廷陸附黨是非倒置又

蕭山縣志極詆嘉靖間學道陳大綬

萬曆乙未科進士江西浮梁縣人

而大綬督學以清節著

建德志

鄉土志

三二四

湖州俊華印書館排印

聞所載悉屬顛倒已飭地方官分別核實刪除又查各省而例原有於學臣蒞任時呈送志書之事悉令學臣不拘時日悉心考核現在修輯之志書亦令學臣查核再行刊刻等因此內閣於同年二月十八日題略謂修輯志書原係地方公事如或紳士自行經理編纂附梓亦所弗禁但不得勒派致滋擾累倘有官吏借端苛派仍令該管上司嚴查參究可也十九日奉旨依議此後修志自行經理編纂可也

重修鎮原縣志卷三

民族志

昔春秋時周之史伯鄭之子羽晉之胥臣楚之觀射父皆善言族姓炎黃以
來如指諸掌而以姓氏著書傳後者周則有左丘明世本之姓氏篇戰國則
有荀况之血脈譜漢則王符潛夫論之氏姓志鄧氏官譜潁川太守聊謀之
萬姓譜徵君管甯之姓氏歌斯為最古鎮原周先王教稼之區漢安定太守
駐節之地鑿穴而居耕田而食者其民族由來久矣

種類

居久而稱為土著者

土著者謂人民與土地相附著
即世居本地之人所謂老戶也

民族志

種類

一一一

蘭州俊華印書館排印

漢書身毒國居大夏東南其俗土著注謂有城郭常居不隨牧畜遷徙也鎮原屢經兵革文獻無徵明以前之士著無可攷矣

由外而遷居於此者

〔十六國春秋〕乞伏國仁隴西鮮卑人其先自漠北南出太陰山五世有祐鄰者晉太始初率戶五萬遷居高平川鄰卒子結權立遷於牽屯

罷官而在此居家者

漢皇甫雋爲安定尉因家焉後其子孫昌熾由後漢而六朝以至於唐代有傳人留名史策明嘉靖時環縣貢生慕永忠官鎮原教諭亦家焉今其後裔分三大支爲邑中望族

屯田而未歸故土者

宋時鎮戎軍區域屯田占五百頃明制屯軍每人授田一百畝

宋咸平中陝西轉運劉綜上古原州屯田疏略謂古原州建鎮戎軍一歲給

芻糧四十餘萬石束茶鹽五十餘萬更令遠民輸送其費益多請於軍城四

面屯田開田五十頃置役軍二百人牛八百頭耕種之又於軍城前後及木

峽口

詳見關釋

各置堡砦分居其人無敵則耕敵至則戰命知軍官為屯田制置

使自擇便臣充各砦監押每砦各百人充屯戍詔從之

案史自後魏置原州隋唐因之故宋名為古原州今邑縣署大門樓猶有石刻古原州三字

明初兵制每軍一名查給衛所屯地一頃以為屯田彼時養兵雖衆不費一

錢官不煩催科民不苦輸納正統間改令民輸粟於官軍支糧於倉催徵出

納吏緣爲奸兵饑漸缺民賦日通甚至典屯弁職繫獄籍役者纍纍屯政日壞萬歷七年臨鞏兵備暴孟奇議請每兵仍給地一頃熟荒各半兵民相又四十年

異族之常川居住者

義渠戎

鎮原舊爲義渠戎地義渠種最強築二十五城與秦相抗周顯王四十二年秦縣義渠赧王元年秦侵義渠取徒涇二十五城四十五年秦滅義渠置隴西北地上郡鎮原遂屬於秦

沙門

(輯志)元魏時平涼有鐵勒斛律沙門等族今縣川東三十里沙門趙家是
其地也

吐蕃故城

(輯志)縣南二里乾隆十七年被河水冲崩考唐德宗貞元四年吐蕃城故
原州而屯之卽此今土人猶謠傳以爲滿洲城又案原州初治屯子鎮寺處
石科等處後治於此後又移治臨涇今縣署門石刻有古原州三字今治蓋
原州舊治云

大蟲峴堡

(智囊補)初原州蔣偕建議築大蟲峴堡宣撫使王素聽之役未具夏何間

要擊弗就借懼請罪素曰若罪借乃是墮敵計乃責借使畢力自効借卒城

而還(輯志)考史野利大蟲俱屬羌名又五代史唐福爲朔方河西節度使

將之官行至方渠今環縣青岡峽遇吐蕃野利大蟲二族數千帳福大破之今

縣東北九十里近安化縣境有野利寺卽屬羌野利王帳房大蟲堡當在其

地

穰子營

(輯志)縣北四十里遺址猶存今以是名其地

蕃戶之請求內附者

宋仁宗天聖元年涇原畔迷卞杏家族納質內附冬十二月環慶蕃部鬼通

等降附涇原皇祐二年涇原路生戶首領那龍阿日丁內附三年涇原樊家

族密斯歌內附

客商之入籍多年者

清同治兵燹後土著寥寥田畝荒蕪募人耕種光緒三年關中大饑饑民逃
難於縣者初則爲人傭工繼則小本經商久則娶妻生子大有此間樂不思
蜀也之意至河南山西人之入籍者皆近三十年之事

然樵通志氏族一略僅辨民族之原而未及其分合升降之迹豈未成之稿
歟清初章實齋永清縣志創立士族表俾讀者確然能得古人奠世系之微
意而深有合於近代治史學者重譜牒之精心惜實齋亦未能澈然貫通其

中意義也金蓉鏡靖州鄉土志以人類一篇判別州人種族有回人撞人漢苗之分以姓繫種以戶繫姓部分犁然可與民族一篇互證就中取丁氏譜牒上溯其由阿喇伯入居中國之始向來撰志者無是精密鎮原在周武王時爲彭戎在春秋時爲義渠戎唐有吐蕃元有蒙古今皆爲漢人矣既合矣似不必強爲區分也

氏族

說文州字本古水字加三點者人依水而居也鎮原卽古原州境內有大水四民族所賴以爲生活者也有土自有人有人卽有姓姓必冠地名者重其所居也亦有冠以郡里者從其譜也來自何處何年始遷必詳記之重其所

始也同宗異派或分遷者則彙記之明源流也同姓不宗以遷來先後爲次別新舊也族中之名人有可考者擇要記之著其爲望族也譜之卷數必記創修譜者必記重修年月必記氏族所重重在譜牒也斯誠得研究氏族之方矣

劉昌氏 此土著之最早者也

(輟耕偶談)周餘民在安定北地者爲劉昌氏不與諸戎伍自謂公劉之裔

皇甫氏 宋戴公之子名充若字皇父因氏後改父爲甫居安定郡

慕容氏 蕃姓高羊少子居東北夷復徙遼西號鮮卑國於昌黎棘城至涉歸爲鮮卑單于甘肅慕容氏皆吐谷渾之後曾立國於青海之濱歷二百餘年

周秦代北姓譜鮮卑單于涉歸自云慕二儀之德繼三光之容故氏慕容一

說涉歸好冠步搖冠諸部呼之曰步搖其後音訛轉為慕容魏滅燕慕容子

孫多以興為氏延昌末詔復原姓明洪武五年令去容字稱單姓

紇干氏

初為田宏氏漢姓也

鄭樵通志所載閭慶之為大野氏辛威之為普屯氏韓哀之為侯呂鄰氏李

弼之為徒何氏田宏之為紇干氏王雄之為可頻氏王羆之為柘王氏蔡氏

之為大利稽氏陰氏之為邱目陵氏張氏之為叱羅氏周氏之為車非氏南

氏之為宇文氏皆是時功臣改姓者也

万俟氏

万俟讀本其後魏獻帝季弟之後分卜姓

官氏志万俟洛隨魏孝武入關慷慨有氣節勇銳冠世除為左僕射高平万

侯氏豈其苗裔耶至今過方侯垣者猶爲之歎息焉

自漢迄今歷時久遠苟能舉諸彊宗巨族溯其流源綜其分合盛衰往來久暫今日著方志者之一偉績足令閱者深明歷來社會組織之進化情狀而民族精神與政治相關處亦可以表見惜乎安定諸郡屢經兵劫世家譜牒無復存矣僅就史晟所載略言其大概如皇甫氏一族上下千餘年間繼繼繩繩麟麟炳炳斯誠隴東文化史中心問題矣可與安平崔氏相提並論近世如焦氏張氏各有譜牒無庸贅述

移徙

一邑之人民遷徙必有其所由然或以天災或以兵禍或以政府命令遷民

實邊皆可與其他史事相印證欲了解吾國近代制度思想一切變遷此事
 端為鍵鑰然此等事史策多失於紀錄志書亦嫌其瑣碎非求私家譜牒不
 可得矣清同治之亂光緒二十七年之大饑邑人為水旱所逼有輕去其鄉
 者矣此皆失業貧民無譜牒可考茲就歷史所載舊志書所紀者略言大概
 如左

後漢安帝永初五年春三月詔安定諸郡內徙

為羌寇河內畿輔震
驚故也詳見大事記

三國魏居休屠胡於高平

詳見大
事記

晉孝武帝大元十九年秋七月後秦主姚興徙安定數千戶於蒲版

初前秦主苻登駐安定至是與後秦戰敗績奔平涼
興入安定涇陽擊登斬之遂徙數千戶於蒲版

宋徽宗重和元年夏四月詔涇原環慶邠甯流徙所在賑卹

明代人民移徙之原因

舊志書云鎮原在元時爲臨涇彭陽東山三川四縣之地名雖爲四而元人以地瘠氣寒糧額甚少明初併四屬爲一縣不察舊額惟照地廣派夏秋糧叁萬肆千柒百柒拾餘石較漢中一府反多又因糧派站協濟各州縣馬壹百肆拾貳匹比鳳翔一府加甚民遂不支然自洪武以來糧完不及叁分時亦以邊疲不甚急追民故不逃至成化間歲大祲死亡過半拋荒不可勝計邑侯徐鏞收民於近境奏豁糧壹萬貳千柒百石零棄邑西北地自開邊鏞至平安寨又至彭陽驛縣西百里舊名彭陽城俗訛爲白楊城凡百餘里無人耕種正德間總制

楊公一清見棄地甚多置爲牧所屬靈武監

卽上彭陽驛改名後萬曆十年復改名清平監

蓋鎮原已

削疆土殆半而糧亦隨減矣後嘉靖十六年不查地減之故復按舊額派索

已豁舊數百姓漸次逃亡巡按題請寬豁未允至萬曆十一年歲連祲民之

死者十五六近例更嚴參罰有司不得已而下嚴徵之令拘繫箠楚不得其

死者衆矣滑奸之徒或遠去鳳翔華亭或潛窩本境軍寨拋荒之地被境內

捌拾寨餘丁占種拾之四五軍強民弱勾攝難行象之無籍宗室霸佃逃戶

田產倚勢拒差蓋城中成刁俗焉當時議者謂宜將捌拾寨屯軍準照土

達軍九十七名往年編充里甲辦當糧差未果舉行嗣後宗室愈繁膏腴率

爲所肥窮民不能供差者帶地役入爲奴府之雜應止責於一二良民又自

啓正以來凶荒游臻雖糧額豁減止留壹萬捌千而完納不過三分之數官
斯土者無一不累於考成焉崇正十三年大祲十五年流賊破縣民之死於
荒者七死於兵者又二矣慘矣哉清初軫念邊氓折徵熟地邑侯崔應鳳請
豁糧壹萬石有零招撫遺民九百餘戶百姓漸次樂業垂三百年乃元氣至
今未復夏秋稍歉民卽不堪其命者良由地瘠氣寒雖種多而獲少寓撫字
於催科是又父母斯民者之責也夫

戶口志

周公重民之政莫詳於周禮小司徒一官自秦稅地而稅人後世遂有營戶
兵戶府戶僧祇戶佛圖戶藤花戶蒲萄戶之屬煩苦困勞不堪其命而逃絕

者多矣鎮原迭際兵燹登耗匪一在前清盛時休養生息嗚吠相聞生齒之繁超越前代然編戶寒亟卽樂歲猶多啼號之聲長民者其如此庶何也噫

西漢

(漢志)安定郡戶肆萬貳千柒百貳拾伍口拾肆萬叁千貳百玖拾肆

東漢

(漢志)安定郡戶陸千玖拾肆口貳萬玖千陸拾

後漢書光武帝建武六年夏六月以戶口衰耗詔并省四百餘縣吏職減損

十置其一前漢安定郡領縣二十有一至是止領八城

晉

(晉志)安定郡戶伍千伍百

(十六國春秋)赫連昌一名折勃勃之第三子勃勃薨於永安臺魏乘虛來伐戰於黑渠爲魏所敗昌與數千騎奔還魏追騎亦至昌留河內公費連烏提守高平徙諸城民七萬戶於安定以都之

西魏戶口無考

西魏書託拔廸繼趙肅撰律至周保定三年乃就謂之大律凡二十五篇六日戶籍則魏律條例於此尙可考見

隋

(隋志)平涼郡戶貳萬柒千玖百玖拾伍

民族志 戶口

蘭州俊華印書館排印

文帝命州縣大索貌閱戶口不實者里正黨長遠配

唐

(唐志)原州平涼郡戶柒千叁百肆拾玖口叁萬叁千壹百肆拾陸

唐高祖武德六年令天下戶每歲一造帳籍玄宗開元十八年勅諸戶籍三

年一造又唐書帝問歷代戶版

宋

(宋志)原州戶貳萬叁千叁拾陸口陸萬叁千肆百玖拾玖 鎮戎軍戶貳

千玖百陸拾壹口捌千伍拾柒

金

(金志)鎮戎州戶壹萬肆百肆拾柒 原州戶貳萬柒千捌百

元

(李志)鎮原州戶壹千玖百陸拾壹口捌千伍拾肆

元史括北京鷹坊等戶丁爲兵額其賦令趙炳將之戶丁卽團丁也後世按戶抽丁以衛地方猶今民團商團之類

明

(平涼府志)鎮原縣洪武戶貳千貳百口叁萬壹千玖拾伍 成化戶貳千

貳百 嘉靖戶壹千肆百伍拾叁

(張志)萬曆戶伍百伍拾壹口陸千柒百柒拾柒 崇正戶玖百有奇

明制每戶給戶帖書其鄉貫丁口名歲卽今之門牌也

清

(潛麓紀聞) 順治戶玖百貳拾玖口 壹萬伍千肆百貳拾陸 康熙戶貳萬

捌千玖百叁拾叁口 四萬柒千伍拾肆 雍正戶貳萬玖千貳拾捌口 伍萬

肆拾肆 乾隆戶肆萬玖千陸百伍拾捌口 陸萬玖千玖拾柒

(縣冊) 嘉慶陸年戶肆萬陸百肆拾柒口 貳拾叁萬壹千貳百陸拾柒

會典腹民計以丁口 邊民計以戶 清末改保甲爲巡警 一律造戶口冊 今之

戶籍簿謂登錄公證依親屬制家制及國民籍之各人身分事項者

民國

第一區三千五百零七戶男一萬零八百四十三丁女七千九百口第二區
 二千八百二十七戶男八千四百二十四丁女五千九百三十二口第三區
 二千七百二十五戶男九千零四十七丁女六千九百六十口第四區二千
 八百六十戶男九千五百七十三丁女七千一百三十六口第五區三千六
 百二十六戶男一萬四千三百零七丁女一萬零四百九十一口總計一萬
 五千五百四十五戶男五萬二千一百九十四丁女三萬八千四百一十九

口

案清末戶口莫案可稽民國辦過戶口卷中概係房吏捏報不足爲憑
 故自清道光二十六年迄今或增或減無從而知上照民國二十三年

調查數登載較爲確切惟男女相比女竟短一萬三千七百七十五口
差數之鉅令人可驚是天然而然歟抑爲邑人重男輕女陋俗所致歟
特註明望治民者稽焉

開化之程度

鎮原密邈西京開化最早自秦分郡縣至東漢和安時若王符皇甫規皇甫
嵩嵩子堅壽李恂諸人或處或出文章事功彪炳史冊晉之胡奮奮弟烈皇
甫謚謚子方回皇甫重重養子昌雖令終與死事殊執要皆不失爲賢豪而
謚之學尤可與潛夫僊踪焉北魏之胡方回喬梓與胡叟藻耀高翔茲視榮
富有足多者胡國珍以下六子託戚晚以邀恩寵方之胡奮不以女貴爲榮

殆蔑如也而胡長粲之仕北齊頗能正色無所顧忌周之田宏戰功甚偉隋
田恭仁田德懋皆有翊戴功其躋通顯亦宜皇甫績於周於隋克享令名其
發奮自杖尅躬厲已爲何如哉席文闡南史稱以清白著皇甫鏞唐書謂能
文工詩爲人正色寡言衣冠甚偉北宋以來胡順之之才爲范仲淹所愛向
寶之勇與薛仁貴敵南宋之楊政不與吳璘抗禮曲端李彥仙皆死於張浚
之猜忌要俱爲當時將帥之犖犖者元止征我訛令榮父子爲有建樹明仇
武襄鉞以計擒賊平亂迅若電掃出身雖微其封爵予世卷嗚呼盛矣極盛
之後難乎爲繼今則異於古所云矣

鎮原兩漢人才何以如彼其盛其文章經濟何以濟濟多人自唐以後何以

遠不及古清末何以益衰淺見者皆以爲地氣使然風水所致堪輿悠謬之說任意附會累牘不休謂某處可造塔某處可以建橋以資培補不知皆都會遷移與民族變遷之所致也今也迭經喪亂則教化不行橫索錢財則產業凋敝今昔盛衰之不同其間消息如何不待智者而知矣

人爲之區分

人有賢否智愚貧賤富貴究其所以區分之故果安在哉文明與野蠻而已吾國開化最早爲全球萬國所公認當五帝之世垂拱無爲其制度考文無所稽至三王尙忠尙質遞進於文故孔子有郁郁從周之嘆所謂文者何其禮乎周之禮儀三百威儀三千其節文之美備實蔑有以加矣外則足以束

其形內則足以約其心入以事父兄出以事長上舉凡視聽言動莫不繩之以禮推而孝悌忠信因其地位當然之極與分別定以名而已禮也者其文化之首基道德之鼻祖乎鎮原在周秦之季已被王化至漢而大盛人文蔚起代不乏人又得鄉前賢王潛夫之陶鎔迄今風俗敦龐家誦戶絃著述文章世有所考然心醉歐化者則謂西北交通不便文化落後宜急起直追迎合潮流識時務者其俊傑乎雖然新文化固宜輸入舊禮教亦宜保存有子曰君子務本孟子曰人之所以異於禽獸者幾希庶民去之君子存之

職業之選擇

士 援引無人顯者甚少前清時得科名設館教徒外大半仍理農業民國

大學中學小學林立每歲畢業者或遠游投身軍政各界或辦理地方公務或居家服田力穡多所用非所學也

農 周禮謂三農生九穀鎮原亦有原農川農山農之分原農運轉多以牛車用力少而成功多川山農運轉概以人負驢馱用力多而成功反少又每歲驚蟄後卽始春耕直至年終而耘而收而藏梅風沐雨永無息時邑素本磽瘠豐年終歲勤勞僅能仰事俯畜近數載兵匪交加供億浩繁農民更難維生

工 有土木鐵石等均手爲之無機器可言他如縫紉乃各家婦女慣技耳
商 有客商本地商分客商屬山西河南陝西人資本稍厚多業棉布京貨

類本地商資本較薄多業麻紙磁器藥味類均僅旋躉旋銷而不能發展
兵 各國提高軍人資格婦人女子亦豔而羨之如普法之役戰勝軍人言
歸故里貴族裙釵道左趨送引觴進爵以得軍人一顧爲榮德國閨秀與
人結婚必先稽考軍籍倘籍內無名婚事每致不諧英俊少年稔知文明
國家人人有當兵之義務民國十二年洛陽吳佩孚招學兵邑中學生自
備資斧往洛陽入伍家屬恐其一去不返故爲阻撓學生慷慨而對曰負
男子七尺軀不如外國之婦人女子可恥孰甚焉由是互相援引當兵者
日漸多矣

此五者之外有飽食終日者謂之游手好閒有緣門持鉢者謂之窮無所

歸有靠術署謀生者謂之私而忘公有在局卡當差者謂之飛而食肉皆無正當職業而其中亦有貴族焉流蕩忘返惟利是圖豈風氣之移人耶
信仰之類別

書曰肇稱殷禮又曰至治馨香感於神明易曰聖人以神道設教郡邑有民人則有社稷山川百神暨凡有功德於民者皆宜崇祀所以合幽明而抒誠敬也至洪範休咎有徵乃天人相感之理俾司牧者用以迓天休儆人事而已邑中民衆所信仰者惟祖師耳祖師者唐進士呂岩也民衆或因病求方文人或扶乩請訓一則孝心所感一則善心所發尙非左道惑人者流不得以其未列祀典而輕忽之也故舉近年所設諸壇而臚列於

左

綠陰壇

亦名清淨庵在邑東北三十里唐家坳光緒十八年建
廟貌巍峨為邑壇中最降有圓綠集航大成錄一部

新民壇

在邑東二十里富家坪亦
名桃源洞民國六年建

集綠壇

在邑北五十里初李進士清瑞宦遊陝西設於長安九府街後移孟鎮
蘇李莊民國十六年復移蘇李堡

元綠壇

在邑東五十里太平鎮民國十七年
建二十年改大清庵

永福壇

在邑南二十
里安家溝

福綠壇

在邑西六十里
杜家寺舊址

平靜壇

在邑西南四十里
平泉鎮天寧寺

集仙壇

在邑南三十里
川鄭莊金堡山

呂先生名岩字洞賓河中府人唐禮部尙書渭之孫渭四子溫恭儉讓讓終海州刺史先生海州出也會昌中兩舉進士不第卽有棲隱之志去遊廬山遇異人授劍術得長生不死之訣多遊湘潭鄂岳間或賣紙墨於市以混俗人莫之識也慶曆中天章閣待制滕宗諒坐事謫守岳陽一日有刺謁云回巖客子京曰此呂洞賓也變易姓名爾召坐置酒高談劇飲佯若不知者密令畫工傳其狀貌既去來日使人復召之客舍主人曰先生夜半去矣

蘭州有祖師廟祖師樓子皆奉祀呂先生之地也祖師二字亦有所本春秋正義啖助曰三傳之義本皆口傳後之學者乃著竹帛而以祖師之目

題之漢書外戚傳定陶丁姬易祖師丁將軍之元孫師古注祖始也丁寬
易之始師又釋老二氏亦稱其創立宗派之人曰祖師

家庭之組織

一室之內各有所事男耕於野婦爨於厨完納錢糧應對賓客則惟當家
者負其責名分懍然下不犯上家長命令男婦老少絕對服從子孫對於
祖若父生奉養病醫藥歿殯葬既葬之後遵守先人遺訓而不敢或違茲
擇各家譜中之訓言臚列於左

宜和睦

凡人家道之昌端由和睦一家之中有耕有讀爲工爲商各執一業乃能

相與有成自同治亂後邑中聞有分家之弟兄甚至父子異爨姑婦勃谿
澆風一起人倫毀薄抑引之教徒聞圭璋之璞罕就乖氣致異理所必然
故欲厚風俗先從明人倫始

求刻苦

邑中士習安靜良於他縣但入學以後漸習奢華混跡書齋消磨歲月其
由學堂卒業者教習終身蔗境毫無相沿如此皆由不知振作昔李恂身
爲大守織席自給路于充年少讀書以雞毛煖坑載之邑乘凡爲士者俱
當以此爲師爲父兄者尤當以是自勉也

勸婦女

鄉間婦女井臼親操無暇學女工大家閨秀但知繡枕頭剪窗花務爲無益徒誇精巧紡織之事無人研究夫婦德不外於婦工成家必由於內助如果婦女能紡織衣夫衣子儘可濟不足而紓家庭窘迫之憂况貧婦孀居有此手段不難自謀生計撫子守貞完節操而存廉恥其於風化所關更非淺鮮倘以余言爲河漢也請觀鎮番一縣之婦女

崇節儉

近來奢侈之風以東南爲最甚問其所自則曰效法外人而外人究未嘗若是也請以日本言之德川光國襲父賴房之封及爲政則戒奢侈松平定信身衣澣衣食菜羹及參幕府之政則禁奢侈酒井忠勝典樞要三十

餘年德川家光欲封以邑屢辭之家光又欲封以鄰近之地使人諭之忠勝愕然曰吾所以辭封者以古今執政之臣祿厚則驕驕則覆滅吾縱能終身恭儉安見子孫之不招禍乎家光嗟歎而止諸人儉德足挽靡風中國事事取法日本而節儉則未之逮此風不革國何以強鎮原僻處西北舊俗崇儉近來匪旱頻仍比戶枵空餬口且猶不足奚暇習奢侈哉

互相親愛

家庭之間無國家思想則男子出而任事必薄於愛國之感情蓋國也者合衆家庭而成焉者也人人以公正自許實皆自卹其私自謀其利墨子曰諸侯各愛國不愛異國夫夫各愛家不愛異家子自愛不愛父弟自愛

不愛兄世變驚心遂激而爲兼愛之說將以愧夫自私自利而不知愛國者今之中國一戰國之天下也卽一縣一鄉之問口頭所謂愛國者其真愛國耶苟無國何有家苟無家何有身故必去其自私自利之心而後可以言理家亦必有團體堅固之家庭而後可以言愛國

勿迷信風水

吉壤之卜第一免水衝沙壓不爲城郭道路而已此古人擇地之本意也孔子治於中都四寸之棺五寸之槨孟子曰且比化者無使土侵膚於人心獨無忤乎皆大中至正之道也鄉賢如皇甫謐之裸葬雖不無宗旨究未足爲訓邑人矯皇甫氏之失故爲厚葬又惑於形家之說採牛眠佳壤

逐逐爲後裔求富貴豈知生不能爲力已枯之骨又將焉能必謂地力可
靠則秦皇謀爲萬世一統之天下身沒未久寶祚卽傾驪山之陵又爲牧
童所焚然則土木改運之說其可信乎

銀不以多爲貴

銀不可以爲食金不可以爲衣雖有照乘之珠連城之璧不足爲貴也望
子孫多積穀少藏銀蓋凡天下之物堅久而少得者皆可以爲權周有九
府圉法不專以銀爲權也權少則貴重而物裕不以多爲尙政亂物匱民
趨末作銀雖多而權益輕採雖廣而費亦侈墮農業而靡衣食銀日以多
衣食日以竭浚谷之言先得我心矣

人貴改過自新

人誰無過過而能改斯爲善人矣昔陽羨周處爲害鄉閭後從陸雲兄弟遊著書立說復死於齊萬年之難史以忠烈稱之鄉賢皇甫謐少年狂蕩後聞叔母任氏之言發憤成名自著高士傳一書蓋夫子自道也人固不可知千尋之操或以一念墮生平之疵或以晚節覆人可不自勉乎孟子曰雖有惡人齋戒沐浴則可以事上帝吾深有味乎其言

家祠之訓誡

錄慕氏祠堂示族人應遵守者

人民里貫爲一切政治社會制度所麗又爲中國文化升降所從顯東南諸省聚族而居往往數百家僑集於一鄉其鄉里之組織最完密其鄉鎮

之祠堂亦最多其人民里貫具載於私家譜牒郁郁乎文哉皆民權發達之所致也甘肅地廣人稀世族大家始有祠堂之建築忽遭世變向之慘淡經營者遂爲匪類之所居於是鄉里之組織必首蒙其破壞此西北政治社會制度所由廢也雖然變者其迹不變者其心蓋祠堂之訓言罰例深印於族人之腦海中而未能盡忘也因陳大略如左

一 務本崇實

孝弟者立身之本忠信者作事之本禮義者化俗之本廉恥者強善之本勤儉者起家之本清慎者守官之本君子所當務者也不矜能不毀親不恃有不許訟不遺故舊不欺貧賤忘己之功不忘人之功記己之過不記

人之過厚之道也而崇之可以觀仁矣斯二者體之則內以成己外以成物近則成家遠則成俗先於吾爲賢父兄後於吾爲賢子弟否則內外遠近無一可稱生無益於時死無聞於後罔生也已

二 田地貨財相通

田地貨財人情各私其所有能知祖宗一本之誼則有無可以相通矣夫相通者豈謂以此盡推於彼而失其所有哉推多餘田地以與貧乏之有力者假之歲月而取其值推餘積錢穀以與貧乏之有信者令其獲利而償之本如此有益於彼而無大損於我亦何憚而不爲哉至於貧者售產富者增價貧者稱貸富者減息二范之喬梓二阮之咸籍聲聞籍籍垂於今不

混千載下猶可興起吾於賢者有厚望焉

三 勿聽婦人言

婦人異姓也非吾祖宗一氣所分安得同條而共貫乎人生狎愜之私未
有如夫婦相親者故枕席間昏朝習熟兩情爲一而得售其異類之說以
間我同氣長舌厲階古訓可鑒也禮女在家則從父適人則從夫夫死則
從子母之尊且不可加於子况非其子而聽從其言者其後患何堪設想
耶人家蕩析離居多起於婦人杯杓之間鳩毒存焉衽席之安戰鬪生焉
言可畏也奈何聽之吾後世子孫有謂婦言爲可聽者論以不夫有謂聽
婦言爲不可而懦弱不能制其婦反被欺凌者論以不婦不夫者械辱於

廟不婦者出還其家

四 勿以讒邪間骨肉

骨肉至親出於天性豈外人所得間傷哉惟讒口之毒斯能巧動其深惡痛絕之機而中傷之計行焉楚之子玉子申以二大夫而斃於一嬖臣之手讒言之禍可不畏乎昔者舜以大聖人爲君猶慮讒說殄行震驚朕師舉以示龍賢人而下見理不明聞言易惑以易惑之見而投之巧中之情鮮不視彼爲腹心而寇仇我骨肉矣彼之深情厚貌巫言鬼行必不容罅隙可窺耳雖武帝雄才輕信左右殺一戾太子餘何足論大抵平時聞人過失以爲大快是以讒口之來不求自至至於骨肉參商猜疑傾陷良可

痛心

五 去忌嫉攻訐

君子見大則心泰心泰則無不足則忌嫉攻訐之私無自而萌焉秦誓所取大臣惟休休有容孔子所稱爲直却在父子相隱此二惡者皆先王之所必誅聖人之所大惡也然忌嫉多起於貧富貴賤之不侔攻訐每由於滑稽放誕而不顧殊不思降命自天爲之在己不耕田何以富不讀書何以貴他人固非奪我所有但自失其致之之道耳忌嫉何爲東家夜捏被裏蝨西家脚踏牆頭泥非是本人說外面何由知知理不道傾聽生疑雖欲傷人反先壞己攻訐何爲有是心而不去非善人也有是人而不去非

善族也有是族而不去非善訓也

六 戒同族相訟

同族之人各安其分守其禮何訟之有訟者不得其理而求直於上也不得其直者在尊長則卑幼自當順受固不可犯上以取罪在卑幼則尊長亦當以理開諭不悛鳴諸宗長會宗執事於祠堂前鞠其情而加罪焉罪者強梗乃輸於官若聽信讒佞刁唆不問尊卑長幼徑赴官府相訟者兩罪大抵人家易敗半由於打官司而檢邪小人輩又皆幸災樂禍奔走往來顛倒是非以爲己之騙局縱訟而得直無形中所受影響筆難盡述矣始因競一文之利終至於展轉流離而喪家始因乘一時之忿或至於縲

綆絙枯而亡身其得失利害大小輕重如何諺曰一字入公門九牛拔不出起初不慎後來雖悔無及也戒之戒之

七 毋浪費多作債輕棄產

務浪費則多作債多作債則輕棄產此事之相因者也人惟游手好閒不盡力於農畝因不知稼穡之艱難而費出不經及其用之不繼則必稱貸於人及其償之不繼則必售田委屋不至於無片瓦立錐不已今其後嗣子孫求其衣取禦寒食取充饑免致凍餒以死不可得矣回想當年揮金如土何爲恣一時之侈靡而不思其後哉其或疾病妨已不能自食其力又或官司橫逆一切來併然後許作債復不得已然後許棄產其作債棄

產之時必告之宗長與族之賢明者而審度之量其合用多寡定數然後許交易富者取息必減於異族之人貧者得價必倍於外人之產貸而不償售而後占者毋問少長其罰均衆不許可而私相謀者其罰均不先本族而及外性者其罰均

八 毋培克鄉里小民

富者之家望尊而勢重雖官府亦莫能誰何況鄉里小民耶是以昧義而趨利者凡可以計取而得之者靡所不至悲夫今日爲士大夫焉知後世子孫不爲平民彼之今日壓於勢而不得喘息而我取之若固有而無所難以此反觀其後嗣子孫可不爲寒心哉吾願今之後毋以資本巧取重

利毋以門第強占血產則子孫永保富貴於無窮矣違犯者紀

九 均賦役

官田起賦民田起役其來舊矣民糧數多則差役繁重此官府定則有辭之而不能免者其間射利小人不顧利害反去謀求收頭糧長以滋一時貪侈之欲侵剋花銷賂無忌惜迨其廢產賠補不足繼之以賣妻鬻子不足繼之以縲絏死鑿及其子孫流徙於數千里外離墳墓棄親舊客死他鄉可不爲大哀乎吾子孫當痛以爲戒毋蹈他人覆轍遇有官府坐以前項差役子孫聞幸而有從士夫之後者獲申其請告之情則多認銀差竭力求貸請告而不免卽身任其役毋令奸猾子弟干預錢糧逞其私智而

流禍無窮焉大抵人家子孫能恪守祖宗教訓不墜先世箕裘非取仕進者到老不識官府門庭不犯有司刑法不圖公家貨利但知種田納糧更無他事可以長保基業矣自今以後通計各家現在田地民糧若干其得以士夫例免者均扣各戶照數合辦俾祖宗德澤遍及其子孫蓋祖宗積德百餘年而始發於一二子孫其一二子孫不能上思祖德下庇本支安知其後嗣不爲庶民而今族姓之爲庶民者其後嗣不爲士大夫哉賢者當先見其微遠爲之計可也

十 毋惑異端

非孔子之道皆異端耳異端之爲世患也其最根據於人心者無如佛氏

之教故天下之地不問遠近東西之人不問賢愚男女一動念間而阿彌陀佛卽從其口流出吁浮屠之不可用天堂地獄之誣前輩已有定論後人何惑焉其次又若黃白之術求以資身堪輿之家期以發福彼一切不經無稽之說羅織於世不過以無捉摸影響之事歆之以利而好從之也昔吾高祖嘗著訓於先祠凡爲我後有祀非其鬼於堂者廟宗燹之非四民之事而子孫爲之者自其身絕矣祖訓背之不詳

重修鎮原縣志卷之四

宗教之派別

世變愈亟人羣乃愈進化神權與君權之勢力愈薄弱宗教與道德感化愈深切而著明甘肅五大民族各守宗教之道德漢人尊孔子教蒙藏宗喇嘛教回族宗穆罕默德教又有老教新教新新教嶄嶄新教各派並行西北而不相悖若從精神上論之蒙回藏之信奉宗教有團結性有堅忍力有競爭向上心我孔子之徒一盤散沙對之有愧色矣

天地不混沌人類不滅絕凡蟻旋全球之上蝸處於五洲之間者莫不有其宗教道德焉以相維繫中國雖未明定國教而舉國所信從之宗教道德參贊化育師表人倫歷朝革命順天應人其所以崇奉信仰之者無弗至大哉孔子天下宗焉惟至名乃能無名持廣義而非狹義不立教規以自隘門戶道統之授受無私不講道學以擇別壤流教誨之裁

成多術大道為公有教無類東來之法託於冉求南行之道傳自言偃大同之郵治共和之極則也有志未遠何嘗偏重尊君乎

中國儒術分兩大派一曰漢儒一曰宋儒皆尊孔子之教而互相攻擊宋儒之攻漢儒非為說經起見也特求勝於漢儒而已後人之攻宋儒亦非為說經起見也特不平宋儒之詆漢儒而已平心而論漢儒或執舊文過於傳宋儒或憑臆斷勇於改經計其得失亦復相當惟漢儒之學非讀書稽古不能下一字宋儒之學則人人皆可以空談是疵點之所由來照隨便錄乾隆戊子前一條所由來降至明清以入股取士以是為孔教而孔子之道久已亡矣

釋教 即佛教也佛家地位絕高然或修持未到一入輪迴便迷却本來面目而西藏達賴班禪則不然

舊志謂邑人倭佛自西漢始漢武故事昆邪王殺休屠王以其衆降得金人之神上置之甘泉宮金人皆長丈餘又元狩之年穿昆明池底得黑灰帝問東方朔朔曰可問西域道人晉宋間佛學已行其徒猶未有僧稱通曰道人至道安始言佛氏釋迦佛子皆請姓釋於是釋道始分稱矣然則佛法自前漢武帝時已至中原而傳奕韓昌黎皆言佛自漢明帝時始入中國此蓋論其作寺之始耳

近人謂佛學與沙門異撰入道階位非親自證得者不說神變之事非今日可目驗者不說圓通之談隨事皆可附會者不說今世競重科學言必徵實徒陳侈大未足

厭望是故被機起信莫如大乘起信楞迦深密及相宗諸論彌勒當來下生佛有豫記由今觀之其端兆亦可識矣

方今世變滄桑民生塗炭欲經緯宇宙惟賴大聖真儒彼仙佛特以神道補所不及耳蓋佛生於印度備啓羣迷祇是勸人爲善爲善自受福非佛降福也邑人事到危急向佛前許願是賂之也鄉黨自好者不受而謂佛喜其供養乎

道教 宋徽宗明世宗俱崇道教士大夫實有先啓其機者矣

甘州府志西周之衰老子騎牛入函谷關爲關尹喜著道德經五千言後入於流沙此爲後世道家之祖鎮原道人祇知張真人而已真人者卽俗所稱之張天師也主持道教驅役鬼神尊之者稱爲靈寶大法司或問其故真人曰我亦不知所以然但依法施行耳大抵鬼神皆受役於印而符籙則掌於法官真人如官長法官如胥吏真人非法官不能爲符籙法官非真人之印其符籙亦不靈中間有驗有不驗則如各官司文移章奏或准或駁不能一一必行耳

鬼神術數之學傳自炎黃至春秋而大備然春秋之時人事進化隱障漸開明哲之士漸多不信鬼神術數者至老氏遂一洗古人之面目九泉百家無

不原於老子老子楚人近世所謂南幹之大宗也其學說在探天演無形之
玄理窮思想於世界外之世界齊萬物平人羣階級率本性貴謙弱自五帝
三代以來別爲一種哲學而邑人不知也

劉道士名一明別號悟元子山西平陽府曲沃縣人家累萬金棄之清乾隆時來蘭州掛
單白道樓學道隱居後結廬金縣棲雲山遇異人得參同悟真之旨精易理講太極圖先
天圖多名理布衣蔬食終身不茹葷腥精醫術善眼科所醫治醫重明者數人著書有周
易三義金丹口訣十餘卷年八十坐化金丹口訣十二卷滬上已排印海內盛行邑人有
藏之者

清高宗御製詩御史有以沙汰僧道爲請者朕謂沙汰何難卽盡去之不過一紙之頒天
下有不奉行者乎但今之僧道實不比昔日之橫恣有賴於儒氏辭而闕之蓋彼教已式
微矣且藉以養流民分田授井之制旣不可行將此數千百萬無衣無食遊手好閒之人
置之何處故爲詩以見意云頽波日下豈能迴二氏於今亦可哀何必關邪猶泥古留資
畫景與詩材大哉王言足以遏邪說而息迂談矣

回教 回民之在縣城者但有小
本營生而無入籍之人

案穆罕默德西元五七年生於阿刺伯之默伽是為回教之祖唐書作摩訶末初為行賈至二十五歲備於富孀家遂娶以為妻暇輒獨居沉思旋自稱受神之使命出而說教為居民所迫西元六二二年避居默德那歸依者漸眾遂攻取默伽握其政權以次征服阿刺伯全土及叙里亞西元六三二年沒於默德那嗣其位者世為回教宗主號曰哈利發甘甯青回族自云由阿刺伯遷入內地遵奉天經三十本即穆罕默德手著之書也漢人概稱曰老教又或稱為舊教對新教而言也民國初又有新新教新新教

邵氏聞見錄言回紇風俗樸厚君臣之等不裁髮故衆志專一勁健無敵自入居內地漸染華風尊崇儒術明有馬應龍者字雲華河州八方回教也明正德辛未進士歷官臬臬高麗上詩於朝有應龍文字實堪師之句惜其詩不傳雪峯卒臬蘭彭少保澤為撰墓誌武功康對山海銘之

說於以起矣三教離不開道字儒家就道言道家破道言道釋家印道言道儒家所謂鑿透堅木者窮理盡性也佛家所謂掃透鐵板者明心見性也近有祀孔子於釋老宮者續文獻通考明英宗正統二年四川永州儒學訓導褚華言孔子祀於學佛氏祀於寺老氏祀於觀俱有定制乃無知僧徒欲假孔子以取敬信繪肖三像並列供奉褻侮不經其此為甚乞通敕禁革從之三月禁天下祀孔子於釋老宮又考東華續錄道光十六年秋

七月壬午朔諭汪振基奏山西壽陽等縣均有三教廟至聖先師孔子與佛老同廟供奉與祀典不符著申啓賢通飭各屬卽行更正其各省有似此同廟供奉之處著各該督撫一律更正以崇正學據此三教合祀在前明已經禁革清道光中又奉諭更正今則世界大同信教自由舊時禁令其亦可以不拘矣

藝術之嫻習

人類之未出於草昧或羣鳥獸或逐水草固無所謂藝術也譬彼漆室坯之局之無一隙之光譬彼夜行顛之扑之無徑寸之燭有智不開有竅不鑿無懷氏之民與葛天氏之民與逮乎神聖繼興發明諸種進化蒙者破之陋者文之闕者通之翳者撥之向之民盲以晦今之民文而明人各有一技之長焉以立於於社會中不然則劣者爲優者戰勝矣

算術

嵩真漢安定人明算術成帝時真常算其年壽七十三綏和元年正月二十五日晡時死書其壁以記之後二十四日晡時已死妻曰見其算時長下一算欲以告之慮脫有旨今果早一日真又曰北邙青隴山上孤檟之西四大欲鑿之入七尺吾欲葬此地及真死依言往掘得古時空槨卽以葬焉

樂器

前秦苻氏之末呂光沮渠蒙遜等據有涼州時變龜茲聲爲之號之曰秦漢伎太武帝平河西得之謂之西涼樂至魏周之際謂之國伎其曲項琵琶豎箏篳篥之徒並出自西域非華夏之舊器楊澤新聲神白馬之類生於胡戎胡戎非漢魏之遺曲故其樂器聲調悉於書史所載不同鎮原知音律者時有所聞而語帶秦音地鄰戎狄所儲者皆胡人之樂所歌者皆伊涼之曲鄉前輩所填樂府悲壯蒼涼所謂鐵板銅琶唱大江東去非盛世之和聲也

校射

前清一代鎮原武科名最盛蓋其聚精會神習之也專有硬弓射鵠者有以文生爲教習者秋高馬肥戰無不勝非一朝一夕之故其所由來者漸矣宋欽宗靖康元年詔神臂弓馬黃弩乃中國長技宜多行教習以扞邊騎及高宗南渡鎮原初爲夏人所蹂躪繼爲金人所盤據蚩蚩者氓所賴以保身騎射而已先是太宗咸平中李繼和知原州建議募民

兵及弓箭手曹瑋知鎮戎軍以弓箭皆士人
每戰輒使先拒敵善射之風相沿以至於清

書法

清壬辰科翰林劉之鶴書入晉人之室魄力沈雄胸次灑落人不及也近四十年來張宸
樞筆勢剛方華山碑之堅實西峽頌之疎盪兼而有之張玉璽書法圓潤得力於松雪雲
峯者居多惜其人已古山城小縣又無人為之品題新進少年
或臨鄧頊伯或臨張廉卿再讀萬卷書其造詣終不可限量

塑像 邑中古刹所存佛像
泥塑者居十分之九

案史記商帝乙為偶人以像天神戰國策蘇代止孟嘗君入齊曰臣今來過於淄上有
土偶人與桃梗相與語是為塑相之始後世佛法盛初用金鑄像後乃改用銅鐵與土
木耳程伊川宿僧舍移坐勿青塑像或問之答曰便
具人形身便不當慢今之毀塑像者其亦可以已矣

元史工藝傳阿尼哥尼波羅國人也幼敏悟異凡兒同學有為繪畫枚塑業者讀尺寸
經阿尼哥一聞即能記至元十年授大匠總管有劉元者嘗從阿尼哥學西天梵相亦
稱絕藝元字秉元廟之寶坻人始為黃冠師事青州祀道錄傳其藝非一至元中凡兩
都名利塑土範金博換為佛像出元手者神思妙合天下稱之其上都三皇尤古粹識

者以爲造以得
三聖人之徵者

建築術

西人來游長城者見其下基寬厚而上勢削薄謂合於力學之理建築之法不意秦時乃已知之鎮原處山谷間磚房少而土窰多其修窰也下方而上圓其修院牆也下基寬厚而上勢削薄窰房之頂行人時時往來貧家或作場碾麥其壓力可謂重矣院牆有時坍塌窰房往往傳之數百年雖經地大震動而安然無恙非有得於力學之理不能如彼其堅也

案建築之術牆垣下厚上薄此則秦時本有其法九章算術商功篇曰城垣隄溝渠皆同術術曰並上下廣而半之以高若深乘之又以袤乘之即積尺所列諸問如城下廣四丈上廣二丈垣下廣三尺上廣二尺隄下廣二丈上廣八尺皆此制也張蒼本秦御史所述九章又非秦時始有此制其來舊矣西人不窺中土舊籍妄疑古人本無定術特臨時闔合者何其輕肆

社交之往來

上古之時人民老死不相往來蓋山川阻隔之所致也後世聖人制之以舟車民智日開從游牧時代一躍而入於耕稼時代於是乎交際生焉人處於社會之內勢不能孤立也則禮尙往來以聯交誼邑人往來酬酢相尙以誠婚嫁喪祭互相幫助至禮儀厚薄視平素交誼爲何如耳茲紀禮節最普通者蓋習慣成自然矣

增知識

社會爲一大學校吾人處現今之社會上交際最爲緊要詳言之與社會上種種之人相交往通曉種種之事項或注意人情道德或注意經濟法律或注意政治宗教凡人世上所應當通曉者無不通曉之此實爲吾人最要之學問蓋不通曉社會上之情形而作事猶醫生之不知病源而投藥其如何改良如何設施決不克奏厥功也見修養

偉人錄

裝旱煙

邑人無論貧富必帶旱煙荷包及火鏢火石火絨等物遇親友至先裝煙以敬之

青海甯夏蒙古無論男女必斜插旱煙袋於左脅掛火鏢荷包於後腰晤面時行其應用之禮節或請安或遞煙壺再行裝煙用客之煙袋納諸主之荷包裝煙燃火後以布拭煙嘴用雙手或右手送諸客客受之亦如法還之老少尊卑累分先後若平等則互換云鎮原裝煙之禮節豈戎狄之所留耶

案火石者取火之石也清一統志火石在瑞州府治北其石色黑碎之若炭火絨以石取火時引然之物用蔣麻莖燒炭製之北方用者產於北京附近是為上品南方用者由爪哇日本等處輸入隴東不用外貨但以新棉花漬以硝水曬乾即能用俗謂之火草鎮原普通社會途中欲吸旱煙用火石夾火絨少許用火鏢敲之鐵石相擊自然生火絨遇火即然俗傳李自成詠電七絕云忽然紅了半邊天想是天公要喫煙諸君不信擡頭看半虛空中敲火鏢

留便飯

客來無論遠近即豫備便飯客將去必堅留之曰喫一頓家常飯再去

案獨醒雜志常調官好作家常飯好喫真名言也俗謂一殮為一頓世說羅友曰欲乞一頓食杜甫詩頓頓食黃魚五代史晉高祖天福四年三月以齊延祚擅殺王彥忠詔除延祚名杖一頓配流

約會日期必守鐘點

雙方均以陰曆計算

正朔衣服此可得與民變革者也民國元年二月廿肅已改用陽曆矣而商家仍過舊年警察局勒令開門迄無應者矣積習之難返也省議會採用折衷主義凡國際交涉官廳文牘均用陽曆以取從同至民間習慣暫可不必干涉俟京津滬漢一律趨新西北一隅不禁而自禁矣

民國既建南京始用太陽曆蓋太陰歷以月計年氣盈朔虛相差十日有奇必以閏月補綴用算雖精徒爲勞費迥不若太陽歷之易簡也沈存中筆談已先言之矣今人或言古人嘗用陽歷長沙葉德輝證以古文吞字從日不從月復有尤某證以顛項歷立春爲元此皆足爲知陽歷之證不足爲用陽歷之證也自統天術以前歷家皆推溯歷元顛項之元用立春特與諸家用天正冬至爲異若云顛項用陽歷則諸家皆可用陽歷矣

風俗

民涵五土之性而噓之爲風沿之爲俗風俗者人心所由著也鎮原古邊郡地而土厚水深人性質直正晦翁所謂可篤仁義者也况現在五族一家咸與維新又得賢長吏暨先正等涵濡樂育人習淳樸業惟耕讀確有古風邇年澆淳散樸漸事浮靡習狙詐有識者深憂之則夫整飭人心敦本易末以不至胥漸以卽於下者不徒長吏之憂亦吾黨士君子之責也夫

舊風俗

(漢地理志)安定北地上郡西河皆迫近邊郡修習戰備高上氣力以射獵

爲先

邑自秦漢以迄唐宋皆以地居邊郡習尚不易與今大異存之以見當時風俗與國家教化

(輿圖備考) 婚姻喪葬頗近古風女織男農俗淳易化士重倫常野盡質樸
(平涼府志) 民風質樸勤稼穡而罕末作恆不善糞田婚姻不計財一諾而
無更移喪不用浮屠棺殮賻賻咸從厚而乃酒食相過非禮矣

(李志) 士崇誦讀野勤耕耘近慕奢華習狙詐君子憂之

案冠婚喪祭歲時伏臘諸儀相沿已舊前志失載今
做荆楚歲時記式補入其詳謬者附論於各條之末

一冠禮不行已久

一婚禮擇門戶年齒相當者用媒妁無庚帖一與之約終始不渝聘儀惟巾飾
數事男家譙會女家答儀亦數事娶之前數月男家設譙邀女家繼陳綵緞
縣布之屬用鼓吹迎至女家卽古納采儀女家於婚之前一日備枕履衣妝

亦用鼓吹送至男家以答吉期親迎之禮久廢娶之日備綵輿鼓吹倩幼婦

往迎新人不用妝飾以紅幘覆頭面登轎母不親送亦倩幼婦送之至門男

先一揖當親迎之禮中庭設香案以次成禮

案古者嫁娶稱家有無紉設珠翠惟給紳家間用之齊民則荆釵布裙間用紉綾一二事大事率數金可辦今則豪華相尚傭奴修給紳之容與隸謀姬姜之飾其所由來貴家富人倡之其下尤而效之有志維風者當有以教其敝也

一喪葬齊民不達喪禮惟喪服必以三年紳士初喪哭無節踊頓散髮三日成

服豎竿懸旛於門外以待弔客七日止首七行奠禮餘惟焚紙哭拜弔客給

布甥壻族人給衣貧者否卜葬則門外設柵烈銘旌方相等於槨之左右發

引前三日行家祭禮酬答奠客葬日於郊外行題主禮及祔於祖禰

案葬有定期今則主陰陽之說且泥於習俗供饌賓客侈至數十百禱此郡志所謂酒食相過者也非是則羣相非笑而葬家引以為恥緣是有力不能舉葬停柩至一再傳者至戚黨賄賂務從其厚以施為報往往鬻產以償此等陋習極重難泯賢士大夫當身先以化之再邑曩有用火葬者邑紳張繼孔深痛其慘力白當事嚴行禁止此風遂革惟殤亡多棄諸野不加掩埋飽狐犬之腹觸行路之傷仁人君子一何惜劉伶一鍤土哉

一祭祀邑中有祠堂者惟故家一二數春秋二祭餘則祭忌祭俗節其他無專

祠惟於家設主間有置祭田者四時惟清明合族赴塋拜掃祭田豕羊祭畢

即於墓旁散福其日無少長畢至十月一日亦有如清明之儀者

案祠堂之設本以棲神近有高樓夏屋侈費千百金而若敖之鬼多至曠野無歸且睦族敦宗舍祠何圖緩急輕重必有能權之者

一雜儀元旦

夙興禮天地五祀拜祖先及所當尊者晨拜賀族黨紳士拜官節

元宵

先三日試燈是日譙新婦以麵作燈逐室然之盛花炮結隊擊社鼓扮神

鬼謂之關元宵後三日乃止

翌日男女灸柏名曰灸百病

糕餽鄰舍

上巳

無儀惟遠方客商集城市為大會案此會無補於邑大耗人財

長浮華之根開浪蕩之漸且賭博從事導良 清明 拜掃墳墓葬未三年者墓祭招親友
善子弟以不肖每至敗產亡身急議去之 或助祭者獻享畢飲至暮盡社而

止社後祭年久墓合 端午 懸艾柳於門以糯米作角黍祀祖先餽親朋新婚則佐以香
族散福盡百六而止 扇羅綺巾帕艾虎之屬是日門弟子集父兄講師長名曰享

節 六月六日 曬書籍衣服俗謂蟲不 七夕 是日婦女以果茶餅酒繡
刺鍼工夜乞巧於天女 中秋 以瓜桃梨

酒相饋遺夜祀月 重陽 是日門弟子講師長一如端午之儀或相率攜
酒肴登潛夫中峯諸山吟詩唱和名曰登高 十月朔日 墓祀

烹豚羊獻新酒燒紙衣謂之寒衣餘如清明 冬至 紳士祭享祖先賀官
之儀新喪者燒楮衣哭誦靈室及大門之外 節齊民未有行者 臘月八日 燻肉

祖妣饋鄰舍醢 廿三日 封豚豕祀竈貧者用雞至夕陳 除日 掃祠堂理木主懸祖先像
植乃作歲事 錫餅草豆之屬名曰送神歸天 無祠者設於室至夕祭奠

男女以序爆竹聚飲命曰守歲雞鳴亦如
之味爽拜所當尊者及族黨五日乃已

案風自上感俗由下成大抵一邑之風俗由士大夫倡之其下從而效之先達有言我
輩當崇實除華以為吾黨率不可苟且趨時以啓浮薄漸斯言信矣猶憶少時從先生

長者遊見其舉動以正笑語不苟衣履之間服飾有常導引後進讀書外繼以端品修
行無所謂狂蕩縱恣者其子弟承奉惟謹坐語巽聲唯諾相戒以入公門為恥市井化

之解喪法鮮溺於酒農夫力田外無他志鄉民入城市具糗糲事已即歸商賈無欺飾
 婦女不登山遊廟吏胥奉簽票毋敢聲色憑陵人乃數十年而此風古矣士人以爽快
 為賢後進視老成蔑有黨惡者伐善自短者忌長伺侯門垂涎睡人品心術為不可問
 矣更可怪者商賈家雕牆峻宇貧寒婦耀錦齒肥少年妖服衣吏胥操威福角力健訟
 捕空耗官此買生所長歎傳感所深憂者也惟有志者會文講藝籌燈絃誦與富民不
 相往還婦女非至親不面為俗之最善者爾今有人焉謀與賢長吏賢邑之先達者倡
 立移風社冀庶
 幾一挽正之

普通風俗 就現在而言

喪葬 庶民於其父母沒後麻冠衰經寢苦枕塊朝夕焚香哭化紙錢三日大

斂四日略備葷湯麵以待弔客親友亦略備生芻同去祭奠喪家按親疏給

白布帽或白衣但旋來旋去不久淹滯謂之開弔七日喪家又備酒肉至戚

復攜點心 俗名蒸饅 香紙奠儀 即助喪錢 來祭謂之過首七此後每七日子孫哭化紙

錢一次直至四十九日止百日至戚亦有來奠者及擇吉發引喪家輒備酒肉多少梓親友復攜點心奠儀輓幛聯之屬同來祭奠臨時親友扶柩子孫執紼以葬之讀書人家與庶民略同惟請親友中顯者二人曰主官曰祭官並禮生四人或六人於葬前一日行祭禮及題主禮於家中喪後行祭土禮於墳塋且稱次年忌日爲頭週年三年忌日爲二週年四年忌日爲三週年年一二週年惟子孫焚化冥鏹三週年喪家行禫服禮親友又來致奠

案孔子曰臨喪不哀吾何以觀之哉記者又曰子於喪者之側未嘗飽也子於是日哭則不歌邑中世家大族遇父母之喪必大具酒肉宴客稍簡則羣日以不孝爲子者不暇思哀皇皇焉惟懼措辦之不及爲婦者不遑坐草汲汲焉日夜操作之不休其或料理有人給費有資猶可說也否則數日之間倉猝百端豈復片刻有念及父母之心耶甚至衣衾棺槨不敢竭力日將留之以辦酒肉噍噉也久矣試思此何時乎而烹羊無羔竟似大開喜筵弔客之來本何心也而談笑醉飽不啻稱觴相慶於心安乎昔程子居喪客有索酒

肉者將事者白之程子曰不可陷人於惡王陽明居龍山公喪遠來老者略用酒肉洪甘泉先生非之陽明唯唯受資而已於此見禮之本意而俗議之不足恤也隴上鄉先達痛習俗之敝亦思有以革之通渭牛雪樵先生云古禮遺喪之家三日不舉火子婦水漿不入口今吾鄉父母之喪發引前一曰開弔必大具酒肉其無謂也天水張育生先生居繼母之喪弔客賻儀人收膏蚨三十不再送香楮款以油菓清茶不用酒肉時已經宰兩縣矣里門親友噴有煩言惟天水任子言先生不以爲非秦安巨子馥先生居吳太官人喪以貧故未具酒肉及葬其生父奉政公時仍苦於無力其岳楊映山公欲助麥一石孫湘帆歲薦願助豬一口爲弔客備酒饌皆力却之所以却之者以衣衾棺槨之屬因貧乏不能遂心至於弔客酒饌何補於親彼時尙不知用酒肉之非禮也之數先生者殆猶行古之道也而習慣已成自然夫豈二三賢哲之所能挽回哉夫主人具酒肉宴客習俗相沿莫可如何至若居喪者恣食酒肉與攜酒肉於喪家名曰煖靈者其又不暇誅也夫子游曰喪致乎哀而止孔子曰禮與其奢也甯儉甚願士大夫之家爲子孫者一旦居父母喪遠則取法程子近則奉雪樵諸先生爲圭臬切勿自蹈非禮並陷人於非禮其他諸陋習去之當以其漸若事事照文公家禮舉行則羣以爲怪矣

又案周禮祭祀則共廩主注主神所依也或稱神坐東觀餘篇近歲有商於一耕夫得漢石刻數種有云園公神坐綺里季神坐角里先生神坐皆漢人誌書其他作主資料寫主格式點主禮節見吾學錄及文公家禮邑中士大夫家請大賓點神主其禮節均本文公家禮殆猶有古風焉

祭祀 每歲十二月除夕設香案祭祖宗於家焚紙錢於大門外並祀附近方
神廟次年元月味爽復舉行如除夕惟大門外不再焚紙此後初五初七初
九十五二十三等日均祀如元日清明前十日內老幼攜酒肉赴祀祖墳謂
之掃墓十月一日化紙衣於大門外謂之送寒衣十二月二十三日屠猪祭
籩他如七月七日祀白馬扶蘇廟五月十三與九月十三等日祀關帝廟類
甚多但不普通

案夏歷十月朔子孫爲祖先焚化冥衣以禦寒其俗不知始自何時案古者兵士戍邊秋
冬之際家屬寄寒衣李白詩明朝驛使發一夜絮征袍素手抽鍼冷那堪把剪刀纔縫寄
遠道幾日到臨洮唐之臨洮今之臨潭縣也又郡縣志陝西西安府同官人孟姜適范植
僅三日值赴役長城姜送寒衣至城下植已死今人則爲已亡故者送寒衣異乎古所云
矣

案竈神或稱竈王本爲五神之一夏所祭也見論語朱注古周禮說祝融爲竈神見禮記疏高誘則云吳回回祿之神託於竈故祀之邑人祀竈神爺爺竈神奶奶亦有所本五經異義云竈神姓蘇名吉利夫人姓王名搏頭西陽雜俎云竈神名隗狀如美女又姓張名單字子郭夫人字卿忌有六女皆名察治一曰竈神名孃子語皆荒誕

東京夢華錄十二月二十四日都人至夜燒合家替代錢紙帖竈馬於竈上以酒糟塗抹竈門謂之醉司命明代軍閥皆功臣之裔聲勢烜赫與庶民異議其祀竈軍三民四客座贊語載秣陵人家以十二月二十四日祀竈此其證也邑人無論貧富均於除月二十三日夜送竈神上天

婚嫁 童婚向由媒妁與男女兩家父母商妥卽定卽無庚帖終始不渝聘金

男家酌送鮮有爭者近今人心不古希圖聘金忽略兒女對象遂致成婚後

同床異夢雙方感苦且男女十四五歲多行結婚其害非淺又鰥夫年在三

十歲下者亦續娶處女禮儀悉如童婚在三十歲上者率娶寡婦經媒人向

寡婦娘屋與亡夫家議定再醮金立婚書後歸夫家遂以騎往接不再用轎

一切禮儀甚簡

邑之女子未嫁留臉上寒毛以示區別既到婆家始開臉寒毛亦洗伐淨盡俗名爲絞臉此送親婦人事也劉賓客詩花面丫頭十三四春來綽約向人時爲小樊而作花面者未開臉也見長洲呂鐘玉言鯖上卷人身三萬六千毛孔遇寒落而復生故曰寒毛見通俗編

特別之風俗

居喪不作佛事

鄰近如慶陽甯縣合水縣均如是

緇黃熾度濫觴於梁武帝相沿數千百年而西北則尤甚焉武威富家大室於父母之喪喜作佛事不如是鄉里以爲薄待其親其出殯多用綵樓擡高社火或辦秧歌小唱前導習俗相沿不易改革然凶禮一如古禮非聖人與易甯戚之義邑紳有教諭武威者曾引宋儒語錄以戒之

有房不租回教

清同治之亂固原縣鹽茶廳及其他州縣城爲賊攻陷均有回教爲內應有鑒前車故慎之

尊重師傅

諸藝皆有師而士則首倡焉自拜師後敬事之如父兄四季有節禮生辰有祝敬及至成立量力而謝諸藝亦然

優待乞人

邑稱乞人為尋喫且待之優嘗言武訓捐資立三學校我輩不如遠甚

案山東堂邑人武訓清光緒時行乞積資一世在臨清柳林堂邑設立義學三處滬上伶人潘萬盛夏鳴皋聞武訓之事因引合同志在上海伶業公所附設初等小學堂以教貧民子弟民國二十年冬十二月五日為武訓逝世紀念山東教育廳長何思源特購三尺高之大理石復聘北平名手為武訓刻一石像

老婦猶帶面紗

邑俗謂婦人容色不欲人見以首帕作面紗長尺有二寸出門時以此自障面回教則謂之頭布也

案通禮親迎日姆為女加景蕭首景即今之蓋巾所以擁蔽其面者夢梁錄凡嫁娶男家送合往女家至宅堂中必請女親夫婦雙全者開合及娶兩新人並立堂前請男家雙全女親以秤或機杼挑蓋頭方露花容參拜清波雜誌婦女步通衢以方幅紫羅障面蔽半身俗謂之蓋頭鎮原婦女出門雖年已老必帶面紗不僅為行路覆塵之用殆即蓋巾之類

類

少年不用眼鏡

雖近視眼見長輩必卸眼鏡

案眼鏡始於明清初已盛行高宗大考翰詹以眼鏡為題作五言八韻某翰林卷中有一聯云縱使窮千里終嫌隔一層高宗閱之大喜邑有近視眼者非帶鏡則寸步難行又有一

老光鏡者老年人目力不足帶此則小字可以看大乃有眼非近視人正少年購精益眼鏡公司玻璃片五色迷離迎合潮流見官長亦帶之惟遇長輩則不然

聽人拾麥 五六月間川原麥熟時貧家婦孺三五成羣隨刈者之後收所殘積謂之拾麥此古風也

案周雅云彼有遺秉此有滯穗伊寡婦之利相沿以至於今農家習以為常亦不復回顧蘭州綠菸黃菸葉農家以大車裝載往菸坊輸送沿途所遺菸葉婦孺拾之亦猶隴東之古風歟惟蘭州之麥秋至田主雇工連根拔之則無穗可拾矣

自釀黃酒 家家用酒穀釀之四季皆然或賓客至或官長來或長壽辰均以黃酒敬之即關風春酒介壽之義

附邑人慕暉釀酒示子弟說其文曰酒米也酒之形成米之實隱米之質良酒之用廣雖然米非自天降也資地利焉填壙強藥輕興之法未講將豕犬麋鹿之用何施地雖利不能徒生焉假人力焉耕耘收藏之術未備將春秋冬夏之功何以順而勿失有式法焉人力不可以中止也拭之蒸之柔其性曰盞曰緹別其齊式法既得用度斯彰在堂在室以飲以祭有地利而後有人利有人利而後有式法有式法而後有用度由用度而溯之法由式法而溯之人力由人利而溯之地利途一也無歧焉無半焉嗚呼本末先後之次第天下事如斯矣言酒而言米則食也庾廩倉箱陳陳者不可以瑟玉瓊而酌金盃舍米而求酒則水也江河淮漢滔滔者不可以侑邊豆而樂嘉賓文酒也經史米也余子弟綴

文者有四人食糠粃者不能肥懼其忘
醴泉之源而堅谷之也作此以示之

能喫苦

平涼中師兩校畢業生及各校教授管理員
假期旋里則與家人同操作蓋李恂遺風也

案漢李恂今鎮原縣人初為武威太守後罷官步歸鄉里潛居山澤結草為廬獨與諸生
織蓆自給他縣學生由京師省立各校畢業者一言出門非乘馬不可一言耕地曰是老
農所為時則猶未作官
也而習氣已染之深矣

不避殃

清同治以前遠鄉尚
有避殃者今已無

俗傳人死數日必有殃煞彼猫犬皆有而况於人人之生也殤子未生齒者死無煞有齒
者即有煞陰陽者以亡人之年月日時干支推算某日逢某凶煞富用某符禳解屆時重
門洞開合家細弱悉出逃隱甘肅舊俗相沿不知始於何時惟西甯信之最深
或有室廬湫隘無地避煞者又有壓制之法使伏而不出謂之斬殃尤為荒誕

案宣室志太和中有鄭生者網得一巨鳥色蒼高五尺餘忽無所見訪里中民訊之有對
者曰里中有人死且數日卜者言今日煞當去其家伺而視之有巨鳥色蒼自柩中出若
所獲果是乎此即俗所謂煞神也徐鉉稽神錄彭虎子少壯有膂力嘗謂無鬼神母死俗
忍誠之曰某日殃煞當還宜出避之虎子獨留不去夜中有人推門入虎子息遽無計入

喪中以板蓋頭此即俗所謂回煞也紀文達公曰天地之大何所不有幽明之理莫得而窮不必曲爲之詞亦不必力攻其說

禁人宰殺耕牛

俗稱牛爲黃毛菩薩有宰殺者羣起而攻之

案清異錄陽翟莊舍左右有田老者不爲欺心事出言便直譚名撞倒牆尤不喜殺牛見村舍懸列牛頭脚告妻子曰天下人所喫皆從此黃毛菩薩身主發生臨了殺倒卻有天在

結伴同趕麥場

陝西地暖麥黃比縣早二十日邑人無論窮富屆時俱往

案前漢書匡衡傳衡乃與客作而不求價後漢書桓榮傳榮常客傭以自給精力不倦客作者爲人傭上也秦川麥秋至鎮原之舉業生與前清秀才尋常百姓結伴同行爲人割麥一則活動精神再則遊覽風景三則以傭值易布疋可作冬季棉衣之豫備

貧家女不肯作偏房

恐爲鄉黨所鄙棄也偏房謂妾媵也列女傳身雖尊貴不妬偏房

自歐化東漸靡恥道喪風移俗易日異月新對於婦女節操不加重視遂謂請旌之典直爲獎死之道無禮義廉恥以範圍人心則中國其不國矣至婚姻大事今日戀愛明日離

異士大夫家公然行之散語以從一而終之義且噴為至愚不大噤不止而世俗亂民鄉曲僂子血氣態度擬於女子荀子謂終則東於有司而戮乎大市今則無人過問羣且許為時髦嗚呼名教之毒固國之醜愈出愈奇莫可制止
小家碧玉為人作妾鄉黨且以為光榮而鎮原則不然

現任官不許入民宅
謂地方官操生殺權入之恐不利於民故另備下榻處

案明呂新吾先生明職篇云知縣之職人稱之曰父母父母云者生我養我者也故土地不均我為均之差糧不明我為明之樹木不植我為植之荒蕪不墾我為墾之逃亡不復我為復之山林川澤果否有利我為與之訟獄不平我為平之兇豪肆逞良善含冤我為除之狡詐百端愚樸受害我為剪之嫖風賭博扛幫痴幼我為刑之宦婦孤兒族屬侮奪我為鎮之盜賊劫竊民生不安我為弭之老幼殘疾鰥寡孤獨我為收之教化不行風俗不美我為正之遠里無師貧兒失學我為教之倉廩不實民命所關我為積之獄中囚犯果否得所我為恤之斛斗秤尺市鎮為姦我為一之貧民交易稅課濫徵我為省之衙門積蠹狼虎吾民我為逐之吏書需索刀勒吾民我為禁之徵收無法起解困民我為處之游手閒民蕩產廢業我為懲之異端邪教亂俗惑民我為驅之庸醫亂行民命狂死我為訓之士風學政頹敗廢弛我為興之豪市集霸專利虐民我為治之捏空造虛起禍誣人我為杜之聚眾黨惡主謀唆訟我為珍之火甲負累鄉夫騷擾我為安之某事久廢當舉我為舉之某事及時當修我為修之民情所好如己之欲我為聚之民情所惡如己之讎

我爲去之使四境之內無一事不得其宜無一民不得其所是非勸下鄉不可下鄉而人役跟隨飲食起居未有不擾民者欲杜其弊縣長自備食料常住廟宇民受其賜多矣

不良之風俗

重利盤剝

鎮原荒旱連年加以師旅因之以土匪農村經濟破產此其大原因也而駐軍所派糧秣仍取之於民民愈貧款愈重一紙公文急如星火人民爲顧全目前計不得不借貸於富戶而一般土劣復乘機以高利貸壓迫鄉愚加緊農村破產之速度以致社會日趨不安農民地無立錐因其利息之重有所謂抽兒眼閻王眼者農村於破產之後生活困苦異常而利息負擔之重尤屬駭人聽聞若不嚴爲查禁不惟窮民無法救濟卽其他一切事業亦無由推進

案上官融友善叢談故滄洲節度使米信本銀夏部落以軍功累官至加節鉞舊聚斂爲時所鄙京師龍和曲築大弟外營田園內造邸舍日入月算何啻千緡其長子任供奉官以信之故不敢自專但於富室厚利以取錢自用謂之老倒還錢兼與契券爲約其詞以若父危鐘聲才絕本利齊到之語蓋謂信才瞑目而亟還也鎮原大家子弟揮金如土因父在不能自專與人結秘密契約如米信之子者當復不少此亦重利盤剝之一法也

好賭博

民十一年以後入鎮開驛馬會官賭焉隨東鎮守使派副官監視兵士保護日索洋毛詩一部浮薄子弟沈溺於其中至有傾家破產者其父兄訴諸縣署

縣長曰此軍閥所放之賭也吾其如彼何

四門攤

案資暇錄錢戲有每以四文一列者即史傳所云意錢俗謂之攤錢賭之最甚者也杜甫詩白晝攤錢高浪中甘肅近年以來收成稍好外縣各村鎮里中惡

少引誘良家子弟藉擄捕以消憂隨手取制錢數拾枚納於器取計之每四枚為盈數統計餘零或一或二或三或成數分為四門以壓中者為勝

麻雀牌

麻雀為近數十年新流行之賭博老於此道者謂原出甬江流衍於各省甘肅近亦沾染此風公務人員幾於無人不為此窮日盡明繼以脂燭資旅闕而不

接人事曠而不修遐陬僻壤尤而效之所謂上有好者下必有甚焉者矣至各縣鄉鎮七八月之間百穀告成太平無事農民無所用心有相從賭博者往往開驛馬大會客商四

集而骰子紅寶四門攤晝夜喧闐良家子弟被匪人勾引家業蕩盡至償以命者歲不乏人顯之則為閭閻之累隱之則開盜賊之原流毒地方莫甚於此甘肅無地不開會而際

東隴南為尤甚官以其益己也莫之或禁駐防軍隊又從而保護之

骰子

案列子洋有瓊髮者乃骰子名骰色朱窩本名除四以除去四紅而算點也相傳南宋蒙宰朱河所造其好之者晉人如溫太真桓玄子袁彥道宋武帝皆好六博

博博唐名相如房玄齡姚元之徵時亦皆爲之韓昌黎以道學文章自任尤所篤好張籍與昌黎書願絕博塞之好杜工部有博塞爲歡娛之詩因歎習俗濡染雖名流勝侶有所不免然偶爾嬉戲其損猶細至以是爲事廢時失業溫飽之資化爲烏有執袴之產轉瞬蕩然撫心視頽果何益乎

算黑壺

謂紙牌已盡大家算賬也案牧猪閒話紙牌之戲以六十頁爲一具四人合局以次抹牌謂之默和餘二十頁另一人掌之謂之把和又或於六十頁之外更

加一具則每種各四頁每人各得二十頁以外其餘頁皆掩覆次第另抹以備棄取名曰碰和碰和一作碰壺揚州畫舫錄碰壺以十壺爲上四人合局三人輪關每一人歇謂之

作夢有斷么飄壺全掌諸名目

晉陶侃動於吏職請參佐或以談戲廢事者命取其酒器蒲博之具悉投於江宋史太宗淳化二年閏月乙丑詔犯蒲博者斬元世祖至元十二年禁民間賭博犯者流之北地然則甘肅之禁賭乃救時之首務矣但百人之中未有一人犯賭者上下相容而法不行故也後五年國民軍來犯賭者文官概職將吏則加鞭箠雀戲遂寂寂無聲矣今則閨閣之中藉雀牌爲消遣比比然也其他復何論哉

婦女輕生 口角細故動輒自盡非懸梁即吞煙

民族志 風俗

廣州俊學印書館排印

邑中有婦女縊死其家內及縊死之處往往有相從而縊及縊之非一人者俗謂之討替身謂已死之鬼求以自代此種渺茫幻妄惑世誣民之談豈君子所樂聞然書謂子不語怪夫怪僂曰不語則是怪亦世所嘗有非云世絕無怪也據父老所傳辟除秘法不知出自何典頗有行之而驗者法於自縊之人尚在懸掛未解時即於所懸身下暗為記明於方行解下時或即用鐵器或即用大石鎮而壓之然後於所鎮四面深為挖取將所鎮土中屑層撥視或三五寸或尺許或二三尺於中定有如雞骨及如各骨之物在內取而或棄或焚則可辟除將來不致有再縊之事實為屢試屢驗其理殊不可解但及時即挖則得之淺而易遲則深而難然亦不出八九尺外也雖然幻妄無稽不知何以行之實有可據

獵戶喜用毒藥

狐皮為甘肅一大出產獵戶向用土槍射擊前清光緒二十年後商號由京津運來一種藥品名為爛野狐藥或裹以牛肉或塗以羊脂或換以麵粉俟夜靜時置諸狐狸所常往來之路狐不知其中之有毒也吞之立斃繼而毒射狼毒於豺狼毒效甚捷獲利甚豐商人販運亦最多若不嚴加禁止三十年後野獸恐將絕種有心人憂之呈請保護野獸禁止省城奸商不准私售毒藥犯者科罪並通令各縣一體遵照

案北冰洋一帶島嶼本為野獸之出產場獵者取之而生生死已自殘酷嗜利毫無仁心之挪威大佃獵家以斯篤里尼涅及他種毒藥搜捕野獸為一網打盡之謀不數年間狐類寥寥如晨星各國獵戶尤而效之坐收自然之利幾至竭澤而漁後為各國政府所知加以限制不准用藥毒殺每年獵獲數目亦為規定自各國明令禁止此種毒藥流入中國而甘肅受害無窮此地球皮貨日貴之所由來也

又案民國二十三年五月內中央政府特定剷除烈性毒品暫行條例甘肅省政府已通令各縣政府轉飭所屬務使各地毒氣於最短期間肅清並由財政廳通令各特稅局查拿奸販嚴禁烈性毒品入口並將奉到命令函達本地法院以後對於此項犯案即照條例辦理

劫鼠糧 謂奪鼠之食也

案魯應龍括異志五代時晉高祖天福中隴右大饑其年秋稼甚豐將刈之聞大半無穗有就田畔掘鼠穴求之所獲甚多相傳謂之劫鼠倉民十八年隴東顆粒無收草根樹皮糶掘殆盡相率劫鼠倉而鼠穴亦無糧

風俗二字古人言之多矣惟班固漢書地理志云凡民剛柔緩急音聲不同

繫水土之風氣故謂之風好惡取舍動靜亡常隨君上之情欲故謂之俗所言盡之矣然記曰移風易俗天下皆寧是風俗又待於移易也鎮原不良之風俗移之易之其惟良有司乎

家譜

周禮小史奠繫世辨昭穆鄭注繫世謂帝繫世本之屬賈疏帝繫世本之上皆有昭穆親疏故須辨之天子謂之帝繫諸侯謂之世本荀子其銘誅繫世是泛言士大夫家也所謂繫世者謂紀其世系若今之譜牒也兩漢最重譜牒漢以後敦煌宋繪仕於北齊嘗撰姓系譜錄三十卷後其書遭水漂失有清一代武威張澍精於譜牒之學而其書不傳鎮原舊譜清同治間亂後已

殘闕不全新修者惟南鄉慕氏一家而已

天地開闢以來伏羲始制嫁娶正姓氏以重人倫姓者統其祖考所自出百出而不變者也氏者別其子孫之所自分數世而一變者也族者屬也與其子孫共相連屬者也其旁枝別出則各自爲氏人而不知其姓氏之所自出則渙若鳧雁矣蓋姓氏之繁枝分派別千途萬轍初若參錯紛亂而莫辨及考其譜牒有綱有條猶指諸掌焉

古之人有以所封之國爲氏者若韓若魏若呂若閻之類是也有以所食之邑爲氏者若蕭若苗若楊若婁之類是也有以字爲氏者戴武宣穆也有以官爲氏者司寇司馬倉氏庫氏也陳伯袁之後爲袁氏齊公子高之後爲高

氏此則以名爲氏也老子生於李下而爲李趙奢善於馭馬而爲馬此則以物爲氏也賜氏以字則若孟孫叔孫賜氏以居則若東門西門三烏五鹿以志氏也巫氏匠陶以事氏也田千秋以年老得乘小車出入省中呼爲車丞相而後遂爲車氏展禽家有柳樹身有惠德號柳下惠而後遂爲柳氏因事而改者也敬之爲文籍之爲席避諱而改者也疎之爲束棗之爲棘避難而改者也邾子之後去邑而爲朱氏邾叔之後去邑而爲千氏此以字而訛也夏啓封支子於莘而後爲辛氏武王封虢叔於西虢而後爲郭氏此以音訛也

夫古之氏族繁而知之者反多後之氏族簡而知之者反少此其故安在蓋

隋唐以前幾於人人能知氏族之學明洪武四年廢圖譜局於是氏族之學失傳有清一代科舉制度行私家譜牒祕不示人標榜攀緣更相通譜執塗之人而兄弟之而伯叔之亦將塗之人而祖考之而高曾之也其可乎姦僞日滋貴賤無等蓋自官書亡而私乘無所附麗坊表裂而流品遂至混淆姓氏之不明譜學之不講也久矣

鎮原在清乾嘉盛時士大夫之藏譜者類能叙其五世以上舉姓氏之原流與尊祖敬禰之義悉著於書世系明而紀載備讀之而孝悌之心油然而生矣自同治回亂後劫火焚燬滄桑變遷家譜所存多半殘缺不知其姓所自出者比比皆是也然則欲穆宗族序昭穆厚風俗管攝人心而爲一切社會

制度所因依者其必自修譜始

正名上

凡以國與天地必有與立倫常是矣蓋人受天地之中三才並稱爲三極人得乾坤之秀五事上配乎五行故禮運詳十義以序人倫王制明七教以興民德天不變道亦不變鎖原開化最早凡此食味別聲被色之儔莫不以人倫爲重蓋自周先公教稼時已沐聖人之澤矣惟名稱因沿習慣如稱父爲爸爸或稱達達姑母爲大大岳父母爲姨父姨娘如此之類不知其所由始當此大同世界使外人聽之殊覺費解閒居無事參考衆書凡家庭稱謂一以經史爲準此卽孔子正名之義也歟

附錄葛氏家譜第一卷正名篇上

邑人葛壽祺新修

宗族

父母子

白虎通義三綱六紀篇父者矩也以法度教子子者孳孳無已也說文父矩也家長率教者從又舉杖母牧也從女象褻子形一曰象乳子也釋名父甫也始生已也母冒也含生已也

父母謂之親又謂之慈親又謂之至親又謂之君父君母又謂之尊親

禮大傳親屬也說文親至也釋文引倉頡篇云親愛也近也釋名親視也言相隱視也管子上服度則六親固六親謂父母昆弟妻子也歐陽修曰親者

父母之稱也

案經傳單言親者多就父母言之漢書盧綰傳綰親與高祖太上皇相愛晉灼曰親父也高帝紀魏王豹謁歸視親疾師古曰親謂母也此俱望文為義呂氏春秋慎大湯立為天子夏民大悅如得慈親後漢書列女傳袁隗妻扶風馬融之女也裝遣其盛初成禮隗問之曰何乃珍麗倫對曰慈親後漢書垂愛不敢逆命宋書謝瞻傳叔母劉撫養有恩紀兄弟事之同於至親陶潛五府君傳淵明先親君之弟四女也俱謂母為親漢書劉澤傳請張卿隨親修具如魏其夫妻治具之比而師古亦云親父也恐非哀十六年左傳蒯賁得罪於君父君母此兩君字係諸侯之稱然易有嚴君之號蓋無所嫌後漢書梁統傳更始敗赤眉入長安統與竇融及諸郡守起兵保境共謀立帥初以位次咸共推統統固辭曰昔陳嬰不受王者以有老母也今統內有尊親又德薄能寡誠不足以當之

宗子宗婦大宗也

禮內則適子庶子祗事宗子宗婦孔疏適子謂公及祖之適子是小宗也庶

子謂適子之弟宗子宗婦謂大宗子之婦

老者宗子之父也

禮曲禮七十曰老而傳鄭注傳家事任子孫是謂宗子之父

父歿入廟稱禫

春秋公羊傳注生稱父死稱考入廟稱禫說文禫親廟也書格於藝祖釋文馬王云禫也典祀無豐於昵釋文馬云考也謂禫廟也又藝祖傳藝文也言祖則考著朱子曰藝祖卽文祖而馬云文祖天也天爲文萬物之祖故曰文祖此爲異義也爾雅父爲考郭注引禮記生日父死曰考案郊特性卜郊受命於祖廟作龜於禫宮尊祖親考之義也孔疏考亦禫也

父歿稱先公

後漢書李固傳固女文姬戒其弟燮曰先公正直爲漢忠臣又袁紹傳郭圖辛評謂袁譚曰使先公出將軍爲兄後者皆是審配之所構也

父祖俱曰先祖曰先祖父

家語致恩其先祖不足稱也其族姓不足道也然而有大名者豈非學之効乎禮祭統夫鼎有銘銘者自名也自銘以稱揚其先祖之美下云此孝子孝孫之心也又古之君子論譏其先祖之美而明著之後世者也下云子孫之守宗廟社稷者先祖無美而稱之是誣也有美而弗知不明也知而弗傳不仁也案此子孫俱兼子與孫言則先祖稱謂不得略父在外又漢書景十三王傳或有先祖舊書多奉以奏獻王者案此云先祖猶云先人也亦兼父莊

子盜妬不顧父母兄弟不祭先祖則專指父以上春秋繁露觀德天地者萬物之本先祖之所出也亦不專指王父孔叢子執節趙王問子順曰孔氏之世自正考父以下儒林相繼仲尼重之以大聖載德流馨與天地相配答曰若先祖父並稟聖人之性如君王之言也

母稱夫人歿稱先夫人

史記刺客傳嚴仲子爲聶政言曰進百金者將用爲夫人蠶繅之資注古者名男子爲丈夫尊公姬爲夫人

案此云夫人稱政之母其下曰政姊榮伏政屍哭極哀市行者諸衆人皆曰此人暴虐吾國相王縣購其名姓千金夫人不聞與此夫人指政之姊是泛傳人之稱與史記高帝紀老父稱呂后夫人同又後漢書應奉傳奉曾祖順字華仲注汝南記曰華仲妻本鄧元義前妻也事姑甚謹姑憎之更嫁爲華仲妻華仲爲將作大匠妻從朝車出元義於路旁觀

之謂人曰此我故婦非有他故家夫人遇之實酷本自相貴顏氏家訓先夫人背棄之時
屬世荒饑家塗孔迫棺器率薄臧內無埒是皆母稱夫人也後漢書注漢法列侯之母方
稱太夫人漢書王莽傳莽使兄子光與己子宇同日內婦賓客滿堂須臾一人言太
夫人苦某痛當飲其藥比客罷者數起焉後漢書岑彭傳以朔望問太夫人起居

父之嫡妻曰君母

儀禮喪服君母之父母從母鄭注君母父之適妻也從母君母之姊妹案此

條為庶子言也

母嫁曰嫁母

禮檀弓子思之母死于衛鄭注嫁母也

母歿稱於君前曰先妾

戰國策齊威王曰吾使章子將也勉之曰全兵而還必更葬將軍之母對曰

臣非不能葬先母也不得父之教而更葬母是欺死父也故不敢

高祖以上皆稱高祖

釋名祖祚也祚物光也高祖高阜也最在上皐韜諸下也昭十五年左傳王

謂藉談曰昔而高祖孫伯翳司晉之典籍以爲大政

案籍氏杜注孫伯翳者藉談九世祖孔疏九世之祖稱高祖者是高遠之祖也剡子以少皞爲高祖同

母後嫁之夫曰繼父

儀禮喪服爲繼父同居者禮喪服小記繼父不同居也者疏繼父者謂母後

嫁之夫也

案通典徐堅曰小戴禮記儀禮喪服經繼父服俱有明文惟傳元以爲父無可繼之理不當制服此禮焚書之後俗儒妄說妄准作論亦以爲此則自制父也亂名之大者然而窮

民族志

宗族

蘭州俊華印書館排印

孤不能自立既隨其付託命他宗在生也實賴其長育及其死也適同諸行路稱情立文
豈應如是故袁傳之駁不可爲同居者施焉呂氏坤曰儀禮有繼父聖人名之乎謬矣設
母三嫁三從將三繼父乎曰當以何稱曰從母所嫁曰姨夫姑所嫁曰姑夫尊我姑因我
而名之母之再嫁卽稱母夫親不忘母尊不忘父不亦可乎顧炎武曰夫物之不齊物之
情也雖三王之世不能使天下無孤寡之人亦不能使天下無再適人之婦且有前後家
東西家而爲喪主者矣假令婦年尙少夫死而有三五歲之子則其本宗大功之親自當
爲之收恤又無大功之親而不許之從其嫁母則轉於溝壑而已於是其母所嫁之夫視
之如子而撫之以至於成人此子之於若人也名之爲何不得不稱之爲繼父矣長而固
居則爲之服齊衰斯先同居而後別居則齊衰三月以其撫育之恩次於生我也爲此制
者所以寓恤孤之仁而勸天下之人不獨予其子也若曰以其貨財爲之築宮廟此後儒
不得其說而曲爲之辭耳愚謂禮經之有繼父蓋舍此無以爲稱此正如爲人後者爲其
父母云云亦臨文之不得不然非謂子自制父也且父之名亦從子制之非子自制也則
經之稱繼父豈必其子自制之乎朱董祥曰繼父如太公之稱尙父管仲之稱仲父范增
之稱亞父非以爲父子也禮無繼子之服且無繼子之名其不爲父子曉然若呂氏所云
母之再嫁卽稱母夫鄙又其矣又儀禮喪服繼父同居者傳曰何以期也傳曰夫死妻
子幼子無大功之親與之適人而所適者亦無大功之親所適者以其貨財爲之築宮廟
歲時使之祀焉妻不敢與焉若是則繼父之道也同居則服齊衰期異居則服齊衰三月
必常同居然後爲異居未嘗同居則不爲異居鄭注妻稱謂年未滿五十子幼謂年十五

以下子無大功之親謂同財者也爲之築宮廟於家門之外神不歆非族妻不敢與焉恩雖至親族已絕矣夫不可二此以恩服爾未嘗同居則不服之賈疏子家無大功之內親繼父以財貨爲此子築宮廟使此子四時祭祀不絕二者皆具卽爲同居子爲之期以繼父恩深故也言妻不言母者已適他族與已絕故言妻欲見與他爲妻不合祭已之父故也上三者若闕一事則爲異居假令前三者皆具其後或繼父有子卽是繼父有大功之內親亦爲異居矣如此繼父死爲之齊衰三月云必常同居然後爲異居者以見前二者具爲同居後三者一事闕卽爲異居之意云未常同居則不爲異居謂子初與母往繼父家時或繼父有大功內親或已有大功內親或繼父不爲已築宮廟三者一事闕雖同居繼父家亦名不同居繼父全不服之矣

亦曰義父

舊唐書高力士傳力士義父高延福夫妻正授供奉田令孜傳令孜本姓陳從義父入內侍省爲宦者王建素以父事令孜建爲蜀帥令孜以義父之故依倚監軍事洛陽伽藍記趙逸汝南王雍拜爲義父

所生母謂之本母又謂之眞母

舊唐書高力士傳嶺南節度使于潘州求其本母麥氏送長安史記呂不韋傳莊襄王所養母華陽后爲陽太后眞母夏姬以爲夏太后

嫡母稱前母

後漢書陰識傳識光烈皇后之前母兄也

繼母稱繼親

儀禮喪服繼母如母蔡邕太博文恭侯胡公碑公上奉繼親下慈弱弟又碑云繼親在堂朝夕定省顏氏家訓云異姓寵則父母被怨繼親虐則兄弟爲雠舊唐書柳公綽事繼親三十年姻戚不知公綽非薛氏所生漢書翟

方進傳辭其後母欲西至京師受經何武傳武后母在郡遣使歸迎後漢書馮衍傳衍子豹年十二母爲父所出後母惡之嘗因豹夜寐欲行毒害豹逃走得免

父之妾曰庶母

儀禮士昏禮庶母及門內施鞶申之以父母之命鄭注庶母父之妾也

己之庶子後父之妾則曰祖庶母

禮喪服小記爲祖庶母可也鄭注父之妾無子者亦可命己庶子爲後孔疏祖庶母者謂己父之妾亦經有子子死今無也父妾既無子則故已命己之妾子與父妾爲後亦服之三年矣若無子則不得立後

庶母稱諸母又稱母

禮曲禮諸母不漱裳注諸母庶母也疏諸母謂父之諸妾有子者左傳昭公二十八年叔向曰吾母多而庶鮮吾懲舅氏矣杜注言父多妾媵而庶子鮮少嫌母氏性不曠孔疏言父多妾媵而謂之母多者意嫌庶弟少據庶弟而發言故謂父妾爲母耳漢書高帝紀上過沛沛父老諸母故人日樂飲極歡案此諸母配上父老是婦女之有年者皆得稱之非庶母矣漢書蒯通傳臣之里婦與里之諸母相善也

所生母稱妾母又曰少母

禮喪服小記慈母與妾母不世祭也孔疏妾母謂庶子自爲其母也

案朱子語類云妾母也恐只得稱母他無可稱在經只得云妾母不然無以別於他母也又問弔人妾母之死合稱云何曰恐也只得隨其子所稱而稱之或曰五峯稱妾母爲少母南軒亦然爾雅有少姑之文五峯想是本此又朱子司農寺丞翁君墓碣銘云以少母喪去官王行曰所謂少母者生母也後漢書朱浮傳匹夫媵母尙能致命一餐注云媵母

未詳

繼妻謂前妻所生子曰繼子

淮南子繆稱訓繼子得食肥而不澤情不相與往來也高誘注繼子有假母也又攷顏氏家訓言繼母曰假母

慈母保母女師傅母姆

禮內則擇於諸母與可者使爲子師其次爲慈母其次爲保母詩言告師氏傅師女師也春秋公羊傳宋伯姬曰不見傅母不下堂注禮后夫人必有傅

母所以輔正其行衛其身也選老大夫為傅選老大夫妻為母釋文母本又作姆左傳待姆也注姆女師疏鄭康成昏禮注云姆婦人年五十無子出而不復嫁能以婦道教人者若今時乳母矣何休云選老大夫妻為姆也大夫之妻當在夫室安得從女而嫁若言既為夫人選大夫之妻為之則禮言女未嫁而有母非至夫家始選也

案據何氏說則傅與母別為男女後世無大夫為女傅之禮而史傳所稱傅母俱是乳母之屬後漢書曹世叔妻傳賴母師之典訓注云母傅母也師女師也且如公孫瓚傳云紹母親為傅婢崔駰呂布及陰瑜妻皇甫規妻諸傅俱有傅婢及傅奴之目故葛覃疏引昏禮注文而足之云母既如此傅亦宜然知何氏或因傅至母未至之文而強生分別也漢中士女志禮珪敕二婦曰吾先姑母師也若晉書會稽王道子傳云妯姆尼僧尤為親暱盧思道北齊論云女奴陸氏六宮謂之世師人主以為內相固非所云以婦道教人者矣儀禮喪服慈母如傅母慈者何也妾之無子者妾子之無母者父命妾曰女以為子命子曰女以為母若是則生養之終其身如母死則喪之三年荀子禮論慈母衣被之者也

而九月樂書司馬筠傳高祖敕禮官議皇子慈母之服筠議宋朝五服制皇子服訓養母禮依庶母慈已宜從小功之制案曾子問云子游曰喪慈母禮與孔子曰非禮也古者男子外有傅內有慈母君命所使教子也何服之有鄭玄注云此指謂國君之子也若國君之子不服則王者之子不服可知又喪服經云君子子為庶母慈已者傳曰君子子者貴人子也鄭玄引內則止施於卿大夫以此而推則慈母之服上不在五等之嗣下不逮三士之息倫其服者止卿大夫尋諸侯之子尚無此服况乃施之皇子謂宜依禮刊除以反前代之惑高祖以為不然曰禮言慈母凡有三條一則妾子之無母使妾之無子者養之命為母子服以三年喪服齊衰章所言慈母是也二則嫡妻之子無母使妾養之慈撫隆至雖均乎慈愛但嫡妻之子妾無為母之義而恩深事重故服以小功喪服小功章所以不直言慈母而云庶母慈已者明異於三年之慈母也其三則子非無母正是擇親者視之義同師保而不無慈愛故亦有慈母之名師保既無其服則此慈亦無服矣內則云擇於諸母與可者使為子師其次為慈母其次為保母則其明文此言擇諸母是擇人而為此二母非謂擇取兄弟之母也何以知之若是兄弟之母其先有子者則是長妾長妾之禮實有殊加何容次妾生子乃退成保母斯不可也又有多兄弟之人於義或可若始生之子便應三母俱闕邪由是推此內則所言諸母是謂三母非兄弟之母明矣子游所問自是師保之慈非三年小功之慈也故夫子得有此對豈非師保之慈母無服之證乎鄭玄不辨三慈混為訓釋引彼無服以注慈已後人致謬實此之由經言君子子者此雖起於大夫明大夫猶爾自斯以上彌應不異故傳云君子子者貴人之子也總言曰貴則無

所不包經傳互文交相顯發則知慈加之義通乎大夫以上矣宋代此科不乖禮意便加除削良是所疑於是筠等請依制改定嫡妻之子毋沒爲父妾所養服之五月貴賤並同以爲永制齊召南曰司馬筠直據曾子問謂慈母無服其語甚確但慈母實有不同梁武所論亦從來說經者之所未晰也三禮義疏曰繼母如母言如適母也慈母如母如生已之妾母也又曰內則言子師慈母保母蓋國君之子備此三者若公子之子大夫之子則三者不必備司馬筠傳謂內則慈保擇他人爲之非謂兄弟之母而詆康成爲不辨三慈夫始生之子不必途有兄弟不必卽有兄弟之母而父妾皆可擇爲慈母也渠蓋忽過內則諸母二字未之審耳禮內則保受乃負之注保保母晉王獻之有保母甄志朱彝尊跋曰保母之名見禮內則鄭司農謂安其居處者蓋慈母必父之妾保母乳母以賤者代母或自有所從之夫子敬云歸王氏非主右軍而言可知矣又禮記內則云卜士之妻大夫之妾使食子此雖主國君世子言之然保母乳母之或自有夫固可知也管子八國士民有五幼者予之葆注葆今之教母

食子者曰食母

禮內則大夫之子有食母鄭注選於傅御之中喪服所謂乳母也又云士之

妻自養其子鄭注賤不敢使人也

案禮子曰子產衆人之母也能食之不能教也食母命名義於斯顯

亦曰乳母

儀禮喪服總麻三月爲乳母注謂養子者有它賤者代之茲已疏三母之內慈母有疾病或死則使此賤者代之養子故云乳母荀子禮論乳母飲食之者也而三月馬融曰以其乳養於已有母名桓六年左傳子同生卜士負之杜注卜士之妻爲乳母韓詩外傳秦攻魏破之少子亡而不得公子乳母與俱亡士昏禮疏漢時乳母別

案喪服乳母者據大夫子有二母子師慈母保母其慈母闕乃令有乳者養之謂之爲乳母死則爲之服總麻師教之乳母直養子而已漢時之乳母則選德行有乳者爲之并使教子通典魏劉德問田瓊曰乳母總注養子者有他故賤者代之慈已今時婢生口使爲乳母得無甚賤瓊曰婢生口故不服也

案史記張蒼傳蒼老口中無齒食乳女子為乳母此據乳之即日以乳母非以母尊之也
漢書王莽傳定安公第皆置門衛使者監領敕阿乳母不得與語丙吉傳曾孫病吉數敕
保養乳母
加致醫藥

媵母

後漢書朱浮傳匹夫媵母尚能致命一餐注媵母未詳豈即所謂婢生口使
為乳母者邪

王父王母稱大父母

禮深衣具父母大父母釋文音泰祖父母也韓非子五蠹今人有五子不為
多子又有五子大父未死而有二十五孫史記留侯世家大父開也應劭曰
大父祖父漢書梁孝王傳李太后親平王之太母也師古曰太母祖母也徐

師會曰曲禮祭王父曰皇祖考王母曰王祖妣父曰皇考母曰皇妣夫曰皇
辟王大也皇美也舊說謂以君之稱尊之是教僭也始有禁矣

曾祖王父稱曾大父

史記夏本紀禹之曾大父昌意及父鯀皆不得在帝位韓愈崔評事誌曾大
父知道河南少尹裴君誌曾大父元簡劉統軍誌曾大父承慶

世父謂之伯父

儀禮喪服世父母叔父母疏伯言世者欲見繼世漢書王莽傳世父大將軍
鳳病師古曰謂伯父也以居長嫡而繼統也

案禮云有餘則歸之宗不足則資之宗注宗者世父爲小宗典宗事者也然則父之兄而
稱世父是其兄之嫡長者也若僅長於吾父實非長且嫡焉則直可謂之伯父說文云伯

民族志 宗族

長也釋名云父之兄曰世父言爲適統繼世也又曰伯父伯把也把持家政也蓋已長於吾父則吾卽從而伯父之不必其人之次果非仲與叔也否也爾雅世父注曰世有爲嫡者嗣世統故也曰有爲嫡者義可知矣

叔父或謂仲父或謂季父

釋名父之弟曰仲父仲中也位在中也仲父之弟曰叔父叔少也叔之弟曰季父季癸也甲乙之次癸最在下季亦然也廣韻叔季父也戰國策秦昭王謂范雎曰昔齊桓公得管仲以爲仲父今吾得子亦以爲父史記昭王曰范君寡人之叔父也呂不韋傳不韋爲相國號稱仲父正義仲中也次父也蓋效齊桓公以管仲爲仲父世說注鄧粲晉紀曰王導與元帝有布衣之好政皆決之號仲父史記項羽本紀項伯者項羽季父也漢書文帝紀上曰楚王

季父也

其疏者曰族父

漢書翟方進傳王莽居攝方進少子翟義立劉信爲天子舉兵移檄討莽莽作大誥曰小子族父敬不可征注師古曰劉信於孺子嬰爲族父

伯母亦稱世母

禮曾子問父母不在則稱伯父世母父稱伯而母稱世義相備也

叔母稱季母

後漢書西域傳獲單于母季母及婦女數百人注季母叔母也晉書辛毗傳

注世語曰辛憲英從子羊祜曰季母勿多言

高祖以下爲同族

白虎通義族者湊也聚也謂恩愛相流湊也上湊高祖下至玄孫一家有吉
百家聚之合而爲親生相親愛死相哀痛有會聚之道故謂之族春秋左傳
同族於禰廟注同族謂高祖以下陸佃曰姓同本而生族同本而出周禮小
宗伯掌三族之屬鄭玄注謂父子孫人屬之正名敖繼公曰凡有親者皆曰
族記曰三族之不虞是也士喪禮族長泣卜注族長有司掌族人親疏者也
南齊書蕭穎胄傳蕭令自以親爲族長任實宗臣與此族長字同義異漢書
嚴助傳嚴助嚴夫子子也或言族家子也師古曰亦云族子也賈子新書從
曾祖而昆弟爲曾祖昆弟曾祖昆弟有子子爲族兄弟顏氏家訓凡宗親世

數有從父有從祖有族祖江南風俗自茲已往高秩者通呼爲尊同昭穆者雖百世猶稱兄弟若對他人稱之皆云族人河北士人雖三二十世猶呼爲從伯叔宋書王懿傳云北土重同姓謂之骨肉南史夏侯竄傳竄宗人夏侯溢爲衡陽內史梁武帝謂竄曰溢於卿疏近答云從弟帝知溢於竄已疏乃曰卿儻人如何不辨谷對云服屬易疏所以不忍言族顏之推引入家訓改

云骨肉易疏

案漢書張敞傳有廣川王同族宗室劉調等言同族謂與王爲近親魏書劉昶傳有劉武英云劉裕弟道憐之曾孫而昶不以爲族親蓋道憐於昶方爲從祖祖父也陶潛贈長沙公族祖詩序云長沙公於余爲族祖同出大司馬昭穆既遠已爲路人潛爲晉大司馬侃曾孫則此長沙公者卽潛之從祖祖父乃云昭穆既遠已爲路人以視梁朝人所云骨肉易疎不忍言族者理又多乖矣尙書仲虺之誥疏云漢代儒者釋九族有二案禮賦及尙書緯歐陽說九族乃異姓有屬者父族四母族三妻族二古尙書說九族從高祖至玄孫

凡九族堯典疏云禮喪服小記云親親以三為五以五為九上殺下殺旁殺而親畢矣鄭注已上親父下親子三也以父親祖以子親孫五也以祖親高祖以孫親元孫九也孔疏以五為九者已上祖下孫則是五也又以曾祖故親高祖曾孫故親玄孫上加高曾二親下加曾玄兩孫以四籠五故為九也又異議夏侯歐陽等以為九族者父族四母族三妻族二皆據異姓有服康成駁云異姓之服不過細麻言不廢婚又婚禮請期云惟是三族之不虞恐其廢婚明非外族也是鄭與孔同漢書高帝紀詔敢有隨王罪三族張晏曰父母兄弟妻子也如淳曰父族母族妻族也師古曰如說是也閻若璩曰漢刑法志高后元年會除三族罪孝文二年又詔除之于尤怪如淳注三族云父族母族妻族也夫孝文詔明指父母妻子及同產為三族今復妄增母妻二族嗚呼為斯言者簡牘之上聞鬼哭聲矣齊召南曰孔傳解九族即據服制可謂至確正義亦疏解甚明杜預注左傳于襄十二年曰同族謂高祖以下與孔傳暗合也乃桓六年則謂外祖父外祖母從母子及妻父妻母姑之子姊妹之子女子之子非己之同族皆屬外親何其先後不符哉尙書及春秋正義並出穎達一人之手於書既訟言高祖玄孫之親於桓六年疏又謂高祖玄孫無相及之理前後矛盾也又邵晉涵爾雅疏爾雅所以正名辨物父之親為宗族母之親為母黨妻之親為妻黨是族與黨秩然有辨若以母妻之親均稱為族則名不正矣桓六年九族注所臚者入族其意固謂與本族而九也疏云注所云猶是禮戴歐陽等說以康成駁云女子不得與父兄為異族故簡去其母惟取其子以服重者為先耳其意亦不異也然注於數入族舉而總之曰非己之同族皆外親有服而異族者也直似此之九族並不關

已之本族者語亦疏矣又漢書章帝紀人犯罪禁至三屬注卽三族也謂父族母族及妻族又明人有誅十族之語謂以師友及門弟子當一族也此事前人嘗力辨之然韓詩外傳云晉里鳧須曰臣之爲賊亦大矣罪至十族未足塞責又云秦攻魏破之少子亡而不得令曰有得公子者賜金千斤匿者罪至十族是十族之說古已有之白虎通義九之爲言究也親疏恩愛究竟也謂父族四母族三妻族二父族四者謂父之姓一族也父女昆弟適人有子爲族二也身女昆弟適人有子爲三族也身女子適人有子爲四族也世族三者母之父母一族也母之昆弟二族也母昆弟子三族也母昆弟者男女在外親故合言之妻族二者妻之父爲一族妻之母爲一族妻之親略故父母各一族禮曰惟氏三族之不處尙書曰以親九族義同也一說合言九族者欲帝堯時俱三也禮所以獨父族四何欲言周承二弊之後民人皆厚於末故與禮母族妻之黨廢禮母族父之族是以貶妻族以附父族也莊葆琛曰謂九族者父族母族妻族本各三也二代之季民有厚於母族而薄於父族者又有厚於妻族而薄於母族者欲矯其弊故損去妻族一而爲二益父族三而爲四也中國舊說九族兼外親多言妻族二此獨言妻族本三以益父族而爲二是爲異議又有五族史記酷吏傳人有告王溫舒姦利事罪至族溫舒自殺其時兩弟及兩婚家亦各自坐也罪而族光祿徐自爲曰悲夫古有三族而王溫舒罪至同時而五族乎

曰宗曰小宗

白虎通義宗者何謂也宗者尊也爲先祖主者宗人之所尊也禮曰宗人將有事族人皆侍古者所以必有宗何也所以和睦也大宗能率小宗小宗能率羣弟通其有無所以紀理族人者也喪禮服小記別子爲祖鄭注諸侯之庶子別於後世爲始祖也謂之別子者公子不得禰先君孔疏諸侯適子之弟別於正適故稱別子也爲祖者別於後世爲始祖又云繼別爲宗鄭注別子之世長子爲其族人爲宗所謂百世不遷之宗孔疏謂別子之世世長子恆繼別子爲百世不遷之大宗又云繼禰者爲小宗鄭注別子庶子之長子爲其昆弟爲宗也謂之小宗者以其將遷也孔疏禰謂別子之庶子所生長子繼此庶子與兄弟爲小宗謂之小宗者以其五世則遷比大宗謂小也又

云有五世而遷之宗其繼高祖者也鄭注謂小宗也孔疏五世者謂上從高祖下至玄孫之子此玄孫之子則合遷移不得與族人爲宗故云有五世則遷之宗其繼高祖者此五世合遷之宗是繼高祖者之子以其繼高祖者之子則已滿五世禮合遷移但記文要略惟云繼高祖其實是繼高祖者之子也

同姓曰宗曰宗人

春秋傳云同姓於宗廟同宗於祖廟又云胙之宗十一族注同祖爲宗詩宗子維城朱子曰宗子同姓也逸周書諡法解五宗安之曰孝注五世之宗也史記酷吏傳南陽氏宗人三百餘家漢書吳王濞傳天下一宗注師古曰猶

言同姓共爲一家

案上云天下同姓一家慎毋反卽一宗之謂又後漢書郭伋傳更始新立三輔連被兵寇百姓震駭強宗右姓各擁衆保營莫肯先附注右姓猶高姓也

正姓庶姓

禮大傳其庶姓別於上而戚單於下鄭注玄孫之子姓別於高祖五世而無服姓氏所由生始祖爲正姓高祖爲庶姓孔疏五世以後庶姓別異於上與高祖不同各爲氏族是別於上也戚親也單盡也謂四從兄弟恩親盡於下各自爲宗不相尊敬庶衆也高祖以外人轉高遠分姓衆多故曰庶姓也又云云玄孫之子姓別於高祖者玄孫與高祖服屬仍同其姓玄孫之子則四從兄弟承高祖父後至己五世而無服各事小宗因字因官爲氏不同高祖

之父是庶姓爲衆姓也則氏族之謂也云姓氏所由生者據五世無服不相稟承各爲氏姓也始祖爲正姓者若炎帝姓姜黃帝姓姬周姓姬本於黃帝齊姓姜本於炎帝宋姓子本於契是始祖爲正姓也云高祖爲庶姓者若魯之三桓慶父叔牙季友之後及鄭之七穆子游子國之後爲游氏國氏之屬

案周禮秋官司儀士揖庶姓時揖異姓鄭注庶姓無親者也異姓昏姻也與此疎恩親盡於下義旨符合隱十一年左傳薛庶姓也杜注庶姓非周之同姓下云周之宗盟異姓爲後即指薛侯故杜注云爾而孔疏引司儀鄭注以謂庶姓非同姓若庶姓非同姓則時揖之異姓將焉所屬古人言各有當望文爲義原無不可必強他說以伸己說義所未安

族氏姓

張楫博雅族澤也曹憲音釋澤湊又姓子也張楫博雅同左傳因生以賜姓杜注因其所由生以賜姓謂若舜由媯汭故陳爲媯汭又胙之土而命之氏

民族志 宗族

杜注報之以土而命氏曰陳孔疏諸侯之氏則國名是也周語帝嘉禹德賜姓曰姁氏曰有夏胙四岳國賜姓曰姜氏曰有呂亦與賜姓曰媯命氏曰陳其事同也姓者生也以此爲祖令之相生雖下及百世而此姓不改族者屬也與其子孫共相連屬其傍支別屬則各自爲氏禮記大傳曰繫之以姓而弗別百世而婚姻不通者周道然也是言子孫當共姓也其上文云庶姓別於上而戚單於下是言子孫當別氏也氏猶家也傳稱盟於子皙氏逐麋狗入於華臣氏如此之類皆謂家爲氏氏族一也所從言之異耳釋例曰別而稱之謂之氏合而言之則曰族例言別合者若宋之華元華喜皆出戴公向魚鱗蕩共出桓公獨舉其人則云華氏向氏并指其宗則云戴族桓族也姓

則受之天子族則稟之時君天下之廣兆民之衆非君所賜皆有族者人君之賜姓賜族爲此姓此族之祖耳其不賜者各從父之姓族非復人人賜也晉語稱黃帝之子二十五人其得姓者十二人天子之子尙不得姓况餘人哉固當從其父耳其士會之孥處秦者爲劉氏伍員之子在齊爲王孫氏外傳稱智果知智伯之將滅自別其族爲輔氏如此之類皆是身自爲之非復君賜釋例曰子孫繁衍枝布葉分始承其本末取其別故其流至於百姓萬姓禮喪服小記復與書銘婦人書姓與伯仲如不知姓則書氏孔疏姓謂魯姬齊姜也氏孟孫三家之屬此殷禮也殷無世繫六世而昏故婦人有不知姓者周則不然有宗伯掌定繫世百氏婚姻不通故必知姓也若妾有不知

姓者常稱氏矣周禮司市大市日廛而市百族爲主鄭注鄭司農云百族百姓也賈疏對則正姓與氏族具通而言之氏族皆庶姓故以百姓爲百族定四年左傳懷姓九宗杜注懷姓唐之餘民九宗一姓爲九族戰國策費人有與曾子同名族者注族姓也人所稟天氣所以生者也詩云天生蒸民尙書曰平章百姓姓所以有百何以爲古者聖人吹律定姓以記其族人含五常而生聲有五音宮商角徵羽轉而相雜五五二十五轉生四時故百而異也氣殊音悉備皆殊百也所以有氏者何所以貴功德賤伎力或氏其國或氏其事聞其氏卽可以知其所以勉人爲善也或示王父字何所以別諸侯之後爲興滅國繼絕世也諸侯之子稱公子公子之子稱公孫公孫之子各以

其王父字爲氏故魯有仲孫季楚有昭屈原齊有高國崔立氏三以知其爲子孫也堯命表稷契賜生姓皋陶典刑不表姓言天任德遠刑禹姓似氏祖以億生殷姓子氏祖以玄鳥生也周姓姬氏祖以履大人跡生也史記五帝本紀注天子賜姓命氏諸侯命族族者氏之別名也姓者所以統繫百世使不別也氏者所以別子孫之所出故世本之篇言姓則在上言氏則在下也隱六年左傳翼九宗五正頃公之子嘉父逆晉侯於隨杜注九宗一姓爲九族也

案後漢書宦者傳序順旨曲求則光寵二族直情許意則參夷五宗注三族父族母族妻族也參夷三族也五宗五服內之親也分宗與族爲二又莊子庚桑楚是三者雖異公族也郭注俱能無是非於胸中故謂之公族則况似之言俱異義也又漁客問其族子路對曰族孔氏

民族志 宗族

蘭州俊華印書館排印

二二八

蘭州俊華印書館排印

六親

昭二十五年左傳爲父子兄弟姊妹甥舅昏媾姻亞以象天明杜注六親和睦以事嚴父若衆姓之拱辰極也漢書禮樂志六親和睦注如淳曰六親賈誼書以爲父也子也從父昆弟也從祖昆弟也曾祖昆弟也族昆弟也賈誼傳以奉六親注如淳曰六親父母兄弟妻子也

其近者曰睦親

漢書韋賢傳嗟嗟我王漢之睦親注師古曰睦密也言服屬近

五屬

釋名屬續也漢書韋賢傳天序五行人親五屬注師古曰五屬謂同族之五

服斬衰齊衰大功小功緦麻也

其絕屬者曰族人

大戴禮族人之讎不與聚隣注族人謂絕屬者

同姓曰內姓

宣十二年左傳內姓選於親外姓選於舊孔疏內姓謂同姓也逸周書大武

解四戚一內姓二外姻三朋友四同里注言所宜親也

兄稱慈兄又稱俊兄

後漢書光武帝紀其布告天下令知忠臣孝子慈兄悌弟薄葬送終之義顏

氏家訓年始九歲便丁荼蓼慈兄鞠養辛苦備至漢書韋賢傳

同母之弟曰母弟同母之兄曰母兄總曰親屬

宣十七年左傳公弟叔胥辛公母弟也凡稱弟皆母弟也杜注此策書之通

例也庶弟不得稱公弟而母弟或稱公子

案此傳例就公弟發之公羊傳齊侯使其弟年賜其稱弟何母弟稱弟母兄稱兄何休以爲春秋變周之文從殷之質質家親親明當親厚異於羣公子也郭氏曰若如公羊之說則異母兄弟不謂之兄弟乎又昭二十年公羊傳母兄稱兄昭二十年穀梁傳其曰兄母元也程子曰禮文有立嫡子同母弟之說其曰同母弟者謂嫡耳非以同母弟爲加親也若莊子云舜流母弟則并以後母弟稱母弟矣漢書季布母弟丁公師古曰此母弟爲同母異父之弟史記三王世家康叔親屬有十史記蔡世家云武王同母兄弟十人定四年左傳武王之母弟八人孔疏伯考已死不數武王故入後漢書安帝紀祀孔子及七十二弟子於闕里自魯相令承尉及孔氏親屬婦女諸生悉會

同生同母兄弟也

襄三十年左傳罕駟豐同生杜注三家本同母兄弟後漢書鄭元傳元唯有

一子益恩元以書戒之曰咨爾榮榮一夫曾無同生相依

兄弟

白虎通義兄者况也况父法也弟者悌也心順行篤也釋名兄荒也荒大也故青徐人謂兄爲荒也弟第也相依第而生也

兄弟曰同產兄弟其子曰同產子

漢書兩龔傳其上子若孫若同產同產子卽兄弟子也又金日磾傳日磾曾孫當母南卽王莽母功顯君同產弟也又孔光傳上卽位二十五年無繼嗣至親有同產弟中山孝王及同產弟子定陶王又元后傳注同父則爲同產不必同母也又循吏傳黃霸坐同產有罪劾免小貴人生和帝諸竇譖殺二

貴人竦死獄中永元中貴人姊南陽樊調妻媼上書訟曰妾同產女弟前充後宮誕生聖明而爲竇憲兄弟譖訴使妾父竦冤沈詔獄老母孤弟遠徙萬里今憲兄弟既伏辜誅乃敢昧死自陳所天妾父不可復生母氏年殊七十及弟棠等遠在絕域願乞得歸本郡注殊猶過也

親兄弟曰同胞

漢書東方朔傳同胞之徒無所寄居注蘇林曰言親兄弟

同母異父之子曰外弟其女子子曰外妹

成十一年左傳聲伯之母不聘生聲伯而嫁於齊管於奚生二字而寡以歸聲伯以其外弟爲大夫而嫁其外妹於施孝叔杜注外弟管於奚之子

兄弟之子爲子行

漢書孔光傳上同產弟子定陶王好學多材於弟子行注行胡浪反

姊妹

白虎通義姊者恣也妹者末也釋名姊積也猶日始出積時多而明也妹妹也猶日始入歷時少尙昧也

姊妹稱兄弟

釋名姊妹兄也妹女弟也禮檀弓子路有姊之喪可以除之矣而弗除也子路曰吾寡兄弟而弗忍也漢書樊噲傳以呂后弟呂巽爲婦

父之姊曰姑姑父之妹曰姑姑

民族志

親屬

爾雅父之姊妹曰姑姑故也言於己爲久故之人也襄十二年左傳無女而有姊及姑姊妹孔疏釋親云父之姊妹曰姑樊光曰春秋傳云姑姊妹然則古人謂姑爲姑姊妹若父之姊爲姑姊父之妹爲姑妹列女傳梁有節姑妹入火而救兄子是謂父妹爲姑妹也後人從省故單稱爲姑母又爾雅女子謂昆弟之子爲姪注左傳曰姪其從姑蓋謂我姑者吾謂之姪公羊傳姪者何兄之子也單言兄子者蓋以此姑方十五而嫁則從嫁者只可有兄之子不容有弟之子故望文爲義又左傳之姪卽謂子圉知姪自兼男女說文云姪兄之女也用公羊義已屬偏辭况易子爲女尤泥公羊而失之廣韻質部姪字下云兄弟之子不言自女子謂之蓋兼諸父言如後世之稱叔姪者而

爾部下姪字則引公羊傳云兄之子又似特與質部之字異義者玉篇直舉爾雅文斯爲至確

內宗外宗

禮雜記外宗爲君夫人猶內宗也鄭注外宗謂姑姊妹之女及從母皆是也內宗五屬之女也又云外命婦率外宗哭於堂上鄭注外宗姑姊妹之女周禮春官序官內宗凡內女之有爵者鄭注內女王同姓之女謂之內宗有爵其嫁於大夫及士者又外宗凡有外女之有爵者鄭注外女王諸姑姊之女婦人謂親生子爲出腹子

後漢書董祀妻傳念我出腹子匈臆爲摧敗宣帝紀封賀所子弟子侍中中

郎將彭祖爲陽都侯注師古曰所子者言養弟子以爲子則爲異腹子矣
子曰嗣諸侯之子曰代子

儀禮特牲饋食嗣舉奠注嗣主人將爲後者宋庠曰今人父在呼其子爲令
嗣時下呼某房甚無謂也然據此則禮已有此稱矣白虎通天子之子稱太
子諸侯稱代子

嗣子曰庸子

尙書堯典庸子朱啓明孔傳庸國子爵蘇氏書傳同史記五帝本紀作嗣子
丹朱開明注引鄭康成云帝堯庸嗣之子蔡氏集注嗣也庸子朱堯之嗣子
丹也

適長子謂之上嗣又謂之本宗

禮文王世子其登餼獻受爵則以上嗣鄭注上嗣君之適長子孔疏適長子者是適子之中長也凡適皆可以嗣今云上嗣是嗣中最上又登餼受爵以上嗣遵祖之道也鄭注上嗣祖之正統詩文王本支百世傳本本宗也支支子也疏適譬木幹庶譬其枝

適子又謂之正室謂之冢子謂之嗣適謂之嫡嗣謂之冢適

禮文王世子正室守太廟鄭注正室適子也閔二年左傳里克曰太子奉冢祀社稷之粢盛以朝夕視君膳者也故曰冢子又曰君之嗣適不可以帥師文七年左傳舍適嗣不立而外求君昭十三年左傳共王無冢適杜注冢大

也

正宗謂之門子

周禮小宗伯其正室皆謂之門子鄭注正室適子也將代父當門者也春秋左傳其大夫門子皆從鄭伯杜注門子卿之適子後漢書蔡邕傳世臣門子誓御之族攝須理髻餘官委貴韓非子亡徵羣臣爲學門子好辨注云門子門下之士則與此異議

適子元子也元子首子也

詩建爾元子毛傳元首也鄭箋成王告周公曰我立汝首子使爲君子魯哀公九年左傳微子啓帝乙之元子也後漢書馮衍傳衍自論曰身愈據職家

稱窮困卒難飢寒之災有喪元子之禍史記宋世家微子開者殷帝乙之首子而紂之庶兄也注尙書云微子啓今此名開者避漢景帝諱呂氏春秋云生微子時母猶爲妾及爲妃而生紂故微子同母庶兄漢書元后傳羌胡殺首子以盥滌正世注師古曰盥洗滌言婦初來所生之子或它姓

適子又稱當室

禮曲禮孤子當室冠衣不純采鄭注早喪親雖除喪不忘哀也謂年未三十者三十壯有室有代親之端不爲孤也當室適子也孔疏孤子謂二十九以下而無父者三十以外遭喪者除服卽得純采今所言未三十不得純采若至三十則亦采也問喪童子不總惟當室總鄭注當室謂無父兄而主家者

民族志

親屬

蘭州俊華印書館排印

也國語越語當室者死三年釋其政章昭注當室適子也

長子謂之伯仲叔謂之亞少子謂之季

詩載芟侯主侯伯侯亞侯旅毛傳伯長子也亞仲叔也陟岵母曰嗟予季行

役傳季少子也

適子之弟曰餘子曰貳宗

宣二年左傳宦卿之適子以爲公族又宦餘子亦爲餘子杜注餘子適子之

母弟孔疏言亦爲餘子知餘子之官亦治餘子之政令管子問餘子仕而有

田邑今入者幾何人又餘子父母存不養而出離者幾何人餘子之勝甲兵

有行伍者幾何人周禮小司徒大故致餘子鄭注餘子卿大夫之子當守於

王官者也漢書食貨志餘子亦在於序室注蘇林曰餘子庶子也或曰未任
役爲餘子逸周書糴匡解餘子務藝注餘衆也藝樹也又曰餘子務穡又曰
卿參告糴餘子倅運注倅副也尙書大傳歲事既畢餘子皆入學呂氏春秋
報更張儀魏氏餘子也注大夫庶子爲餘受氏爲長莊子秋水壽陵餘子學
行於邯鄲郭注未應丁夫爲餘子

案孟子餘夫二十五畝趙注一家一人受田老少尙有餘力者受二十五畝謂之餘夫周禮遂人土地夫一廛田百畝菜五十畝餘夫亦如之薛季宣周禮釋疑云先儒謂父祖子孫不可分者爲餘夫然則餘子餘夫皆謂庶子就卿大夫農夫別異其名耳太宰以九職任萬民九曰閒民惠士奇禮說云夫曰餘卒曰羨民曰閒詩云侯亞侯旅侯疆侯以皆閒民也侯詩毛傳亞仲叔也旅子弟也然則閒民卽餘夫與桓二年左傳大夫有貳宗杜注適子爲小宗次子爲貳宗

君子婦冢子之弟之婦也

禮內則父歿母存冢子御食羣子婦佐饌如初鄭注御侍也孔疏羣子婦謂冢子之弟婦及衆弟婦

妾子曰庶子

宣二年左傳其庶子爲公行注庶子妾子也又儀禮喪服傳注庶子者爲父後者之弟也言庶者遠別之也孔疏庶子妾子之號適妻所生二子者是衆子今同名庶子遠別於長子故與妾子同號也禮燕義鄭注庶子猶諸子也孔疏周禮諸子職總謂之國子此云諸侯卿大夫士之庶子者是其適子也謂之庶者庶衆也以其適子衆多故總謂之庶子非適子庶弟而稱庶子也

幼子曰小男

漢書張湯傳安世兄賀子安世小男彭祖注師古曰言養以爲子

庶子曰支子

禮記曲禮支子不祭祭必告於宗子國語越語支子死三月不從政韋昭注

支子庶子

庶兄號長庶

宣十五年公羊傳王札子者何長庶之號也何注天子之庶兄又襄二十九

年傳僚者長庶也

婢子賤人之子也

禮內則父母有婢子若庶子庶孫甚愛之鄭注婢子所通賤人之子

鞠子稚子也

書康誥兄亦不念鞠子哀康王之誥無道鞠子羞蘇氏書傳鞠子稚子也蘇氏於盤庚鞠人謀人之保居傳云鞠人窮人也謀人富人也各望文爲義其疏者曰族家子曰族子

漢書嚴助傳嚴助嚴夫子子也或言族家子也注師古曰亦云夫子之族子也

庶子之稱適子曰宗兄曰宗弟曰宗子

禮曾子問若宗子有罪居於他國庶子爲大夫其祭也不歸肉其辭於賓曰宗兄宗弟宗子在他國使某辭鄭注肉俎也謂與祭者留之共燕辭告也與

宗子爲列則曰宗兄若宗弟昭穆異者曰宗子而已孔疏其昭穆異者宗子

雖祖父及子孫之行但謂之宗子

介子庶子之爲大夫者也

禮曾子問曾子問曰宗子爲士庶子爲大夫其祭也如之何孔子曰以上牲祭於宗子之家祝曰孝子某爲介子某薦其常事鄭注貴祿重宗也上牲大夫少牢介副也不言庶使若可祭然孔疏孝子某孝子謂宗子也某是宗子之名

遺腹子遺腹女

案漢書賈誼傳植遺腹朝委裘而天下不亂劉向說苑晉屠岸賈滅趙氏之族趙朔妻有遺腹走公宮匿史記晉世家程嬰曰趙朔之婦有遺腹幸而男吾生之白虎通君薨適夫

人無子有育遺腹必待其產立之史記李將軍傳當戶有遺腹子名陵漢書昭帝紀泗水戴王前葬後宮有遺腹子煖後漢書鄭玄傳玄唯有一子益恩孔融在北海舉為孝廉及融為黃巾所圍益恩赴難阻身有遺腹子玄以其手文似己名之曰小同又劉平傳更始時天下大亂平弟仲為賊所殺其後賊復至平扶持其母奔走逃難仲有遺腹女始一歲平抱仲女而棄其子母欲還取之平不聽曰力不能兩活仲不可以絕類遂去不顧

遺男

列子湯問北山愚公平太行王屋二山

注形當作行

鄰人京城氏之孀妻有遺男

始亂跳往助之

遺孫

漢書武五子傳戾太子太子有遺孫一人年十八即尊位是為孝宣帝

父母卒子稱棘人鮮民

詩素冠棘人樂樂子傳棘急也樂樂瘠貌詩蓼莪鮮民之生不如死之久矣
傳鮮寡也箋此言供養日寡矣而我尙不得終養恨之至也

曾孫以下皆稱曾孫又稱孫又稱孫子

白虎通義孫遜也遜遁在後也詩信彼南山哢哢原隰曾孫田之傳曾孫成
王也疏成王繼文武之後不直言孫者太王王迹所起見王業之遠故繼而
稱曾孫不言玄孫者玄孫對高祖爲定名世數更多不得稱也曾者重也自
曾祖以至無窮皆得稱曾孫又惟天之命曾孫篤之箋曾猶重也自孫之子
而下事先祖皆稱曾孫疏哀二年左傳云曾孫蒯賁敢告皇祖文王烈祖康
叔是雖歷多世亦稱曾孫也又詩閟宮后稷之孫實唯太王又詩玄鳥在武

丁孫子孔疏先君成湯所以不危殆者在武丁之爲人子孫也禮郊特牲祭稱孝孫孝子以其義稱也稱曾孫某謂國家也鄭注謂諸侯事五廟也於曾孫以上稱曾孫而已晉書鍾雅傳時有事於太廟雅奏曰陛下繼承世數於京兆府君爲玄孫而今祝文稱曾孫恐此因循之失宜請改正詔曰禮事宗廟自曾孫以下皆稱曾孫此非因循之失也義取於重孫可歷世共其名無所改也朱子曰曾重也自曾以至於無窮皆得稱之也

後生後嗣所生子也

詩殷武以保我後生孔疏以保守我後嗣所生子

裔子元孫之後也

昭二十九年左傳昔有颺叔安有裔子曰董父杜注裔遠也玄孫之後爲裔
兄之孫曰昆孫

昭十六年左傳孔張君之昆孫子孔之後也杜注昆兄也子孔鄭襄公兄孔

張之祖父

長女曰長子曰元女曰嫡曰首女

詩大明續女維莘長子維行孔傳續繼也莘太姒國也長子長女也維行太
任之德焉孔疏喪服記云子兼男女是也婦之所繼唯繼姑耳故知能行太
任之德

案上云大邦有子鄭箋云大邦有子女亦子也故經稱有子魯襄二十五年左傳庸以元
女大姬配胡公杜注元女武王之長女魯哀三年左傳不腆先君之適國語晉語秦伯納

懷閨於公子曰寡人之嫡此爲才注適適妃子也又曹植金瓠哀詞曰金瓠子之首女

長男長女中男中女少男少女

易震一索而得男故謂之長男巽一索而得女故謂之長女坎再索而得男故謂之中男離再索而得女故謂之中女艮三索而得男故謂之少男兌三索而得女故謂之少女孔疏索求也得父氣者爲男得母氣者爲女坤初求得乾氣爲震故曰長男坤二求得乾氣爲坎故曰中男坤三求得乾氣爲艮故曰少男乾初求得坤氣爲巽故曰長女乾二求得坤氣爲離故曰中女乾三求得坤氣爲兌故曰少女

女孫孫女也

史記陳丞相世家張負女孫五嫁而夫輒死漢書陳平傳張安世傳女孫敬
爲霍氏外屬婦師古曰卽今所謂孫女也漢書王莽傳莽封孺子嬰爲安定
公以女孫妻之又韓愈祕書少監獨孤府君誌夫人天水權氏贈太子太保
阜之承孫朱子曰承孫字未詳

姊妹同母者曰母姊妹

春秋穀梁傳子叔姬貴也公之母姊妹也注同母姊妹

妹許嫁未適人卒曰母弟

春秋文十二年經子叔姬卒公羊傳此未適人何以卒許嫁矣其稱于何貴
也其貴奈何母弟也何注不稱母妹而繫先君言子者遠別也禮男子不絕

婦人之手婦人不絕男子之手

重修鎮原縣志卷之五

正名下就俗稱而解釋之

第一世祖即譜牒可攷之始祖也

案禮記諸侯及其太祖天子及其始祖之所自出注始祖者感神靈而生若稷契也余始引漢容氏見晉書載記鎮原則始遷之祖也帝王世紀舜生于姚墟遷于負夏魯昭公十

七年鄭子曰我高祖少皞擊之立以始祖為高祖

八爺祖之祖也於已為高祖

案書曰肆上帝將復我高祖之德謂湯也又無壞我高祖謂文武也漢唐創業之帝皆稱高祖左傳刻子來朝曰我高祖少皞擊之立也謂遠祖也祖有五世而遷之宗共繼高祖

者也是為祖之祖

太爺謂祖之父也是為曾祖杜甫詩汝門請從曾翁說注曾翁曾祖也

重修鎮原縣志卷之五

民族志 親屬

蘭州俊華印書館排印

爺爺 謂祖父也

案玉篇俗呼父曰爺木蘭詩不聞爺娘喚女聲杜詩見爺背面啼爺孃妻子走相送俱以父為爺今隴人呼祖為爺爺宋燕山府永清縣大佛寺內有幢係王士宗建末云亡爺爺王安孃孃劉氏是稱其大父大母也則此稱自宋時已有之然則當時北軍有宗爺爺岳爺爺之稱直以祖尊之矣狄道人稱楊椒山為楊爺爺可謂推崇備至矣

奶奶 謂祖母也

案柳耆卿詞願奶奶蘭心蕙性是宋時社會稱婦女最尊之辭隴人則稱祖母為奶奶天水則稱為阿婆山東人則稱為大婆隨地異名也

爸爸媽媽 稱本生之父母也

案溫公書儀古稱父為阿耶母為娘子無名氏木蘭歌不聞爺娘喚女聲但聞黃河流水鳴濺濺杜甫兵車行爺娘妻子走相送白居易詩兒別爺娘夫別妻爺娘即父母也隴人稱父曰爸爸陳思崇隨漫錄太子兩拜問安爸爸皇帝陛下陸游避暑漫鈔上徹謂憲聖曰如何比得爸爸高貴宋時已有此稱矣稱母曰媽媽夷堅志鄰里素諳我家事須媽媽起來稱父曰爺曰翁曰爹曰爸而惟閩人之稱曰爺為最奇稱母曰媽曰姥曰孃曰孃而惟粵人之稱阿吉為最奇宋高宗稱徽宗曰爹爹見四朝聞見錄宋太祖稱太后曰孃

娘見鐵圍山靈談近日隨人爹爹之稱大約本此又荆土方言謂父爲爹南史梁始興王
憺傳憺爲荊州刺史徵還朝人歌曰始與王人之爹赴人急如水火何時復來哺乳我四
朝聞見錄高宗稱章太后曰大
姊妹此一時習慣不可爲訓耳

嚴父慈母

謂父嚴正而
母慈愛也

案孝經嚴父莫大於配天又謂之嚴親司馬光詩疇昔侍嚴爲綵服人韓非子慈母之於
弱子也不可以爲前李斯書慈母有敗子又謂之慈親杜甫詩錫號戴慈親宋樂章壽我
慈庭今人稱父曰家嚴
稱母曰家慈殆本乎是

家父家母

對人自稱
其父母也

案顏氏家訓陳思王稱其父曰家父稱其母曰家母晉書山簡傳簡曰吾年幾三十而
不爲家公所知家公謂父也北史後主啓太后曰有緣得見家家又王儉曰願見家
家蓋北齊稱嫡
母爲家家也

翁翁婆婆

兒媳稱夫
之父母也

案爾雅姑稱夫之父曰舅稱夫之母曰姑姑舅在則曰君舅君姑歿則曰先舅先姑禮子
婦孝者敬者父母舅姑之命勿逆勿怠又舅姑入室婦以待豚饋明婦順也後世稱爲公
姑唐代宗謂郭子儀曰不疑不雙不爲
翁姑今俗翁翁之稱殆公字之訛耳

又案法苑珠林比丘白佛言世尊復何因循故名婆婆告曰本爲人時以婆說私衣布施
供養故名婆婆是則婆婆佛名也西北婦稱夫之母曰婆婆說文姑夫母也威姑也卽爾
雅所謂君姑也君與威古聲相近邑俗
通稱婆婆爲阿家家者姑字之音轉也

民國初北平琉璃廠土地廟過舊歷年王運閣以詼諧語爲桃符上聯云男女平權翁說
翁有理婆說婆有理下聯云陰陽合歷你過我的年我過我的年廣西俗男人之老者
一寨呼之曰婆其老婦則呼之曰公公則公婆二字顛倒用之構李庚
兆隆謂此與人嘲李居仁幡然一公公然一婆之語並可發一大噱

伯伯 伯父之稱也

案夢華錄東坡立春日簪幡勝過子由諸子姪笑指曰伯伯老人
亦簪幡勝耶是宋時已有此稱矣隨人稱曰伯父或稱曰爸爸

叔叔 侄兒 文言謂之
猶父猶子

案叔叔俗稱家叔三國志諸葛恪傳近見家叔父表陳與賊爭競之計陶淵明文家叔以余貧苦遂見用為小邑論語子曰回也視子猶父也子不得視猶子也按此則弟子稱師

可云猶父師稱弟子可云猶子矣今人稱兄弟之子曰猶子義本於此則稱伯父叔父亦可云猶父也周興嗣千字文猶子比兒詞頗嫌複

又案爾雅釋親篇妻黨有云女子謂舅弟之子為姪郭註引左傳姪其從姑所以姪字以女今男子稱兄弟之子曰姪或書姪為侄从人俱失之矣夫兄弟之子當稱從子謂從子

而別也不讀爾雅郎三黨亦混亂無辨豈細事哉

昔金昭宗薨離王即皇帝位諭愛王詔曰朕遺多難靖晦以處忽諸父諸臣橫見推逼義不容辭王是朕之侄朕是王之叔叔任天性甯不怛然今自和龍東北永為王國保有北

朔子孫嗣守勿信閒言馮陵以叔侄二人同形共氣設或交鋒務行兼并太祖太宗在天之靈亦不錫佑昔梁督與湘東為叔侄之仇誘周兵以陷江陵隨亦失國而為人笑此事

三復予言是叔姪字樣詔書中亦用之矣

新媽 謂繼母也又稱為新娘

案儀禮繼母如母漢李斯夫人碑繼姑入室勤養拳拳繼姑夫之繼母也蓋唐書禮儀志子之於母慈愛特深非母不生非母不育推燥居溼咽苦吐甘生養勞瘁恩斯極矣故稱

之曰媽一言新媽則非生身之母也為繼母者途視前妻之子亦不無意見顏氏家訓曰其後繼假慘虐孤遺離間骨肉傷心斷腸者何可勝數耶

孀娘

俗呼叔母曰孀娘始於北宋時見野客叢談

大哥

稱長兄也

案張九齡勅賜甯王池宴詩序開元二年春上幸甯王弟絃家人禮上曰大哥好作主人阿瞞但謹為上客又明皇有過大哥山池詩禮十年以長湖兄事之隨人詢問路徑雖素不識面之人邂逅道屬皆以大哥呼之

又案古時子稱父亦曰哥哥北齊南陽王綽兄弟皆呼父為兄兄唐書玄宗泣曰四哥仁孝謂睿宗也明皇子樣王傳樣王稱明皇為三哥又父對子亦自稱曰哥淳化閣帖有唐太宗與太子高宗書未稱哥哥勅此皆沿用習慣不可為訓也善呼兄曰哥如白居易祭浮梁大兄文稱大哥則名正而言順矣至晉王呼張承業為七哥此則以行次相稱表示親近之意云爾蘭州人呼小孩子曰我的哥哥則又與古人相反

姊姊

謂女兒也宋司馬光五六歲弄胡桃女兒為脫其皮見山堂肆考

大伯子

婦稱夫之兄也

案爾雅釋名夫之兄曰公尊稱也俗間曰兄章又訛為兄公言是己所敬忌見之怔忡自應齊也玉篇云公職容切姁之容切夫之兄也今俗呼兄鍾章鍾聲轉鍾係聲同也

舍弟

自稱其弟也

案王維詩舍弟官崇高亦有稱舍弟者晉謝靈運酬從弟惠連詩云末路值舍弟開顏披心胸杜少陵送弟韻詩云舍弟尚為蒼水使名家莫出杜陵人李頎答從弟異卿詩云吾家舍弟才不羈五言破的人共推稱己之弟為舍弟者是猶行古之道也謝惠連懷其兄靈運詩曰哲兄感此別自稱其兄曰哲若在今日則羣相驚訝矣

家兄家弟

文人自稱其兄與弟也

案晉書謝安嘗謂戴逵曰卿兄弟志業何殊逵曰下官不堪其愛家兄不改其樂是晉時已有此語世說作家弟家弟猶今人言舍弟也唐書溫大雅傳若家弟永康我將含笑入地

大嫂子

謂兄之妻也文人稱為邱嫂

民族志

親屬

廣州俊華印書館排印

案嫂音掃思換切浩韻見孟子前漢書楚元王傳高過邱嫂餐聞其聲張晏曰邱者大也長嫂之稱也應邵曰邱者嫂之姓也孟康曰西方呼亡墻曰邱墻邱者空也言見已亡空有嫂也三說似張為長

屋裏人 自稱其婦也婦對人稱其丈夫則曰門前人

案孟子註男以女為室宋吳曾能改齋漫錄引王彥輔慶史云今之律者斥卑者之婦曰新婦而不學者輒易之曰息婦又曰室婦易女正位乎內左傳以叔隗為內子屋裏人之稱殆本乎此又南史張彪傳呼妻為鄉里云湘人則稱為堂客滿洲人稱妻為屋裏人見紅樓夢

大娘二娘 謂大婦小妾也

案娘字俗書古無當作孃然輟耕錄都下自庶人妻以及大官之國夫人皆稱娘子南宋蕭齊崇尙佛法閣內夫娘悉令持戒夫娘者夫人娘子也北齊書祖珽傳妻耳順尙稱娘子子宋韓魏公傳中云宮中稱郭后為大娘劉妃為小娘皇家亦如此稱不獨民間今通為婦女之稱也河西人呼妾生子斥之曰小娘養的亦妾為小娘一證也

先後 兄弟妻相呼之辭也

案爾雅女子謂兄之妻曰嫂弟之妻爲婦長婦謂穉婦爲姊婦謂長婦爲媼婦歌屈己祀志注兄弟妻相謂先後古謂之姊媼廣雅兄弟之妻相呼曰妯娌楊奐孫烈婦歌屈己接妯娌盡心奉舅姑郭璞曰關東兄弟妻相呼曰築里卽妯娌也關東皆呼先後有姊妹爲妯娌者仍以先後呼之此風蓋始於陝西史記封禪書神君長陵女子以子死見神於先後宛在

小孩兒 父母稱其子之幼稚也

案孩小兒笑也孩兒小兒也謂初生時僅知孩笑也書賡語注愛養人如安孩兒赤子孟子曰孩提之童無不知愛其親也謂幼兒知孩笑可提抱者也後漢書孩兒老母口以萬數路史人之孩草之孩皆自始矣故隴人稱子曰小孩兒或曰小娃娃

小兒 對人自稱其子也

案三國志注孟宗母作厚蓆大被曰小兒無德致客學者多貧故爲廣被庶可得與氣類接也晉書謝安聞淝水之捷喜謂客曰小兒輩已破賊矣小兒謂其姪謝玄也至晁錯父呼子爲公陸賈呼子爲公蔡京呼子爲公蔡猶帶呼晁賈則專呼也此猶太公呼漢高爲帝霍去病父自謂老臣則過矣

不孝子

詩聞中有
如此寫者

詩云哀哀父母生劬勞故古禮父母喪皆稱哀子而書儀於父亡稱孤子母亡稱哀子父母俱亡稱孤哀子家禮識其無據然此禮世俗相承已久未為舛戾近來又有嫡母已故因避繼母而父亡止稱孤子者其言曰繼母在堂不敢稱哀使繼母而不賢也則可繼母而賢也必有怒焉不安於心者矣更有村學究好為杜撰因母先亡而父後亡者改稱孤

哀子豈不可怪也哉不如不論父母俱稱不孝子為正

今人居憂服中有不得已與人通簡帖之事祇須於姓名上加制字不必更於名上加粘素紙惟斷不可用從吉二字退華隨筆中已詳言之近人多漠不關心即通人亦有習而不知其非者或更縮寫從吉二字作筭字冒禁忘哀真可為痛哭流涕者也按制字最古禮記喪服四制有以恩制以義制以節制以權制世專於喪言制者本於此至從吉二字始見晉書孟陋傳陋喪母毀瘠殆於滅性不飲酒食肉十有餘年親族迭勸之然後從吉則不可以為三年內之通稱明矣唐律不孝條居父母喪釋服從吉者徒三年清律釋服從吉載於十惡之條即期喪從吉亦杖六十人亦奈甘犯科條而徒以能書筭字為巧乎

女子

謂國
女也

案女子所居曰閨宋史涂端友陳氏傳吾聞貞女不出閨晉書顧家婦清心玉映自是閨門之秀李景讓家行修治閨門惟謹白居易長恨歌楊家有女初長成養在深閨人未識隴人所稱閨女謂處子也處子者處深閨而待字也處士亦稱處子後漢書逸民傳序曰處子耿介羞與卿相等列

媳子

謂兒婦也

案俗謂子婦曰媳音息宋時先有息婦之稱見王彥輔慶吏元史裕宗徽仁裕聖皇后傳世祖每稱之為賢德媳婦蘭州則作普通稱呼五泉浴佛會人山人海男女混雜輕薄少年三五成羣橫立路旁見人閨秀則搖頭擺尾問其黨曰這是誰家兒媳婦子

小姑子

婦謂夫之妹曰小姑

案爾雅夫之女弟為女妹班昭女妹曹豐生見後漢書注唐王建新嫁娘詞三日入厨下洗手作羹湯未諳姑食性先遣小姑嘗李商隱無題詩小姑居處本無郎張以甯詩小姑十二方嬌癡西湖志小孤山俗訛作小姑近人詩有彭郎奪得小姑回之句戲曲中有小姑賢一齣

大伯小叔

婦稱夫兄之曰大伯子稱夫之弟曰小叔子

案晉書謝道韞嫁王凝之其弟獻之為客所窮道韞遣婢白獻之曰欲為小郎解圍小郎即今之小叔也邑又稱夫之兄曰大伯子蘭州人稱為阿伯子阿者我也五代史補李濤弟濬娶婦寶氏出參濤濤答拜濬曰新婦參阿伯豈有答禮

小婆養的

謂妾所生之子也

案三國志郭皇后姊子孟武還鄉里求小妻后止之小妻妾也或有稱為小星詩嘒彼小星三五在東註衆妾進御於君不敢當夕見星而往見星而還邑俗謂妾曰小婆養所生子人皆賤之左傳趙有側室曰穿是謂庶子為側室也後世則以妾為側室漢文帝賜南粵王趙佗書曰朕高皇帝側室之子也

又案鎮原鄉賢王潛夫先生以庶孽無人推薦發憤著論三十六篇甘肅慕容氏之祖曰吐谷渾庶出與其弟慕容廆不睦遂由關東至青海手握疆兵為一時雄最近武威李太史于錯亦庶出也孟子曰獨孤臣孽子其操心也危其慮患也深故達

姨娘

稱父之妾媵也見癸巳類稿又爾雅婦夫之庶母為少姑

孫娃子

謂子之子也牛僧孺詩歡喜見孫兒

孫孫

謂孫之子也
是為曾孫

案詩曾孫篤之注曾猶重也自孫以下事先祖皆稱曾孫又後裔統稱子孫對於遠祖祭祀時稱曰幾世孫

末末孫

謂玄孫之曾孫也
古謂之曰耳孫

案漢書及內外公孫耳孫謂己之下第七世也去高曾遠但耳聞之故曰耳孫漢平帝紀元始元年春正月封宣帝耳孫信等皆為列侯注耳音仍爾雅玄孫之子為來孫來孫之子為舅孫舅孫之子為仍孫仍孫之子為雲孫

孤孫哀孫

此喪禮之名稱也

案開元禮注父及祖稱孤子孤孫母及祖母稱哀子哀孫是孤哀之分實始於唐宋司馬溫公因之或問朱子孤哀二字之義朱子曰溫公亦只據今俗不欲父母混并之也

孫女

即女孫也史記陳丞相世家戶牖富人張負女孫五嫁而夫輒死人莫敢娶平欲得之

雙生子

即雙生子也

案揚雄方言秦晉之間謂之鍾子自關而東趙魏之間謂之學生皆雙產也周有八士伯達伯适仲突仲忽叔夜叔夏季隨季駒蓋一母四乳而生八子也北魏延興三年秀容郡婦人一產四男四產十六男秀容今山西之忻州甘肅侯補縣長胡祖勳其妻三年三胎每產皆雙共五男一女靖遠民婦一胎生三子皆近年之事其他學生者多不可勝記

忤逆子

謂子不孝也違背之義忤音誤遇韻

案韓非子至言忤於耳而倒於心非聖賢則莫能聽忤耳猶言逆耳也陳書何得見佛說而信順在我語而忤逆俗稱不孝父母曰忤逆亦作忤逆

奶嬭子

即乳母也

案奶婦人之同稱也俗呼乳曰奶又通作嬭楚人呼母曰嬭晉書桓玄傳幼時嬭溫每抱詣溫輒易人而後至宋書何承天年老始除將作佐郎請佐郎皆年少名家荀伯子嘲之曰嬭母宋明帝寢疾欲托孤於褚淵召淵入見帝流涕曰吾近危為故召卿着黃襪耳黃襪者乳母之服也大臣輔佐幼主如乳母之哺養小兒也北齊書南陽王綽傳綽兄弟皆呼乳母為姊姊俗稱嬭母本此或稱嬭婆稱嬭子皆喪服所謂乳母也

親戚名稱

案史記宋世家箕子紂親戚也路史謂但言親戚則非諸父昆弟之稱而不知非也古人稱一家之人亦曰親戚韓詩外傳曾子曰親戚既沒雖欲孝誰為孝此以親戚為父母也左傳二十四年傳封建親戚以藩屏周此以親戚為伯叔子弟也昭二十年傳棠君尙謂其弟員曰親戚為戮不可以莫之報也此以親戚為父兄也戰國策蘇秦曰高貴則親戚畏懼此以親戚為妻嫂也鎮邑所謂親戚專指親串而言

舅父舅母 舅父者母之兄弟也舅母者母兄弟之妻也

案母之昆弟曰舅古稱舅氏詩我送舅氏又稱舅父史記孝文紀封淮南王舅父趙兼為周陽侯齊王舅父駟鈞為清郭侯索隱曰舅父即舅也又晉書武帝楊后母早卒依舅家舅母仁愛親乳之秦州人稱舅母曰始子

姨父 謂妻之父也或稱為丈人河西人稱岳父曰姨父與鎮原同

案爾雅妻之父為外舅甘肅通稱丈人士大夫家則稱為岳丈合璧事類俗呼人之妻父為嶽丈以秦山有丈人峯丈人觀但唐以前無此名稱論語子路從而後遇丈人吳越春秋伍子胥遇漁夫曰姓命屬天今屬丈人柳宗元與楊京兆及答周君巢書皆稱丈人大抵年高者之稱自張說婿鄭益得秦山之力後世遂以丈人為妻父之稱矣

又案釋常談唐玄宗封禪於泰山以宰相張說為封禪使說增鄭鎡本是九品官舊例封禪後自三公以下皆轉遷一階一級惟鎡遷至五品玄宗怪而問之鎡無詞以對優人黃幡綽奏曰此乃泰山之力也因此以丈人為泰山或謂青城山為五嶽之長故名丈人山今世俗呼人婦翁為令嶽妻之伯叔為列嶽往往因此至晉樂廣為衛玠妻父俗呼所謂岳丈或當云樂丈耳

姨娘 謂妻之母也或又稱為岳母

案爾雅妻之母為外姑後世稱為岳母毗陵有成郎貌不揚岳母陋之曰我女生菩薩乃嫁一麻胡見漫笑錄或稱為丈母俗矣隴東人稱為姨娘不知何所本河西人稱母之姊妹曰姨娘稱其夫曰姨夫

親家 凡男女締姻者兩家相謂曰親家

案親家二字見南史沈攸之傳唐書蕭嵩傳子衡尚新昌公主嵩妻入謁帝呼為親家離右兩姻相遇彼此均稱曰親家俗有男親家女親家之稱親本讀平聲蕭瑀詩天子親家翁盧綸作王駙馬花燭詩人主人臣是親家又以親字為去聲西北俗男家為上門親家女家為下門親家現在男女平權此俗不適用

表兄弟 父之姊妹之子母之兄弟姊妹之子互稱中表

案中表猶言內外父之姊妹之子為外兄弟母之兄弟姊妹之子為內兄弟後漢書明公將帥皆中表腹心來歙傳君叔雖軍事遠使而陛下之外兄也晉山濤傳濤與宣穆后有中表親容齋隨筆李益盧綸為大歷十才子之傑出者綸與益為內兄弟又徐鉉詩平生中表最情親

姨兄弟

謂母之姊妹所生之子也

案古稱姨之子為姨兄弟見左傳注又南史江祐姨弟為曲江令北史序傳李炎之自誇文章從姨兄常景笑而不許蘭州人謂之兩姨兄弟

新女婿

謂女之夫也

案世說衛叔寶是樂彥輔婿並有海內名裴叔通嘗稱之曰婦翁冰清女婿玉潤全唐詩話陸暢初娶董溪女或曰君為貴門女婿幾多樂事暢曰貴門多禮法婢子喫辣麵殆不可過今日人戲小兒女以手捉鼻曰喫辣麵杜甫詩女婿近來乘龍婿自稱曰半子肅宗詔咸安公主下嫁回紇可汗上書恭甚言昔為兄弟今為半子也見唐書

唐人送子婿詩甚少劉長卿送子婿歸長城詩云送君卮酒不成歡幼女辭家事伯鸞桃葉宜人誠可詠柳花如雪若為看心憐稚齒鳴環去身愧衰顏對玉難惆悵基帆何處落

青山無限水漫漫用事雅切其妙長城今之長興縣也

兩挑擔

即連襟民間兩婿俗稱也爾雅僚婿注姊妹之夫相請也挑擔者譬如一擔貨分而挑之也

案懶真子江北人呼僚婿曰連袂又呼連襟容齋隨筆從兄在泉幕淮東使否其友婿也發京狀薦之為作謝啓曰襟袂相連昔愧未親之孤陋云云乃用杜詩孤陋忝未親等級

堪比肩人生意氣合相與襟袂連句也是宋人已有此稱矣

招女婿

即古之贅婿也

案史記滑稽傳淳于髡齊之贅婿也秦始皇紀三十三年發諸嘗通亡人贅婿買人取陸梁地漢孝文時貴廉潔賤貪污買人贅婿及吏坐賊皆禁網不得為吏秦漢人之輕贅婿如此今俗貧寒之家有子使就婦家為贅婿貧不得已耳仕宦之家見翩翩年少如苗晉卿之器許張延賞也遂以女妻之而招贅婿於家其諸子亦不為怪殆習慣成自然矣

他姊夫

俗稱女婿曰姊夫加以他字者對幼女而言也又夫婦相謂輒曰他爹他媽亦以他指兒女亡於禮者之禮習俗相沿已久

案後漢書天子姊婿又來敏傳漢末大亂姊夫黃琬是劉璋祖母之親璋遣迎琬妻敏遂與姊入蜀又裴雋姊夫為蜀長史雋送之入蜀遭亂不得還其他見於史策者未易更僕

數要皆女兄所天
始稱之曰姊夫

妹夫

稱妹之婿也
或稱為妹丈

案漢書陸侯延壽坐知女妹夫亡命答二百謝承後漢書胡母班王匡之妹丈唐書李密
傳依媚婿雍邱令邱君明媚婿即妹婿也楚人謂女弟曰媚白居易詩嫁得黔婁為妹婿

可能空寄蜀茶來
西北通稱為妹夫

小姨子

稱妻之妹也
古謂之姨妹

案爾雅妻之姊妹曰姨詩邶侯之姨左傳穆姜之姨世說孫秀
降皆武帝妻以姨妹俗謂姨妹為小姨子妻之姊稱為大姨子

室兄哥

謂妻之兄也
哥字似重複

案詩室人交偏謫我注指家人也後沿為妻之專稱蓋男以女為室宋時婦人封贈之號
有室人安人孀人後改室人為宜人六朝時江淹有悼室人詩皆指妻而言禮和於室人

注謂女姁女叔諸婦也疏女姁謂婿之姊女叔謂
婿之妹諸婦謂姊妹之屬與妻之稱室人者不同

小舅子

稱妻之弟也

案隋書高祖外家呂氏其族蓋微平齊之後求訪不知所在至開皇初濟南郡上言有舅子呂永吉自言有姑字苦桃為楊諱妻勸驗知是舅子徵入長安舅子者舅父之子也妻之兄弟亦稱舅新唐書楊行密曰得舅代我無憂矣舅謂其妻弟朱延壽也俗稱小舅子本此

拜乾達

即古拜親之禮也俗稱為義父

案晉書荀崧傳崧父父願與王濟何邵為拜親之友梁書劉洽傳樂安任昉有知人之鑒嘗訪洽於田舍見之歎曰此子日下無雙遂申拜親之禮又升堂拜母係孫策與周瑜之事見三國志皆拜謁其友之父母也今以拜義父為拜親寔失古義矣

語言

鎮原語言除少數方言外餘與南北諸省互相出入雖音之清濁高下輕疾徐小有不同而同者實多現在之口頭語按之古籍均有來原清錢大昕著恆言錄其弟大昭著邇言錄搜羅俗語俗事之見於古籍者一一爲之還其來歷究其根據凡六卷與恆言錄相上下也茲做其例略舉所知並附案語其世所通稱或字同音異與夫有聲無字及雖有其字而非字典所收者一概從略

語言系統

政府編纂邊疆歷史地圖搜集標準
共十有七項第三項則爲語言系統

詩含神霧云秦地處仲秋之位男懦弱女高臆身白色音中商其言舌舉而

仰聲清而揚劉歆西京雜記云長安市人語各不同有葫蘆語鑠子語紐語
練語三摺語通名市語楊伯起作關輔語荀爽作漢語惜其書不傳清道光
時武威張澍網取羣書為秦隴人口吻者節記之為一編目曰秦音而涇州
鎮原在其中矣鎮原語帶秦音其所由來者久矣

曹們

曹者我也們者就一方面多數之人而言

案東觀漢記張堪為蜀郡太守公孫述遣擊之堪有同心之士三千人曰張君養我曹為今日也徐積詩我曹盡是浩歌客李建勳詩他人莫相笑未易會吾曹鎮原人去我字但稱曰曹不知者往往發生誤會光緒戊戌余在京遇一同鄉素未識荆渠突問曰你在曹的方圓麼意謂你我山莊近在咫尺聞者掩口而笑蓋誤以曹字為三馬同槽之槽也

馬頭籠子

即竹籃也以其形似馬頭故名

窳窳子地

隴東各縣地在原上者是為高田在山坡者為窳下之地

案史記賦箕滿溝汚邪滿車注賦穰猶培塿也左傳培塿無松柏荀子注引說苑蟹螺者宜禾汚邪者滿車蟹螺之背微高原田之形似之班固所謂原隰龍鱗也汚邪隰田也即俗所謂窳窳子地也荀子大略篇流丸止於賦叟注地之切坎如器之賦史賦窳下之地史記所云汚邪即此邪與聲相近者同也

打噴嚏

人受涼據藥書云若打噴嚏則關竅已通矣

案燕北錄戎主太后噴嚏近侍臣僚齊聲呼治變離猶漢呼萬歲也蘇軾詩曉來頻嚏為何人兩般秋雨盃隨筆俗凡小兒女噴嚏呼千歲及大吉殆戎俗也噴又作飲嚏唐明皇與諸王會食甯王對御座飲一口飯直及龍顏上曰甯哥何以錯喉黃幡綽曰此非錯喉是飲嚏嚏與帝音近見因話錄

角角子

角鑽原如字讀正音也惟語助辭太多秦椒則辣角子他如牆角角子棹子角角子之類男婦皆然未易更改蘭州讀為各音總角則曰各兒從俗也

傷臉

謂傷顏面也稠人廣眾之中被人責備從此丟了面子故又曰丟人

呸

謂以口水唾人也世有受人之唾有聽其自乾者矣

曬暖暖

暖暖謂太陽也或謂為暖火冬令寒農事畢野老背暈日頭以取其暖

案南史宋文帝曰小人常日曝背此不足為勞蘇軾詩曝背談金鑿年鑿堯五方元音日音熱近人謂日者恆星之一乃自明本熱之火球也除用黑色鏡外萬不能觀以其光熱甚烈也熱斯熱矣蘭州人呼太陽曰熱頭熱即日也頭則為語助詞與鎮原呼暖火之義同

匡當

謂此事件何了局也

案韓子玉卮無當廣韻云當底也漢之瓦當是也徐鉉云今俗猶有匡當之言隴人遇危險之事輒曰我的匡當又曰我怕不得活了與夫巖南之我吶吶我翼翼社會所言之我的媽我的天事之大小不同其警恐則一也

安席面

今公私宴會稱與主人對席者曰席面古者謂之賓謂之客是已

案儀禮燕禮篇射人請賓公曰命某為賓賓少進禮辭又命之賓許諾左傳季氏飲大夫酒臧紇為客杜預注云客一坐所尊也蘭州宴會場中謂之首坐主人安坐客就席養此席為此客而設也其餘謂之陪客但古人與主人對席者只一人今則首席有二人一正一副鎮原過吉凶事安席之禮最繁有不可以言語形容者矣

走差路

謂歧路也

案韻會小補差北亞切異也阿彌陀佛經云有禪有淨宗猶如帶虎有禪無淨宗十人九差路唐詩枯木巖前差路多集韻或作跣童遐周吹景集記俗語亦引之今之差路多矣其不走者誰哉文子曰水雖平必有波衡正必有差此差字宜證平聲差錯之說也

說到你的心尖尖上

謂言語投人
之心思也

案尖尖末銳貌楊萬里詩心倚纔露尖
尖角章孝標小松詩小峯雲外碧尖尖

連枷棍

打穀之具也鄉間人
以木為之纏以皮革

案癸辛雜識今農家打稻之連枷古之所為拂也方僉宋之問謂之磁艾注今連枷所以打穀者范成大秋日田園詩一夜連枷響到明西北所用之連枷婦人用以打扁豆子及零星穀穗等又有一種鐵連枷則為防賊之具

儒樹

邑人讀榆為儒
儒與榆同在七歲

致嗟

即俗所謂這箇地方也
文言則謂此地二字

案致嗟二字之對方則曰務嗟務嗟者旁人所居之地也或以為歪嗟歪作
上聲讀方合俗音至致嗟二字或又作為宰嗟皆方言也不知其義之所在

嫁狗嫁雞

謂女子既嫁之後須女於
所遇也不得謂此人不淑

案陳造詩蘭摧蕙枯玉碎不如人家嫁狗隨狗雞隨雞許有王詩嫁雞正爾隨雞飛博
燈錄道人不解心印是信真是騎驢覓驢天地間有極巧之對以嫁雞隨雞對騎驢覓驢
可謂天造地設矣

燕兒長大就飛了

謂人子不
養其親也

案唐傳劉叟者其愛子背而逃不孝叟悲甚念之切聞叟少年時對於其親亦嘗如是白
居易知其內容作鷓鴣詩論之以見己之不孝有以開其端即雅望其子之孝詩用比體
最足發人深省有關風化之作也其辭云梁上有燕翻羽雄與雌銜泥兩椽間一巢生
四兒兒生日夜長索食惟孜孜青蟲不易捕黃口無飽期嘴爪雖欲敏心力不知疲須臾
十往來猶恐巢中饑三四月母瘦雌漸肥喃喃教言語一一刷毛衣一旦羽翼成引
上庭樹枝舉翅不回顧隨風四散飛雌雄空中鳴聲盡呼不歸卻入空巢裏啾啾終夜悲

燕燕爾勿悲爾當返自思思爾為誰日
高飛背母時當時父母念今日爾應知

又案此詩由生而食由教而飛一路寫來層次井然別具情形歷歷如繪飽則殿去享恩
者大抵皆然此言不顯而飛匪獨寫不孝情狀亦為享恩者窮形盡相也歸結自思見得

子之負己總由己之負親今日爾
應知一句有無限喚醒意在內

瘦的狠
瘦者清癯也俗轉闕去聲謂
數日不見便消瘦了幾分

工騙工
謂田家互相工作即
前代鋤社之遺義

案農桑輯要北方村落間多結為鋤社以十家為率先鋤一家之田本家供其飲食其餘
次之旬日皆治間有病者共力助之故田無荒穢隴東老百姓其貧不能畜牛者借富戶
之牛與犁以種其田而免荒蕪及富戶禾出貧家
往而鋤之如此之類名目繁多謂之曰工騙工

過日子太子細
謂主持家事者
之過於儉嗇也

案北史源思禮傳為政當舉大綱何必太子細也杜詩野橋分子細今甘肅民貧極矣而
少年迎合潮流衣食住行揮金如土厥父母勤勞稼穡厥子乃不知稼穡之艱難又從而

誣之曰守錢虜何子細一至此極乎噫習尚如此復何言哉

又案曾文正公家訓云處此亂世用度愈省則愈可以養福銀錢愈少則愈可以免禍唐李鄴侯云貧不學儉而儉自來富不學奢而奢自至又公沙穆云居家之法惟儉與約今之所謂子細古之所謂儉約也有未可厚非者矣

乾骨頭上榨油

謂民資財盡而派款如故也

案元結賊退示官吏詩使臣將王命豈不如賊焉今民被征歛迫之如火煎白居易詩昨日里胥方到門手持尺牒榜鄉村皆勞款子也今之軍隊百倍於古之時矣今之長官亦知地方萬分爲難矣羣黎百姓只賸幾根乾骨頭無如軍隊林立不得不就地籌款官吏賣之縣長縣長賣之區長區長又賣之村長於是燒火榨油限期解款此賣兒貼婦錢各營兵士其能享分毫也乎

又案馬柳泉賣子歎詩云貧家有子貧亦嬌骨肉恩重那能拋飢寒生死不相保割腸兒兒爲奴曹此時一別何時見遍撫兒身舐兒面有命豐年來贖兒無命九泉抱長怨囑兒切莫憂爺孃憂思成病誰汝將抱頭頓足哭聲絕悲風颯颯天茫茫此詩一讀則改容再讀則下淚三讀則斷腸矣不幸今日復有其事瞻望東道曷勝慘悽

民國十八年冬靈臺縣縣長派委員下鄉催款有一家欠洋三元村長曰這一家夫婦兩口有一箇懷抱孩子確係赤貧斷炊已數日矣雖一文錢也籌畫不出委員不信令村長作鄉導親往鎖提至呼之久無人膽村長排闥入委員隨之見破窰內用石三塊支五鍋一熱氣騰騰香味撲人鼻管委員大怒曰世豈有肉食者流而猶曰無錢也耶村長亦深爲詫異當是時貧民夫婦聞有談話聲從麥草內起而坐蓋窮極無柴燒坑故臥於亂草中耳村長曰委員大人親來催款看你如何設法兩夫婦哭而不言問之再但以手指鍋委員令村長視之揭鍋蓋則方煮小兒食也何長哭委員亦大哭而去

天塌了

謂父母壽終正寢也

案宋史堯舜駕善道垂化而民謂之所天謂君曰所天也晉武帝紀何至一旦便易此情於所天謂父曰所天也潘岳寡婦賦適人而所天又殞注左傳注曰婦人在室則父天出則夫天喪服傳曰父者子之天夫者婦之天關東俗謂親之歿曰天塌是喪所天也及安葬則又謂之曰揭天

里長

每里舉一人爲之長隋高帝從蘇威議以百家爲里置里長一人

強將手下無弱兵

謂賢父兄之有佳子弟也

案三國志太史慈傳注江表傳策謂慈曰先君手下兵數千餘人盡在公路許又曰卿手下兵官將多少自由意又呂範傳注江表傳策曰子衡卿既上大夫加手下已有大眾豈宜復屈小職知軍中細碎事乎

不中用 謂才不稱職也

案秦始皇本紀吾前收天下舊書不中用者外戚世家武帝擇宮人不中用者斥出歸之王尊傳其不中用趣自避退勿久妨賢

割蜂餈 蜂蜜熟割而取之也

案張衡七辨沙餈石蜜卽今沙餈用蔗汁蒸造一名蔗胎潛惟類書仙經呼蜜爲片餈與蜜本爲二物隴東鎮原縣產蜜土人呼爲蜂餈守坤序九代時後行密城揚州民呼蜜爲餈俗語本北岷縣亦產蜜其色白關州市稱爲白蜂蜜

回風回風 禱告於神也對家神亦適用之

案儀禮疾病則禱五祀金縢氏王有疾周公植璧秉圭命太祝以告三王降至春秋魯哀公二年鐵之戰衛世子蒯瞶禱於皇祖烈祖文祖子疾病子路請禱亦猶行古之道也然

楚昭有疾不祭河崇晉景有疾不禱
桑林有識者猶或知之况聖人乎

不用功

謂不誠敬也歲旱村農聚方神廟祈禱跪誦雨經
不分晝夜久之天仍不雨論者謂不用功之故

挽髮

女子未嫁則垂髮及出閣
則挽髮為鬢俗謂之上頭

案古者中國男女皆挽髮為髻西夷北狄則編髮為辮垂於腦後晉書載吐谷渾婦人
辮髮紫後綴以珠貝南史載高昌男子辮髮垂之於背女子辮髮而不垂蓋各隨其俗也
清入關而男女辮髮之俗偏於中國至民國男子剪髮女子仍垂辮俗謂之弔辮子即適
所天髮收起挽而為髻鎮原婦人猶沿古裝新嫁娘雞鳴即起燈下挽髮鬢煞費工夫今
則多梳
平頭矣

又案花蕊夫人宮詞云年初十五最風流新賜雲鬟使上頭又娶婦之家俟新婦到門以
紅氍藉地人轉接之使行於上俗謂之倒氍白居易春深娶婦家詩云青衣轉氍褥錦繡
一條斜古
亦然矣

燒石炭催酒

石炭者華亭安口窰之所產
也客至需酒甚急始燒石炭

案蘇軾有石炭行即西北諸省煤礦所出之炭也古暖酒器曰急須見三餘資筆吳語急須以其應急而用也鎮原燃料以木柴麥草為大宗石炭購自華亭甚珍重有來賓用紅泥小火爐煨黃酒始燒石炭以其火力速之也

坐月子

婦人產子必坐月子始下牀

案雲麓漫鈔吳中舟師歌月子灣灣照九州汪元量詩月子纖纖雲裏見皆言月兒也婦人懷孕為重身素問曰人有重身九月而寤至十月則臨盆矣邑俗婦人生產後在牀端坐不令其睡倒鄰舍聞之曰某家媳婦坐月子子者語助辭耳

胡同

平原上之深壕也

案北平方言街巷謂之胡同其名稱始於元皆為井也隴東則指深壕而言高原能行牛車車所碾之路為兩所衝由淺而深歷數百年有深至丈五六尺者

把你勞動

猶言有勞我甚感謝之意也

案白居易詩勞動故人龐閣老提魚攜酒遠相尋俗語本此又凡用體力以從事工作者謂之勞動家如農與工專恃工作以謀生活孟子曰勞力者治於人即此類也

那個 猶言彼物也說他人亦曰那個元
人雜曲有這箇話那個儂之語

一口氣嚙不下去 謂人之將死猶有
未了之心事也

案文子人之生氣也聚則為生散則為死人之將死氣已散矣散斯漸斯漸斯嚙矣然道家
導引之法有所服氣者抱漢子曰嚙氣斷穀亢倉子曰嚙氣谷神世俗之人不足以語此
一言嚙氣則死者不能復生其曰嚙不下去者表
示臨死時之州乎為情耳紅梅夢嚙氣作嚙氣

桶兒紙 親歿一日於大門外豎高竿
上懸燒紙者古者報喪之意

案鼠璞紙錢起於殷周史南齊東野侯剪紙為錢以代束帛封諸聞見記魏晉以來始有
紙錢唐臨冥報錄云錢紙為錢以供鬼也謂之冥錢其寄形象於紙却掃編社正獻公
案四時之享以分至日不設格律惟用平而席褥不焚紙錢蘭州每清明節夏曆七月十
五十月初一一家無不設資宜均下墳焚化冥錢以表子孫追遠之孝思客籍則往城隍廟帶
包

七七 親歿由首七至七七家屬
哭於大門外並做佛事

案田藝衡春雨逸響人之初生以七日為臘死以七日為忌一臘而一魄成一忌而一魄散俗以人死每第七日為忌至七七四十九日則卒哭蓋本此北史胡國珍傳詔自始葬至七七皆為設千齋淨屠法也國珍臨淨縣人胡太后父也其墓在鎮原南鄉已無考矣而七七作齋相沿以至於今日近世以七日為一週均易經七日來復復見天心之養也

改日再說

謂明日再議也改日即另日也

案俗語異日曰另日另字音命令之令然其字說文玉篇均未收祇堪作令日解或國策趙燕拜武靈王朝服之賜曰改循衣服以待令日令日即異日也注謂令為善非

真是儻

謂子弟之無悟心也

案揚子法言注引呂氏春秋蚱蜢出放光虫食物也今人作儻或從發作儻俗稱不明曰儻儻畫鑑米元章父子皆丁山水成一家法者年年詩云善畫無根樹能描儻儻山又儻儻無知也閑也本作楷或又作儻爾雅儻儻惘惘也

覩腆

俗讀綿粘謂小孩子之不淘氣也

拆東牆補西牆 為債主所逼借新債而還舊債也

案後漢書債主曰至詭求不已債主即債家有債權之人也東哲賦債家至而相教乃取東而償西俗語拆東牆補西牆當本乎此

咯咯 謂響聲也咯上平在東韻邑人無論男女輒言咯咯一下是其麼響

借頭面 貧家婦借人首飾出門裝體面也

案周禮治師注謂婦人首飾三輔謂之假髻晉書泰元中公主婦女必緩髮傾髻以為盛飾用髮既多不可恆戴乃先於木及籠上裝之名曰假髻或名假頭至於貧家不能自辦無頭就人借而借頭者借假髻也今所借者簪環等件謂之曰頭面至假髻已無人戴矣

可惡 俗謂人凶很也惡或讀去聲或又讀入聲

真哥 即真哥之訛語一事也初聞之而不信繼而衆口一詞遂驚而異之曰真哥

案真箇二字屢見古人詩中增綴詩論仙真箇是仙才韓愈詩老夫真箇是男兒明水樂時解絃謫河州登鐘樓樓七絕收二句云數年不見南來雁真箇河州天盡頭箇字均作

因何變成哥

倒竈

謂商家停止營業也

案太玄經竈滅其火惟家之禍俗謂生意不前因歇業者謂之倒竈蓋爐火已滅也又時連不齊之謂

尪 俗謂物之小者曰尪

案尪字取義乃小字也字典不收論者謂甘肅逼近羌戎隨意造字頗為方家所笑然廣東有妥字諧勒與尪字同一用意廣東俗字最多如空讀作穩喬長皆讀矮見范石湖桂

衡志

清早起

清早即凌晨之謂也杜甫詩天子朝侵早常建清晨入古寺

尿泡打人不疼臊氣難聞

尿泡豬水泡也

案尿收噴韻音鳥從人身血液中排出之廢料也內含水尿酸尿質等今亦作溺撒尿古謂之小遺豬羊撒尿之器俗曰尿泡其味臊韓非子民食果蔬蟬蛤腥臊惡臭而傷害腹

胃民多疾病有聖人作鑽燧取火以化腥臊而民說之使王天下號之曰燧人氏杜甫詩神堯舊天下會見出腥臊蒙古喜食牛羊肉又不剔齒漱口刮舌腥臊之氣在所不免俗

因稱之曰
臊穢子

扭搬 扭者扭捏也搬者拿架子也貌若不肯而心已許矣

一口兩舌 謂語言反覆掉弄是非也

案焦氏易林一簣兩舌妄言謀訣佛教亦以兩舌為口孽見四十二章經又有兩面人者唐書西域傳東女羌別種也貞元九年其王湯立悉內附入朝然陰附吐蕃故謂兩面羌

小名子叫什麼 尊長問卑幼之乳名也

案道山清話長者在歐陽公座上見公家小兒有小名僧哥者戲謂公曰公不重佛安得此名公笑曰人家小兒要易長有往往以賤名為小名如牛羊狗馬之類聞者莫不服公之捷對朱考亭小名曰沈郎薛文清公小名曰乙哥如此類者不可勝舉撫言韓愈皇甫湜一代龍門牛僧孺拙所業詭之其首篇說樂韓始見題即掩卷問曰且以拍板為什麼

僧孺曰樂句
二公大稱賞

遊鬼 謂男子之不務正業也文
言則謂之曰游手好閒

喊破胡囉 謂演說者之舌敝
唇焦也胡囉喉也

案後漢書桓帝時童謠曰吏買馬君具車請為諸君鼓噓胡今俗稱喉囉為胡囉本此見
梁同書直語補證書疏自初一日五行至威用六極皆是禹所次第而叙之下文更將此

類則演說之謂引伸其說也曰清未舉行新
政凡事皆由演說人手今則愈推愈廣矣

咕噓子 即呼噓之訛賭博人之稱吳方言
謂語煩絮而小分明者曰估噓子

土沓蚤 蚤生於塵土間
或以為蟻化

案論衡人生在天地之間猶蚤蝨之在衣裳山棠肆考蚤生積於俗呼為沓蚤或曰布穀
鳥所吐如蚊母之吐蚊也聞見錄以芸香道席下去蚤五雜俎治蚤者以桃葉煎湯澆之

死盡

狼頭客 謂人貪吝太甚吃
重而不吃輕也

福不雙至禍必重來

謂凶多而吉少也

案說苑權謀篇韓昭侯造作高門屈宜咎決其不出此門云此所謂福不重至禍必重來者也今俗諺云福無雙至禍不單行古人已有言之者矣又紫桐和尚曰禍不單行謂禍事之來往往不止一端見傳燈錄又伊禪謂大陽和尚雪上更加霜謂禍患疊至也今人猶用此語

聽着咯吱咯吱的響

謂時髦之着響履也昔吳王宮中以梗梓藉地行則有聲故名響履廊見姑蘇圖經

套客

謂土匪劫人財物如以網套鳥雀也

案前清同治中甘肅回亂失業游民窮困饑寒犯法為非流為盜聞村中富室有窖藏或有米粟夜往劫之其黨手炬露及面塗鍋煤如鬼怪狀入室迫脅家衆曰敢號呼者死且鄰家遠聲亦不聞死何益皆縶不出聲以被蒙頭匪傾囊祛篋不滿其意不走時謂之套客近年則明火劫搶矣

不遠一點點

此村人答問路者之辭不遠謂將到也一點點謂此去無多路也

有臭

臭者腋氣也聞者惡心欲嘔

案腋氣古謂之慍抵唐崔令欽教坊記云范漢女大娘子亦是竿木家開元二十一年出
內有姿媚而微慍抵其籍便覺腋氣一名狐臭俗名豬狗臭一名腋臭即腋下發生之異
臭患者壯年為其在老人及小兒則罕見某家新嫁娘
已行廟見禮矣未幾忽大歸問其原因婿家謂有狐臭

是那一流的人

此貶辭也
那謂他人

案南朝呼篋四管為一牀集韻謂銀八兩為一流物必兩個八兩始足一一觔之數今有
人馬舉止輕佻品格卑污鄉黨中人鄙而薄之曰那人不敬觔數蓋止有一流耳若上天
秤上稱謂之
曰半斤八兩

撕票

謂土匪綁財主勒
贖踰限即殺之也

案財主二字起於漢時世俗陳仲弓為太邱長有劫賊殺財主今之賊所經過處訪財主
而綁之去令財主致書於家以重金來贖否則撕票撕即斯也說文斯析也釋詁斯離也
呂覽報更篇趙孟見桑下饑人與之脯一胸
曰斯食之注斯析也此則以手撕物之確證

裹脚布要解到省府存案

婦女裹脚布古謂之雙行纏國民
軍在甘時飭令縣政府按月報解

案古樂府雙行纏婦人用布偏束其足者其辭云新羅纏行纏足跌如春妍他人不言好獨我知可憐吳均詩羅窄裹春雲見溫庭筠靚粧記唐杜牧詩鈿尺裁量減四分碧琉璃

滑裏春雲五陵少年欺他醉笑把花前出畫裙段成式詩云醉袂幾侵魚子縵影縷長更鳳凰釵知君欲作閒情賦應願將身托繡鞵花間集云慢移弓底繡羅鞵亦屢見於詩咏

矣今則陸軍制度官與兵皆紫裏腿蓋古之行膝也禮邪偏在下箋邪幅行膝也偏束其脛自足至膝故曰在下

錯到底 今有明知其失而始終不變宗旨者謂知錯到底宋徽宗宣和末婦人鞋底尖以二色合成名曰錯到底見老學菴筆記

茅司 卽廁所也或又謂爲茅坑

案甘肅六十餘縣惟永登廁房潔淨士大夫家或建樓於後院來客奏酒請上後樓此外概稱爲茅司通俗編趙州諺謂文遠曰東司上不可與汝說佛法朱暉絕倒錄載宋人擬

老饕賦有尋東司而上茅句按俚言毛司據此當爲茅司也

東西白糟塌了 謂暴殄天物也故一絲粟當知來處不易

吊吊灰 煙塵之凝結屋上者俗謂之煙煤日久則懸而不落時以毛揮子掃之

案呂氏春秋孔子窮於陳蔡之間七日不嘗粒盡寢顏回索米得而爨之幾熟孔子望見顏回攪其甑中而食之選問食熟否孔子起曰今者夢見先君食潔而後饋顏回對曰不可嚮者煤臭入甑中棄食不祥攪而飯之高誘曰煤室煙塵之煤也素問黑如臭者注臭謂臭煤也唐張祐詩古牆丹雘盡深棟黑煤生李商隱詩敵國軍營漂木梯前朝神廟鎖煙煤溫庭筠詩煙煤朝奠處風雨夜歸時是煤乃梁上煙煤之名非石炭也

打補釘

說文釘補履下也邑人謂補綴衣服曰打補釘

草驢女貓

皆言牝也

案日知錄今人謂牝驢為草驢北齊書楊愔傳選人魯漫漢在元子思坊騎禿尾草驢是北齊時已有此語山東河北人謂牝貓為女貓隋書外戚獨孤隨傳貓女可來無住宮中是隋時已有此語

惡心

事不可耐謂之惡心元曲有顛倒惡心煩之語邑人得病欲嘔亦謂之惡心

一鍋漿子

打官司者謂承審員之判斷不明也

案宣武盛事唐順宗時劉禹錫干預大樞門吏接書尺日數千禹錫一一報謝綠珠盆中日用麵一斗為糊以供緘封麵糊即今所謂漿子也又癸幸雜志真西山負一時重望時格輕物貴民生頗艱於是為諺曰若欲百物賤直待真直院及入朝數陳之際首以尊崇道學為義愚民無知乃以不切實務復以俚語足前句云喫了西湖水打作一鍋麵蓋謂糊塗也

喫蝨子皮 識人之忽大而見小也

案東破雜志今年收大麥二十餘石賣之價甚賤而秬米適盡故日課奴婢以為飯嚼之噴噴有聲小兒女相調曰是嚼蝨子俗語喫蝨子皮本此

甯甯甯 村農呼雞之辭也甯音周施眉吾詩遺卻白雞呼甯甯說文雞重言之從甯聲讀若祝

婆娘不要本男人 自由之說行離婚之風盛婦之逐其本夫者多矣

案朱買臣見棄於其妻戲曲遂演馬前覆水之一齣豈知太公望齊之逐夫見戰國策太公少婿馬氏如今俗貨婿後為馬氏所棄太公既封齊侯道遇前妻再拜求合公取盆水覆地令其收之惟得少泥公曰若言離更合覆水定難收婦人遂抱恨而死此見類林韓詩史註鷓冠子註

三十一日

--	--	--	--	--	--	--	--	--	--

民生志

楚箴曰民生在勤生如生於憂患之生蓋心生生不窮勤則生矣生則烏可已也怠焉則放放則死矣故公父丈伯之母曰民勞則思思則善心生惟勤也則生活問題不難解決惟善也則農村生活賴以維持國家多一竄情之民草野卽不免飢寒之慮王潛夫曰輕薄惡子不道凶民起而爲盜其在此時也乎盜匪來自田間而剝人之衣奪人之食毀人之住宅雖有善者亦無如之何矣鎮原近年以來匪氛雖息元氣未復賢明有司尙於民生主義而加之意乎

衣服類

古者未有麻絲衣鳥獸之羽皮久之而毛織品出矣又久之而葛布興矣伯夷叔齊哀天下之偷且強則服食其葛薇幽風曰無衣無褐何以卒歲西北衣褐者居大多數民以貧故往往袒褐不完袒褐方言曰自關而西以擔褸短者謂之袒宋本杜詩袒褐風霜入邑人過冬服半截褐褂子即古之袒褐也不知者訛為短褐北齊曹仲達畫人物衣服緊窄唐吳道子畫衣服飄舉社會日漸進化而服制趨於華麗矣

耳套子

古謂之耳衣所以禦寒也

案博物志北方地寒冰厚三尺氣出口為凌楊萬里苦寒歌冰脫君髻折君骨又詩云生愁墮指脫兩耳甘肅每交冬令清晨出門必套煖耳唐人邊塞曲金裝腰帶重錦縫耳衣

寒見丹鉛錄此物南方亦有之

套褲 加於袴上者也

案左傳韎韐之跗注訓跗注若袴而屬於跗與袴連是袴上所加即今之套褲也古謂之脛衣說文袴脛衣也段注今所謂套袴也左右各一分衣兩脛間向特以為戎服皮套袴綿套袴單夾套褲無論男女皆服之矣

婦人也穿袍子

袍丈夫著下至跗者也蘭州婦女多服之名曰旗袍

案物原傳說作袍事物紀原以為始於宇文護困學紀聞以為始於隋大業皆非也袍者有虞氏時即有之漢輿服志周公抱成王燕居故以袍

馬褂子

蓋政府所定之便禮服也

案唐高祖詔諸衛將軍每年至十月十日皆服缺勝襖子即前清之缺襟袍子也晉時服有半臂即馬褂子滿清入關以後馬褂子幾無人不服矣今國府委員亦服之甘谷人呼

為馬墩兒

緞邊

女服鑲邊曰漆邊緞宜作緞

案緹古穉切音衰阮韻詩竹閉緹膝新方言凡織帶皆可
以為衣服緣邊故俗稱緣邊曰緹雖云古風亦可省矣

二毛皮襖 羊羔皮所縫之衣也李紳抵高要詩
天將南北分寒煖北被羔裘南卉服

褐衫 毛布衣用以避
雨古謂之襜褐

案褐黃黑色無光澤者曰褐又賤者衣褐故稱貧賤之人曰褐宋策舍其錦繡鄰有襜褐
而欲竊之秦始皇紀論寒者利襜褐注一音豎亦曰豎褐賈禹傳襜褐不完注襜者謂備

豎所著布長襦
也褐毛布之衣

膝褲 婦女護腿
之便服也

案朱子語錄秦太師死高宗告楊郡王云朕免膝褲中帶匕首矣膝褲殆古之偏也禮記
注偏斜幅也纏足至膝漢謂之行膝又見國策今俗以婦女裹束褲角者曰膝褲蘭州謂

之曰箒
箒子

換夾衣 邊地氣候多寒
五月始脫棉衣

案衣之裝繇者曰褚漢書上褚五十衣是也衣之有裏者曰袷史記服繇袷綺衣是也唐人詩帳臥新春白袷衣後世單袷之袷多作夾宋仁宗四時衣夾見邵氏聞見錄又李賀

詩金魚公
子夾衫長

綴鈕襟子

鈕襟子繫衣服之鉀也俗謂為鈕門子綴連也緝也縫布帛之類使相連屬也

案禮記紉箴請補綴元史后妃傳曰世祖后製一衣前有裳無袷後身倍於前亦無領袖綴以兩襟名曰比甲以便弓馬餘見漢書與揚雄賦

白布衫子

即貼身所服之小汗褂也皋蘭人謂之汗襦

案夏侯湛大暑賦洪液蒸於單篔兮珠汗沾乎絺葛談藪燕朝袞冕有白紗中單漢王與項籍戰汗透中單改名汗衫楊萬里詩且向嚴灘濯布衫陸游詩黃紬被暖閒無厭白布衫長樂有餘五燈會元越州姜山方禪師僧問如何是不動尊師曰單著布衫穿過市

貓兒頭鞋

富家小孩之所著也

案崇禎宮詞注崇禎五六年開宮卷每繡獸頭於鞋上以辟不祥呼為貓頭鞋識者謂貓旄也兵象也未幾流寇蜂起天下大亂崇禎十六年李自成遣偽賀錦陷平涼隴右騷然

遂無完字

雲頭鞋 此舊式鞋也王涯詩 尚著雲頭踏殿鞋

雙梁子鞋 一名雙臉鞋俗於鞋之尖用股子皮包為 雙梁以別前後或寬或仄皆婦人自為之

案標兵未廢之前綠營兵士喜穿單臉子鞋用綠股子皮包之普通社會尤而效之公家亦不過用前清同治時關州標兵變總督楊岳斌由涇州晉省下令凡穿單梁鞋者皆殺之從此雙梁鞋始行銷於市今廢

皮鞋 即革履也學校畢業者著之以趨時也 南史林邑傳貢者著革履賤者跣行

草鞋 庶民所著草屨 芒鞋之類也

案世本于則作扉履宋衷注于則黃帝臣草曰扉麻皮曰履左傳共其資糧扉屨注扉草履鹽鐵論古者庶人鹿扉草履中華古今注伊尹始為草屨梁書何點傳乘柴車躡草屨恣心所適大唐新語朱桃稚隱居不仕織芒屨鬻之白玉蟾詩三尺芒鞋七尺筇踏破青山綠幾重

白鞋 學校以潔為貴故
男女生皆著素履

案禮士冠禮白履以魁附之鄭康成注魁屨始附注也蓋以始灰附注於履取其潔素中華古今注鞋子自古即皆有謂之履至漢有伏虎頭始以錦為飾廣韻僧字注晉制市僧以白巾帖額書所資及姓名一足白履一足黑履當時上流社會履底塗粉而已今則通體白矣

麻鞋 釋名麻曰屨木曰履邑人以麻與布條編為履宜行路打柴

高底鞋 謂婦女弓鞋楦以木頭底子也

案郭鈺詩草根露溼弓鞋繡謝觀詩來索纒纒高底鞋留青日札今之纒足者高底屨即古之重疊履也琴面屨即笏頭履也自天足會設於縣城高底已改為平底矣

長襪子 襪足衣鄉間以白布為之其式甚長服在外者也

案襪古作鞮漢書張釋之傳王生者善為黃老言嘗召居延中公卿盡會立願謂釋之為我結鞮釋之跪而結之諸公聞之賢王生而重釋之帝王世記武王伐紂行至商山襪繫解五人在前莫肯繫皆曰臣所以事君非為繫襪是古人足衣有帶以繫之又北夢瑣言偽蜀吏部尙書韓昭多能而皆不精朝士李台瑕曰韓八座事業如拆襪無一條長者則

布襪由來久矣

緞鞣子

前漢所尚士大夫家猶有存者

案名義考古者以皮為履止於拘足趙武靈王作胡服變履為鞣運脛服之今鞣也釋名趙武靈王好著短鞣鞣後世乃作長鞣鞣陸游詩瘦馬長鞣灑雪泥今則軍官著長鞣皮革鞣物異名疏革華皮鞣也鞣愈作革華傳封下邳侯唐時已盛行矣

棉布襖子

衣之長者曰袍短者曰襖貧民度冬止著藍布襖一件

布長袍子

冬季禦寒之綿衣也

案南史周迪傳迪性質樸不事威儀冬則短身布袍夏則紫紗抹腹黃銀成詩細溼侵藜杖輕寒襲布袍又唐書車服志唐初賞軍將以假緋紫有從戎缺跨之服不在軍者服長袍

氈襖子

牧童之所服也以羊毛洗而成之夏則避雨冬則遮雪與南方蓑衣相似

長衫子

見客或進城時所服其色盡以絲布為之

案庾信詩長衫教舞兒韓愈詩白布長衫紫領巾顧况詩長衫刺雪生犀束陸游詩長衫挂數珠亦入法華社又云黃袖被暖渾無厭白布衫長樂有餘范成大詩長衫布縷如霜雪云是家機自織成是古人長衫以白為貴朱子語錄紹興二年士子猶著白涼衫

繫皮帶子

民十五年以後邑人從事戎軒或為中下級軍官或為軍佐皆佩之

案齊書王敬則見張融革帶垂寬謂之革帶太緩融曰既非步吏急帶何為急帶者為束帶使緊也民國十五年夏國民軍攻黃旅長得貴於煤山黃營子彈無多但照皮帶子發鎗國民軍將官死傷無數

兜肚子

以方尺之布為小衣分單袷棉三種緊束前胸以防風之侵入

案古之抹胸俗謂之兜肚子事物記原抹胸一名訶子相傳始於楊貴妃指爪傷胸乳之間遂作訶子飾之遂為西北婦女之必需品南史周迪傳迪性質樸夏則紫紗抹腹抹腹即兜肚也是唐以前已有之矣

腰帶

冬令天寒棉襖外須束腰帶唐人邊塞詩錦裝腰帶重又為生理學名詞屬下肢骨

袴子

脛衣所以遮羞恥也

案漢書廣川王好短衣大袴昌邑王亦好短衣大袴趙岐避難北海著絮巾布袴魏志管甯常著皂帽布襦袴布裙袴共有三種一曰褰二曰襠三曰袴皆古之大袴也小袴謂之

脛衣亦曰芙蓉衫劉熙釋名謂袴兩股各跨今人著袴緊束兩腿是小袴也袴之大小不同而防護下體異常嚴密則古今社會之所同也

甘青甯所屬地方惟番子不穿袴其所由來者久矣而熟番與漢人雜居男女皆著小袴民國十八年七月縣署派員下鄉催租道逢雨衣漸溼倉卒間過一田家推其門而入見老嫗擁被坐旁有大閨女約十三四歲面牆坐一爛羊皮一張遮其下體乃謂其父曰令媛已長成家雖貧豈無數尺布以顧羞恥乎田父垂涕而告曰我娘纔做了一條小衣因公款急如星火脫下來變錢老人且如此又何論乎兒女使鐵石人聞之淚亦泫泫下矣

氈帽

唐長孫無忌以烏羊毛為渾脫氈帽時人效之號趙公渾脫邑人冬季帶氈帽皆灰色

絨褐袍子

此蘭州所產世家大族猶有存者

案西北紡織之利惟緝羊毛爲線織褐衣之質料頗粗前清乾隆初蘭州有絨褐莊較諸毛褐爲精其尤精者姑姑絨相傳城南溝上觀音堂有比丘尼履行清潔緝毛織褐易粟布藉以生俗謂尼爲姑姑故名嘉慶初有人自河南來得木綿花種臨河種之綿易成道光間皋蘭縣知縣周礪始教民緝綿爲線改褐機爲布機織綿布又作織綿布文示諭之民頗有從者然織褐爲多客商來蘭州收絨褐者絡繹於途同治兵燹後莊倒閉

衣裳 上曰衣 下曰裳

案詩袞衣繡裳蘇軾繡裳畫袞垂地離騷製芰荷以爲衣兮集芙蓉以爲裳風俗通禹入裸國欣起解裳原其所以當作皆裳裸國今吳是也悅禹文德欣然皆著衣裳今則有衣而無裳矣

重刊金匱要略

二八

--	--	--	--	--	--	--	--	--	--

飲食類

列子有言人不衣食君臣道熄故人類生存以飲食為首務唐人新嫁娘詩有洗手作羹湯之句五燈會元有尋常茶飯語甘肅隴南如天水文武成康等縣人家早起即喝麵茶其滋味之濃淡隨家道之有無故製法各別西甯則喝奶茶佐以燒餅蒸饅便是一頓早飯鎮原民貧而儉早間無所謂麵茶也而家家有厨窰婦之主中饋者雖尋常茶飯造之甚精飲之食之者皆嘖嘖稱贊曰好茶飯蓋其傳授由來久矣

漿水

其味酸可
以代醋

案清初桐城方拱乾由甯古塔回南於康熙壬寅七月二十七日撰甯古塔志飲食類言滿洲人得高麗國鹽乃高價以售漢人惟退而自啖其坑頭之酸蓋水菜將霜取而置之

民生志

飲食

盞水浸火烘久而成漿是甘人普
通需用之漿水東三省亦有之

甘人食麥麵以醋調之隴東隴南二十餘縣農村無力釀醋者二三月間擷田間新鮮菜
滌淨盛於甕或瓦罐泡以開水置於甕房不數日化為漿水每飯不離為隴南之必需品

蘭州人亦食之

洋芋

即踴也一名馬鈴薯
鎮原所產不及華亭

案杜甫詩紫收岷嶺芋張翥詩沙田紫芋肥李建勳詩隔紙烘茶蕊移鑿剝芋衣芋衣者
洋芋皮也陸游詩莫謂踴也少風味賴渠採拄過凶年民十五年以後甘肅歲大饑窮民
賴洋芋以延殘喘者不知幾何人矣美國
所產為最多洋芋名稱豈來自海外耶

肉包子

即肉饅頭也

案燕翼詒謀錄仁宗誕日賜羣臣包子清異錄趙宗儒在翰林時聞中使言今日進玉尖
麵用消熊棧鹿為內陷宗儒問其形狀蓋出尖饅頭也又正字通饅開首者曰蒙駝臍

一窩絲

謂細麵也

案雲仙雜錄柳公權進錦樣書上方食剪刀麵分賜之齊書何戡傳太祖好水引餅即今水麵也戡令婦女躬執事以設清異錄金陵士大夫家鼎鑪之妙溼麵可穿結帶倦游雜錄今人呼麵為湯餅陳造詩湯餅徒誇銀線窩黃庭堅詩湯餅一杯銀線亂麵貴細而長則南北有同嗜焉

錫酒 西北地寒酒必熱而後篩至熱食物則謂之曰燉

案菽園雜記急須飲器也趙襄子殺智伯以其頭為飲器注飲於禁切溺器也今人以煖酒為急須蓋飲字誤之耳又溫物曰燙讀如湯去聲

點心 午前午後之小食也

案三國志管輅謂趙顛曰吾卯日小食時必至吾家能改齋漫錄唐書鄭僂為江淮留後家人備夫人晨饌夫人曰我未及餐爾且可點心又宋帝謂某大臣曰朕當為卿設點心癸辛雜誌聞卿健啖朕欲小點心相請宦場開點心本此

雜碎 牛羊碎小會煮於一鍋也

案漢書仲長統傳百家雜碎請用從火蘭州市飯舖有賣雜碎者以牛羊之心肺腸肚及頭蹄一切滌淨加調料用鐵釜會而熬之火候到家人爭食焉清末李合肥出使外國聞

中國人飯莊有雜碎菜每飯不離以其為家鄉風味也外國人遂名之曰李鴻章雜碎足與諸葛菜東坡肉鼎峙而三矣

喝小米粥吃馬蹄子

貧家所食大都如此

案顏真卿乞米帖拙於生事舉家食粥陽城隱中條山蔬糲屑榆為粥講論不輟宋張文潛有食粥論謂可以延年劉克莊詩說與厨人稀作粥馬蹄者以粗麵蒸餅形似馬蹄故名

吃上午

謂清晨至正午以前之時間也隴右農村用午餐謂吃上午

案甯夏五六月間熱似火燒割煙收麥者用過午飯必休息一小時謂之歇上歇者休息也上者上午也下午一點鐘仍照常工作

米湯蒸饅

山陝客商之家常便飯也

案米湯即稀粥也陸游詩世人箇箇學長年不悟長年在目前我學宛邱平易法只將食粥致神仙饅餅也畿輔通志稱饅餅東哲餅賦三春之初陰陽交至于時晏享則饅頭宜設山陝商人終年食此二者於衛生大有裨益

喫乾糧 詩酒裏餽餽即乾糧也又曰乾
餽以愆隴人用早餽謂喫乾餽

酒罐子 此惟鎮原有之
冬三月最相宜

案法書要錄僧辨才留蒲翼宿設缸面酒蓋江東缸面酒河北麥頭皆初熟酒也鎮原黃
酒家家有蒸酒穀所釀而成者也遇客至留飲厨下酒漿未羅則就麥頭取酒漿帶糟裝
入五罐上插竹筍二下概瓷盤一篩開水一壺候數分鐘酒精上升
酒糟下沈主人敬客輪流吸食能使人精神興奮味淡再以水冲之

喫疙瘡兒飯 貧家糜麵最多以水利之以稜夾
之煮熟調以新菜名曰疙瘡兒飯

案委俗名糜子說文糜稜也呂氏春秋高誘注糜關西謂之糜玉篇關西糜似黍不黏九
穀考說文禾屬而黏者黍則禾屬而不黏者糜對文異散文則通稱黍謂之禾屬要之皆
非禾也段玉裁說文解字注黍采如略如稻而舒散糜
即稜稜與稷雙聲故俗誤認為稷其誤自唐之蘇恭始

苦蕎麵饅 山場地方
之所食也

案蕎麥分甜苦二種立秋前後下種六十月即成熟本草綱目蕎麥一名莠麥李時珍曰
蕎麥之莖弱而翹然易長易收磨麵如麥定西會甯莊浪等縣宜種苦蕎尤易收每畝可

碾六七斗皮極薄色微綠炮製得法食之亦不覺其苦也

豆麵飯

豌豆麵與小米和而為之也

案李時珍曰豌豆苗柔弱宛宛故得豌豆名種出西戎甘肅青所產有青黑白斑數色白者又名藏豆一種形銳圓俗名回回豆豌豆性涼用鍋炒熟磨為麵調入小米湯蘭州住家戶無論貧富冬三月早餐大抵皆豆麵粥晉書石崇傳嘗為客作豆粥咄嗟便辦則是食豆粥者不僅甘肅一省已也

喫羊肉

近有以手抓者殆學西甯河州之習慣也

案理道要訣云周人尚以手搏食故記云共飯不澤手肅弊俗漸改未盡也今夷狄及海南諸國五嶺外人皆以手搏食青州集記熊翻每會客至酒半階前旋殺羊令眾客自割隨所好者綵線繫之記號畢蒸之各自記取以剛竹刀切食一時盛行號過廳羊蒙番素不用箸羊肉熟或以手撕而食之漢人沾染夷風喜食羊若照大餐豫備刀叉則得之矣否則如熊翻之設竹刀不猶愈於以手搏食乎

喝燒酒

邑有燒鍋用高粱燒白酒婚喪事以燒酒敬客要斟滿喫乾

案古人酒以紅爲惡白爲美蓋酒紅則濁白則清故謂薄酒爲紅友而玉醴玉液瓊飴瓊漿等名皆言白也梁武帝詩云金杯盛白酒正言白酒之美吳筠詩白酒甜鹽甘如乳曾子固詩白酒到手不停斟南省造酒家以白麵爲麴并春白秫和潔白之水爲酒久釀而成極其鄭重謂之三白酒於是呼數宿而成之濁醪曰白酒使詩詞家不敢用白酒字失其旨矣

又案明朝典禮有慶成晏每晏必傳旨云滿斟酒又云官人每飲乾李文正公詩云坐擁日華看漸近酒傳天語飲教乾又孔平仲詩澆醜浮蛆勸滿斟杜甫晚晴詩杯乾自可添黃庭堅詩人生莫放酒杯乾

硬麵油餅子

縣城內所造最佳甜而香耐久不變味鎮原特產也城內又有賣硬麵蒸饅者

案齊書詔太廟四時祭薦旨皇帝起麵餅注發酵也正字通以酒母起麵曰發酵餅餌間談入鑪熬者曰燒餅入籠蒸者名蒸餅鎮原蒸食以鹹水發麵蒸熟隆起成圓形者謂之饅頭初學記作曼頭即泛麵蒸饅也縣城有劉姓者蒸不用鹹人喜食之其作法與硬麵油餅子同

豆食

即鹽豉豉音是甘肅所用豆豉來自四川

案晉書北人問陸機曰羊酪之美江東何物可並機云有千里尊羹末下鹽豉注千里末下皆蘇州境後人遂以豆豉為江東所獨有然史記貨殖傳鹽干答前漢書食貨志長安樊少翁寶鼓號鼓樊西北亦有食之者矣再溯而上之宋玉九辯大苦醖酸注大苦豉也

水餃子

城內各機關謂之曰餛飩

案食物志餛飩或作譚餛象其圓形顏之推曰今之餛飩形如偃月天下通食者也南齊志閩人十月一日作京餛祀祖告冬方回詩爭似梢工留口吃秀州城外鴨餛飩程大昌演繁露謂是房中渾氏屯氏為之恐非

麵筋

以小麥粉和水洗之其凝結成團者為麵筋

案事物紺珠謂麵筋為梁武帝所作其所含哥路登之滋養料甚多故亦謂哥路登為麵筋質甘青甯喫素者喜食之有用香油燻者有用磨菇炒者有用白糖煎者製法不同其養人則一也

攪團

此農家飯也其作法甚簡單用蕎麵入鍋以麵杖攪之成團佐以菜湯城中人亦嘗食之

苜蓿菜

隴東天氣溫和二月間苜蓿發芽田家折以入水湯或炒食之

案苜蓿本胡中菜也張騫始於西戎得之內地種之者多漢書西域傳作日宿爾雅注作菽稽史大宛傳馬嗜苜蓿西京雜記苜蓿茂陵人謂之連枝草隴人喜食苜蓿南人不知遂為食馬之食然陸游詩苜蓿堆盤莫笑貧薛令之自悼詩朝日上團圓照見先生盤盤中何所有苜蓿長闌干

麥豆茶

將麥炒焦煮茶能剋食

案雲仙雜記唐陸鴻漸探越江茶使小奴子看焙奴失睡茶焦燥鴻漸怒以鐵繩縛投火中民國二十年夏五月友人赴鎮原查案天炎熱渴甚路過一紳士家敲門入乞賜金莖露一杯紳捧茶甌出友人飲之盡見茶色黑味略甜卒然問曰君居鄉何浪費如此紳不知所對友人又曰適所飲者非咖啡茶乎紳笑曰這是麥子炒焦以沙罐熬之恐先生嫌苦家有蜜調少許耳凡物之似是而非者其即此類也乎

糖餛飩子

廟院過會時待客之上品也

案丹鉛總錄今之餛飩子以糯粉和麵搓成細繩捲曲之如環煎油沃以糖食之即宋小說寒食之具寒具者因其可留多日不變味也青海各寺院雖不過會也豫備糖餛飩莊浪李

國鈞自西甯來云至塔兒寺駐軒隨喜該寺管家出而周盤久之捧出糖餛飩油條酥油
奶茶等件云係佛爺所賜但西北餛飩子以麥麵粉為之調糖於麵內與南方作法不同

饅食 酒席上必需品
或謂之糖餛飩

案楊升菴外集釋雜今北人呼為波波南人謂之磨磨波波當是鐸鐸二字反切或云盧
今詩添丁郎小小脯脯不得喫脯脯猶今云波波或云本為餛飩北音讀入為平謂之波
波皆未確磨磨之磨據集韻作磨又一
作饅俗稱餛飩二字殆波波之音轉耳

醃腊肉 鹽漬猪肉也其味美
與慶陽火腿相持

案佩文韻府醃央災切鹽韻又作腌乙劫切葉韻義同凡以鹽漬物使不腐者皆曰醃西
甯青海中產魚三四種而俱無鱗名曰黃魚土人俟冰凍後取諸海濱漬之以青鹽行銷
外縣聚昌醃腊肉行銷省城鎮原
家家會醃肉留以自用非賣肉也

涼粉 以蕎麵或扁豆子麵
為之夏日之所食也

案周禮六飲涼居其一鄭康成注涼今寒粥若糗飯雜水也疑
即今之涼粉冬季亦有食之者多用油炒名雖涼粉而實則熱

餓蛋 謂鹽鴨子也古謂之杭子見雜俎杭音元以其用杭木皮汁和鹽漬之故名

元宵 即夏歷正月十五所食之糖圓子也

案東京夢華錄正月十五日為元宵節清異錄宇文護弒周主置毒糖糕中糖糕即今元宵子之類宋周必大平園續稿元宵煮浮圓子前輩似未曾賦此即席成四韻中有句云時節三吳重勻圓萬里同范成大上元紀吳中節物詩撚粉團意自注糰子後人因元宵煮圓子遂呼圓子為圓宵蘭州有桂花棗泥各名目

鍋魁 謂鍋所烙之厚餅也或呼為鍋魁

案齊書武帝永明九年春正月詔太廟四時祭薦宣皇帝麵起餅今之鍋魁殆即麵起餅也甘甯青三省以此為普通食品而尤便於行路故業之者多然皆用起麵為之久則味變矣靜甯則用硬麵其味正其色白其火候周到遂為隴右冠

喫麸子麵 為寬腸清胃火也見林文忠公日記

拿麥子換麵 麵者麥子磨為麵粉者也

案沈遼詩罷亞若可博乾麵以無易有遙相望罷亞與穉程同是古人已有換之者矣
蘭州住戶小麥換乾麵八十餘斤外縣斗小各隨其習慣以有易無磨戶沾潤無幾

炒麵

番人謂之糶粍

案九經中無麵字周禮所謂糶即是今之炒麥至王莽時始有啖麵之文番地不種麥惟青稞成熟是為大宗食料炒青稞半熟磨為粉以茶或酥油拌之搓成糶糶嚼而嚥之禮
西行曰戎被髮衣皮有不粒食者矣今則以粒為食其進化可知矣

甘青甯三省漢族亦以炒麵為大宗食料取其便利也殷實之家用乾棗麻子和青稞燕麥磨為麵粉貧民則無乾棗以佐滋味中等人家有時和些蜂蜜俗名蜂蜜拌炒麵謂些
酥油俗名酥油拌炒麵若軍隊出發攜帶炒麵一小袋到無人煙處只要和些冷水便能救饑

白水煮豆腐

謂飲食簡單與杜詩盤飧市遠無兼味語相似著謙辭也

案豆腐相傳漢淮南王劉安所造名為黎祁造法以黃豆浸於水俟其軟磨為漿濾去渣以絹煮之將成名曰豆腐花家中人各盛一碗食之味最美其餘澱以石膏或鹽鹵汁另
用竹筐收之筐之上下襯以新白布所積豆漿農人謂其滋養之效略與牛乳相當則用以熬米湯

豆芽菜 用黃豆綠豆蠶豆以溫水泡之放在熱坑乾淨處
早晚換溫水不數日便生芽矣肥白者為佳品

飲食應用之器具

煮飯鍋

鍋之大小照人口之多寡購置

案鍋釜也孟子許子以釜甑爨詩傳有足曰錡無足曰釜急就篇注釜似釜而反唇一曰小釜類即今所謂鍋也黃庭堅文晨入庖舍滌鍋淪釜料簡蔬茹留精黜煑又土鍋見老學菴筆記茶鍋見李洞題慈恩友人房詩傳燈錄無業禪師曰看往古得道人得意之後茅茨石室向折腳鐺子煮飯喫過三十年

風箱

人家用以扇火造飯者亦名風匣

案世說鍾士季雅有才理先不識嵇康鍾要於時賢儔之士俱往尋康康方大樹下鍛向子期為佐鼓排康揚鎚不輟旁若無人鼓排猶今風箱冶工用以吹火鎔鐵者

案板

以木為之支平可切菜官廳大廚房分紅案白案

案周禮設重案几屬也俗呼几案曰卓亦作檯又史記持案進食甚恭鹽鐵論良民文杯畫案神仙傳金案玉杯注者謂案與檯同古梳字也西北則以趕麵之處曰案板

箠篋 竹器於水中撈物者

案箠側絞切音蚤又去聲效韻義同箠呂支切上平支韻唐書帝為祿山起第金銀為箠篋箠籬俗以細鐵絲為之比竹器耐久著彷彿唐制也楊萬里詩箠篋親撈微帶生

蒸籠 隔水煮物曰蒸編竹為器曰蒸籠或以覆物或以盛物渾而言之曰籠

案莊子以天地為籠則雀無所逃故湯以庖人籠伊尹秦以羊皮籠百里奚三籠字活用又倦游雜錄今人呼煮麵為湯餅唐人呼饅頭為籠餅豈非水淪而食者皆可呼湯餅籠蒸而食者皆可呼籠餅蒸籠二字見於往籍者始此

切刀 菜有不宜用鐵器者以竹刀或木刀切之

案十洲記周穆王時西胡獻昆吾割玉刀長一尺切玉如切泥陳橋海人謠切玉蠻刀如切水轉駒食煮菜詩洗箸點鹽豉鳴刀毛蠶葱又陸續之母切肉未嘗不方見後漢書

盤子 為尊長進食以盤盛之待客亦然盤與梓同杜甫詩糖絲幸一梓

趕杖 古謂之麵杖

案後五代周恭帝時宋太祖爲殿前點檢及將北征京師喧言當立檢點太祖懼密告家人太祖姐方在厨引麵杖逐太祖擊之曰大丈夫臨大事當決胸中乃來家恐怖婦女何

爲見江
行雜錄

酒壺茶壺 邑俗不論城鄉凡酒壺茶壺之設其口朝外禁忌向人云向之有口舌

案禮記少儀云尊壺者面其鼻解者曰設尊設壺皆面其鼻以向君見惠自君出也夫鼻者柄也口與柄前後相對既以柄之所向主施惠者爲尊必以口之所向主受惠者爲卑故不以口向人敬客之意耳後世相沿而味其旨遂爲俗忌并不以口向己失之矣

筷子 以竹爲之用膳時有尊長暨賓客在坐卑幼者飯後橫筷子於羹碗之上

案李義山雜俎謂食畢橫筋於羹碗上爲惡模樣而此風經久未改徐禎卿剪勝野聞云太祖命唐肅待膳食訖橫筋致恭帝問曰此何禮也肅對曰臣少習俗禮帝曰俗禮可施之天子乎坐不敬謫戍此禮誠不施於天子若今人晏會往往如此未可厚非而卑幼之於尊長尤非此不足以明恭今時下僚侍食於上官即食畢亦往往作爲未畢之狀以待上官之放筋此正可謂無禮之禮未可盡斥爲惡模樣也

粗泥盃

安口窰所燒之黑瓷大碗也
價甚廉近有白色藍花者

案漢書孟光舉按齊眉按與案同俗直為几案耳呂少衛語林少類案
乃古盃字故舉與眉齊張平子四愁詩何以報之青玉案謂青玉盃耳

瓦盆

陶器也來
自安口窰

案爾雅盃謂之缶疏缶是瓦器可以節樂如今擊甌又可以盛水盛酒即今之瓦盆也杜
甫詩莫笑田家老瓦盆自從盛酒長兒孫范成大雪後詩想得秫田來歲好瓦盆加醱灌
愁城虞集題漁村圖詩隔谿相
就一烟棹老嫗具炊雙瓦盆

菜罏醋罏

罏古郎切甕也
陽韻與甌同

案法書要錄蕭翼微服過辨才院辨才便留夜宿設罏面藥酒請各賦詩辨才探得來字
韻其詩曰初爐一罏開新知萬里來甘省有煤山處即燒陶器華亭縣安口窰燒大小瓦
罏及一切黑瓷器
價廉而料亦結實

挑牙棒

即古之剔齒籤也食肉時必需之具晉陸
雲與兄機書記曹公器物有剔齒籤即此

四海子 待客盛菜之大碗也

案清異錄耀州陶匠創造一等平底深碗狀簡古號小海甌關東所用之海子碗檜椰紋較江西景德鎮所造海碗狀簡古且能多盛菜同治回亂時鄉人藏之土中此豈前代之

瓷器耶

手巾 所以拭手也亦謂之帕

案禮左佩紛帨注紛以拭器帨以拭手皆巾也秦嘉婦與嘉書今奉越布手巾二枚杜陽雜編同昌公主出降有紋布巾即手巾也王少伯詩手巾花氎淨

木盤子 小兒喫飯之具也

案北史盧叔彪傳魏收訪叔彪食至但有粟殮葵菜木碗盛之松漠紀聞金蒲路虎受命治渤海城有僧以椽杓溼孟遮道獻之注椽杓木文縷可愛多用為碗西藏番子以葡萄

根為木碗內鑲以銀隨身攜帶甚為寶貴陝西有漆木碗以皮為胎兒童用之最宜

小盃 細瓷來自江西景德鎮蘭州人謂之空宮盃兒

案王士禛居易錄碧玉露漿方於中秋前後用五倍新青布於百草頭上展取草露用男乳蜂蜜人參湯總入一宮碗內將露水攪入宮碗和勻溫服俗稱小碗爲宮碗殆本乎此

居住類

古者未有宮室草居露宿溼氣所結發生毒蟲能傷人其名曰恙故早相見問勞必曰無恙後世聖人易之以宮室上棟下宇以待風雨何居之安也鎮原以木料缺乏陶復陶穴猶守古風不知者過慮為危險矣

窰房

平慶涇固人民以木料維艱傍山鑿穴居之名曰窰冬溫夏涼登高望之如蜂房

案詩云陶復陶穴窰之製自周先王始歷數千年未之或改隴東各縣惟城市建修房屋其散處四鄉之人民有崖窰有高窰有地坑莊雖云風氣守舊抑亦土脈之關係也土脈有橫有豎許穎間田有豎土者不可以稻以其不停水也陝以西民皆穴土而居亦曰此橫土可剛六盤山以外地多豎土則窰即地坑矣

案鎮原修窰先看地形次由土工繪圖有三隻為一院者或七隻九隻為一院者取單數以中間一隻為主房會賓客於此謂之窰窰此外或家主所居或兒婦所住或作廚房或住長工或養牲口或儲食糧均有一定地方毫不紊亂每窰一隻盤一土坑千百家同一構造大抵傍崖而居既耐久又省錢自周迄今習慣自然至所謂地坑莊

民生志 居住

蘭州俊華印書館排印

者以高原無山可倚於平地上挖一大坑內修窰隻中砌水池以防陰雨遠望之不見人煙及入其門則雞鳴犬吠白叟黃童幾疑別有天地非人間矣

圖寶鑑陳用志穎州假城人工窟居小窰蘇軾詩劉生望都民病羸寄空窰楊維禎大風謠巷土覆我窰陝北山西亦修窰房然皆不及隴東窰房之大蓋其初經營慘淡然費匠心應有盡有是亦大規模之計畫始能布置得宜也慶陽董志原有明朝窰洞可知其工之堅矣

窰腦 腦裏也西甯土語以深密幽遠處為腦裏如河腦湖腦山腦小兒所云牀腦屋腦之類不可勝數鎮原窰腦猶屋腦也

案明史萬曆二十四年春海火落赤部復窺向洮州參將周國柱等擊之於莽刺川腦清嘉慶十一年夏六月將軍興奎等追西甯番賊至章羅腦破之又伯顏川腦勝番滿腦瞿曇寺滿腦均見西甯府志

地窰子 窰倚禁切音蔭地室也亂世人民在半崖避賊之處與地窰不同

案窰音教穴地藏物之處也禮穿窰窰五代時西利王仁裕人稱為詩窰鎮原有地窰焉為平時防鼠竊狗偷用以藏糧米財物蘭州農人用以藏果蔬皆穴地而為之與地窰子不同蓋地窰在牛山中也

兩廂房 謂東西廂房也

案爾雅室有東西廂曰棚無東西廂有室曰寢漢書禮樂志皇帝就酒東廂坐定奏永安之樂魏武帝樂東西廂客酒堂主人當行觴曹植樂府顧視東西廂絲竹與鞞鐸古者廟廟之中殿廷之上始稱東西廂晉以後則不拘此例然漢書周昌傳呂令側耳東箱聽注顏師古曰王寢之東西室皆曰箱言似箱篋之形今人誤作東廂西廂非是河西稱兩廂為東西廂按之明代建築條例殊屬不合

窩篷 與窩舖同

案村民務菜蔬及種瓜果者架椽為屋晝夜看守直隸人謂之團焦即北齊所謂團狐焦字音轉也陸游詩短篷三扇臥衰翁河西赴新疆逆旅無房屋均搭草篷作旅店名之曰窩舖內地窮民亦以為家居

窰門口 殷實之家於客窰門口砌以泥墼墁以石灰或刷白土

案泥墼又謂之土墼土墼者以土搗實為之未燒磚坯揚雄急就章注墼者抑泥土為之令其堅激也東南諸省稱鄉愚之粗率無文者謂之土墼坂頭

又案史記其土則丹青類聖聖者白土也莊子郢人堊漫其鼻端聖漫土工之事以泥塗飾也漫俗作墁書斷蔡邕詣鴻都門見役人以聖帶成字心有悅焉歸而為飛白之書

縣川河灘青石甚多可燒石灰縣東郝家川有樂工石大者可作碑小者可

作磨石及礎頂石白土四鄉皆有縣南常家山暨桃家溝產者最佳西川五

里溝有土質堅色極紅人多取以塗甕俗謂為墁鍋頭也此建築之資料也

所少者惟木料耳故自古及今惟土室最宜

一門三窗

窗者藉以通氣透光者也窰門上開窗靠炕牆開牖窗之上復開一孔出煙氣於外也俗為之一門三窗

堡子

於險要處築土為小城可以存糧可以避難堡之大者有城樓有堞口城樓者屬譙也堞口者城上女牆也

案唐書旁河相險樹列堡障莊子盛鶴列於屬譙之開注鶴列陣兵也屬譙者高樓也沈佺期詩層樓起屬譙俛倪見左傳注正義城上小牆俛倪者看視之名釋名云言於其孔

中俛倪非常俗謂之堞口後人作為睥睨王筠和新渝侯巡城詩翠巖分曉色睥睨生秋霧

盤土炕

邑人以土墜之方而厚者支為牀謂之炕亦作坑

案炕可浪切音抗漾韻乾燥也詩疏或炕炙其肉以薦獻者舊唐書高繼傳冬月皆作長坑然煨以取煨范成大詩穩作披爐如臥炕陸游詩土榻圍爐豆楷煖隴東多住窰窰內氣候涼或以柴燒或以馬糞煨均取其煖也縣城內有板牀則煤末煨之

又案西北謂牀曰炕有所謂炕神者即牀公牀婆也同話錄崔大雅在翰苑夜直降旨令撰牀婆子文楊循吉詩買錫迎窰帝酌酒祀牀公然則古有其說矣

或謂北方文化日就鄙野原因非一有一事最可厭惡者則火坑是已男女父兄弟妻妾姊妹同宿而無別亟於聚會無所辟忌則德有無可言終日煬火腦識昏曠故思慮不通敏則智育無可言燥熱既甚筋絡弛緩地氣本寒而女子發育反早未及衰老形色已枯則體育無可言故欲化導北方以屏去火坑為亟其論火坑之害可謂透澈惟謂男女父兄弟妻妾姊妹同宿一坑於西北家庭組織全未了解

暖房

賀人之第宅落成與遷居新宅也

案輟耕錄今之入宅與遷居鄰里釀金治具過主人飲謂之曰暖屋亦曰暖房王建宮詞太儀前日暖房來此皆喜慶事也俗於出殯前一日親友攜酒肉詣靈幃前為孝子暖靈

並有至親於是夜暖墳者事雖出於俚俗情無異乎殍存秦安巨先生國粹頗以為不然習俗相沿不易革也

門卸子

即了弔子也了者了鳥也窰內卸門之屈戌也弔者懸也子語助辭

案李商隱詩鎖門金了鳥通俗編鳥之本字倒寫懸字之義世以其不適於楷體故率借用鳥字通雅魏明帝使公卿負土築凌雲臺公卿顛頓其面了焉其衣了焉木作了鳥俗謂門外所懸者為門環子門內所懸者為了弔子蘭州買房產契約內書明窗榻及了弔子若干均當面點交清楚

草房子

即柴門小戶窮家之所居也

案後漢書楊震傳於是柴門絕賓客十六國春秋前涼錄汜勝家財五十萬悉散之於宗族柴門灌園以琴書自娛晉書儒林傳清貞守道抗志柴門陝西通志漢中之俗雖蓬戶柴門食必兼肉陶潛文翳柴門事我宵晨又姚孝錫詩柴門客至鳥先啼

社會之娛樂

唐舉子不捷而醉飽謂之打毘毘毘一作明瞭謂心中甚覺煩悶也打者排遣也農民終歲勞動耗極矣逮秋禾上場則行報賽之禮夏歷正月則有社火之演此固社會之娛樂場也物理否極終當亨人情苦極則思樂所以節宣積鬱調和意志不知者欲一切禁止何所見之不廣也

社火

古者二十五家爲一社鄰里鄉黨以謀其公共之事者也隋開皇五年長孫平奏令諸州百姓及軍人勸課當社共立義倉揚州畫舫錄立春前一日太守迎春於城東令官妓扮社火春夢婆一春姊一春吏一阜隸一春官一今

迎春之禮久已廢除而鎮原八鎮由正月初以至燈節後農村扮社火鑼鼓喧闐旗幟飄揚各有固定之里居結合之團體所以聯情誼逐時疫也鄉黨所謂鄉人儻其卽此類也乎

案案中歲時記歲除日進儺皆作鬼神狀內二老兒儺公儺母五雜組儺以驅疫沿漢至唐皆行之設童儺子至十餘人後漢書先臘一日大儺選中黃子弟十歲以上十二以下百二十人為儺子揚子方言燕齊間謂養馬者為儺儺子謂善童也亦作儺儺張衡賦儺儺呈材王建詩金吾除夜進儺名畫袴朱衣四隊行今民間於正月行之

假面具 俗名漫臉子

案周禮方相氏黃金四目以逐鬼後漢書禮儀志以木面獸為儺柳或傳都邑百姓每至正月十五作角觥戲人戴獸面男為女服或請禁斷詔可其奏夢華錄除夕禁中諸班直戴假面裝將軍又甲冑裝門丞此皆玩社火之所戴也唐譯佛經有佛說救面然餓鬼及餓口餓鬼等經咒蓋釋氏謂餓鬼名面然亦名餓口言火餓出於口而面若然也此又一事也

耍高跷

俗所謂柳木腿也
河南人善為此戲

案高跷本作高橋見札樸亦作高橋說文橋高也後魏天興中增修雜戲有此或謂之長
踏見宋書武三王傳或謂之踏跳見武林舊事又作高趨列子朱有蘭子以技於宋元君
以雙枝長倍其身屬蹻並馳弄七劍迭而躍之五劍常在空升卷外集趨音敲緣木行
戲即列子所謂雙枝屬蹻之戲也邑之打野虎者雙木續足跳舞作八仙狀觀者若堵牆
然

打鞦韆

古謂之半
仙之戲

案高無際鞦韆賦序漢武帝後庭之戲本云千秋祝壽之詞也語譌轉為秋千後人不本
其意乃造此字荆楚歲時記鞦韆本北方山戎之戲以習輕趨者後中國女子學之乃以
綵繩懸木立架士女炫服坐其上推引之名曰鞦韆開天遺事天寶宮中至寒食節競豎
鞦韆令宮嬪戲笑以為晏樂夢華錄一人上鞦韆將平架筋斗擲身入水謂之水鞦韆
蘭州謂之鞦兒
取求子之意也

放風箏

即紙鳶也在清明節前放之則起過清明節即
不能高起古為闈園雅玩今則專屬於男子

案詢芻錄五代李鄴於宮中作紙鳶引線乘風為戲後於鳶首以竹為笛使風入笛聲如
箏鳴故名風箏今俗併其弦者亦名風箏唐元稹詩鳥啄風箏碎珠玉是則殿閣簷所設
之鐵
馬耳

猜燈謎

燈節前後商務繁盛之區文人以詩影
物粘條燈上名曰燈虎猜中者得獎

案帝京物略燈市有以詩影物暢於寺觀之壁名之曰商燈委巷叢談杭人元夕多以謎
為猜燈任人商略又西湖志餘元宵前後好事者或為藏頭詩句任人商猜謂之猜燈則
此製由來久矣鎮原沿舊習慣上元前三日即出燈虎猜中者非惟得獎亦可博名洵韻
事也又有詩謎以紙條書古人五七言詩一句空去其中一字另撰類似之字四並原字
為五任人猜壓而藏其原字於紙後中者
得獎南省有以此為賭者名之曰詩寶

又案燈謎相傳有二十四格今惟存捲簾倒捲簾會意拆字蝦鬚解鈴繫鈴諸格近人屠
之麒醉菊廬燈謎題曰八子四字書一句捲簾射足兵田單猝敗燕師四子書一句解鈴
射齊戰疾社會共和進步藥名一解鈴射黨參亡友段雪舫孝廉以善猜謎燈名前清甲
午歲正月蘭州院門口三順和京貨舖有人書於燈曰太甲嗣位詩經一句珍珠倒捲簾
格雪舫一籌思即猜之曰商生子立帝蓋用玄鳥篇帝立子生商句也他如此者不可勝
數明永樂時錢塘楊景言善猜謎時人稱之此風盛於明初而辭源遂謂燈謎之製當自

明始豈未讀帝
京景物略耶

小唱

文人三五成羣彈唱作樂北平
謂之雜耍蘭州人謂之自樂班

雜耍金元謂之倒喇清初尙有之朱竹垞查初白俱有觀倒喇詩陸次雲又有滿庭芳詞
云左抱琵琶右持琥珀胡琴中倚秦箏冰絃忽奏玉指一時鳴唱到繁音入破龜茲曲盡
作邊聲傾耳際忽悲忽喜忽又恨難平舞人矜舞態雙頤分頂頂上然燈更口噙湘竹聲
節堪聽旋復迴風滾雲搖絳蠟故使人驚哀豔極色飛心駭四座不勝情觀此似卽頂碗
蓮花落之類今謂之雜
耍清初尙謂之倒喇也

燈影子戲

四鄉農事畢報賽喜
演影戲以其價廉也

案搜神記漢武帝於李夫人之亡使齊少翁致其魄於他帳中望見之彷彿夫人像也此
影戲之所由始也故今之影戲其演法與演電影同刻牛皮爲鬼神人物山水鳥獸之類
設色鮮明種種珍妙人在帳中演唱最
妙者演封神西遊奇奇怪怪無一不備

頑紙牌

男婦皆借此消遣
殆習俗使然也

案事原魏陳思王曹子建置雙陸局至唐宋有葉子之戲唐國昌公主會韋氏族於廣化里韋氏諸家好為葉子戲品外集葉子即今之紙牌酒令郭氏書目有南唐李後主妃周氏編格葉子歸田餘話今之葉子戲相傳始於宋太祖令後宮人習之以消夜遼史宋錢億家有葉子揭格之戲是紙牌唐宋時已盛行矣

擺牙牌

闔閩中之雅玩也

案諸事音考宋宣和二年有臣上疏設牙牌三十二扇共計二百二十七點以按星辰布列之位譬天牌二扇二十四點象天之二十四氣地牌二扇四點象地東西南北人牌二扇十六點象人之仁義禮智發而為惻隱羞惡辭讓是非和牌二扇八點象太和元氣流行於八節之間其他牌名類皆合倫理庶物器用表上未行至高宗時頒行天下

打毛蛋

為運動身體也以毛繩為之形圓似皮球入冬則日日練習

案劉向別傳蹴鞠皇帝所造以練武士風俗通毛丸謂之鞠演繁露椀革為鞠今以皮為之實以柔物即學校所擊之氣球也又通俗編李紳拜三川守許序閭巷思少年免帽散衣聚為羣鬪或差肩追繞擊大球里言謂之打棍唐晁無咎詩三郎沈醉打球回宋熙寧初神宗與二王打球欲賭別物徐王曰臣不賭別物若贏時只告罷了青苗法今之兵球殆西人游戲之具也

擯錢 此兒童之戲具也其法以舊制錢數
文平攤掌心擲於石上以漫多者勝

自古鑄錢若漢五銖唐開元宋以後各年號錢皆一面有字一面無字儲冰曰自古以錢
之有字處為陰無字處為陽古者鑄金貨其陰則紀國號如鏡陰之有款識者凡器物之
識必書於其底與此同義沿襲既久遂以漫處為背漫亦謂之幕見漢書西
域傳舊唐書柳仲郢傳作模甯夏有擯錢之戲論遠近不論字漫擊中者勝

打太平鼓

新正無事兒童擊鼓作
樂擊擊之聲遠近皆聞

案通俗編湖州土俗歲十二月人家多設鼓亂搗之至正月半乃止相傳名打耗打耗者
言驚去鬼祟也雍洛靈異小錄馬周上言令金吾每街隅懸鼓夜擊以止其行李以被竊
盜時人隨呼為擊擊鼓也有道人裝休戲為詞曰遮莫擊擊鼓須傾滿滿杯金吾
若相問報道玉山頽清初邑宰宗書高平秋思七律有三時禱雨千村鼓之句

翻跟頭

謂顛覆其身以為戲也古曰金斗一曰
打筋斗亦作筋斗蓋跟頭之轉音也

案歸田錄咸平五年南省試進士有輕薄子作四句云相國寺前熊翻筋斗望春門外驢
舞柘枝言鯖伎人以頭委地而翻筋斗跳過且四面旋轉如球謂之筋斗朱熹詩只麼虛空
打筋斗思君辜負百年身韻會定正於跟字注云脚跟也
又跟頭戲倒頭為跟也筋斗二字當作跟頭張登疑耀云

唱小曲子

小曲者對大曲兒言

案漢樂府滿歌行等篇謂之大曲馬融賦聽籥弄者遙思於古昔注籥弄蓋小曲蘭州謂俚歌小調曰小曲多在教育館演唱又有盲婦唱鼓兒詞以語多勸戒與江浙之唱道情略同隴東所唱雪花兒飄飄一曲字字有來歷想係文人所作與鼓詞不同是為地方文學

擯交

即古之角觥力大者勝亦曰相交

案武林舊事以相撲為角觥又謂之爭交須膂力高強天下無對者方可奪其償宋賈似道秉政時有溫州人韓福勝得頭賞補軍佐之職見夢梁錄今之擯交清語謂之布庫會典置善撲營額二百名用兩人相撲為戲以傾跌其敵為優蒙古習俗重此

跳神

此鄉間習慣縣城內皆無

案滿人祭先祖時喜跳神其初率女子為之頭戴如兜整腰繫裙學帶諸銅鐵搖曳之有聲口喃喃鼓嘈嘈以竿綰紉布片於炕西縛一豕以酒灌其耳與鬘耳鬘動即吉手及之取其腸胃而手持之亦有吉凶兆西寧番族於每年正月十五日開跳神大會藏語謂之跳官經取羊腔扮年羹堯殺之而爭啖其髒與縛豕相同抑足徵怨毒之於人深矣又

有馬神者則牽馬於室中以紅綠布帛繫其鬣尾而喃喃以祝之云跳畢則召親戚食酒肉饋原則用男巫於方神廟跳神與滿人番族異

打瓦

小兒戲弄也或云起於堯民之擊壤

案周處風土記壤以木爲之前廣後銳形似履長尺三寸將戲先側一壤於地遙於三四步外以手中壤擊之中者爲勝宋世寒食節有拋塤之戲兒童飛瓦石若今之打瓦

馬社火

遠鄉社火裝演故事於馬上乘之招搖過市

案後漢書南匈奴傳匈奴俗歲有三龍祠常以正月五月九月戊日祭天神南單于內附兼祠漢帝因會諸部議國事走馬及駱駝爲樂西甯塔兒寺跳四大官經惟正月元宵節最熱鬧番僧演馬社火奇形怪狀見者畏之永登崧山灘六月六日番子過會以跑馬爲樂饋原之有馬社火殆戎狄之遺風歟

擲老羊

亦賭博之一種惟正月初頑之其輪贏亦不大

案牧豬閒話集五六人以一人輪流作樁餘皆出注以六散遞擲視所擲之三子同色外計餘三子點數之多少爲勝負如遇么二三四五六則更勝蓋言順也五六子皆同者如之

人民之疾病

禮云飲食男女人之大欲存焉死亡貧苦人之大惡存焉飲食乃疾病之媒而死亡因之最可畏者時疫流行到處傳染如數年前之虎列拉邑人死亡相枕藉可悲也夫泰東西諸國凡檢查病疫之事隸於警部設有專官蓋保護人民之生存爲國家無對之責務也然人命至重病症多端有能治者亦有不能治者與其代籌衛生之計誠不如其自衛之爲愈矣何言乎自衛也易曰君子以思患而豫防之

蛾蛾子病

蛾蛾子即癩蟲也婦女患此者俗名乾血癩其傳染爲最速

唐段成式異疾志載河南劉崇遠有妹爲尼常有一客尼寓宿病癆瘦甚且

死其妹省之衆共見病者身中有氣如飛蟲入其妹衣中病者死妹亦病茶
香室叢鈔謂此卽今俗所謂癆蟲也西北謂之蛾蛾子病

蛾蛾子者俗名乾血癆婦女天癸不行過三月後無藥可醫束手待斃一般
普通社會謂病人腸胃間有蟲焉其形如蛾色灰有兩翅病人生氣將絕蟲
從口中飛出或匿病室或往鄰家或遠至數十里外仍入人之七竅互相傳
染其害無窮於是病人家屬爲豫防傳染起見視病人爲不足惜其未死也
有送至古廟者有灌以滾熱之油者其將死也有套以布袋者有糊其七竅
者其既死也有焚化其屍軀不許掩埋者如此之類慘不忍言西北婦女患
此者甚多希望防疫處加意研究能除其根則功德無量矣

腰腿疼

婦人患此病者多不能生育

疼字十蒸韻不收王建同于汝陽賞白牡丹詩價數千金貴形相兩眼疼實
親見也湯臨川因之有惜花疼殺小金鈴之句鎮原青年婦女常害腰腿疼
推原其故皆由自小裹足常坐土坑筋力不舒之所致

風痺疾

患此病者調理不善便成中風不語

晉皇甫謐高尙不仕以著述爲務晚得風痺疾猶手不輟卷自云久膺篤疾
軀半不仁右脚偏小十有九載今之患此病者亦復不少

虎列拉

霍亂之變相也來勢甚猛非草藥所能醫治

霍亂之症大抵由食生冷而得或受陰寒所致晉初太醫令王熙已言之矣

千金方二十六食治篇錄河東衛汎記云高平王熙稱食不欲雜雜則或有
所犯有所犯者或有所傷或當時雖無災苦積久爲人作患又食噉鮭肴務
令簡少魚肉果實取益人者而食之凡常飲食每令節儉者貪味多餐臨盤
大飽食訖覺腹中彭亨短氣或致暴疾仍爲霍亂又夏至以後訖至秋分必
須慎肥膩餅臠酥油之屬此物與酒漿瓜果理極相妨夫在身所以多疾者
皆由春夏取冷太過飲食不節故也此與高湛養生論所引王叔和說文義
大同辭有詳略則知高平王熙卽高平王叔和也古高平縣在今鎮原東原
上底店

附錄章先生炳麟霍亂論與療治法其辭曰今歲霍亂盛行時醫丁甘仁亦染疾死或譏
中西醫師彼此相妬雖病甚恥求救於異道者至於就死不悔是故醫家之楛結然非論

於霍亂一病也霍亂甚者厥病交作漸至脈脫在此土以四逆湯通脈四逆湯救之在西醫則以樟腦鉅鹽水鉅救之四逆湯一方並以生附子為君強其心臟以乾薑為臣止其吐痢二者相合脈自得通樟腦鉅亦引心之術與此同意若夫以水淡血以鹽收拾脈管則所謂以鹹養脈者也（以鹹養脈見周官瘍醫）二者之治初不甚殊至於評其證狀則西醫稱吐痢不復痛者為真霍亂吐痢腹痛者為似霍亂按之此土傷寒論則霍亂篇本未言及腹痛者觀其手足厥逆蓋少陰傷寒之屬而吐痢腹痛者別為太陰傷寒太寒傷寒病不其劇試以病機言腹痛者猶有所格拒不痛者則如桔槔抽水莫之能禦矣以此而言腹痛者無過腸胃不調之候不痛者則危及心君脈脫而斃矣此則評論證狀彼此亦不甚殊也惟得病之因彼以為霍亂菌此以為清濁出氣自相干亂無可和會要之治療之術彼以急於強心而不暇沾沾殺菌以邑人之治霍亂者或以明礬或以石榴皮或以銅青乃皆有殺菌之用惟大方則異是是固病因痛同異亦可以不論也中醫遇此果早用四逆湯自不待以鹽水注射若遷延不進須臾口噤背反藥不可下非鹽水注射即無以濟之此所謂異曲同工者猶同一中醫湯藥得所則不必問鉅艾不然則非鉅艾無以療矣然霍亂之為病也其界甚微若但舉形式則夫飲食過差小有感冒而致吐痢者或亦濫以霍亂名之自名醫別錄千金本草已言香薷薄荷橘皮厚朴等藥能治霍亂近代徐靈胎王孟英輩竟謂霍亂不可熱藥療熱藥入口即死然試質其病狀腹果不痛乎下果如米泔乎手足果厥冷乎則未也蓋前者所指即尋常之吐痢後者所見亦傷暑之類本非霍亂而強以霍亂名之者也名實爽負朱紫混淆醫師之不辨真偽者遂定以

二說為主若所遇非真霍亂雖少差誤未為害若遇真霍亂厥逆脈脫之候雖理中湯猶無所濟而可表發消導清涼之藥促其心之絕乎余恐丁君之死非在恥任西醫而在自習中醫之入於歧途也方今天災流行民命危如朝露苟治之不誤無論其為中醫西醫什必可以救六七為中醫者恥無術之不若人固也然苟觀西醫醫強心之術用之多效退而求之於吾之經方有與之冥然相契者且川東夔府湘西辰辰一帶三伏日即生附子猪肉合煮飲之以防霍亂北方直隸山東之民常吃生蒜亦無霍亂病此皆強心健胃之熱劑也是故四逆湯法推之四裔而皆準考之民俗而不惑醫者何故不信經方而信徐王之歧說耶四逆湯通脈四逆湯等載在大論醫者人人習之今不必更為疏錄但願習中醫者守之以約勿以多歧亡羊則民免天扎矣又上二方並用生附子若以市肆所行淡附片進則殊無絲毫之效也又經方雖有定式劑之大小亦許臨時視病輕重斟酌行之惟諸藥比例則不可差以通脈四逆湯論大附子一個即今川附子乾者可重七八錢乾薑三兩甘草二兩以孔繼涵同度記所質故一兩當今法碼二錢五分有奇大效可以四分之一約之則乾薑七錢五分甘草五錢二分再服則一服得全劑之半若隨意輕重比例錯亂亦不足以著效也

白喉症

此病初發見時小孩死者無數皆為表藥所誤

白喉症者肺氣不下降之原因也肺不下降則胃氣亦上逆膈邪尤上干而

相火結聚於喉中矣症本上熱表之則益增火熱是以表藥最忌也既有上熱理宜清之惟過寒所以無效且熱更加甚者何也大凡上熱甚者下焦必寒中焦必扞格而樞機不運中焦既不運則一派寒涼之藥反使上焦之熱裹束而無走洩之路是以熱更甚也仲景先師甘草湯和中之劑也甘草桔梗湯桔梗苦寒之性專入喉部及苦酒湯皆爲喉症妙藥所以妙者清喉而兼和中耳是故生甘草緩性能使藥力留於上焦人皆知之而不知中焦一和則上熱方能下行大黃甘草湯亦喉症用下之法較之養陰清肺收效更速緣大黃能引熱下行而甘草和中不敗胃氣甚可嘉也惟癸水沉寒之家則相火上炎非溫腎水則上熱決不能消專用涼藥欲清上熱而上熱更劇

民生志

疾病

治法當用清上之藥十居其八九溫下之藥十居其二二是為引火歸根之無上法門也擬方如左

川尖貝去心研

粉葛根二錢

杭寸冬去心

苦桔根三錢

生甘草二錢

生大黃二錢

黑附塊五錢

炒杭芍二錢

車前子一錢

清半夏一錢

半夏附子本熱燥然肝膽肺胃之邪諸藥能清保其無礙而為奇效

喉症用藥表固非法下亦失當熱藥雖忌寒涼亦乖初起用苦桔梗酒苓和

醋用細火煎一時許煎成不必服但用醋嗽喉仰首令醋在喉中宛轉留滯

必吐涎沫粘聯成串熱毒即隨涎出矣毒去痛止不藥可愈如已結聚腫痛

水米不下可用薄荷霜和薄荷油糊抹結喉外左右二寸許大令藥力透入

內喉不過半日毒熱當散更用薄荷霜點入舌上用開水有蒸氣盛碗中以口吸蒸氣入喉則舌上之薄荷霜藥力卽能冲散毒痛可立減然後忍痛飲熱水下噉噉數口之後便不覺痛矣稍稍喫稀粥微溫不可過涼服藥用喻嘉言養陰清肺湯亦不妨事但亦非善緣其人秉賦陰虛不如用生甘草桔梗各三錢元參五六錢麥冬三錢最爲穩當

皇在命及果元名王

三十一

重修鎮原縣志卷之六

民政志

舊志於經政一門略舉數端不足盡今之制度現在改絃更張日增月益向之所無今已因時增劇一切事業之屬於行政範圍者如行政議會黨部自治警政水利賑卹司法分門叙述而佐以圖表此則民國膠澳志及定海縣志差爲明備可資借鏡也鎮原雖云小邑而舉辦新政積極進行早已遵照法令因時促進初未嘗故步自封泄沓不振也溯自清季變法迄今垂四十年所有聿興庶政爲前代所無者均應分別叙述昭示將來固未可以簿書期會之事職在府史胥佐之徒略而不書語焉不詳致滋掛一漏萬之弊此

民政一志之所由特詳也

縣政府

縣設縣政府於省政府指揮監督之下處理全縣行政監督地方自治事縣府按區域大小事務繁簡戶口及財賦多寡分爲三等鎮原縣爲二等縣政府於不抵觸中央及省之法令範圍內得發佈縣令制定單行法規按戶口及地方情形劃分若干區每區以十鄉鎮及五十鄉鎮組成之縣政府設縣長一人秘書一人科長二人或三人科員額數由省政府定之

縣政府下分設四局

公安局掌戶籍警衛消防防疫衛生救災及保護森林魚獵等事項

案公安局即警察所亦舊日之保甲也其職務在維持秩序保全公安創于清末京內設民政部外省設巡警道以主管之各縣警察所設所長一人巡官巡長警士各若干人日間站崗夜則巡邏防緝盜賊頗有成效鎮原先為巡警由知縣宋連貢開辦各鄉鎮皆有似乎民國初先為警備隊至八年六月奉文成立警察所設警佐以縣知事為所長上行公文蓋用縣印至九年三月由王知事朝植始報成立十七年改警察所為公安局改警佐為局長仍隸於縣政府八年以後司其事者共十七人詳官吏表

財政局掌征稅募債管理公產及其他財政等事項

案自十五年馮軍由五原警師入甘所有經過各縣沿途設立兵站招待軍官需用糧秣款項一切攤派民間縣知事遂邀集當地紳衿分頭辦理由省府設地方公款委員會後改為財政局至二十二年冬令改為地方公產公款保管委員會今仍之

建設局掌土地農墾森林水利道路橋梁工程勞工公共營業等及其他公共

事業

案省政府建設廳即民初之實業廳亦清之勸業道也自民國十九年始令各縣設局鎮原成立未久於二十二年歸併縣府第三科

教育局

其職權根據縣組織法所有應行擴充事宜詳第八卷教育志茲不復贅

縣議會

西北人民久蜷伏專制政體之下已數百年矣清末省設諮議局凡關於行政一切諮而後言所謂興利除弊仍屬空言及共和告成人民乃有選舉權鎮原縣議會於民國二年春完全成立議長議員依法選舉夫專治政體純係犧牲多數人民之權利爲一人謀幸福故其國雖強而利益不及於人民共和政體純係以人民爲主政府只能循國民之意思以施行其政治故其國強而民受其福此次省議員縣人當選者一人國會議員縣人被選候補者一人此二處皆爲人民發抒意見監督政府之機關其議員卽爲國民發

抒意見之代表人關係甚重大也至一縣之士亦採用各立意國之通例而行此代議制度代議制度者即各處就本地人民擇其公正明達舉爲議員以代表本地人民監督縣政府凡政府有不利於人民者可得而糾正之糾正無效依法提出彈劾案呈請省議會轉咨省議會

公民任瑞琳等請恢復縣議會不報

省議會深以爲然當即轉呈省政府如石投大海未見答覆

先是二年冬十一月總統袁世凱解散省議會及各縣已成立之議會五年冬十月第一屆省議會恢復法制來蘇在茲一舉惟是縣與縣相積而道立焉與道相倚而省立焉省與省相輔而國家立焉今則共和再造歡聲雷動參衆兩院恢復矣各省議會成立矣雖以甘肅之邊遠第一屆省議員五十

四員已於去年召集開會隴上九百萬人民互相頌慶惟甘肅七十餘縣由各縣選舉省議員額定五十四員偏僻小縣並一省議員而無之者正非一處若以甲縣之人代乙縣之人負完全責任以期造福蒼黎竊有以知其不能矣其時縣議會章程國會業經議決不日可望宣布自應早爲組織以去隔閡而圖進行或曰省議員由各縣選舉而來其公正明達熱心公益之士不難統籌全局福利生民縣議會可從緩辦

慕少堂曰縣議會者省議會之輔助機關也省議會雖已恢復而各縣置若罔聞是猶前清創辦學堂各省設立高等而中小學校尙未着手源塞而欲流長木枯而欲枝茂其可得乎然責人者必先責己議人者不爲人所議民

國二年春甘肅各縣縣議會限期一律成立誠盛事也惟人類不齊有出厥範圍者有不明事理者有把持一縣財權者爲國家立法而先自亂其法爲地方除弊而先自作其弊各省皆然而甘肅爲尤甚阻力橫生豈無故哉

縣黨部

民十四年秋田崑山由京至蘭成立國民黨黨部十六年三月內省議會解散黨部始遷入省議會由是積極進行擬設分部於鎮原夫國民黨者關係新中華民國之政治問題其宗旨最正其擔任最重其規則最爲完全非若他黨之可有可無也創之者誰孫中山也中山昔在東瀛志存復漢初設青年會旋改興中會最後稱爲同盟會吾國民之秀傑者聯作一黨思傾覆帝

政國家而後已清政府稱爲革命黨卽今之國民黨也卒以敏捷手段光復山河民權日漸伸張黨派日益發達有一黨於此彼必樹一黨焉一爲之敵倡一黨於前後必結數黨焉以爲之應紛紛者天下皆是也所謂國民黨者孫中山主之所謂共和黨者袁世凱主之一抱急進主義一抱緩進主義或失之過或失之不及旗鼓相當勢弗能已見解所存牢不可破其餘黨派又復複雜異常萬緒千頭總之不出乎積極消極兩方面民國二年冬袁世凱解散甘肅國民黨及世凱逝世後共和黨又消滅於無形中國無黨已數年矣至是國民黨復成立

縣黨部成立

初在舊儒學署民二十一年黨教互換移於西街昭忠祠內詳見教育志學鋪

黨權高於一切監督行政扶持民權指導人民組鄉團體扶助地方辦理自治其他創辦民衆學校提倡公共利益皆係職責鎮原黨務甚屬幼稚國初始有萌芽邑紳張宸樞首先加入介紹少數學生自張宸樞被選全甘代表第一全大會衆議院議員主持乏人遂至停頓至民十廿肅黨務公開設省黨部籌委會十五年派祁尙誠等四人來縣組織縣籌委會經費由縣府月撥四十元成立後徵收黨員已達百名旋調祁赴省訓練派黃占英來縣整理經費由財廳月撥洋一百元至十一月成立縣黨部選定執委李世棟等五人監委爲張文德等三人十七年開始清黨省部派孟雷二委員來縣審查合格黨員共一百十二人十八年二月正式縣黨部成立加倍票選執監

委員由省圈定祁尙誠等五人爲執委李芳洲等三人爲監委並委賈動初爲總幹事陳棠爲秘書經費由財廳月撥洋一百五十元乃至十月慶匪陳珪璋陷城後黨部受損奇重幾成殘局十九年省令停止活動至八月省部派朱琨等三人來縣組織整委會經費由財廳月撥洋一百五十元二十一年省令改組留委員祁尙誠一人成立縣黨委辦事處經費由財廳月撥洋一百元冬季炭資一百五十元先後任用李林園朱玉瑩爲幹事切實整理計審查舊黨員七十三人歷年徵收新黨員至本年止共一百十八人成立民衆學校三處又遵令會同縣府考送李林園赴南京廣播無線電台訓練收音畢業回縣本年十月成立收音室消息靈通衆皆欣贊至縣屬各民衆

團體正在積極指導成立

自治

在昔專制時代凡關於地方一切事宜悉委之於官民惟聽命而已清末預備立憲以各省地方事務極其殷繁官力所不到之處勢不得不轉恃之於民國體既更中央熟審乎此故毅然頒布地方自治條例又恐自治人材缺乏特先設立地方模範自治學校於京師令各省區選送學員入所肄業各道縣自治講習分所亦應按期次第成立俾各級講習所畢業學員輾轉教授全國自治既可銜接進行地方民智亦可逐漸開通法至善意至良也

清末縣署籌辦自治

宣統元年事

民政志

自治

蘭州俊華印書館排印

自治先從陝西辦起推及甘肅時陝西渭南縣知縣張世英秦州人其辦渭南自治以鄉職爲本村必有長合數村爲社社有長數社爲里里有正以達於縣而委以息訟防盜積倉勸學各事層層相維故民隱易達官有命令一二日全縣即可傳知息訟之法除命盜大案外凡戶婚田土爭執先投村長處息不服再投社長又不服再投里正仍不服然後准持條呈控防盜之法令每村按戶編牌甲就祠廟公房爲守夜所每夜輪派二三人執持號簽梭巡互換時又親自稽察以簽上之號數爲傳遞之實驗遇有盜警鳴鑼或擊鐘爲號各村聞聲於要路持械伺截積倉之法無論村大小官捐斗粟爲母令各戶每年按畝出粟存儲本村以備荒歉數年村倉成立者共七百餘處

麥積至一萬五千餘石勸學之法村設一校小則合數村爲之捐集基本金爲學費子弟滿七歲皆令入校校均附設宣講所遇朔望日教員宣講令村社長率村衆聽之縣中又派宣講員時來提倡世英嘗言鄉民有訟控縣求理就令得置費已不貲不如鄉鄰處息之爲愈民各有家不能防守俟被盜然後報縣獲盜十不一二何如輪流看守不被盜之爲愈豐年不知積儲一遇荒年求官賑濟官力有幾能濟幾何何如豫爲儲備民積民用之爲愈子弟不受教育少壯不聞善言至流爲匪類貽害鄉里何如早令入學陶鎔感化之爲愈平生學問以誠實不欺爲主修身制行接物應事內外如一資稟既厚精力兼人每作一事貫澈終始不少變更凡治教各端施行之始衆皆

疑沮非議世英惟之以真誠持之以毅力接之以禮貌喻之以苦口故能卓著成效宣統二年前總督長庚奏調回甘襄辦自治世英請以治陝者治甘先從秦州試辦並由省政府通令各縣積極籌備正在進行間適武漢起義事遂中止

清宣統元年三月邑宰宋運貢奉令開辦地方自治二年六月一日設立自治公所於本城西街昭忠祠由邑紳公舉舉人張宸樞爲所長附生張有敬劉渥恩副之以專責成並選送李之英焦述志等多人赴省立自治研究所聽講以爲辦理縣自治研究所之師資一面設立總調查處於縣城中分調查處於各鎮均設處長一人處員若干人協同各區巡長紳士調查戶口劃

分區域以樹自治之基遂分本城

附近四鄉在內新平

即新城平泉瓦窰

即中屯子蕭金孟

太馬渠爲七區十二月卽選舉議員設立城議事會及城董事會

民國十二年縣政府又籌辦自治

省長公署附設甘肅自治籌備處令各縣進行一切

解釋集會結社律

人民知識漸開聞自治復活紛紛集會結社行動自由毫無規則並有民選縣長之說邑紳聞之取清末憲政館所頒集會結社律逐條

解釋清楚分貼外鎮以作自治基礎

西儒孟德斯鳩曰政府國家者有法度之社會也既曰有法度則民所自由

者必遊於法中誠如斯言國人結社集會何可無法律以爲之範圍也哉若

宗旨有悖於治安而爲官吏所舉發者必在抑制之例夫社會何自始也東

西立憲各國羣學日進言論自由自政治以至學術藝事宗教事業公益善

舉隨事皆有社會其義維何將以研求至理稽合衆長種類綦繁不勝枚舉而惟政治社會關係爲尤重均是人民團體所結合也何以別爲結社集會凡以一定之宗旨經久設立者是爲政治結社合衆人之才力臨時出開演者是爲政論集會社會或久或暫其易於聯合而設立者何也將以謀公安也國家許其聯合而設立者果何取乎以社會之有益於憲政也社會之益何在以其上裨治理下澤民生也其便於上下者於何見之於言論而已立憲國宗旨在採取衆人意思故輿論所從利卽隨之此等社會我中國古有之乎曰有請觀往史古之時政治之社會盛矣其在大臣則有武侯之集思廣益公孫之開閣延賓其在師儒則有宋時之閩洛談經隋末之河汾辯治

其在庶人則有子產之不毀鄉校大雅之詢於芻蕘非政治社會之胚胎乎
今何時哉舉國實行立憲異族合爲一家專治廓清共和鞏固何分乎界限
何畏乎羅織又何患乎下情不得上聞斯時社會中人果能熱心公益造福
羣黎足以增進文化者方保護之不暇何用限制爲乃觀清末結社集會律
其限制抑何其嚴事前既令呈報臨時復加稽查且有時或令退出解散中
止禁止者何其不憚煩也蓋大有深意存焉非沿襲專制之餘威也請詳言
其理由夫律之令其退出者果何爲也哉以其任意喧擾或迹涉狂暴也喧
擾特語言細過雖云任意不妨加以箴規狂暴或性情所稟况云迹涉未必
果有損傷何以俱令退出蓋社會所以謀公益或任其喧擾長其狂暴由一

人以及衆人效尤而成風焉不惟無益而又害之此結社集會律第十五條所以勒令退出者殆防患於未萌歟較之解散中止禁止諸條猶爲最輕之處置也解散者何爲維持公安起見也爲維持公安起見無論何種社會有宗旨不正紊亂秩序者宜一律解散何以第十九條與二十條語氣似有輕重之別不知十九條爲結社而設社則經久不散故飭令解散或令暫時停辦二十條爲集會而設集會爲衆所目覩有時整列游行得量加限制或飭令解散夫解散與退出有以異乎曰有何以異蓋退出僅施之社會少數之人解散則施之社會全體之人也夫既許其開會矣忽又令其中止何前寬而後嚴也則以防害風俗故也風俗之防害於何見之第十六條謂集會講

演之際有語言悖謬滋生事端故悖謬形於言語則將生實害若第令其退出何以懲狂暴之徒滋生見於事端則擾害公安若第令其解散或恐有復開之日况風俗爲政治所關風俗傷敗恐於政治前途大受影響明者覩患於未萌况已著耶設非飭令中止古云莠言必誅先事豫防者其謂之何至別乎退出解散中止而恐釀禍胎以危社會者則非禁止不可夫所謂禁止者果何所據而加之罪耶聞嘗推求其故則曰揭示書畫也演唱詩曲也攜帶軍器也書畫詩曲何爲乎禁止以在公衆交通往來之地耳攜帶軍器以視揭示書畫演唱詩曲默伏危機顯于定例况在集會或整列游行之際乎然此猶其顯焉者也其於政治大有關係尤宜嚴行禁止者其秘密社會乎

均是社會行爲茲何名之以秘密必有不告人者也其不告人者果何事乎殆將圖謀不軌嘯聚凶徒以危國家而毒民生也何以知其然也自古禍胎初發之時皆由一二人秘密爲之若不禁之於始迨至羽翼成兵戈起蹤跡詭密欲令退出而無從徒黨縱橫欲令解散而不能氣焰猖狂欲令中止而更不可得故律中第十七十八第二十一諸條有一律禁止之專條者所以保邦未危防微而杜漸也國家對於人民社會所爲規定此四者非故爲限制也實藉此以取締也取締云何留其善以去其不善也此其法亦非自中國始攷東西憲法條文英法比美以及荷蘭西班牙日本諸國雖許臣民集會自由而普魯士憲法第二十九條云凡普魯士臣民會於公衆出入

之地爲法律所規定者不得攜帶凶器第三十條云凡普魯士臣民苟其目的不背刑法之旨即可結社奧地利憲法第十二條云奧地利臣民有集會及結社之權此權之執行以法律定之殆恐狂暴之徒溷跡於其中苟或濫用此權則人民將失太平之福憲政亦有破壞之虞不得不以法律限制之社會是人民天然之權原非公家所得干涉而各國法律有此規定者何將以抑制之也何爲乎抑制以與政治有關係也惟其有關政治凡社會背乎刑法之旨者政府或從而解散之禁止之不言退出中止者何舉重以見輕也中國仿行伊始故其防範亦最嚴前清御史趙炳麟嘗謂開社集會未可一律禁止憲政編查館大臣所定結社集會律當新律未頒布之時決然繼

續有效惟近今社會各團體種類最爲複雜氣習亦復囂張其所爲設立而易於成者將以攘奪權利也否則挾制官長也又不然則黨與黨爭其勢兩不相下也及問其根據法律與否事前既未呈明立案臨時又或號召匪人甚至毫無所知何以謂之結社何以謂之集會且不能舉其名稱而猶昂昂然自高聲價方謂共和時代結社自由集會自由言論亦自由不如此何以伸民權而拔奴根也豈知西人所謂自由者自由於法律中非自由於法律外也遊於法律之外必有退出解散中止禁止各條以遏其囂張凌亂之風此四者規定稽查者誰巡警及地方官署也命令者誰內而大總統及內務總長也外而各省民政長也其所取法者誰東西文明國憲法許人民結社

集會而又特設各種律令以範圍之也所以設此範圍者何凡以維持公安而於政治大有關係也所以獨言政治社會者何以商會農會教育會議事董事會及批准立案之結社集會不在此限也况今者國體初更人心未靖其號稱上流社會者純謹之徒與縉紳諸先生無志補救時艱足迹至不敢出門戶而醉心歐美學說者其胸毫無定見徒以時逢改革不慮夫後不求其本惟利之是圖夫權利思想既日見其發達則氣節益流於靡爾道德不足以維持今日結一社焉明日集一會焉始則托言自治繼則貽禍地方終則惟所欲爲舉用人行政諸大端事事藉端干涉一若共和國統治之權握於社會而政府可以不設也者此等風氣胡爲乎來哉則以解散禁止諸條

尙未頒布於天下也夫新法雖未頒布舊律自可遵循苟聽其自由而不禁竊恐受共和之虛名釀危亂之實禍一旦警報飛來徒喚奈何究於民國有何益哉研究法律者果欲保圍治安若之何不於結社集會而加之意乎

自治講習分所

設在涇原
道尹署內

自治爲刻不容緩之舉然有一定之程限其應辦事項雖不一而足然當限於自治條例中所列舉者非謂實行自治一切官治皆可消滅亦非謂實行自治可以抵抗官治而官治遂爲所拘束蓋無官治則國家命令無以統一無自治則地方福利無由增進二者實相輔而不相悖界限甚明不容侵越蓋國家之於地方關係至爲密切其地方事業之進步與否視其自治人才

之良窳爲前提鎮原地處偏鄙風氣錮蔽人才缺乏急待培植

案民國十一年二十三等年陸續選送李正德張元濟田育理賀彙祥張文德劉興雷張元瀛田維藩李星波康維林馬祖援馬賢良田祖耀張東銘馬翰輝徐萬傑張權慕壽祜朱維陽楊廷秀王英張心鎮朱維藩郭愷張兼金袁士賢王選青段步瀛李清和李世忠馬文淵等三十一人赴涇原道自治講習分所講習自治畢業後均辦理縣自治傳習所

灌輸自治知識

民十四年設立縣自治籌備所

先後委任慕壽祜張權等爲籌備員並委派調查員多人調查戶口因奉行不力未有成效

案民十七年縣長王正寬奉令裁撤自治籌備所設立自治科於縣政府以一事權而資整頓復派委多人實地調查戶口又劃分本城附近四鄉爲第一區屯子鎮爲第二區蕭金太平兩鎮爲第三區孟塢馬渠兩鎮爲第四區新城平泉瓦窰（即今中原）三鎮爲第五區自治組織似有頭緒每區設區公所一處委派區長一人月薪十六元助理員月薪十二元公費月支洋六元區丁二名月各支洋六元每月共支洋四十六元均向區民間攤派但區下村闕鄰各組織多未照章設立十八年後兵匪交加應辦自治事項又行停頓

紳士之引導

漢以後紳士團體為中國社會問題中一大案其活動力實駕行政官吏而上之若不綜合敘述不能顯示社會真狀今後宜將此類問題彙為一篇名曰社會運動近代發生之新事業如教育如慈善如衛生如出版以及上述之宗教至是皆有所容納矣

一常親近

紳與民無隔閡
官吏可以臥治

天下親民之官莫如今之縣長縣長應盡之職務莫急於勤察民生而務教養之實政然一邑之大縣長欲一一而視察之與民親近毫無遺漏莫乎難矣即使處處皆到而中國限制之最嚴者地方官與老百姓判若天淵人人

心目中有一官字在下情萬難上達紳士則居同里閉誼切梓桑凡事可商酌辦理以感情相聯絡異乎侯門之深似海矣

一可學而能

正人多則地方自治

一鄉一邑之士其仕而顯處而富饒且有佳子弟焉非必皆其身之發達也問其先往往正直而不遇者也否則廉讓而能貧者也否則篤學守道而不能爲人知者也天之報之不於其身必於其子孫鄉黨自好者流勉其子弟曰彼何人也予何人也有爲者亦若是乃令其子弟游於正紳之門一經薰染皆謹穆有禮文樹品飭行出而知爲某某之弟子久之激昂青雲出爲循吏處爲真儒矣

三危急時可望援助

能防亂於未萌
是爲自治之本

正紳以禮自繩未嘗以私干宰官而爲民衆所信仰其家庭之禮教一邑之人奉爲模範皆以其所履行者教戒其家卽甚不肖至不畏公庭之刑而不齒於正人君子之口爲深詬大病地方遇大事發生衆皆退縮怯事聞紳士爲倡則翕然應之非真有大魔力也蓋其更事多見理明年齡資望又足以服人往往處危急存亡之秋得一言以解決又或款款游及庚癸頻呼開倉廩拯災黎生死人而肉白骨其斯之謂歟

團體之結合

此非法令以內之事但團體自然結合乃自治之真精神也故並及之

民本不能自立國家設官以教養之書曰如保赤子保字最可味人民茫無

知識官吏設法以引導之詩云宜民宜人宜字最可味然宜字究不如保字之確切官所以保民也使以保民者虐民則非設官之本意矣兵所以保民也使以保民者擾民擾民則非養兵之宗旨矣法律所以保護人民之生命財產也而承審員意存偏袒有保護之名無保護之實則法律亦等虛設人民所望於官吏者今若此則惟有自行團結自衛身家雖與章程不甚符合而其組織完密有二端焉

一曰祭火莊

俗名羊頭會四五月間麥將黃果木熟恐窮民攘竊行人攀折合一村之人結團體以保護之

案火伴本為兵隊之語古兵制以十人為火猶今之軍隊十人為一棚每棚用一火夫造飯故稱同火者曰火伴共竈為火食者也木蘭從軍詩出門看火伴後世買客結伴亦謂之火二人合股營生謂之搭火求財俗稱商號學徒為伙伴又曰夥計均誤羊頭會本名火莊謂一莊之人夥夥而防賊盜也祭者殺羊以敬方神取古人歃血同盟之義

又案羊頭會名目隨東各縣皆有惟山外莊浪縣每歲於夏歷十月朔日成立其地點則借廟宇辦公其首領則以紳士富選其器械則由人民自備其規則書於木板與羊頭懸於十字路口組織完密鼠狗盜不致為閭閻害也

二曰狗頭會

此惟二郎廟有此名稱其組織與羊頭會同每三年殺白狗一隻以二郎神有號天犬也狗肉分散會衆必令當家人食之二郎廟在縣南距鄉平泉鎮

里二十

案二郎神有功於蜀所由來遠矣唐沁尸媚傳有楊二郎神人之語不知何所據道書又稱二郎為清源真君朱子語錄蜀中灌口二郎當是李冰今來現許多靈怪乃是他第二子兒

又案皇朝文獻通考雍正五年四川巡撫憲德疏言都江堰口廟祀李二郎有功蜀地請加封號部議案史記漢書蜀守李冰鑿離堆穿三江功績歷歷可攷惟灌縣志有使其子二郎鑿山穿江之語是二郎雖能成父之績李冰實主治水之功該撫請封其子而不及李冰似未妥協詔令並給封號李冰為敷澤興濟通佑王李二郎為承績廣惠顯英王據此則二郎乃秦時蜀守李冰之子俗以演義之謬謂二郎為楊戩稱楊二郎誤甚

區公所 設區長一人助理員一人管理區自治事務在區長民選以前由民

政廳就訓練考試合格人員委任之有違法失職時縣長呈省府罷免之

鄉鎮公所 設鄉鎮長各一人副長各一人辦理鄉鎮自治事務在區長民選

實行以前鄉民大會選舉鄉鎮長時應選出加倍人數由區公所轉請縣長
擇任有失職時亦由縣長罷免

閭鄰長 由閭鄰居民會議選舉選定後由鄉鎮長報區公所轉報縣政府備
案以上區鄉鎮各有自治施行法頒行茲不贅

縣參議會 在區長民選以前縣政府設縣政會議以縣長秘書科長各局長
組織之

地方款 區鄉鎮公費鎮原在城之外尙有八鎮自民十八年縣長劉維垣盡爲五區實則有九區當時匪旱交乘無自治之可言至二十一年始將區長委定其太平馬渠中原新城名爲分區其經費自行攤派二十二年縣長錢史彤查報奉駁始將分區之名革除改爲鎮長而經費仍照舊支領全年共攤七千二百元本年預算遵照民政廳規定額數五區經費均按一等全年共六千元五區四鎮分爲三十六鄉再加四鎮按四十鄉計算每鄉全年民政廳規定公費二百五十五元共一萬零二百元連區經費六千元總計一萬六千二百元列表呈報奉令核准尙未實行現又奉令裁區改爲兩級制縣爲一級鄉鎮爲一級尙未規定

團練

唐置團練使編制各州壯丁而加以訓練其大者至領十州並置團練副使後令刺史兼帶已成虛銜矣宋之民團敢與契丹抗衡清末太平天國之亂曾國藩在湖南練鄉團後賴其力以平大難同治初甘肅回亂皋蘭范銘練黑頭勇靜甯張明新練剛子營皆人民自行團集選取壯丁按軍法訓練用以防衛鄉土保護身家政府近令各縣練團隊亦猶行古之道也

鎮原城防辦法六條

前清光緒二十一年河湟之亂邑紳招集團練辦法城防局擬具條陳皆思之累日而後成

一城隍宜浚隍內外宜開梅花井查此地不及五尺卽自有水此井一開實爲全城保障古法宜今莫踰於此

二城上晚間每堞左右宜各懸一燈使至城麓俾百步之內光可照人以防竊發

三城外牆垣樹株凡可蔽矢石匿賊身者皆宜刊削前此猶曰有待將以鎮人心也今則無人不知何恤而不爲

四城上礮石固不可缺而滾石大礮尤爲得力前清同治間陝回攻撲城堡往往戴板頂棹以蔽矢石非滾石大礮斷難得力宜先取城內外礮石量雉堞高下度其要害削木作架架石其上以備要需

五城上礮石宜先測量所擊遠近如擡礮能及幾許鳥槍能及幾許必先試驗已準以免臨時亂發稍一不慎既枉費子藥復聳駭人心故必不妄動手而

後動必命中於事有濟

六所拔門兵宜有更代如人分前後夜戶分上下月單丁老弱宜暫豁免以示體恤皆須明定章程以昭公信蓋必不竭其力而後不患難乎爲繼此持久之道也

民國十七年冬鎮原保衛團成立

先是民國三年五月二十日政府公布地方保衛團條例凡縣屬地方因人民之請求及縣知事認爲需要時均得報明本省長官設立也是年秋張兆鈿殘部退至縣城所帶槍枝散落民間土匪因之蜂起始設立保衛團分五區共一百四十名

保衛團經費

保衛團擴充於二十一年由民團編制所有槍枝皆係人民自購經費自行攤籌團丁全係招募需費甚鉅隨東綏靖主任楊渠統又設有固海鎮三縣總團部鎮原每月攤洋二百數十元幸於二十三年七月裁撤全年可免三千餘元

茲列保衛團統計表於後

鎮原縣保衛團人數槍枝經費統計表

團別	人員	團員	團丁	槍枝	馬匹	經費
總團部	總團長	縣長	常團十名 號兵二名	十九	二匹	

		副總團長	伙夫一名			一千八百八十四元
	教練	文牘會計	馬夫一名			
中區	分團長區長兼	常團二十名	六			九百元
屯子鎮	分團長區長兼	常團二十名	十六	一		九百元
蕭金鎮	分團長另舉	常團十六名	十七	一		一千五百元
太平鎮	分團長鎮長兼	常團十二名	十四	一		六百九十元
孟塢鎮	分團長區長兼	常團十六名	八			九百元
馬渠鎮	分團長鎮長兼	常團八名	八			六百九十元
新城鎮	分團長鎮長兼	常團八名	十二	一		六百九十元
中原鎮	分團長鎮長兼	常團八名 備團十二名	四			六百九十元

國民政府軍事委員會

民政志 團練

一七

蘭州俊華印書館排印

平原鎮

分團長區長兼

常團八名
備團十二名

四

七百八十元

合計

一百四十名

一百〇

八千一百五十四元
其內服裝費不在

附記

常團暫行招募備團按戶抽練此錢縣長史彤奉令縮編擬定辦法呈請核准

案查民十五年四月縣長黃金鼎奉令開辦保衛團中區設有總團部八鎮亦有分團部之設招募壯丁維持地方為邑開辦保衛團之始是年八月隴東失守賊兵紛往西峯鎮道經邑境民團力弱被其衝散因之停止十一月縣長姚汝漢以冬防吃緊復令設立守望團以資自衛中區暨八鎮委團總副各一人直屬縣長但仍形同虛設無濟於事十七年八月縣長王正寬以保護城池暨游擊各鎮土匪為名於八鎮外復設總團部於縣城內其組織團總一人書記一人火夫二名馬兵二十名步兵二十六名每月兵餉等費共支洋二百八十元由全縣攤派按月清交而各鎮團部月餉亦各照所在鎮自由攤派人民負擔益形加重十八年陳珪章破城後匪氛愈熾縣城與各鎮區團隊外而鄉間亦有局部呈請設立者逮至二十一年十一月因省政府暨隴東綏靖司令部均有整頓保衛團明令遂又改組原議五區八鎮共計十團總團部團丁二十四名大鎮十六名小鎮八名指平泉太平兩鎮其餘均為大鎮八名每名月支口糧洋六元各區鎮團職員每名月支津貼洋二元每區團部辦公費現定第一二區(即中區屯鎮)每月各准支洋五元第

四區（即蒲金太平馬渠孟壩四鎮）每區月各准支洋八元第五區（即新城平泉中原三鎮）月准支洋十元總副團長以下設有書記會計庶務各一人每月各支津貼洋十元總團部月支辦公費洋三十元全縣團費每月應需洋一千二百元其實支尙不止此數因每年尙有冬夏兩季服裝費醫購子彈槍枝並有綏靖司令部所委固海鎮三縣保衛團部每月经費一百元每年攤派全縣係以兩萬元爲準由各鎮收交總團部再由總團部發給各區團雖不能如數收盡然亦所差無幾二十三年三月復經改編以節經費而輕人民負擔

修城寨

墨子守城之法五十步須丈夫丁女四十人連挺斧椎行棧行樓不移而具何法之嚴而防之密也蓋恐夫敵軍卒來勢如飄風急雨賴此高城深池足以限戎馬之足而使其不前古人論城之利益粟入多也生息蕃也攻拒久而兵易集也烽燧明而野易清也小舉之莫能犯也大舉之易爲調伏爲應

民政志

城寨

援突擊萬一外援不來猶可藉團練之兵以待農隙之入申堡寨之約以畫
退守之謀襄陽可保三年雷池難越一步城寨之爲效彰彰矣後之人以城
爲無用而廢其已成之功其不大可惜哉

或曰秦築長城而虜衆大舉拆牆行誰能扼塞李克用築塹初成而爲敵所
乘存孝虎將束手就縛城池果可恃乎曰視守之人如何耳襄子守晉陽雖
以智伯之決水而終不能沒其城田單守卽墨雖以樂毅之將兵而終不能
拔其城若徒恃城之堅池之深日延一日兵心散渙又無外援以解其重圍
有棄城而走者矣引繩而牽斷必有處隄水而浸潰必有方君子當思其所
以致敗之由顧可因咽而廢食耶

儲器械

易曰君子以除戎器戒不虞至論曰徒手而遇盜資育無如之何操筆而遇敵雖童子不知所避晁錯曰兵不堅利與空手同甲不堅密與袒裼同弩不能以及遠與短兵同又曰器械不利以其卒予敵也王褒曰空柯無刃公輸不能以斲自古軍法有千萬端究其制勝之原未有不由於精器械鎮原縣庫所存皆來福槍不適用八鎮爲保護生命財產計自行籌款購置器械無事則借廟宇以儲之

會議

天下有不可泯沒之理根本於人心昭著於天壤曲直是非歷萬世而一日

者公議是也論者謂三代之盛以智役愚兩漢以還以貴凌賤作威作福獨斷獨行有專制而無公議天下之人敢怒而不敢言一省有事官紳共議一國大政部院會議議定而後行行之有弊則復議一國如此一縣亦復如此恤亡

漢初功臣紀信代高誑楚死其子通封襄平侯北地都尉孫卬力戰死事其子單封瓶侯濟北相韓千秋擊南越死事其子延年封成安侯又取從軍死事之子孫養羽林官教以五號羽林孤兒北周詔出師身殞戰場者其子卽授父官唐南霽雲死於戰事其子承嗣方七歲授婺州別駕此皆軍官子弟國家憫其先德陣亡之慘而各予以恩施若夫下級軍官正副兵士視之無

足輕重矣然咸豐時甘軍征江南陣亡者之髮辮必取之標明姓名車載以還諸本鄉民國初遇戰事必焚陣亡者之屍骸紙包以寄其家屬彼捐軀殉難視死如歸者雖未能正邱首而或存或亡其家聞知若聽其肝腦塗地不知誰何豈恤亡之道耶

總論

民納稅以養兵兵執戈以衛民此論其常也甘肅發生變故則萑苻蜂起防不勝防兵力有能到之處卽有不能到之處窮鄉僻壤百姓羣黎聽風鶴之頻驚恐池魚之殃及爲保衛身家計不得不編制團練此非沿襲故事亦其時勢使然非然者一騎長驅農夫鼠竄耕具牛米穀室廬俱爲匪有矣匪知

難民逃竄之處朝取數人焉殺而投諸壑暮取數人焉縛而投諸河百人之中有幾人存由團體之不堅豈劫數之難挽今之匪更異乎昔之匪矣殺人之慘昔所未聞倘有董福祥其人者出而組織團練安見衆志之不可成城

耶

保甲

常熟陳梅曰周禮五家爲比比有長五比爲閭閭有胥四閭爲族族有師五族爲黨黨有正五黨爲州州有長五州爲鄉鄉有大夫其間大小相維輕重相制綱舉目張周詳細密無以加矣而要之自上而下所治皆不過五人蓋於詳密之中而得易簡之意此周家一代良法美意也後世人才遠不如古

乃欲以縣令一人之身坐理數萬戶口賦稅色目繁猥又倍於昔時雖欲不
叢勝其可得乎顧炎武爲之說曰以縣治鄉以鄉治保以保治甲視所謂不
過五人者而加倍焉亦自詳密亦自易簡此斟酌古今之一端也後世保甲
卽本乎此

前清保甲十家長條約

一甲長管束稽查十家人戶每日晨持日稽簿向各戶稽查本日有無前項過犯或男子
夜出未歸或面生容留住宿嚴查明確登簿存查如係應報者卽行稟報以憑拿究通

同容隱
併罪

一守柵瞭望巡更伏路人夫甲長莊保等公同撥派如人夫不如法
遵行有擅逾時刻偷安誤事者許卽嚴拿稟究通同容隱併罪

一本莊有警甲長卽率伍壯堵禦鄰莊有警亦如之倘
有遲緩誤事及不到者併究甲長容隱不舉同罪

民政志 保甲條約

福州俊華印書館排印

一本甲有客店每晚住宿之人俱查明登簿如有馬匹器械並無貨物行李馱脚者立即盤查不許留歇如蹤跡可疑一面圍拿飛報違玩并究

一定更後禁止夜行如有生產急病請穩醫者許甲長驗明給與夜行牌方准放行同時將牌繳如有假捏討牌者次日指名稟報以憑拿究甲長容隱併罪

一本州本縣行轍傳到該甲長保正即密率伍壯依限飛馳照信發註定處所齊集聽候調遣敢有延誤處治不貸

一甲長凡奉行稽查撥派博習教演一切保甲公事敢有藉端需索分文擾害甲戶伍壯者立即拿究追給仍倍罰不貸

警政

保甲始於宋盛於清行之久而漸弛甘肅各府廳州縣非不設保甲專局委員承辦而地方遼闊耳目難周有編查之名無保結之實風氣所趨不得不改爲巡警以期實事求是此固當務之爲急也但警士未由學校出身根本上毫無研究益以朝令夕改十羊九牧自清末至今警政前後五變孰得孰

失必有能辦之者姑言大概如左

改保甲爲巡警

向之稱委員者今則稱爲警務長

清光緒三十一年春前陝甘總督升允在省城院門西朝房創設甘肅巡警總局並於省城關內外分設十局稽查奸宄維持治安以蘭州道彭英甲爲總辦以候補道楊增新爲會辦規畫全甘警務因時制宜鎮原設總局一局員三分局十處紳士十五人每局巡丁四名逐漸擴充務求盡善

按宋王安石行保甲法十家有保有保長五十家爲大保有十大保爲都保都保有正副爲保丁者許自蓄弓箭共習武藝清制保甲之法戶給門牌書其家長之名與其丁男之數而歲更之十家爲牌牌有頭十牌爲甲

民政志 警政

蘭州俊華印務館排印

甲有長十甲爲保保有正皆以誠實識字有身家者充之凡犯令作惡者悉令查報其制非不甚善特奉行不力耳巡警之設仿保甲遺意而變通之由各縣廣籌經費挑選巡丁訓以章程分以地段責成既專隱以兵法部勒之

改巡警爲警備隊

官長稱爲隊長本區道尹兼警備司令詳見兵防志民國三年紀事

今夫鷹之鷲在乎嘴爪其全體固皆與嘴爪相稱使安嘴爪於燕雀必頓失其鷲虎之猛在乎齒牙其全體固皆與齒牙相副使安齒牙於狐兔必頓失其猛各省所有國防軍邊防軍擁兵自衛各佔地盤非國家之福也項城總統欲集權於中央在河南直隸適中之地建築營房調西北各軍前往駐紮聽候調動所有各地方守衛之責警備隊任之是爲地方軍隊惟茲事體大

必也豫爲籌畫曉導其世界觀念擴充其法律知識平時變化其性質臨事激發其天良喻之以真誠怵之以大勢庶乎其可用也不出乎此以巡警爲警備隊是燕雀之嘴爪狐兔之齒牙而欲鷹揚奏績虎拜揚威不亦難乎

取消警備隊改組警察

此民國六年冬季事

民國三年政府通令各縣將舊有巡警改爲警備隊以本管鎮守使道尹爲警備隊總司令縣知事爲警備隊司令每縣設警備隊隊長一員以有軍事學識者呈請省政府委任所有警備兵服灰色軍衣操法與陸軍同是爲地方軍隊常年經費由人民應納正糧項下帶征每征糧一斗附征警款洋若干隨地方情形規定至是政府又通令將警備隊改爲警察所省政府奉令

民政志

警政

後將各縣警備隊一律取消委鄭元良爲甘肅警察處處長元良任職後籌辦各縣警察分三期完全成立第一期各縣先募警察三十名以縣知事兼任警察所所長設警佐一員駐縣城由警察處處長委任巡官巡長駐外鎮薪餉服裝雜費仍照警備隊由正糧帶征

附錄慕壽祺聞省城警察處成立人民負擔可望減輕喜而成詠其詩云赫赫金吾意氣橫黑衣小隊繞街行城門失火殃無及甌道遺金拾不成鄭國何曾見蛇陶秦關難再度雞鳴生機一線今還在民衆歡欣負擔輕前辦警備隊時鎮原一縣定額一百名全年經費悉取諸地方現在先募警察三十名則省去十分之九未識當道諸公能恤民艱否

改警察局爲公安局

此係民十七年事

國以民而成立民以國而生存泰西各國以民之身家防衛有待於國家也於是有警察之設中國效法泰西注重警察其門類雖極繁夥而撮其大要

分爲高等行政司法三部實則可括爲行政司法兩部因高等警察屬於保安而保安警察仍屬行政範圍以內夫行政警察對於國家人民凡政無大小無一不爲之預防其危害增進其幸福又輔以司法之一部以除害於既發消患於已萌故司法仍以行政爲主然後知警察者爲保持公共之安甯所以衛民所以齊民非所以執法而病民也此公安局之所由名歟

鎮原縣公安局人數薪餉表

職員	人數	薪	餉
局長	一人	月支洋二十四元	
局員	一人	月支洋一十六元	

民政志 警政

巡官	二人	各月支洋一十二元	分駐蕭金鎮一員
書記	二人	各月支洋十元	
警長	四人	各月支洋四元二角	
一等警	十六人	各月支洋三元二角	
二等警	十六人	全上	
三等警	十人	全上	
公安局之職務			
修道路	<small>此就城內言 餘見交通志</small>		
九月修路載在夏令十月成梁厥惟周政後世路政費荊莽滿途矣縣城東			
		共五十二人	共月支洋二百三十五元二角

西大街及縣衙門口各道路地勢窪下每歲夏秋雨集積水頗深村農跟集及機關辦公者溼履濡在所不免公安局募工墊之使平上綴子石行旅往來咸稱爲便云

散門牌

公安局編列戶籍號數以列於門口者

案香山野錄張鄧公士遜出遊暮歸入宜秋門關兵捧門牌請官位公書云八十衰翁無品秩昔曾三到鳳池來青瑣詩話亦載此事而門牌作門曆今之門牌或以木爲之各懸於門首異乎古之門牌矣

附錄清查戶口臨時簡章

民十七年五月
民政廳頒發

- 一清查戶口以調查各家人口多寡預防奸宄並遏止宵小潛伏爲宗旨
- 二清查戶口人員對待各住戶語言務須和平不許滋生事端

民政志

戶口簡章

三凡各住戶家中人口如有出外及婚喪生
死時均須隨時報知該管公安局備查

四凡住戶家中來有親朋留宿者可隨時告
知左右鄰居並向該管公安局具報備查

五凡各住戶遷移房屋如兩處係歸兩區管轄時須報
知該兩署現在遷移地點及門牌號數以便查攷

六凡房主賃房住戶必須攷查有正當職業或職務者
并有妥實保人方准招租住留不得收容無業遊民

七凡客店旅館對於來往住客必須認明有正當
職業或職務者方准住留不得收容無業遊民

八關於第三條至第七條事項如隱匿不報
或任意容留者查出即行分別輕重懲辦

九凡住戶客貨各店棧以及會館祠廟等處不准容留匪
類共產黨徒及一切閒雜人等住宿違者查出嚴懲

十凡各住戶家中匿有槍枝子彈者若能慨然呈繳公家不特
不予追究仍照章給賞倘不報繳查出以私藏軍火論罪

十一本簡章自清查戶口之日起施
行如有未盡事宜得隨時修正之

附戶口調查表一

戶口調查表一

甘肅省 鎮原縣 市第 **第** 區 街 住戶門牌第 **號**

戶 主	類 別	事 別		姓 名	男 女	已 未 婚 嫁	有 無 子 女	年 齡 及 出 生 年 月 日	籍 貫	會 否 入 住 居 民 黨 年 數	職 業	宗 教		其 他 事 項
		程 度	廢 疾											

同 居 係	親 屬			
	關 係	謂 稱	謂 稱	謂 稱

蘭州經濟調查表

民政志 戶口調查

二二八

蘭州俊華印書館排印

備考	共計		備工	
	女	男	係	關
	口	口		
	內計			
	經著壯學無有入 足辯丁童業業者			
	口			
	宗 信		他 現	
	教 奉		往 住	
	其 天 耶 回 道 佛 他 主 蘇 教 教 教 女 男 女 男 女 男 女 男 女 男		女 男 女 男 女 男 女 男	
	口			
	非 形 素 曾 廢 家 跡 行 受 刑 事 處 分 者 疾 屬 可 不 刑 事 處 分 者 疾 雜 疑 正 者 者 者 者 者			
	女 男 女 男 女 男 女 男 女 男			
	口			

置垃圾箱

公安局所置以堆積穢物者也

案拉字字書未見拔者以箕飲物也曲禮凡為長者糞之禮必加帚於箕上以袂拘而退其塵不及長者以箕自鄉而扱之衆物和雜俗曰拉雜後因有塵土之義改用土旁而為垃圾此二字沿用已久夢梁錄諸河有載垃圾糞土之船又每日掃街盤垃圾者支錢稿吳語謂塵土堆積曰垃圾音臘聞縣城近有垃圾車皆公安局為清道而設

禁麻雀牌

清光緒甲午以前官場賭博或搖單雙或攤四門總之不出乎骰子者近是甲午以後麻雀盛行骰子無人過問矣麻雀由南而西士大夫好之尤甚窮日累夜若癡若狂問之皆云極有趣旁觀者第見廢時失事勞精耗財每一場畢冒冒然目昏體憊不知其趣安在也

案珊瑚鈎詩話擲擲起自老子後人謂之呼盧取純色而勝之之義馬融作擲擲賦鄭谷詩能消永日是擲擲擲擲俗子詩却憶咸陽客舍裏呼盧喝雉燭花低昔朱子觀雙陸詩近來新譜識梟盧敢擬安陽舊博徒只恐分陰間過了更教人笑牧豬奴垂成之意深矣明正德間有妓女失其名於客所分咏以骰子命題伎應聲曰一片寒微骨翻成面面心自從遺點污拋擲到如今亦清切可感

除忌諱

邑人為習俗所拘忌諱甚多譬如其親已故親之諱猶不許人觸犯如此之類可以除之矣

案宋田登作郡自諱其名入觸之者即怒於是舉州皆諱燈為火上元放花燈吏人遂書榜揭於鬧市曰本州依例放火三日又宋宗室名宗漢自惡人犯其名謂漢曰兵士其妻齋羅其子授漢書宮人傳語曰今日夫人供十八阿羅兵士太保請官點兵士都下哄然傳以為笑又某朝官諳事蔡京呼之為父合家不許犯京字眷屬犯申飭奴婢犯簪笄賓客犯罰酒自犯手批其頰其無恥乃至於此又宋稗類鈔載有上官某名中最惡人犯其名一日有知縣進問曰某案如何矣曰業已中郡上官微露其意曰汝便不申也罷對曰此事斷含糊不得卑職申郡守不理即申監司申監司不理即申臺院一次不理申二次不理申三次申來申去直待申死方休上官雖怒之而無如何反笑而遣之善乎杜祁公之言曰父母之名耳可得而聞口不得而言則所諱在我而已他人何預焉某巨公帥邠州三日孔曰吏請家諱公曰下官無所諱惟諱取枉法賊吏悚然而退父母之諱且不避况己名乎

勤洗澡

鎮原無澡堂士大夫家自製木盆隨時沐浴便甚

平涼非通商大埠可比澡堂設備諸欠完善雅園之所謂澡堂者不過盤大石為池穹幕以磚後為巨釜令與池通轆轤引水穴壁而貯焉一人專執鑿池水相吞遂成沸湯名曰

混堂榜其門則曰香水男子被不潔者膚垢膩者負販屠沽者瘍者疔者納錢於主人皆得入澡焉且及暮袒楊裸裎而來者不可勝計苟賦之則泥滓可掬其體臭穢不可聞爲士者每亦浴之彼豈不知其污耶迷於其稱耶習於俗而不之怪耶抑被不潔者膚垢賦者負販屠沽者瘍者疔者果不相浼耶抑經其浴者目不見鼻不聞耶嗚呼趨其熱而已也使去薪沃釜與溝澆之水何殊焉不如在家沐浴之較爲潔淨也俟源頭稍活縣城內擬建新式澡堂

掃街道

縣城商戶及住家戶以公安局時催灑掃街道但有餘水卽曰留作灑街之用

案唐書禮樂志右校令具雜器以備汎掃後漢書張讓傳又作翻車漏烏施於橋西用灑南北郊路以省百姓灑道之費甘肅自民十四年以後各縣公安局未設清道夫但令百姓自行灑掃街道不時打門急催如火甚至更深夜靜亦令挨段灑掃

鉞鈕襪子

俗謂鉞鈕襪爲鉞門子有不鉞者警士干涉之

案襪被患切去聲諫韻衣系俗言鉞鈕襪卽繫衣服之鉞也凡物鈞罔者皆曰鉞俗謂衣鉞曰鉞又鉞器以金銀絲器也見後漢書與揚雄賦又見元史后妃傳

剪帽辮子

辮髮之俗民國初已廢鄉愚有藏髮辮於帽子內者公家干涉之

案古者男女皆挽髮為髻四夷多編髮為辮孔子所云被髮左衽春秋時已如此漢書注
 匈奴之俗皆辮髮晉書載吐谷渾婦人辮髮紫後南史高昌男子辮髮垂之於背女子
 辮髮而不垂曲鬘雜錄剃頭辮髮金人已然宋唐濤建炎德安守禦錄有北來羣賊皆剃
 頭辮髮謂剃其髮之四周而編其中央所留之髮辮也滿清入關下令剃髮留辮國體變
 更通令剃辮迄今三十有三年矣遠鄉之民仍長拖豚尾公安局以其有礙統一也俟進
 城時勒令剪髮而迂腐者流謂身體髮膚不敢毀傷豈知髮之四周剃除淨盡彼非受之
 父母者乎

禁止遺棄兒屍

親歿之後不急營葬暴露屍棺可為忍人
 矣乃俗更有忍之甚者遺棄兒屍是也

邑俗小兒殤死輒以草席包裹委之道途任鳥啄犬食傷心慘目之狀雖路人亦為酸鼻
 而為之親者反扭於痛絕復胎之邪說惜板片棄骨肉於郊野此弊之急宜革者乃恬然
 為之尤而效之是可哀已公安局
 出而禁之望邑人之敦仁厚也

廢除不正當之祭祀

民十七年內政部參考中國經史及各種宗教典
 籍擬定神祠存廢標準呈請國府批准分行各省

迷信為進化之障礙神權乃愚民之政策我國民族自有書契以來四千餘

年開化之早爲世界先乃以教育未能普及之故人民文野程度相差懸殊以致迷信之毒深重人心神權之說相沿未改無論山野鄉曲之間仍有牛鬼蛇神之俗卽城市都會所在亦多淫邪不經之祀際此文化日新科學昌明之世此等陋俗若不亟予改革不唯足以銅蔽民智實足騰笑列邦且吾國鬼神之說本極淺薄稍明事理卽可勘透所以流傳至今牢不可破者由於梟雄之輩假神權以資號召一由於無聊文人記符異以資諛媚有足爲民族民權之障礙者內政部有鑒於此對於神祠問題力謀澈底解決之方因參攷中國經史及各種宗教典籍詳加研究將神祠之起原淫詞之盛行以及我國先賢破除迷信之事蹟神祠應行存廢之標準祀神禮節應行

改良之必要等項分別考訂列舉事實理由以釋羣疑

應行保存之神祠有二

曰先哲類凡有功民族國家社會發明學術利濟人羣及忠烈孝義是爲人類矜式者屬之

曰宗教類民以神道設教宗旨純正能受一般民衆之信仰屬之
應行禁止之淫祠

附會宗教藉斂香錢或依附草木或習爲異端或沿襲齊東野語均謂之淫祀搖惑人心爲害最烈不速謀掃除之方口倡反對君權而心實畏憚神權欲謀民權之發展文化之勃興真所謂南轅而北轍矣

水利

鎮邑溝澗之水不爲不多矣而流深湍川狹原高不能澆灌且歲歲衝決敗田明知縣徐鏞造水車百餘輛使民汲水灌田民賴其利成法具在未可謂爲非策也關心民生者必宜有以知所效矣

水車

水車一名翻車仿皋蘭段續所創倒挽河流以灌田畝致有巧思然有力自辦無力官貸修補之工無歲無之遇旱則水落而車空懸遇澇則水漲而車漂沒必水勢得平車機乃能無滯

現在之水利

邑多崇山峻嶺絕大水利實屬無有然縣川河兩旁暨許多溝水亦可灌田此固天地自然之利也但人民耕種旱田於水利似不甚注意遇有仁人君子提倡開渠裨益地方請以俟諸他日茲將河水溝水可灌田之地名分述於下

河水

縣川河沿岸有張藍家溝口及九龍廟溝口

歷年澇稻得利甚多

路家坡及葦子河灣

光緒二十七年暨民國十八年因旱曾經開渠漑田旱後廢止

黑蟒嶺溝口

溝水及河水均可引漑

海紅灣

民國十八年旱開渠獲利甚厚旱後

亦紙房趙毛家河員家河

三莊有水田數頃

溝水

蓮花池溝水可灌田數拾畝羅家河泉水可溉田數拾畝徐家川溝水可溉田壹頃餘其他林場山童風蔽日暄四面高原毫無水泉灌溉之利所靠者天降甘霖耳俗語云此處落雨此處安謂靠天吃飯也雖然人事不盡歲旱爲災處處設壇祈禱雨之有無天操其權友溪乙稿云人事當先莫靠天宜其然乎

潦壩

奉蘭縣人謂之溜沱

卽潦池也潦與澇同詩澗酌彼行潦謂路上流水也鎮原四面高原水無來源各村均有潦池旁栽樹木其形圓六七月間大雨時行引雨水入池早晚飲牲口用其潔淨者人亦飲之且潦池之水滿與否關係一村人民之盛衰

民政志

水利

故人民視之也重

案廣韻集韻韻會正韻並郎到切勞去聲與澇同淹也一曰積水王充論衡無溶溜而泉出玉篇溜水深貌詩小雅俾澇沱矣注大雨貌郭璞江賦與波潭淹注隨波貌泉蘭語稱雨潦所積之地為澇沱義蓋同此或云西甯府志河拉庫托公牘皆作哈刺庫圖庫圖為蒙古語今省城溜沱即庫圖音轉也亦通

築河隄

自井田廢溝澮湮魏文侯使李悝作水利凡修築隄岸插壩等物順水之性以宣洩之使民得溉種之利也清末邑宰宋運貢以河水逼近城根籌款築隄使水路向黃蛟岔流不致為害閭閻河灘淤水空地可種稻亦與利之一法也

附邑人慕壽祺聞鎮原築河詩云鑿渠功敗八盤西往事傷心總怕提禾長每思歌鄭國柳陰今又護蘇隄耕耘北陌田新闢保障南城浪漸低水利大興明德遠三農望已慰雲

寬

挖洋井

鎮原十年九旱講求水利者擬仿照陝西辦法集資挖洋井倘無滯礙何樂不爲嘗見平原之掘井者矣往往至二十餘丈而不及泉以地形甚高故也民國二十四年二月省建設廳在皋蘭顏家溝鑽洋井數月之久尙未取出甜水據此情形隴東鑽洋井亦恐不易昔管子之匡天下也其施七尺此下所說有正施五七三十五尺而至泉者有四施四七二十八尺而至泉者有三施三七二十一尺而至泉者有再施二七十四尺而至泉者有一施七尺而至泉者有六施六七四十二尺而至泉者有七施七七四十九尺而至泉

者有八施七八五十六尺而至泉者有九施七九六十三尺而至泉者有十施七十尺而至泉者有十一施七十七尺而至泉者有十二施八十四尺而至泉者有十三施九十一尺而至泉者有十四施九十八尺而至泉者有十五施百五尺而至泉者有十六施百一十二尺而至泉者有十七施百一十九尺而至泉者有十八施百二十六尺而至泉者有十九施百三十三尺而至泉者有二十施百四十尺而至泉者各爲名號以示區別其所謂施必錐地入深之物字當借爲鉞說文鉞短矛也方言矛謂之錐其字作錐酋矛常有四尺夷矛三尋今但七尺則爲短矛矣以此錐地驗水如今探井者之鑽

地器也

舊說八施爲大尺之名不知土之深者固非尺所能量也

其所說庚泥不可得泉清商不可得泉駢

石不可得泉灰壤不可得泉是鑽之而無水者也

水磨

蘭州河州岷州近水之地藉水力以轉磨是爲水磨每歲納課分上中下三等其建築之法於水勢湍急處建矮屋跨於水傍多則五六楹最少亦須三間構造與樓相似地鋪木板板穴中貫以木柱柱之尖用鐵柱下用平木輪置之水中木輪中貫以長鐵柱又從上流頭置木槽一引水歸槽則水力厚水性緊噴湧而出流至輪口鐵軸自然旋轉雖藉水力而機器之構造亦足見華人心思之巧至磨麵之法房內有墊板上安石磨扇麵由磨口而出質稍粗非籬不可所以磨傍另爲木櫃人用兩足踏而搖之籬以上則爲麸片

籬以下則為細麵比驢磨能快十分之九者純係水之力也鎮原水力不及

蘭河等處而立輪磨亦堪試辦構造雖多而用水甚少且貧富均可磨麵

宋張舜民岷州水磨賦其辭曰粵自太僕既散機事滋熾抱養無譏斲輪改制脫大車之左轂陣橫流之肆置圭洲淺深審度面勢覆廈屋之沉沉醜長溪之沸沸徒觀夫老鴨咸

集麥禾山積碓臼相直齒牙相切碾磨更易晝夜不息洶洶浩浩碎碎礪礪鼓浪揚波交相觸擊飛屑起濤雪翻水析仰而觀之何天輪之左旋覆轆膠戾蟻行分寸遲速間隔俯

而察之何地軸之右行消息幹連檣撐挺拔千匝萬轉而不差忒逆而視之修渠繩直高峴壁立法法漾漾澆澆澆澆如砥之平如練之明忽然走下若衆壑之赴禹門也順而索

之盈科後進遇險斯止湫湫澹澹成文布理在澄淵默乃見柔德力盡而休功成而退若君子之善出處也彼華山三峰之飛瀑呂梁百步之噴沫獨有貪心之玩曾無利物之實

未若斯磨也不踰尋丈之間不履一夫之力曾崇朝之久而可給千人之食如是則驢馬不用麥城任職農夫力穡知者圖焉故君子役其知小人享其利真為一鄉之賴豈止一

家之事買生曰水激則悍矢激則遠萬物回薄震蕩相轉孔子觀於川流莊生監於止水因是會理是為道紀

附聞汀舉人陳琚繁鎮原田事說其辭曰天下之事天地尸其半而人為尸其半故曰輔相天地之道裁成萬物之宜又曰知者利物巧者述之所以作事曰趨於簡密用力少而

見功多也昔者制作之聖人皆生西北故耒耜曰杵井疆溝洫以贖糴氏祚氏草人之屬至纘至悉靡不具備其載於雅籍者皆詠西北之田畝而東南無聞焉厥後唐宋以來揚州財賦甲於天下始於禹貢所分田等不侔即今之物地者亦未有不以東南爲奧區西北爲瘠壤也此其故何哉余以爲有三弊焉水利不興農器不備耕耘之失其術也然執是說以語人必且謂地氣之限周禮已詳言之如雍梁授高燥之產荆揚殖卑溼之禾各有所宜未可一律至於農器不備耕耘失術則民間世服先疇勿改高曾豈必古則是而今則非耶雖然此非余之私言也昔蘇子由謂一方之所有皆足以備養生送死之具暨過唐鄧汝穎陳蔡許洛間見山林藪澤之所生往往與古不類此在中州已然矣蔡仲默謂冀州之時當舜之世未必荒落如此顧安人謂天地之氣自西北而東南日趨日闕而猶未已之三說者洵信而有徵則吾之言西北異於昔時非謬矣而吾所謂三弊者亦得而詳之矣夫所謂水利不興者非謂必能使高陂荒頃皆爲澤田也正以西北之田其濱於水者不少也昔史起導漳於鄴渠鄭國漑鹵於秦渠白公借灌於涇水馬援引流於洮河皆西北方也今臨涇一邑自涇河而外尙有茹水蒲川朝那太洋九龍三川之沮洳神漢使用以南方水車諸法則激而行之可使在山何況近渠之地夫漳水在旁西門豹不知用是不知也又魏呈潤曰雨者水氣所化水利修亦致雨之術也陳堯叟曰水田既興蟲蕃亦少又曰陸田命操於天水田命操於人是一舉而衆善備焉今之水部閒曠殊可惜也所謂農器不備者詩曰粵粵良耜言嚴利也又曰其鍤斯趙言深刻也曰其耕澤澤言用力而土解也今按西邊所用田器與南方迥殊南方一犁一耙必深至四五寸此地

則輕剝鈍禿及於土皮而止竊意古人所云一耦之伐六寸之耨今皆漸趨安逸樂爲簡便只聞叱犢之聲罕見力作之實此耕之不深禾之所以易稿也至於耕耘之失其術者昔崔實政論謂三輔左右暨涼州內厥田宜稼悉不墾闢余竊疑之今觀鎮邑白土黃壤綿亘瀟漫如蹲鴟蒜蒺地瓜果山薯禹餘糧之類隨地可種而皆無所事事又如臨涇一帶卽昔昆夷之地古者省山啓關惟患木多今則一望濯濯矣夫槐衛柳衛表蔭行人且也棗柿之利足備荒歉杞棘之屬可供薪柴故齊梁之名宦洪宣之明詔無不以栽植爲要務失此十年之利憚於舉手之勞非農桑相屬之旨矣至於牛羊糞貉之糞所謂百昌皆出於土皆入於土故能蕃息無窮今於美土疆之大者不事研求而徒望地媪之孕育地力幾何欲其逐年一本以盆鼓百蔬以澤量此香秬所以不香而柔菜所以不柔也此皆耕耘之失其術也余故曰西北之異於東南者有三弊也或又曰儒者好談物理而不中事情按古書而不通今俗夫虛言誠無當也今更以實效之卓有可見者言之宋臨津令黃懋上書自言身爲閩人習於農事閩地緣山導泉倍費功力今河北險塘甚多其功易就帝從之乃於雄霸等州輿堰六百里置斗門引定水初年種稻霜早不成次年大熟至今之崔蒲蜃蛤充斥盈溢此宋時西北用南方之農法也元虞集上言京師之東用浙人之法築堤捍水爲田可以大稔其後丞相脫脫自西山南至保定河間北抵檀順東至遷民鎮悉從立法佃種合用牛具工價農器穀種給鈔五百貫又於江南招募一千名爲農師分以九品八品七品之職歲歲豐登此元時西北用南人之農法也前明邱文莊曰西北故稱沃壤乃今一望荒蕪豈土膏與古殊哉水利不興而民無畜洩也江應龍曰潞水

客談開載西北水利會於豐潤玉田等處開田萬有餘畝收穫不減南方此明時做南方農法之效也合觀諸說大抵不越乎水利而南人之善耕亦見焉斯豈有易於吾三者之說哉雖然余於己未車行至山東見大憲榜示興水田修農務等事告諭諄諄切詳明而卒莫之應竟如張橫渠之議井田咸以爲迂闊而置之此其故何也則綱於俗習而狃於便安也夫無恢闢之見者難與創非常之原急目前之利者難與論百年之澤彼崔實堯叟子由虞集諸人豈爲博望之鑿空哉卽日爲鑿空之論而觀史起鄭國諸人之效如彼脫脫黃憇江應龍諸人之效又如此夫亦可奮然興罷然悟矣抑又聞之史載河津等處渠不利田而唐人長孫恕鑿漑世世永賴然則古人謂天下大勢之所趨天地鬼神不能易而易之者人也其語良有見矣故曰天下之事天地尸其半而人爲尸其半

案三說之弊邑中實有之然云水利不興者邑中水地甚尠卽間有可水之地而不知用水其弊也所云農器不備者由民貧無力所用牛小耕犁不深然有力之家工人以時偷閒其弊也所云耕耘失術者隨地所宜以時布種其他非邑水產者種多鮮利然荒山童禿薪費如桂而不知種樹兼之不善糞田其弊也其餘屈於地勢亦有未可相責者姑錄之以示儆

惕云爾

--	--	--	--	--	--	--	--	--	--

司法

縣府檔案中最足窺見社會情態者莫如獄訟近十年以來人民爲盜案若干事爲姦案若干事爲爭產案若干事爲索債案若干事續修縣志宜悉搜羅而整理至某事之特殊性質若何特殊之經過若何其判決後之影響若何尤宜詳予紀載爲有司前車之鑒其庶乎明德慎罰之義也

承審員未設以前之司法

行政官廳未設司法分署地方知事兼理訴訟一切文件關乎法律者居多世不患無知法之人患在知法之人以法爲市於是法之中又有法輕者重之重者輕之曲者直之直者曲之而猶曰法如此將誰欺乎夫法必有一界

界之左主左伸界之右主右伸邑之人民不求左之至乎右而常使右之無以至乎左則平平則法常立民亦受制於法而無怨言然或法所得爲而不敢爲法所不得爲而冒爲之或過或不及均非法之平也

現在之司法

吾國之有法學自清光緒三十二年七月始由刑部侍郎歸安沈家本奏准設立京師法律學堂校址在北平宣武門內象坊橋建築奇偉規模宏大其大講堂可容五百人民初衆議院卽其舊址當時報考學員皆京外職官蓋急欲造就審判人才而收回領事裁判權也其刑法教員爲東瀛法學大家剛田朝太郎授民法者爲松崗自此以後成爲大學之專門於是改刑部爲

法部各省改按察使爲提法使其審判機關則設各高等地方初級等審判廳最高者爲大理院司法獨立之形式自此粗備民十九年改審判廳爲法院十二年於各縣設司法公署置審判官一員專理民事訴訟縣長兼檢察官於刑事第一審及偵查證據提起公訴送達審判官判決執行隴東各縣設立過半獨鎮原尙付闕如至本年始由高等法院委一承審官來縣司法獨立尙須有待

監獄學爲法學中之一部緣歐西各國法學之進化其心理與古代不同監獄之設置對於罪囚寓有一種感化教育之意故一切待遇應如何周恤戒護管理應如何嚴密衛生清潔應如何講求疾痛疴恙應如何診治教誨勸

導應如何啓迪作業工藝應如何提倡及一切獎懲方法種種設施與舊日
禁錮牢囚不同故司典獄者非有專門學術弗克勝任清制管獄官在省曰
按司獄在府曰府司獄在州曰吏目在縣曰典史民初改縣典史爲管獄員
邑之任斯職者皆未嘗具有專門學識其姓名詳列官吏表
外縣監獄黑暗幾不見天地小又不足以回旋犯人宣告死刑後靜候執行
其他重要要件獄卒受仇家重賂百計苦之至足不躡地身不貼席束縛不
令如廁壁上臭蟲與禪中蛆蟲蠕蠕噉股髀此時求死不得雖有囚糧殊惡
劣不能下咽監獄之苦未有甚於甘肅者也鎮原監獄已改良矣

附錄袁大總統關於司法之命令其文曰司法獨立爲萬國共由之大義欲進國家於法
治宜懸此鵠以期成本大總統昔任疆圉首爲提倡黽勉訖今不減此志願深維司法

獨立之本意任使法官當審判之際準據法律返循良心以行判決而干涉與請託無所
措施斯明怒之實克舉而治理之效乃彰然必法官之品格學識經驗確堪勝任人才既
足以分配財力尤足以因應然後措施裕如基礎鞏固建國以來百政草創日不暇給新
舊法律修訂未完或法規與禮俗相戾反資奸邪或程序事實不調徒增苛擾大本未立
民惑已滋况法官之養成者既乏其擇用之也又不精政費支絀養廉不周下網濫竿貪
婪踵起甚則律師交相狼狽舞文甚於吏胥鄉鄰多所瞻徇執訊大乖平恕宿案疊積怨
讟繁興道路所聞心目具怵夫民之爲道也善者多懦弱而惡者多強暴有法律以範圍
之乃可以相安倘法官不足以保障人民則惡凌善強凌弱而天下亂矣民有冤抑痛苦
切膚官不能理失業喪家覆盆銜冤恨切骨則人心去矣故孔子曰刑罰不中則民無
所措手足夫民至於無所措手足而國家尤能全安未之聞也今京外法官其富有學養
忠勤舉職者固不乏人而昏庸尸位操守難信者亦所在多有往往顯拂輿情玩視民瘼
然猶濫享保障之權儼以神聖自命遂使保民之機關者作殘民之憑藉豈國家厲行司
法之本意哉本大總統博訪輿論怒焉疚心思濼穢暇相與更始今據司法總長梁啟超
稱陳現狀窮究病源條擬數端力圖整頓意在厲行試驗以杜倖進嚴定考績以汰不職
迴避本省以免瞻徇約束律師以防朋比並得委任縣知事兼理司法以期變通官民速
編布各種司法法規以期完善適用凡所計畫具見周詳宜即實行以觀後效其編改法
規一事即由該總長詳加慎訂日期成世界法理固當熟參本國習慣尤宜致意法院未
立之地使知事兼司審檢允屬權宜救濟之計應飭令各省民政長官會同高等審檢長

揆度情形分別劃改仍由該總長妥議監督辦法俾兼任者得有率循至於嚴法官之選擇實所以保法院之威嚴未容援保障以爲護符致考績失其效用又凡欲一政之興必須量財力所逮否則舉鼎絕贖徒廢於半途畫餅充饑何裨於實效應由該總長悉心籌畫將現在人才與財政所能及者妥爲分酌定出必要經費之限度由國稅廳確籌照撥其在任之法官與夫授委兼理司法之縣知事所有執行審判事項務宜責令嚴守法規據理判斷其有軍人及高級長官濫用法理職權妄圖干涉者或地方紳士假託團體名義請託要脅者一經訪實概予重懲則獨立精神何患不舉本大總統外觀世運內審國情謂司法獨立之大義既始終必當堅持而法曹現在之弊端尤頃刻不容坐視該總長其督勵所屬咸與維新庶以全法治於有終定民志於未渙豈惟法界之強亦抑國家之庶也

管子治齊首主法律以此創業垂統則中主可以持國矣其內業篇乃云賞不足以勸善刑不足以懲過意氣得而天下服心意定而天下聽過化存神壹至此乎然則國士巨材固有超軼法律以上者然周書大開武解淫文破典典不式教民乃不類淫權破故故不法官民乃無法大匡解明堂所以明道明道惟

法法人惟重老重老惟寶然則法律必保之使不破壞亦必咨乎故老以爲準
繩司法者其亦知所從事乎

--	--	--	--	--	--	--	--	--	--	--	--

賑恤

史記以賑貧民後漢書賑贍孤寡前清二百餘年君臨天下者愛養黎元稟
恤貧民惟恐薄海內外有一夫不獲其所邊徼衝疲之地尤所屢念不惜沛
恩施於常格之外往往豁免錢糧諭旨所頒歡聲雷動實惠均霑矣鎮原土
瘠民貧民十五年以後頻歲軍興嗣復年遭亢旱省政府派員賑濟杯水車
薪所得無幾民間元氣未能遽復加意培養是所望於慈惠之師

清

順治三年豁免荒糧萬餘石並免今年租稅

十八年蠲免錢糧

康熙元年今年租稅全免

三十一年豁免逋欠又賑濟

五十一年豁免錢糧

五十八年豁免錢糧

雍正元年豁免錢糧並蠲從前各年逋欠

九年錢糧每兩蠲五錢二分並免八年逋欠

乾隆元年蠲免正賦錢糧一半

十一年錢糧普行蠲免

二十四年因辦理過境軍需錢糧蠲免二分

三十六年錢糧普行蠲免

四十二年蠲免蠲免四十二年錢糧

四十八年租稅全免並賑濟

嘉慶元年錢糧蠲免三分

三年正賦全免

六年旱賑濟並蠲免額賦

八年錢糧蠲免十分之五

二十三年水災依急救之例賑濟

道光元年蠲免錢糧

七年因協濟通州兵差蠲免六七兩年錢糧十分之六又蠲免以前一切逋欠

十五年蠲免十年以前民欠並正賦錢糧

二十五年蠲免二十年以前民欠並額賦錢糧

民國

民國肇造首重賑卹中央設賑濟會以許世英主其事甘省亦設賑務會各縣均設分會鎮原十七年因旱成災十八年一月由華洋義賑會撥給賑款二千元議決以工代賑補修城垣公推任瑞琳爲總經理十八年匪旱成災民不聊生由省賑會先撥急賑三千元于四月十五日按九區災民分上中

下三等散放十二月由省賑會委王振華帶款五千元于十九年三月會同縣府調查全縣急貧次貧兩等災民分別散放十九年因匪災五分旱災八分鼠災三分雹災三分呈報二十年元月由省賑會撥來新疆金主席特捐賑款八百元由縣府散放氈衣一百五十套合洋一百五十元散放特賑六百五十元十一月由省賑會監視員帶急賑二千元會同分會調查明確分別等次散放自此國難發生而甘省年稱中稔中央專顧東北戰區災民矣

富家之賑恤

徐世昌曰就中國一般社會論周急濟貧樂善好施幾視爲富人唯一之天

職自古歷史所記小說所載戲劇所演詩歌所詠凡以陶成我國民此等心理者不遑枚舉且因側重家族制度之故戚族間之患難相助有無相通更視爲應盡之義務較諸歐美諸國以父子夫婦之親而可以不同產者相差不啻雲泥雖國民之獨立性不免因之而減損依賴性不免因之而助長其富有力者亦每因戚族之深累以致中途躓蹶難期大成弊之所及大爲進化之梗然隱隱中實和緩貧富問題於不少蓋各國借政府一部他動之力採行國家社會政策欲以維持社會而未足者吾乃借全國社會自身之力沿用古來家族制度藉以維持社會而有餘也

計政

西魏大統十年秋七月更權衡度量又以宇文泰前後所上二四條及十二條新制定為中興永式命尙書蘇綽更損益之總為五卷頒於天下民國初北政府設通國權衡度量總局亦未見實行甘肅度量衡自為風氣甚不一致即以省城而論有比官裁尺小一寸者有二斤作一斤者有百斤加三十斤者省城如此况外縣乎述計政

鐵尺

清末邑人有在上中得鐵尺識之者曰此西魏尺也

案西魏未得玉尺之前用市尺比玉尺一尺九分三釐蘇綽因玉尺造鐵尺後周用之其後為隋開皇官尺也

莽權 民國十八年定西縣民人在嶠口驛山中莽權一套國民軍購存教育館

民政志

計政

案隋開皇初京師穿地得鑄秤權有銘云始皇時量器丞相隗狀王綰二人列名其作狀
邈之字時令校寫親所按驗王邵亦云然甘肅新出土之秤權仿照秦權以紅銅爲之上
有銘長五尺餘寬不及三寸厚
約五分頒行九州全國一律

唐代之度量衡

唐六典凡度以北方秬黍中者一黍之廣爲分十分爲寸十寸爲尺一尺二
寸爲大尺十尺爲丈凡量以秬黍中者爲一千二百黍爲龠二龠爲合十合
爲升十升爲斗三斗爲大斗十斗爲斛凡權衡以秬黍中者百黍之重爲銖
二十四銖爲兩三兩爲大兩十六兩爲斤凡積秬黍爲度量權衡者調鍾律
測晷景合湯藥及冠冕之制則用之內外官司悉用大者按唐時權量是古
今小大並行太史太常太醫用古他有司皆有今則其今者通行而古者廢

矣

鎮原所用之度量衡

度以官裁尺為準窮鄉小戶或手按之大致亦不甚差至丈量則用公尺公

尺者公家所定故名

案邑中土工以裁尺之七寸為一尺木工以裁尺八寸為一尺習俗相沿已久恐一時未能改易也

鄉間度田之法

田以畝計起自黃帝唐高祖定度田之法五尺為步二百四十步為畝百畝

為一頃邑人量地不用尺以方方六十步為一畝田不盡方長短圓斜以此

折算賣買雙方均無異辭

量以斗計算每斗重三十二斤亦有用升處鎮原糧三斗合蘭州市斗之一可謂小矣

衡以十六兩爲一斤城鄉一律並無畸輕畸重之殊

建設廳之計劃

度量衡爲一日不可少之物甘肅各地形式大小甚爲複雜奸商而外無人不感困難急應規定標準限期統一詳查情形其適中易於推行者似以庫平營造尺倉斗爲宜推行次序以衡爲先度量次之均由省城先行漸及各縣前實廳擬設之製秤事務所應由建設廳積極成立限本年年底俾省城一律通用新稱依次推行

現行之度量衡

民國二十年奉建廳轉省府令准工商部咨公用度量衡限本年底完成劃一以爲民用度量衡劃一之倡導凡公文函件刊物有關於度量衡單位名稱自二十年一月起一律改用標準制如私人交易買賣不能逕用標準制者亦須以市用制折合祇因年來軍費緊迫不遑及此迄今尙未實行茲將其標準制列下

公尺爲單位合市尺爲三尺卽公尺三分之一分寸以此類推

案民國權度法所定尺制有兩種一曰營造尺卽前清畫一度制之尺曰公尺卽法國之米突尺皆官尺也法國長度之單位爲地球子午周四千萬分之一亦譯密達又作邁當略號作咪或作枳民國權度法採用英國權度通制所謂公尺卽米突也合營造尺三一二五尺

公里一千公尺爲一公里一千五百市尺爲一市里

公畝土地面積以一百平方公尺爲一公畝以六千平方市尺爲一市畝公

升與市升同

案漢書律歷志量多少者不失圭撮量起於黃帝之龠合龠爲合十合爲升十升爲斗十斗爲斛禮記月令角斗角正權概注角今斛也概執以平量器者官斛始於宋口狹底廣民開不常用

公斤以斤爲單位每公斤合市斤二斤一千公斤爲一公噸

案公斤係以十進非市斤以十六進也故一公兩爲市兩三兩二錢其錢分釐皆以三二因之

甘肅之新度量衡

建設廳廳長許顯時爲劃一本省度量衡起見特製定甲組度量衡標本二

十份乙組度量衡標本八十份分發省垣各機關及各縣政府存備參考以便推行其推行擬分二期第一期自民國二十四年元月一日起至六月三十日止從事調查各縣舊度量衡數量以資統計並印刷傳單派員切實宣傳新度量衡之利益以期民衆明瞭第二期自七月一日起至十二月三十一日止成立各縣度量衡檢定所從事檢定工作云

慕少堂曰漢書律歷志凡律度量衡用銅者所以同天下齊風俗也後漢書第五倫傳倫領長安市平銓衡正斗斛市無阿枉銓稱也稱物平輕重也唐書李石傳帝曰天下之勢猶持衡然此首重則彼尾輕矣縣之度量衡甚不一致可不速爲檢定哉

附縣長鄒介民擬訂實行民政各辦法及事實

一 倉儲

查鎮原縣縣倉自十九年以還已顆粒無存雖奉迭令催辦而歷任縣長均以匪旱交加十室九空未能奉行刻下兩場時若民食稍裕介民曾會同建設廳倉儲視察員劉銳會呈先行勸募麥子糜子共貳百石作為縣倉基礎刻正勸募此後並擬責令各鄉長於麥穀登場之時向民間勸募以資充實倉儲在個人所出則杯水涓滴自無難色而於倉儲集腋成裘較有成效

二 剪髮放足

鎮原地處偏僻民智較塞故男子蓄辮女子裹足之風至今未革際此新生活推進之時人民健康及觀瞻極為重要介民赴各鄉視察時隨地宣講並令各鄉鎮當地團隊組織宣傳剪髮放足除遇有蓄辮男子幼年裹足女子先以誠懇之開導使其自行剪髮放足如再不從當用強迫手段

三 修路栽樹

查鎮原縣至平涼涇川西峯鎮固原各道路多深澗高坡及騎行亦極感困難介民到任之始時正冬令一路冰滑難行甚覺危險二十四年春平涼會議完畢縣長即親赴四鄉視察所有道路盡皆如此介民當即嚴令各鄉長乘此農隙即速召集民夫分段興修車路並在路旁植樹刻下已由縣城至慶陽界至平涼界至涇川界至固原界各段大致趕修完成惟各段沿路之深澗高坡工程不易非有專門設計不為功現在免可通行大車但較危險至各該縣境內如亦能速修則大車將來可直達各該縣城介民同時並責令各鄉於已修之路傍隨時由田主植樹其荒山荒地亦勸民衆從速多栽樹木現擬就地地方情形規定保護辦法及處罰辦法佈告民衆以期共同遵守

四 改修河道

查鎮原縣城南茹水河道（又名好水）發源於固原每至夏秋山洪暴發水勢洶湧以致南門堤岸歷年冲塌今已迫近城根（河道與城根相離不及三丈）城垣岌岌可危亟應將河改道以保安全惟工程浩大故於平涼縣長會議時提出懇請撥款改濬當蒙發交建廳核辦至計劃圖說前已呈報建廳在案

五 教育

鎮原教育較為落後全縣計高小六處初小三十六處介民到任後總共全年教育經費不及七千元高小每校經費每年為三百元初小為九十元其剩餘之數則僅為維持教

育行政及社會教育之費良好教師固無從聘請而教材缺乏亦無力添補即此徵數實不供各教職員衣食之費何暇努力刷新教育故介民於平涼會議時與各案同時提出要求增撥教費當蒙發交教廳核辦刻下縣府進行編查保甲所有全縣學齡兒童數目正在調查中

六保甲

鎮原本年春編爲一鎮八鄉全縣爲貳百伍拾叁保二千二百六十六甲二萬一千七百戶公共處所六十四處寺廟三百三十處男共計八萬三千八百七十口女六萬七千三百四十八口共計男女一十五萬一千七百零四口內識字男二萬二千九百八十一口女六十五口壯丁男一萬三千零八十二口

七城工

查鎮原縣原係土城形似燈盞坐北向南內包兩山一名玉皇山一名無量山計長七里二百四十弓民國九年地震後坍塌不堪十九年前縣長蘇天民呈准撥款修理始將各方面以及女牆補修完竣二十三年秋東南角水洞忽陷城垣圯十餘丈經前縣長錢史彤修理惜工竣冰凍土質不堅本年五月洞口坍塌縣長鄒介民復招集各機關設法修理月餘始行完竣近又將城根損處一律補修並將女牆按照寬處築以內牆以資掩護再蕭屯二鎮原有土城各一處飭令該鄉長加意補修至北三鎮孟太馬以及南三鎮

民政志 實行民政各辦法

五十一

蘭州俊華印書館排印

新平中各鄉介民親詣計劃地址並派員協同鄉長招集民夫各築土城一處均已動工

八 礮樓礮堡

查鎮原縣多係山坡礮樓地址短少近奉令後當於蕭金鄉東三不同築一礮樓並於東南涇川界鵬家咀修築兩座城內兩北山各築一座至堡寨一層近年匪患頻仍民間多已築就因未得法尙不完竣今派員協同鄉長按照各保原有堡寨指示補修或一二保或兩三保暫共一堡寨權濟目前一面再構築礮網以符功令

九 修建倉廩

縣府東偏舊有破爛倉廩五間瓦頂牆壁於五月三十日修整完畢惟內部地板前為兵匪毀壞所存無幾經縣長鄒介民購板補修兩廩可容倉斗糧千餘石暫資收儲首先由縣長鄒介民捐俸購買倉斗小麥糜子各二十石以為提倡並勸募各鄉殷實之家共捐夏秋糧各一百石旋因轉運困難四郊多壘其上倉者現有三十餘石餘陸續催交經縣務會議公推地方公款委員會收款員潘萬通教育局督學劉慕藜商務會委員李錦棠縣府第三科一等科員張鼎銘四人為經管員定名為鎮原縣縣倉其餘一鎮八鄉擬各建一倉每倉各建六廩每廩以容夏秋糧壹千石為度連同縣倉共有五十九廩即容五萬九千石儲滿之後可供全縣人民四個月之食用

十人民服役

二十四年四月奉省府明令頒發人民服役辦法一十六條並迭奉明令電催於本年冬起逐年實行著爲定例嚴飭按照當地情形規定施工時期及施工計劃限日呈復鎮原擬定每年二月十五至三月十五一個月及十一月十五至十二月三十日一個月全年兩個半月爲施工日期施工計劃則擬訂建築公路七橋建築鄉鎮倉廩及補築沿河城基諸事其建築方法暨辦事細則並圖說均經詳擬呈費建設廳在案

事實

一鎮原除縣城及蕭金屯子兩鎮舊有城垣外其餘南三鎮平泉新城中原暨北三鎮孟塢太平馬渠等鄉均無城堡時當防共之際殊不足以資自衛縣長鄒介民親往各鄉鎮勸諭並指導人民一律建築合法之堡寨使人民有藏匿糧食牲畜之處以收古人堅壁清野之實效刻下各鄉鎮正在積極動工約二十四年九月十月間即可完全竣事

又縣城建於北山中隔茹水與南山相距甚近敵人如在南攻擊守城之兵即不能立足現擬加築內溝牆數十段守兵可向外射擊庶無後顧之虞

一開鑿惠民泉縣西門外山麓有煖泉全城飲料賴之惟泉與路平人畜踐踏污穢漫入水不甚潔煖泉之北數十武另有小泉高約五六尺味甚甘縣長鄒介民在泉之旁另

民政志 實行民政各辦法

一五

蘭州俊華印書館排印

鑿一池每日親自督工泉成
人民爭相取汲名曰惠民

一縣城東南隅有水洞洞口之外有蓄水池原以緩水激流之勢而固城基去歲錢縣長
史彤監修及竣工時業已冰凍本年連降大雨又復沖圮縣長鄒介民遂與縣黨部祁
中堂教育局賈秉機公安局黨效賢公委會張履祥公議重建選名匠張某包修並
聘劉渥恩督工數旬而工竣又於池之四週及沿城根植楊柳百十株皆已成活

一查辦理保甲清查戶口實為民衆自衛之基本遏滅亂萌之急務縣長鄒介民於二十
四年元月二十一日接任後即親赴各鄉鎮對民衆竭誠宣傳實地調查於六月間始
克完竣計全縣編組一鎮八鄉曰臨涇鎮鎮長陳棠曰屯子鄉鄉長李世棟曰蕭金鄉
鄉長劉葆光曰孟塋鄉鄉長路遇德曰太平鄉鄉長寇秉仁曰馬渠鄉鄉長常鴻儒曰
平泉鄉鄉長朱昌明曰新城鄉鄉長王耀曰中原鄉鄉長劉興儒計編二百五十三保
二千二百六十六甲二萬一千七百戶男八萬三千八百七十七女六萬七千三百四
十八口編壯丁隊一
萬一千二百八十八名

重修鎮原縣志卷之七

財賦志

周官計口授田而賦役隨之蓋國之經費於是乎出雖唐虞三代不能舉正供而蠲之也歷代取下之法不一清準明魚鱗黃冊爲丁稅地稅而蠲免逃荒務從薄斂可謂仁矣第邑地多山澗陡坡且年來旱潦不時兼之胥役常費里戶外差往往正賦未輸而已坐困矣長民者思所以善其後焉可

明

(平涼府志)夏地壹千壹百貳拾壹頃肆拾壹畝有奇

李志云玖百陸拾陸頃叁拾伍畝零柒釐

糧伍千陸百柒石柒升有奇拋荒免伍拾叁石叁斗捌升有奇實徵伍千伍

財賦志

蘭州俊華印書館排印

百仇拾叁石陸斗玖升有奇

李志云伍千肆百肆拾壹石叁斗
貳升玖合柒勺陸秒伍撮陸圭

秋地貳千玖百壹拾陸頃柒拾捌畝有奇

李志云貳千捌百伍拾頃
玖拾畝柒分肆釐陸毫

糧貳萬玖千壹百陸拾柒石捌斗捌升有奇拋荒免叁百貳拾柒石貳斗實

徵貳萬捌千捌百肆拾石陸斗有奇

李志云貳萬捌千陸百肆拾柒石
叁升貳勺玖秒貳撮肆圭陸粟

草叁萬陸千伍拾陸束

李志云叁萬陸千
肆百伍拾玖束

案府志又載明原額叁萬柒千柒百零成化末大饑戶口大耗時知縣徐鏞請蠲夏糧
壹千柒拾壹石叁斗玖升零秋糧捌千伍百貳石壹斗零草捌千玖百束有奇嘉靖柒
年又大饑參政羅公以西土頗稔乃止準今拋荒之數而以徐公所遺者名為召人承
田減半科徵以實固原靖虜邊食折銀脚費尤重地高乾瘠川濤峻駛崩漂尤甚貧餒
死徙無他生業
而耗亡過半矣

清

(賦役全書)原額折正一等民地叁萬柒千叁百叁頃伍拾壹畝叁分肆釐
額徵本色糧壹千貳百捌拾玖石貳斗玖升陸合玖勺伍抄陸撮伍圭共徵
折色糧叁萬叁千壹百肆石玖斗柒升柒勺壹抄壹撮伍圭共折徵銀叁萬
壹千玖百陸拾陸兩肆錢伍分柒釐柒毫玖絲捌微內除奉旨豁免荒地叁
萬貳千肆百貳頃肆拾壹畝叁分壹釐壹毫柒絲本折糧貳萬柒千柒百玖
拾石壹斗柒升陸合捌勺捌抄貳撮伍圭玖粒貳顆內本色起運糧肆百叁
石柒斗伍升伍合伍勺柒抄叁撮柒圭伍粟玖粒肆顆本色官學倉糧陸百
叁拾柒石玖斗柒升肆合陸勺玖抄玖撮捌圭柒粟玖顆該折銀肆百叁拾

伍兩玖錢五分貳釐貳毫捌絲捌忽伍微玖纖伍塵貳漠折色糧貳萬陸千
 柒百肆拾捌石肆斗肆升陸合陸勺捌撮捌圭柒粟伍粒玖顆折色銀貳萬
 伍千捌百貳拾貳兩肆錢伍分肆釐玖毫柒絲叁忽肆微陸纖壹塵肆渺貳
 漠

實熟並開墾共地肆千玖百壹頃壹拾畝貳釐捌毫叁絲 每畝徵本色糧貳勺
貳杪陸撮伍圭柒粟

柒粒貳顆徵折色銀壹分肆釐
捌毫叁絲叁微貳塵叁渺柒末 額徵本色糧玖拾陸石貳斗肆升肆合肆勺貳

杪陸撮捌忽柒微肆纖叁塵伍渺陸漠

(補志)道光二十五年墾開荒蕪額銀共壹伯玖拾兩捌錢肆釐伍毫伍絲

叁塵伍漠

丁賦

(張志)原額均徭銀壹百捌兩捌錢肆分貳釐陸毫陸絲除去荒該銀捌拾陸兩玖錢貳分肆釐玖毫壹絲陸忽叁微伍纖柒塵捌渺

實徵銀貳拾壹兩玖錢壹分柒釐柒毫肆絲貳忽陸微肆纖貳塵貳渺

地丁

賦役全書原額人丁三門九則共折下下丁壹萬伍千捌百捌拾肆除優免肆百伍拾肆丁實行差丁壹萬伍千肆百貳拾陸

額徵銀叁千叁百玖拾壹兩貳分奉旨免

過逃亡玖千肆百貳拾柒丁內節年招回並審出丁貳百玖拾柒實活俱折

下下門陸千叁百玖拾陸丁

每丁徵銀貳錢叁分貳釐柒毫玖絲壹微伍
纖玖塵每丁遇閏加銀壹分壹釐陸毫陸絲

額徵銀壹千肆百玖拾陸兩貳錢捌釐玖毫伍絲玖忽柒微柒纖陸塵

遇閏
加銀

柒拾肆兩伍錢柒
分柒釐伍毫陸絲

以上折色均徭丁銀共徵銀柒千捌百貳拾貳兩壹錢壹分柒釐伍毫壹

忽貳微肆纖貳塵壹渺

(縣册)乾隆陸年並乾隆拾壹拾陸等年叁次編審出幼丁攤補減除屯重

丁銀自乾隆捌年及拾叁拾捌等年入額銀貳百貳拾肆兩伍分肆釐捌毫

伍絲叁忽肆微捌纖柒塵玖渺玖漠

起運

(張志)額解地丁起運銀陸千捌百壹拾貳兩陸錢捌分叁釐壹毫捌絲陸忽壹微玖纖叁塵陸渺柒漢自康熙三十一年裁扣歸餉本邑原受協西鳳貳府渭南岐山貳縣驛站兌留兵餉支驛銀壹千貳拾伍兩伍錢叁分實解銀伍千柒百捌拾柒兩壹錢伍分叁釐壹毫捌絲陸忽壹微玖纖叁塵陸渺

柒漢

(縣冊)各案奉裁燈夫舖司民壯募夫工食等項共銀壹百肆拾貳兩貳錢玖分玖釐柒毫貳絲玖忽伍微叁纖貳塵叁渺叁漢 又乾隆貳拾壹年在

於遵旨議奏事

案內奉裁白水驛驛丞俸工銀壹拾肆兩壹錢叁分柒毫柒絲伍忽歸入起運訖 又於乾隆貳拾肆年奉裁訓導俸銀伍兩壹錢壹分柒釐貳毫壹絲伍微

財賦志 屯糧

蘭州俊華印書館排印

解藥脚價盤費銀叁兩肆錢陸分玖釐玖毫柒絲陸忽柒微

存留

(縣册)站支銀壹千肆百叁拾捌兩陸錢捌分壹釐玖毫貳絲伍忽叁微叁

塵肆渺叁漢

查白水驛乾隆捌年改歸平涼縣管理夫馬工料每年仍於鎮原存留項下支給

收匠價攤入地糧銀肆拾兩玖分伍釐

經費銀叁百伍拾貳兩叁錢柒分捌釐叁絲捌忽貳微陸纖陸塵

詳官制內

雜支銀貳百捌兩捌錢伍分貳釐捌毫玖絲柒忽

案雜支即春秋祭祀鄉飲酒醴各舖司兵孤貧口糧花布之類

不備載

雜稅

(縣册)各項課程銀

四季無額牲畜稅銀貳拾叁兩零

現在牲畜稅全年包規
財政廳規定柒千元

屯衛

明於各衛屯田當時屯軍擾民病國未見所利清革明命按地折糧以充軍費可謂善矣然邑之屯糧完常不及十分之三長吏累於考成往往墊報其故何也良由糧石輕重不均且地薄寡收又地半他售仍以軍名應差率包糧自肥兼肥胥役官斯土者宜詳請折色輸銀仍編入豐舒樂廣等里聽其過割如此則官民兩便又何至有逗遛不輸之弊也哉

(縣册)雍正伍年平涼衛改歸縣屬 原額屯地壹千柒拾叁頃玖拾壹畝

每畝科
則不等

共徵本色糧陸千叁百陸拾柒石貳斗捌升柒合貳勺貳抄陸撮陸粟各徵銀不等

共徵地畝草價銀貳百玖拾兩叁錢伍分壹釐捌毫肆絲玖忽壹微肆纖貳

塵伍渺叁漠內除免過荒地陸百捌拾伍頃叁拾柒畝應免糧叁千捌百玖

拾玖石肆升伍合叁勺貳抄陸撮陸粟地畝草價銀壹百肆拾兩伍錢柒分

捌釐陸毫捌絲貳忽肆微捌纖伍塵捌渺壹漠

實熟并開墾地叁百捌拾叁頃伍拾肆畝應徵本色糧貳千肆百陸拾捌石

貳斗肆升壹合玖勺地畝草價銀壹百伍拾肆兩柒錢柒分叁釐壹毫陸絲

陸忽陸微伍纖陸塵柒渺柒漠

原額實在屯丁柴百叁拾陸共徵銀肆拾陸兩叁錢陸分捌釐雍正五年以糧載丁案內將前項丁銀停徵按糧銀均載丁銀肆百肆拾壹兩伍錢壹分陸釐捌毫伍絲壹忽叁微叁纖貳塵伍渺玖漠於乾隆元年照數豁除銀叁百玖拾伍兩壹錢肆分捌釐捌毫伍絲壹忽貳微叁纖貳塵伍渺玖漠仍照原額實徵屯丁銀肆拾陸兩叁錢陸分捌釐

以上貳項實徵起運屯丁草價銀貳百壹兩壹錢肆分壹釐壹毫陸絲陸忽陸微伍纖陸塵柒渺貳漠內除緩徵銀叁錢壹分柒釐肆毫肆絲玖忽陸微伍纖陸塵柒渺貳漠止該銀貳百兩捌錢貳分叁釐柒毫壹絲柒忽實徵本色屯糧貳千肆百陸拾捌石貳斗肆升壹合玖勺內除冲壓緩徵糧伍石肆

合止該糧貳千肆百陸拾叁石貳斗叁升柒合玖勺

鹽課

以引與商而取其值亦任土作貢之義鎮原鹽課始而招商課隨商入民病食鹽繼而商困因糧攤課吏利誅求兩者俱病宜何道之從也然官徵既久而民不困於爲商則亦既甘之矣牧民者斂從其薄焉可也

(甘肅鹽法誌) 鎮原縣原銷惠安堡引伍千壹百叁拾壹張平涼衛歸併引壹百貳拾壹張又自雍正拾壹年始增引壹千張以上共額增引陸千貳百伍拾貳張共課銀壹千叁百肆拾柒兩叁錢陸釐

(縣冊) 乾隆貳拾貳年攤入地丁徵收每年外解鹽規紙價秤規鹽課共銀

壹千伍百肆拾叁兩叁釐

積貯

案天秤者所以平貨物之器也有大小砵碼由壹錢起至百兩止公私皆用之太平御覽諸葛亮曰我心如秤不能隨人低昂淮南子曰秤薪而爨清未有重秤光緒三十四年所定之衡器專以權重物者也仿英國磅秤之或以金屬製成以中數記斤兩兼列英數以資比較前清縣署收款每銀一兩收秤餘一二分不等謂之秤規

又案砵碼天秤衡物所用衡物時一盤置物一盤置砵碼以準之使天秤之橫桿平而不側則可由砵碼之重量而知所權物之重量常以銅鉛等製成小塊每塊重量自一錢二錢五錢一兩以至數兩均備以備隨時加減精密之天秤其砵碼分至極細釐毫小數均備此等小數之砵碼概以白金片爲之砵碼上均刻有數字以記其重量本作法馬

以上俱係清咸同以前之實在情形

現在田賦及雜稅

田賦 查鎮原報消册卽清之奏消册所列舊民地三萬七千三百零二頃四

十二畝八分一厘

又收節年開墾截至清道光二十二年止已入賦役全書地一頃八畝五分

三厘共地三萬七千三百三頃五十一畝三分四厘

按此數與前志所載之數相同

除節年荒蕪地三萬二千四百零二頃四十一畝三分一厘

查此數亦與舊志同惟只載奉旨豁

免並未註明年月及其案由無從查考然以理衡之當時邀此曠典幾免全縣土地十分之九豈無故哉

又除民國二十年冊報現未墾地一十一頃三十三畝

現墾熟民地 四千八百九十頃零八十五畝五分六厘

查縣冊所列數較舊志所載多出地一頃八畝五分

三厘實係加減錯誤亦不知始於何年歷年造報尙難更改

屯地 原額一千零七十三頃五十八畝一分八厘

又收節年開墾截至清道光二十二年止已入賦役全書地三十二畝八分

二厘共地一千七十三頃九十一畝

查舊志未載屯地一項無從查考

內除節年荒蕪六百八

十五頃三十七畝再除民國二十年冊報現荒未墾地三百一十一頃四畝

九分

現墾熟屯地

七十七頃四十九畝一分

現奉省令改屯為民正在入手調查間尙未完竣已聞多出私墾若干

統計全縣

民屯

地共四千九百六十八頃三十四畝六分六厘

丁糧 原額丁一萬六千六百一十六丁除節年逃亡截至清道光二十二年

止實在征差並隨糧丁七千一百三十二丁

科則無考實征丁銀一千一百一十兩四錢五分三厘又攤均載丁銀二百

二十四兩五分五厘 按此與舊志所載完全不同

折色民糧六千三百五十七石四斗九升四合二勺折征銀六千一百四十

四兩九錢四分三厘 按此折色糧石以舊志所載本折原額扣除豁免數再扣本色數及學官改征折色糧一百五十一石三斗四升五合二勺得

數較縣冊計短一石六勺不知如何錯誤 本色民糧九十六石二斗五升九合 較舊志多一升四合六勺不知如何錯誤此即

現征之民米加一五耗一十四石四斗三升八合九勺現隨地丁折征共一百一十石六斗九升八合 本色屯糧起運倉糧二千五

百六十四石五斗九勺除前清緩征糧五石四合又民米九十六石二斗五

升九合又現荒從緩征收一千九百三十二石八斗七升三合再加固原撥

回永豐里屯糧六石七斗四升八合九勺 此案由邑紳張清源等於民國九年呈請邑侯張詒博呈核准撥回上下稱便

人民樂利鄉里稱之 共現征倉糧五百三十七石一斗七升九合五勺又一五耗糧八

十石五斗七升六合九勺 案屯糧向收本色自民國十七年奉令以四六折收四成每石以三元五角折收六成每石以八元折收每石合洋

六元二角運耗羨共收洋三千八百三十元九分二十二年照此額征收

攤征匠價銀四十兩九分五厘

草價銀一百五十四兩七錢七分三厘

均徭銀二十一兩九錢七分八厘

學官倉斗糧一百五十一石三斗四升五合二勺折征銀一百零三兩三錢

六分一釐連前丁糧銀共七千八百零六兩六錢五分八釐內除前清緩征

銀三錢一分七釐又除解部藥味脚價銀三兩四錢七分在雜賦項下開報

又現荒銀三百九十三兩八錢九分六釐三毫現在全年實征地丁銀七千

四百八兩九錢七分四釐七毫

耗羨照前實征數內除匠價銀四十兩九分五釐不加耗外又應加藥味脚

價銀四兩一錢七分以一五加耗應得一千一百五兩九錢五分七釐五毫

乃册列為現征銀一千一百一十一兩三錢四分六釐二毫

計多銀五兩三錢八分八厘七毫不

知誤自何年向來如此報消不易更正

盈餘 自民國四年奉省令改章每正銀一兩案一兩七錢征收以地丁實征

銀數乘之得一萬二千五百九十五兩二錢五分七釐除丁糧正數並耗羨

雜賦八千五百五十二兩五分四釐九毫再加固原撥回銀三十二兩二錢

二分八釐六毫

實在盈餘銀四千七十五兩四錢七釐

雜賦 朝覲銀一兩八錢一分四釐

藥味折價並脚價銀四兩一錢七分

課程銀一十七兩七錢五分

地稅銀八兩

共雜賦銀三十一兩七錢三分四釐

小草 原額草價已列入正項征收應加固原撥回永豐里小草二十七束六

分四釐合銀三兩六錢三分

統計以上地丁正雜耗餘銀一萬二千六百三十一兩一錢一分四釐九

毫自民國十五年奉令每銀一兩折收銀洋一元五角共收洋一萬八千九百六十四元六角七分二釐又民米每石按三元五角折收洋三百八十七元四角四分三釐又屯糧折收洋三千八百三十元八分九釐統共全年共收丁糧耗餘洋二萬三千一百六十四元二角四釐

陋規(1)串票(2)割過(3)底子(4)個頭(5)公費(6)會費

案從前征收制錢由縣戶房換買紋銀解省藩庫上兌一切費用縣署不問故些須陋規亦不過問爲時日久剝削尤甚光緒三十二年紳民李俊德郭鳳堂常懷德孫萬倉許俊先孫進賢劉登科等以浮收上控藩署批飭定案立碑經紳包中廉焦國理任國棟范耀宗范希淹段鳳麟買廷翰任瑞琳李憲章田培林鄭國治劉秉直張必昌張炳麟劉渥恩吳得華等議定六條以外不准浮收民甚稱便(碑見隍廟獻殿前臺下西邊)但貪官污吏利慾薰心及至民國十六年刑戶兩房不惟日久玩生反變本加厲紳賈秉權張祖緒張毓傑李世棟陳棠任國棟李星波康清熙八人復行清理核算二十餘日應追贓款二萬有奇經紳祁尙誠李芝謐等說和兩房設棹懇讓僅交出大洋

兩千五百元以作公用（按卷十八年歲大授此款作賑濟用）並議定每兩糧准帶收錢三百文用作票費其他陋規絲毫無有當經縣長王正寬批准立案十七年正寬復定為每兩加收一角概不再收其用途則為縣府第一科自洽股四十元第三科統計處四十七任文倉夫六十任文教育會六十任文講演費一百任文祀孔香火六十任文禁烟會一百一十八任文農林會一百三十六任文每年中秋城隍會費一百六十任文下餘即為第二科公費衙署歲脩亦可提用後為廳令裁免僅存串票一項其公費會費至二十三年由縣長錢史彤開會議決由公款會開支不准再收分文現在收者為

百五經費 民國四年改章時奉廳令每兩准加五分作為辦公費仍須造報全年收洋五百五十五元六角七分屯糧項下收洋一百九十一元五角

串票費 每張收洋二分全年約用票二萬張共收洋四百餘元歸科內辦公紙筆之用

土驗糧 每糧一石加收一斗以正耗比額按六二核收共收洋三百八十三元按此為倉書斗級開支

割過個頭 此二項無從查實一為習慣使然一為幣制所限萬不能免去其已甚可耳

雜稅

周官委人掌斂野之賦斂薪葛凡疏材木材蓄聚之物又載師漆林之征二十有五此雜稅之所由始也自三代以後稱盛世者曰漢唐宋明代有賢君名相宜其取之有制矣乃任用言利之臣借國用不足以爲詞刻薄黎元一絲一粟皆必算之下至橋園水碓社酒蓮藕鵝鴨螺蚌柴薪地鋪房屋間架各有稅三代以上未有橫征暴斂如是之甚也甘肅財政現狀不難統一庶從此太平與民共安樂也及觀邑之外鎮各局卡招牌懸滿蚩蚩者氓其何以治生也又何以堪命也噫

特稅 卽釐金前清同治軍興後改爲統捐自民國十九年中央加稅免釐實行內地均已裁撤甘肅因軍費無着名改爲特稅實則照舊征收也鎮原僻

處山陬交通梗塞百貨有進無出且由涇川來者已完入口由平涼者則須完出口不過僅收落地稅全年可收千元之譜

菸酒 亦國家稅也其濫觴亦在清末鎮原開辦較遲每年所收無幾民初以來全縣包辦比額爲六百元迨十八年城陷包商張乾學賠累不堪連辭不准至今未結近兩年來匪戢年豐燒鍋復業現每月包額六十元稅率極重蓋認爲消耗之類也

牲畜屠宰稅 畜稅由來已久清代歸縣署征收全年解藩庫不過百金實爲縣署大宗進款至民十五年以後始由財廳委員設局征收後又改爲包辦鎮原八鎮平時每年皆有騾馬會而以蕭金爲最昔年每會買賣騾馬價值

不下拾數萬金近年一落千丈尙可買賣兩三萬元其稅額原係三分現加義務捐印花稅陋規等項共收七分此外有牙用(卽學費)總在十分以上矣全年比較爲一萬零二百六十元近年收數減少實收不過六千餘元耳屠宰稅則牛一頭收屠稅一元猪一口四角羊一隻一角鎮原向不屠牛僅屠猪羊收數甚屬寥寥

印花 案印花爲國家稅創自清光緒二十八年袁世凱督直時奏准試辦因實行禁烟土藥稅絀以資補救至三十三年度支部奉旨擬具辦法推行各省三十四年五月飭發到縣試辦至民國三年迭奉部令勸辦並各縣派勸導員規定比額鎮原定額爲二千零四十元城鄉攤派勉強征收未能足額

至十九年陳珪璋據平涼自造印花票發給各縣銷售派員守提屢擾不堪增至全年三千三百六十元至二十一年因兵匪蹂躪減比較爲二千元經呼前縣長按各鎮攤派一千元暫行試辦而虧欠甚多迄今短比較八成以上各鎮商業蕭條亦可知矣

磨課 當商牙稅於民國十六年廳令催辦雷厲風行後有磨課一種然指明爲水油磨歷任縣長呈覆以各項行稅皆爲本縣所無蒙准未辦隨以斗秤牙用又請准歸爲學款詳教育經費

善後局 善後者禁烟善後也全年比額六千八百四十元又售藥照費二千四百元印花九百二十八元義務捐九百二十八元共計一萬一千一百五

十六元近來充局長者多軍界中有關係之人每年於罌粟放花之時巧立名目曰坐銷每畝抽款定爲三四元而人民反對多未能如願以償也

契稅 原額地稅每年八兩按契稅一項爲國家稅之一由來已久而民間買賣不動產者半多匿不報稅且有一般愚民以少數之費勾串縣府之人私蓋縣印愚民自謂有縣印卽爲紅契而不知已觸犯禁令官府之人貪此小利虧公悞民最爲可恨自民四驗契之令下雷厲風行鄉民無知遂至聚衆圍城萬知事朝宗因之解任嗣後卽規定每月三十元十二年增爲全年比額一千二百四十元隨卽土匪四起縣城失陷遺失契尾甚多數年來亦收獲無幾本年四月奉省令整頓契稅獎懲辦法綦嚴開會討論切實勸導而

完稅者仍屬寥寥積重難反無可如何鑲原契稅非清丈之後無整頓之可

言也

案周禮小宰八成四曰聽稱資以傅別注傳著約束於文書分別爲兩兩家各得一鄭注曰稱貸責償皆聽之以券書猶今之券契也又宋太祖開寶二年令民典買田宅者輸錢印契此稅契始後世因以爲例民國初省政府通令各縣凡前清典買田產業經輸錢印契者呈由各縣署查明上蓋查驗戳記不再取民間一錢其未粘契尾者遵照部章每百兩按六成者上稅辦法亟其公允各縣知事以查驗手續麻煩且公家需款甚急照銀糧攤派無論已否稅契均限期向縣府交款甘肅款之名自此始此隴東民衆圍城所以不約而同也

雜捐

教育經費 每丁銀一兩附征洋二角全年共收洋一千四百八十一元七

角九分五釐

此即舊日鹽課民國八年由王知事朝楨請准收作學費由教育局全數支領其他由局自收者有

財賦志

雜捐

油戶捐

始於光緒三十二年知縣宋連貢創辦第一高小學校時抽捐分三等上捐每月捐錢一千五百文中捐錢一千文下捐錢數百文現因學校增多需費浩繁改收上等每年二元中等一元五角下等一元

官秤初每稱物一斤抽制錢一文現每百斤收銅元數枚

訟狀蓋戳費

初每狀紙一件無論原被須先赴學校蓋戳收制錢二百文今每件收銅元一仟文

以上三款全年約有三百餘元

斗用

自民國八年由王知事朝植撥作學費當時收制錢全年全縣不過二三百千文至二十三年由教長賈秉機改為標包辦法至期投票中標者具認狀取舖保交押金餘款按季或按月交納手續完備包額驟增全年約收八百元

牙稅

即牲畜牙用也鎮原八鎮各有驛馬會謂之會稅又各村莊代畜稅局收稅者謂之月稅初僅有會稅附一分六釐至十九年局長甯登第呈准於月稅附征一分二釐十一年局長朱廷璽又呈准會月統收三分連社會教育經費今共征三分四釐二十二年由賈局長改為標包辦法全年可收二千八百餘元此稅有關年歲豐歉故

包額
無定

基金 原有制錢一千串發交富商生息月利分半富商歇業遂准簡人貸
用比年因利輕而爭揭教局改定月利二分半且以六箇月為限

畝款 此款因禁煙始民十以前係照煙畝數議定罰款科則甚重嗣以委
員調查不實百弊叢生當局者遂改為按縣均攤不論種與不種照定額交
納成爲一種正款鎮原定額爲三萬五千元至二十年邵力子主甘厲行禁
煙因軍費無着仍復弛禁而加以限制全省不得過三百萬元是年即減一
萬六千七百元二十三年增爲二萬二千元矣其攤派辦法則按丁糧額數

攤收

附加 警費每丁銀一兩附征五角全年共代征洋三千九百六十七元六角

零八釐又屯糧每石附收五角共收洋五十五元三角五分

案前清光緒三十四年知縣宋連貢在陋規個頭項下每兩讓出錢二百文以作地方辦理新政之用至民國四年地丁改章之後此款無著孟知事江霖仍照舊收用至九年由王知事朝楨請准每兩地丁代收經費制錢八百文至十六年奉省令整頓警務由縣長王正寬請准每兩丁銀連前八百文共收洋五角核准附收至今仍舊自民國二十一年八月本縣改組公安局規定列表見民政志

借款 始於二十一年八月孫宣慰使蔚如入甘之後每丁銀一兩借小麥二

斗自行派員經收約收洋一萬五千三百餘元軍款按每兩三元五角五分

經收至二十二年六月止亦收有一萬餘元又攤勦赤費五千元二十二年

財政廳派金庫券八千元又派飛機捐一千六百元是年七月三十八軍開

拔留隴東綏靖司令一部每月軍費洋十萬元由隴東十七縣担負鎮原每

月約攤六千元縣政府丁糧及畝款不敷撥付是年冬請准攤借二十三年地丁銀二萬六千元二十三年春奉省令派撥甯軍糧四千六百石無法辦理又開會攤借三萬元而未攤畝款至九月軍費無着又攤借二萬五千元此項攤借之款尙未收清至十一月止將該部編爲新五師餉項由中央核發從自隴東之民更生矣合計二十三年未派畝款外共借洋八萬一千元除抵扣過畝款二萬二千元外實借洋五萬九千元

臨時攤款 駐軍糧秣雜費爲大宗二十二年十一月三十日平涼綏靖司令楊渠統派來回軍騎兵三大隊馬瑞卿馬公章至二十三年二月七日開去兩隊留一隊改編騎三營至七月開去統計糧秣折價及雜費合計約二萬

數千元再三呈請未肯換給正式印收現由地方呈請財廳抵扣撥款尙未奉覆又隴東日報費全年一千八百元又修志書經費二千元改河經費六千元此款未收駐軍開拔費二千元共計四萬一千八百元統計以上正雜攤借並糧秣折價二十三年由人民輸納者約在二十三萬之譜卽有拖欠亦屬無多以彈丸山邑僅恃農產一項而穀價低廉以數斗之收入不過易洋一元民生前途不堪設想惟願邑之俊傑於礦產畜牧工藝植樹等項開一利源或可救濟將來否則再遇荒年卽靡有孑遺矣

維持費 此款發生於民十五年馮軍過境之後派糧派款潰兵土匪圍攻城池故籌集此款以輸款求和而圖苟安此款無定而爲數甚鉅未幾而撥款

之制行軍除提款動輒攜代騎兵一二十名居則供給求備行則厚索川資
並可隨意借款一不如意鞭朴立至如此歡迎歡送需款不貲於十六七年
間設地方公款委員會專司此項收支內中亦有地方正當開支然居少數
本年攤派一萬五千元現政府擬取銷撥款制則可節省不少縣府人民皆
受其福矣

附錄民政廳呈覆省政府奉令查辦前鎮原縣長周民遺濫支維持費一案其文曰案
查前據鎮原縣民慕壽祺等楊可法等呈訴該縣長周民遺濫法殃民濫派浮收請查辦
等情到府當卽令行民政廳查明擬辦復奪去後茲據該廳復呈內稱遵卽抄發原呈稟
令委現任鎮原縣縣長錢史彤逐一澈查取據呈復以憑核辦在案旋復奉鈞府民字第
二七七七號第三四三七號各訓令開據鎮原縣代表楊可法等呈列前縣長周民遺濫
派浮收苛民肥己事實五條訴懇懲辦並轉奉監察院令據監察員楊任天呈據鎮原縣
代表楊可法李世棟等呈控該縣前縣長周民遺濫事同前由各抄發原呈先後令廳併
案澈查擬辦具復以憑查奪轉呈各等因奉此亦迭經令行錢縣長會同崔委員嵐泉澈

查嗣因崔委員回省又復一再令飭該縣長錢史彤單獨負責澈查據實具復以憑核辦各在案茲據錢縣長史彤將抄發各呈所控事實總括分為五項逐一查明檢同粘據簿賬本呈覆到廳除將原呈另行抄呈粘據簿賬本隨文呈貴外謹將此案重要各項分晰陳述如下第一項畝款盈餘查前據禁煙委員會調查員果鴻儒呈報該縣二十一年畝款原攤洋二萬七千元除呼馬兩縣長任內解洋二萬四千七百六十一元五角八分六釐外實移交周縣長民遺應征民欠洋二千二百三十八元四角一分四釐該周前縣長輒征獲洋三千四百九十元二角三分四釐實洋征洋一千二百五十一元八角二分除支解三十八軍洋一千五百元有案外而該周前縣長擅行開支保衛團服裝及地方雜支洋一千二百五十三元九角九分六釐及無鈴領不知移作何用之洋七百三十八元四角一分四釐二共合洋一千九百九十二元四角一分因畝款指定軍費不能挪移業經鈞府以周前縣長擅用公款偽造賬冊希圖朦混令廳會同財政廳令飭錢縣長將前項洋一千九百九十二元四角一分如數查追在案嗣據錢縣長呈稱遵查周前縣長民遺移交原接馬故縣長維周移交二十一年民欠畝款洋二千二百三十八元四角一分四釐除該縣解交三十八軍洋一千五百元又照章扣支該任百四經費洋八十九元五角二分六釐外實移交洋六百四十八元八角八分八釐業經縣長接收清楚另文批解等語是周前縣長征獲馬任移交民欠畝款洋二千二百三十八元四角一分四釐已經移接清楚應請免議惟周前縣長浮征之洋一千二百五十一元八角二分即係開支保衛團服裝並地方雜支偽造賬據之款前既奉令查追應仍照案追繳以符功令擬請鈞

府令飭錢縣長將此項洋一千二百五十一元八角二分勒令周前縣長如數交出並查明因何與馬前任移交一千五百四十餘元之數不符另呈核辦其趙襄原呈所稱之預征清鄉費洋八百元據查係十九年名稱歷覺呼馬三任始及於周無從查考等語擬請免議至原呈內稱支應費交冊所列共洋一千二百三十八元當即係清鄉費改為款者內除還天主堂洋一百元並還財政局借款洋五百四十八元應予照准外下餘洋五百九十元挪於維持費內開支等語擬請歸入下列第三項私派維持費款內另核第二項重派勸赤費據查周前縣長重派勸赤費事屬實在惟兩次共撥洋一萬元實收洋七千六百零七元內解交三十八軍洋五千五百三十元挪墊金庫券洋一千七百六十元雖係重派惟尙屬以公濟公擬請免議至尙餘洋三百一十七元據查亦挪於維持費內擬請併歸入下列第三項私派維持費內另核第三項私派維持費據查交冊內所開三次共撥維持費洋一萬三千四百四十元又應收馬任移交民欠維持費洋五千六百零九元八角內實收洋一萬三千七百八十八元九角又由各款項下挪入洋三千一百八十四元九角係第一項支應費所餘之五百九十元第二項勸赤費所餘之三百一十七元第四項軍糧浮收洋一千二百十六元二角六分第五項軍款浮收五百零九元二角二分二釐均在內共計實收洋一萬六千九百七十三元八角開支盡淨等語並查周前縣長開支維持費支賬一本前來查支賬內開各項均係大宗整數並無零星細數又無收據其支賬內知省視察員及報社委員路費洋七百八十七元大煙紙煙洋一千四百二十一元各委員差費以及送信洋一千三百九十六元一角洋蠟土蠟洋九百五

十元零二角八分縣長赴平涼送禮待客酒席及換印收等洋八百三十元油鹽菜蔬雜費等項洋二千二百八十五元八角涇川監收所經費及薪水洋四百九十元小麥四十石零三斗合洋七百九十四元兵隊伙食洋四百七十四元三角五分穀草秣料等項洋四百七十七元六角三分及其他零星開支等等既皆係不正當之開支且均係最鉅額之數目實屬駭人聽聞其為捏造報銷毫無疑義擬請由鈞府令飭錢縣長勒令周前縣長如數繳出再行呈候核辦第四項軍糧處浮收據查丁糧借麥案周前縣長任內共收洋一萬一千零七十六元二角六分除解軍部軍糧處洋九千二百元挪用維持費內洋一千二百一十六元二角六分外實存洋六百六十元照數移交接收有案擬請毋庸置議至所稱軍糧經收處私印臨時收條每張收費洋一角五分共收洋一千元之譜係屬實情均支軍糧監守所常委員及開支人員薪水等語并呈實粘據簿一本前來本廳詳加查核此項單據其紙條墨色印紅字跡概係出自一人之手冊面蓋民遺交代戳記其為該縣長交卸後由會計處私行捏造藉以期朦核銷浮收之款尤屬顯然擬請由鈞府令飭錢縣長勒令周前縣長照數繳出再行呈候核辦所稱此項浮收錢縣長蒞任時立即革除等語擬請備查第五項軍款處浮收據查周前縣長任內共收軍款一萬零六百元內除解三十八軍洋八千九百元新隴日報費洋一千二百元外餘洋五百零九元二角二分二釐均挪用於維持費等語已於上列第三項私派維持費內核明擬辦至於軍款內實浮收洋八百六十五元九角又每百元私收經費五分共收洋五百三十元又偽票價每張收洋二分共收洋一百八十元三宗共合洋一千五百七十五元九角據查均

屬實在至其開支數目列有單據一本附呈鑒核等語查此項單據仍與第四項單據相同均係該縣長捏造萬難核銷仍擬請由鈞府令飭錢縣長勒令周前縣長如數繳出再行呈候核辦此外旅省公民慕壽祺等原控周縣長酷嗜鴉片並由涼州調來官親不下二十餘人均派為催款員挨戶搜索錢財及楊可法等原控周縣長私售狀紙並縱放少爺強收民人已字幼女各節據查均屬實在無可辯護等語是該周縣長民遺重派浮收濫派濫支捏造賬單種種罪狀固已咎無可辭而沈瀾嗜好濫用私人私售狀紙縱子強占民女尤屬藐法瀆職法難寬宥惟此案既由該代表等呈控於高等法院移轉於平涼高等法院第一分院派員調查可否由鈞府先令錢縣長先將應追之款追齊再將此案函送甘肅高等法院移轉平涼高等法院第一分院依法治罪之處伏祈鈞裁所有遵令委查此案情形暨擬辦緣由是否有當理合抄錄原呈並檢同原實粘據簿三本維持費支出賬一本呈請鈞府電鑒察核指令祇遵等情並抄錄原呈一件粘件簿三本維持費支出賬一本據此除指令呈實附件均悉案經提交本府第一百八十八次省務會議決議如擬等因記錄在卷除令行該卸縣長周民遺暨令財政廳并牌示該原訴人慕壽祺等楊可法等知照並令現任該縣錢縣長遵照該廳所擬各節分別辦理及呈報監察院鑒核外仰俟錢縣長呈復至日核示遵照仍具報察奪附件存此令

以上各款皆田賦外所增加者也邑之人誰無田畝縣政府按畝攤派如其

數以取盈焉僻壤窮鄉向之不見官長安於賦畝者至是而日日進城措交
 攤款前款未清後款復來催迫急星文符如雨小民有家有二頃田頭枕衙
 門眠之諺於是賣兒鬻女之錢充盈於公家之庫矣夫人聚於鄉而治聚於
 城而亂聚於鄉土地闢田野治欲民之無恆心不可得也聚於城則徭役繁
 款項多欲民之有恆心不可得也詩曰我生之初尚無爲我生之後逢此百
 罹興言及此每輒爲之流涕

催款員下鄉

田地之產物有限公家之派款無窮人民一時湊不齊縣政府派員赴四鄉催之

附錄邑人鄭國治接待催款委員七律二首其一云年年未有假今年到處逢人說委員開口便云催國款背人終是索洋錢機關到處留君駐威福居然竟自專雞黍奉承何足道點心開罷煮新烟其二云農村雞犬亦驚惶聞道委員催款忙無事公然會麻雀誰家畢竟是肥羊平常小戶難容榻缺少洋煙即促裝儻遇他人何以處相違猶喜認同鄉

案前清同治回亂隴東騷然無完宇襁褓小兒每哭其親嚇之曰陝西回回來了安徽合肥縣村農小孩哭不止輒怖之曰遼來了遼者曹魏大將張遼也今之催款員所至雞犬皆驚夜間小兒啼哭其父母嚇之曰催款員來了哭即止其威可知矣

公款委員會

爲縣政府用款而設前此未之有也

前清縣城各行月支縣署需用品隨官發價如豬肉大米秣料柴草之類自民國二年全行裁免頃自公款委員會成立後每年開支動輒鉅萬較之舊日支差何止數千倍裁減云乎哉

--	--	--	--	--	--	--	--	--	--

倉儲 即倉廩所
存之穀也

倉者藏穀處所也圓曰囷方曰倉廩乃地名初作敖素以敖地爲倉所在故爾後遂謂倉爲敖蓋循習之誤也今稱倉敖爲廩數典而忘其祖矣宋徽宗大觀三年尙書省言六路上供斛斗已令直達而奉行之吏因循之將歲貢額斛於真揚楚泗倉敖爲卸納摺運之地宋以後始稱倉敖爲倉廩前清州縣每歲祀廩神不知其何所根據西藏凡管理錢糧倉庫之官概稱倉儲巴即商阜特之異譯番猶如此况中國乎鎮原倉儲向歸戶房管理縣知事總其成而已民國視此甚重云

漢

後漢安帝延光三年秋令安定北地諸郡儲穀粟

從虞詡之請也

時尙書僕射虞詡上疏曰臣聞子孫以奉祖爲孝君上以安民爲明此高宗周宣所以上祀湯武也禹貢雍州之域厥田惟上且沃野千里穀稼殷積又有龜茲鹽池以爲民利水草豐美土宜產牧牛馬銜尾羣羊塞道北阻山河乘阨據險因渠以溉水春河漕用功省少而軍糧饒足故孝武皇帝及光武築朔方開西河置上郡皆爲此也而遭元元無妄之災衆羌內潰郡縣兵荒二十餘年夫棄沃壤之饒損自然之財不可謂利離河山之阻守無險之處難以爲固今三郡未復園陵單外而公卿選懦容頭過身張解設難但計所費不圖其安宜開聖德考行所長書奏帝乃復三郡使謁者郭璜督促徙者

各歸舊縣繕城郭置候驛既而激河浚渠爲屯田省內郡費歲一億計遂令

安定北地上郡及隴西金城常儲穀粟令周數年

明

知縣徐鏞修預備倉

詳見官師志
循良傳本傳

清

嘉慶時常平倉額貯倉斗糧肆萬石

光緒十八年後倉糧顆粒無存

查縣署舊檔案僅得清光緒二十七年知縣汪宗翰呈請建修倉廩文內稱

前任張時熙移交倉斗糧五千五百八十餘石著後豐屯西南四倉儲糧一

千八百餘石此外皆儲於山上窰內相去一里半里不等東山永積三窰西
山廣儲二窰北山廣盈二窰中峯山廣積四窰共儲三千七百餘石聲明窰
頂洩土四圍霉變成塊厚至尺許請建新廩十五間合爲大廩五座可儲糧
四千五百石等語

二十七年縣政署呈請建修倉廩

附光緒二十七年邑宰汪宗翰呈請建修倉廩文其辭曰竊屯糧最關緊要已收者當儲
善地未收者當備新倉卑職到任後准前任張署令時熙移交倉糧五千五百八十餘石
內有署後豐屯西字三廩計九間又南字一廩計兩間共儲倉斗糧一千八百餘石此外
則西山廣儲兩窰東山永積三窰北山廣盈兩窰中峯山廣積四窰各爲一院彼此相距
一里半里不等共儲糧三千七百餘石卑職同張署令先盤廣儲兩窰但見窰頂洩土堆
積糧面窰底及四圍則霉變成塊厚至尺許且均裝滿周轉無方挪出窰外風雨堪虞卑
職一面稟請藩司憲台可否准照歷任交代原接原交及應如何設法善後之處聽候示
遵一面遠購蘆席厚設蓬墊多雇夫役晝夜挪盤其洩土霉變各窰內有永積廣積等窰

鼠洞無數客項並有深洞雨則水注莫測來源此等土窰皆民家不能居住設法求售前任劉令玉衡馬令裕藩誤買作倉據父老云鎮原土虛地濕一切窰洞若無人氣往來烟火薰灼始則霖洩繼則拆裂終且塌陷現在廣儲永積等窰拆裂處多入者危懼正盤量間接奉藩司憲台批示據稟已悉該縣倉廩石敗壞至於此極各前任之署事者猶謂攝篆未久未能整頓其實缺如馬令裕藩等之粉飾貽誤殊屬可恨該令以科甲出膺民社自應實事求是不可蹈其故轍揀別整驗自是正辦甯使稍稽時日不可再事敷衍所謂原接原交之處殊屬非是各山土窰情形如此附近又無屋可借盤出之糧購席墊蓋若遇狂風大雨仍不足恃城內衙署公所廟宇有無可以騰挪之處或距窰稍遠處尋覓屋舍隨盤隨移難惜運費是在該令體察設法辦理至土窰之塌陷拆裂者恐修補亦不堪用是當另購堅結乾淨者以免覆壓之虞仰俟盤清後通詳請示定奪合先由四百里批示此繳等因奉此益用悚惕不惜工費逐漸通盤窰內豆麥尙稍耐久小米尤多腐爛雖經剔去霏塊而晴雨不常未便從容揚簸期限已屆勉強接收糧仍四面親土風息不通若不另籌善地後患何堪設想轉瞬麥秋新糧更無收積之處除稟請修廩別無餘法伏查各縣廩屋多聚一院易資看守卑縣大小四廩已在署後未便零星布置該廩前面尙有餘址應請添建新廩十五間合爲大廩五座比舊廩擴加寬大而長木難購每間約儲糧三百石十五間共儲四千五百石除移屯憲糧三千七百石外再儲本年新糧五百餘石已無多隙如蒙允准即懇酌撥何款指示辦法飭委勘估以便鳩工庀材至舊廩係兵燹初平時草創及馬號改作底板太低牆脚未留風缺四圍未修溝道木料牆瓦均多

財賦志

倉廩

蘭州俊華印書館排印

朽壤鼠耗蟲傷亦所不免查劉令馬令稟係六間胡令稟係九間問數分別不清其經營不善已可想見應俟有厥騰挪一例修整唯聞公款奇絀若變價估撥借放三者有一可持即應緩修以省縣廩無奈卑縣地方偏僻車路不通豐歲則鄉有餘糧凶年則民無錢買變價既不可恃山路崎嶇本年奉藩司憲台札估撥海城營餉旋聞該營以運道艱難稟請領銀採買已成之局尙作能論估撥更不可期又卑縣兵燹之後城邑荒涼祀廟未修民戶稀少借放尤為無地竊各縣倉廩十數年來一修再修不等卑縣二三十年僅劉令馬令稟准修敷因圖省便改買土窰原非上憲惜費今求憲台以幾年准給之款補前令應舉之工似與各縣陸續請修者有間即如靈臺倉廩汪故令文樞添修未久王令堯儒接請添修時當軍務未靖尙蒙憲恩允准夫亦以虎兕必予以押龜玉必授以楮乃能責成典守也卑縣與靈臺隸在一州共依仁宇可否援例俾免向隅之處靜候作主且卑縣樹木垂盡購從遠處價值既昂搬運不易又磚瓦價昂工匠亦稀估工不敢浮冒經手易致累賂故他縣或以修廩為善舉卑縣則以修廩為畏途劉令馬令不願修廩而願買窰者職是之故卑職鑒於前車不敢畏難貽患地方為此迫切曉諭伏懇俯念卑縣倉窰裝滿勢將塌陷可否准撥何款就近委員會驗舊倉勸估新工以便遷造木料磚瓦工匠銀兩細數清冊具詳領款及時興修一俟工竣再行造冊繪圖呈請委員覆勘之處靜候批示祇遵

民國

民國六年財政廳調查縣倉及社倉義倉存糧數目

前財政廳廳長雷多壽以甘肅十年九旱非存糧無以救荒於六年春飭查鎮原常平及社義各倉劉知事循良覆稱地方社義兩倉自清光緒十八年遭旱荒奇災經馬縣令裕藩請准散賑動用無存以後再無籌辦從此遂廢現縣府東偏僅存樂生舒長四廩尙屬完整當是汪縣令所建新廩內儲之糧卽本邑屯糧也自十八年陳珪璋陷城破倉以供軍食遂至顆粒無存嗣後均改折色再如着手倉儲誠恐不易且廩內地板吐軍折作床板去後遺失不少最後竟拉馬馱諸平涼哀哉

新社倉

民十五年以後社倉轉而爲縣倉民始不與而爲官家之私用縣倉轉而爲郡倉民遂相遠而爲軍國之資用官知其歛未知其散民見其入未見其出甚者指爲常賦重歛急征而義倉之恤民者反爲害民之具矣

省政府調查倉儲

民國二十四年二月事

歷代建倉以備歉者惟漢之常平隋之義倉最著常平積之自官義倉歛之自民校其利弊各有短長焉義倉則懼有司之勒民出粟或因以多科也然民儲粟而還散之民則於散時爲便常平則懼有司之拘守公令或賑給後事也然官有粟而還儲之官則於儲時爲便要是一二策皆所以爲國養民政之善者也得良吏以行善政斯皆無弊矣中央憫民生多艱注重倉儲省政

府已派員調查矣一經調查知鎮原毫無所儲而款之不能不備也究應如何勸捐之處以期有利無弊其在良有司哉

省政府又派員調查倉儲

民二十四年春二月
事其調查約分三種

一縣倉穀原儲若干或麥或豆或粟米每年有無一定數目徵糧雜費如何釐定倉廩是否堅固麥米有無霉變

一常平倉穀原儲若干每年補倉是否必須采買采買何者爲宜每年出幾分是借是糶其糶者或糶穀或糶米或在城或在鄉借者作何散給作何著落還倉有無負欠

一社會倉穀若干分儲幾處曾否年年出借生息小民實在得益願借否社長副

財賦志 倉廩

重刊真原系五卷七

二五

廣州俊華印書館排印

得人否有無虛出領借或借此營利及侵蝕之事每戶借穀多至若干少至若干有無負欠不還之弊有無好義紳衿樂輸增儲

糴市

音狄錫韻買穀也入米
曰糴出米曰糶糶音眺

左傳魯臧孫辰告糶於齊孟子桓公葵邱之會無遏糶此遇旱而買穀於鄰國者也若一鄉一邑之間貧民需款孔急則碾新穀以糶之富戶存糧無多則賴新穀以食之一賣一買必至糶市而交易始成鎮原城內糶市在東大街八鎮各有集市糶糧價之低昂隨時估爲轉移非人所能豫定也

歷朝市糶

魏李悝以歲有上中下之熟儲穀備荒故大熟則上糶三而舍一中熟則糶二下熟則一使人適足價平則止小饑則發小熟之所歛中饑則中發熟之所歛大饑則發大熟之所歛而糶之故雖遇饑饉水旱糶不貴而人不散取

財賦志

市糶

有餘以補不足也

漢五鳳中歲屢豐穀至石五錢耿壽昌請糴三輔等處粟供京師可省關東漕卒過半又令邊郡皆築倉賤則增價而糴貴則減價以糴名曰常平倉初設於邊郡後漸行於天下皆官入而官出之

唐天寶中歲以錢六十萬緡令諸道和糴斗增三錢每歲遞輸京師貞元四年詔京兆府於時價外增穀和糴先給價直然後輸納糴令所司自運至太原民間詔皆樂輸

宋真宗市糴於陝西河北之地專計實邊已非常平之初意矣至神宗時王安石盡變其法散糴本而爲青苗錢糶廣濟倉以求二分之息豐年則民賤

賣其穀而易錢以輸官荒年則民賤賣其田以納稅甚者伐桑賣薪屠牛賣肉而常平之利民者反爲害民之具矣

元武宗至大二年立常平倉以權物價豐年糴粟米麥穀俟高價之時減價糴之明南京巡撫周忱奏建濟農倉時朝廷以官鈔平糴且勸借儲積以待賑忱盡力行之得粟數十萬又於水次置場令民秋糧自納不入里胥之手得省費六十萬石合平糴所得分貯各縣名曰濟農倉播種之際於中下二等戶內驗田量給秋成償官

清令各州縣按月呈報糧價並隨時平糴嘉慶二年夏六月署總督陸有仁奏報甘省糧價是月乙酉日奉上諭陸有仁奏甘省四月分糧價較上月加

增一二分至四五分不等恐該處民食拮据着傳語英善迅卽赴甘查明各屬糧價昂貴地方有應行平糶卽酌加蠲借各事宜奏聞妥辦務令民食不致缺乏糧價平減七月甲戌日上又諭軍機大臣等陝甘總督英善奏甘肅各屬五月分糧價單朕詳加披閱糧價多係中平惟鞏昌等屬較上月稍貴英善惟當察看情形如有需平糶之處卽飭屬妥爲辦理

慕少堂曰朱子云爲守令第一便是民事爲重其次便是軍政今人都不理會甘肅糧一事守令亦視爲官樣文章而朝廷鄭重其事雖小而關於民生者甚巨俾邊疆大吏軫念民艱隨時可藉以調劑少則平糶多則採買家無乏食之虞而賤丈夫亦不至壟斷而登矣

集市

集者市也商人定日集於一地而相交易既則散去因名其地爲集亦謂之墟洪氏隆興職方乘嶺南村落有市謂之墟以其不常會多虛日也江以南稱爲亥市徐筠水志荆吳俗以寅申巳亥日集於市故名邑分八鎮商務以蕭金爲最盛屯子次之新城又其次也而皆不能常會或雙日或單日或一四七或三六九各隨其俗之所宜至午刻始會齊則遠近皆來貨物畢具其古人日中爲市之遺風乎

縣城內糧市

在東大街
雙日集

八鎮糧食市日期

屯子鎮

在縣東原五十里漢高平縣遺址在此又東有高平第一城東漢初隗囂將高浚所據處明為雙屯里有城形如半月雙日集

蕭金鎮

在縣東一百二十里即宋蕭鎮與慶陽縣連界其地有教堂商務繁盛有城雙日集

平泉鎮

在縣西南四十里即明平泉里三六九日集

新城鎮

在縣西七十里九域志乾興元年以慶州柳泉新城二鎮隸原州一四七日集

中原鎮

在縣南五十里舊名瓦窰坡鎮即堡甯里與涇川連界三六九日集城址集市今俱廢

以上平泉新城中原是為南三鎮

太平鎮

在縣原東北六十里即元魏太平郡之舊名赴慶陽西峯鎮必由該鎮經過單日集

孟壩鎮

在縣北五十里即宋西壕鎮所移明末官軍與李自成交戰處單日集

馬聚原鎮

在縣西北九十里即明馬村里單日集

以上太平孟塢馬聚原是爲北三鎮

糧價不許高擡

縣政府及公安局派人隨時稽查不許高擡市價查民二十年斗麥價洋拾元蓋陝西饑民糶麥於縣故糧價踊貴公家亦不能禁

--	--	--	--	--	--	--	--	--	--	--

差徭

唐玄宗以宇文融充諸邑安輯戶口使後又以王鐸爲句當戶口色役使皆稽核徭役之事者也宋神宗時五路出兵征西夏無功還議再舉李憲督饋糧言受密詔自都轉運使以下之軍興者皆聽斬民懲前日之役多死於凍餒皆憚行出錢百緡不能雇一夫相聚立柵山澤不受調吏往逼呼輒毆擊解州至械縣令以督之不能集何民氣之鷙張也然爾時猶有山澤可聚今則無地可避矣杜荀鶴詩云任是深山最深處也應無計避征徭其鎮原近年之事乎

西魏差徭

其時徭役甚重惟僧徒可免邑人乃建佛寺以避之

財賦志

差徭

大統十一年大旱十二年秘書丞李彪上表請別立農官取州郡戶十分之一爲屯田人相水陸之宜料頃畝之數以贖贖雜物市牛科給令其肆力一夫之田歲責六十斛甄其正課並征戍雜役行此二事數年之中則穀積而人足矣帝覽而善之尋施行也自此公私豐贍雖有水旱不爲害也

明季差徭

崇禎十六年支陝西兵差

督師孫傳庭與流寇戰無功秦民苦累已極卽鎮原小縣一月之內要牛五十頭沙氈百條糧袋百口往返解送使費百倍以致人心離怨

清

支照例夫馬 縣令因公赴平涼或涇州以及解款等事五里應支夫馬成例相沿並不擾民

民國 民十五年後差徭日漸增加

辦兵站 軍隊所到之處人非白麵不領馬非豌豆不食草非拌麸子亦不食但白麵豌豆鐵原雖少尙可購買惟麸子貴於白麵數倍養斗麥可得麵二十餘斤而得

麸僅二三斤耳辦兵站者故勒之令賠重價以飽私囊此兵站上虐民之一端也

送糧草 平涼司令部派糧若干石草若干斤邑人自備騾馬以送

擄傷人 兵士在戰線陣亡及帶練者均謂之傷人用牀擡至平涼

修道路 鎮原不富大道無所謂汽車路也惟軍隊所到之處時派民人修路

貨幣

貨幣者為社會交換之媒介價格之標準一般通用之物也上古之時或以

牛馬或以皮幣或以介貝及文化既進或以金屬鑄造太昊氏有錢謂之金高辛氏謂之貨陶唐氏謂之泉禹以歷山之金湯以莊山之金並鑄幣以救人因周立九府圉法景王鑄大錢文曰寶貨錢有文始此秦兼天下幣爲二等黃金以鎰名爲上幣錢質如周錢爲下幣秦以後漢五銖唐開元元明鈔法清末以世界各國多用銀洋遂鑄銀幣而銅幣則各省自行鼓鑄今就鑄原市面約略言之

民國以前之貨幣

銀鏹 以銀爲貨幣之本位以兩計算上權納稅均用之

今之銀古謂之白金性軟光澤甚美故製貨幣漢書食貨志朱提銀重八兩

爲一流朱提四川縣名出善銀吳都賦金華銀模注金華金有華采者銀模
鑿之在石者曹昭格古要論銀出閩浙兩廣雲南貴州交趾等處山中魏書
食貨志有司奏長安驪山有銀鑛詔置銀官常令採鑄甘肅雖有銀鑛而貨
棄於地民間通用者皆來自外省

制錢

甘肅所鑄及外省之
流入甘肅者兼而用之

清康熙六年各省開鑄錢甘肅於鞏昌府開局鼓鑄所鑄錢文一面鑄康
熙通寶四字一面鑄鞏字商賈有運至鎮原者後停雍正四年甘肅巡撫石
文焯奏請暫開鼓鑄以清錢法於五年四月內設寶鞏局於蘭州按察司經
鑄河橋同知監鑄動用藩庫銀二萬兩收買各屬戶釐工字小錢並古舊廢

錢銅斤入局鼓鑄開鑪一十二座七年三月內奉文停止

錢帖

縣城殷實商家出一串錢票隨時兌現但必有相當之基本金

明史食貨志洪武八年造大明寶鈔命民間通行以桑穰爲料其制方高一尺廣六寸質青色外爲橫文花開橫題其額曰大明通行寶鈔中圖錢貫十串爲一貫云云若五百文則畫錢文爲五串餘如其制而遞減之其等凡六曰一貫曰五百文四百文三百文二百文一百文每鈔一貫準錢千文銀一兩四貫準黃金一兩鑄原錢帖倣明鈔爲之高五寸廣四寸質白色上書憑帖取錢一串俗以一串爲一貫已非古制矣

民國通用之貨幣

銀圓 民國十七年甘肅始開設造幣廠做照民國三年銀圓款式鑄名之曰新老人頭銀圓

漢武帝時嘗鑄金三品然未通行金章宗時始鑄銀幣名之曰承安寶貨公私同見錢用哀宗正大間民但以銀市易而不用鑄清道光末與各國通商皆用生銀其後習用墨西哥銀圓面刻鷹紋故稱鷹洋又訛作英洋江西諸省用滙板洋皆來自外洋故稱洋錢光緒庚子後中國政府乃自鑄造每圓重庫平銀七錢二分內含紋銀十之九

老人頭 甘肅所鑄銀幣謂之新老人頭

明崇禎時錢法侍郎某請禁萬歷泰昌天啓錢止行崇禎錢而崇禎錢少一時苦之都市常曰拿崇禎來民國三年中央政府鑄銀幣上印項城像名曰

老人頭鎮原行使銀幣種類甚多皆視爲雜牌凡百交易皆曰拿老人頭來以銀合錢

續通考明制京錢曰黃錢每文約重壹錢陸分柒拾文值銀壹錢外省錢曰皮錢約重壹錢百文值銀壹錢鎮原每洋一元合錢票四串大板銅元七串舊時制錢已爲廢物

銅圓

清末粵東始鑄之形圓無孔每枚當制錢十文各省次第仿行民十以後甘肅鑄當二十銅幣

昔耶律楚材隨元太祖西征至河中府詩有難穿無眼錢之句新疆纏回行使一種紅錢無孔比今之銅圓略小楚材所詠豈西域之紅錢耶鼎革後甘肅所用銅幣來自外省大抵皆當十錢也民國二年四川軍政府造黃銅銅

幣每枚或當制錢二十或當五十或當百文隴東南多用之十二年秦州鎮守使孔繁錦以前清標營所存銅礦改造當二十銅幣流行至蘭州督軍陸洪濤苦無術以抵制阜蘭紳士張應選獻策曰彼能鑄吾獨不能鑄乎洪濤委應選爲銅圖局總辦開鑪鼓鑄其形式與外省同且純用紅銅比秦州之用黃銅更上一層矣洪濤大喜令其擴充從此改用黃銅復撓以沙其惡劣爲中國所無民衆呼之曰沙板銅圓

文獻通考後周武帝建德三年更鑄五行大布錢以一當十大收商賈之利與布泉錢並行四年又以邊境之錢人多盜鑄乃禁五行大布不得出入四關布泉之錢聽入而不聽出清康熙二十七年五月初一日兵部督捕理事

官張鵬翮出使俄羅斯行至喀爾喀牧人李之旺於石峯頭得五行大布錢一枚是當十錢在清初已行於蒙古地矣

紙幣

省銀行所發並設分行於平涼

案紙幣古謂之寶鈔其名見於宋史其制外為闌作花紋具橫書其例外書禁條闌下備書經由行換之法及印章花押明鈔之制以桑楮皮為之豎長一官尺橫八寸額上橫書大明通行寶鈔上下鈐戶部印見稗史類編

宋史仁宗明道三年發內府金收換會子收銅板勿造知當時印紙幣亦用銅板也席旦傳旦言蜀用鐵錢以其艱於轉移故權以楮券宋史又云值水災捐萬楮以賑之楮與紙券即紙幣亦謂之交鈔金海陵王貞元中始設交鈔庫其鈔分一貫二貫三貫五貫十貫五等曰大鈔其小鈔又分一百二百

三百五百七百五等至元明而鈔法極盛清順治間亦嘗行之旋停止自宋以來鈔票皆由政府發行清中葉之後山西票號之紙幣始流行各地其信用甚昭著光緒間外人設銀行於各商埠亦各自發行爲社會之信用證券共和告成票莊歇業銀行林立而紙幣濫發滋甚民間現金悉入銀行中矣

隴東平市官錢局

蘭州官錢局所設之分局民十五年以前曾設隴東地方銀行

銀行制度或由中央政府設立或在中央政府監督之下而受其特許之唯一大銀行謂之中央銀行由地方設立者謂之地方銀行民國成立以來甘肅省銀行先後設分行於平涼將以存款放債匯兌或兼事買賣金銀或代理國庫之出納利益不爲不多矣而辦理不得其人紙幣或一時不能兌現

人民所受損失非紙筆所能盡書民十一年隴東鎮守使張兆鈺勒令隴東十七縣湊集大宗款項開設隴東銀號爲地方銀行之基礎鎮守使就近監督之當時有人反對而木已成舟卒以一紙空文吸收現金叁拾萬元十五年秋張兆鈺敗走隴東地方銀行遂消滅於無形

附民國十五年隴東鎮守使張兆鈺私立銀號吸收現金留京隴東學生馮瀚英賈秉棊賈從城張篤忠伍金貴潘懷琮田炯錦韓家麒賀世昌劉國度姚長齡張學良賈秉機李世軍田維嵐等敬告隴東十七縣父老老勿認隴東私設銀號其文曰甘肅隴東十七縣父老兄弟諸姑姊妹均鑒吾甘財政已形破產久矣隴東一隅恆屯三軍征捐頻年運送彌月駟駝人負號呼道路椎肉答骨呻吟閭里言之痛心聞之酸鼻所幸者年穀豐成盜賊不興市面得以平穩物價賴維均衡故民生雖云困苦尙未至於凋零豈可更容設立銀號以自斃發行紙幣以贖軍况銀號爲金融機關本部令而設立鈔票雖法定貨幣賴信用以流通發行部令之權專屬財部維持信用之方重在基金薄基金不得發行紙幣無部令不許設立銀號律有明文例懸厲禁原以銀號難於經營紙幣易於濫發如或不慎遺害滋甚杜漸防微用遏奸而止詐拔本塞源正爲國而衛民

今鎮守使張兆鉅肆行捐款遽設銀號既無財政部令又無充足基金以十餘萬之資本將發四十萬之紙幣不顧民生不恤民意實屬師心自用恣意妄爲嫁禍地方弁髦法規始則如此終也可知不惟以融通軍餉之口實特達吸收現金之目的誠恐濫發紙票擴張軍備竟使兵士日增負擔日重亦非地方之福實爲將來之害又况銀行銀號重在滋生利金存款放款惟特交易繁盛隨東商埠蕭條交易簡單存放之款無幾滋生之息有限所賺甚少所費實多欲不傾跌恐不可得加以經營少諳練之人委辦多奸猾之吏利害不明措置乖方攝武夫之淫威難免通文而舞弊博長官之歡心相與假公以濟私其在支局猶爲可畏奸商代爲辦理從中漁利庶民急於需粟格外貼現出費入賤非盤卽剝自私自利竊取不已民脂民膏搜括無餘一旦支付不開兌換不行堂堂銀號頓行倒閉片片鈔票充塞街衢價格低落使用不利一朝恐慌百貨昂貴兵士持票索金恣睢橫行商民無不受辱含冤莫辨當此之時將見吾民更不堪命矣倘或認其設立聽其所爲彼必掩耳而盜鈴我則積薪以自焚其困苦尙堪言乎夫君子以作事而謀始智者防患於未然不圖之於先必受害於後以吾輩血汗之資將買地方來日之禍尙不能聯袂俱起協力爭論良心何在血性安存同人等遠在燕雲之地時懷桑梓之苦實覺痛切肌膚遂致情難緘默認此銀號無成立之必要議定辦法作中止之請求據條理以爭辯非過分之干涉願吾父老兄弟諸姑姑姊妹共鑒是衷力作後盾同聲一致消除禍根勿謂何傷播災遺殃勿謂何害敲骨吸髓急起直追免遺後悔遙望隴雲無淚可揮掬誠奉告諸惟垂察

財賦志 貨幣

現在行使之貨幣

民國元年以前多用制錢紋銀間用一當十小銅元元年後小銅元與四川所造大銅元並銀元逐漸流通而制錢紋銀漸次停使十一年後隴東官銀號成立隴東錢票充斥市面及張兆鉀敗北隴東官銀號倒閉錢票遂卽作廢民間所受損失極大馮翰英諸君之言至此乃驗然流毒已徧隴東不僅鎮原一縣也十五年後四川所造當百大銅元亦逐漸流通至今市面所用者新舊老人頭銀元中央銀行紙幣及當百銅元而已

公債

政府徵民財以供國用其名曰租稅借民財以圖公益名曰公債日本天野氏嘗論公債之利弊分爲愛國公債強迫公債及商利公債三者之中以商利公債爲最善蓋商利因兩願而合上下交有所利直無絲毫之流弊焉民國成立以來政府力行新政苦於帑藏空虛除加徵租稅外推廣國內公債甘肅應募集若干省政府據財政部規定數目令行各縣矣本省復募集短期公債自償還之期限與票面之利率言之決不失信於民而一紙空文急如星火謂之曰強迫公債奚不可者

募本省短期公債

前原初定公債庫平銀一萬八千兩經紳士再四懇求乃得減半

財賦志 公債

蘭州後學印書館排印

民國七年甘肅財政廳以甘肅受川陝戰事影響稅收不足並爲彌補預算起見呈准募集甘肅短期公債七十萬兩利率定爲週年七釐以本省皮毛捐歲入爲償還本利之擔保公債票額定爲五兩十兩五十兩一百兩四種且規定自募集之日起擬算滿一年只償還利息第二年以後每年兼還本十四萬至第六年卽本利還清鎮原募額爲紋銀九千兩但以辦理失人民間未得利息蓋此項七釐公債本利兩空故也

民國十五年發行一種流通券

此項流通券係一元五元十元三種十六七兩年公家如數還清而大半爲地方官中飽蓋人民出款之

時早料定不還故不領券而交款官吏利用此券向財廳抵解現款耳

國民軍復募短期公債

民十八年國民軍以軍費不足復募本省短期公債其辦法與民國七年同而數目則增加

發行短期金庫券

時甘肅銀幣以元計算額
原解省現洋壹萬貳千元

民國二十一年甘肅財政廳復爲補充本省預算之不足籌借甘肅省銀行基金起見呈准發行短期金庫券一百萬元名定爲甘肅省短期金庫券指定本省畜稅屠宰稅駝捐及稅契之全部收入爲擔保票面定爲五十元十元五元一元四種均爲無記名式每月利率定爲六釐按照票面十元發行自發行期滿之日起每月付息一次抽籤還本一次每次抽還總額百分之二十五計二十五萬元至滿足二年本息完全歸清原分配額爲一萬二千元按中區及八鎮分配清解實收雖已領到將來能否本利清還未可預料也

鎮原已賣官產表第二

產別地點	畝數或間數	四至	承買人		每畝或每	價值總數
			姓名籍貫	間價值		
精田胡家坪四畝	四	東至許姓地 南至官路 西至任姓 北至許任姓 地界	田永	鎮原人	每畝玖元 壹角柒分	叁拾陸元 柒角
教場地東關壹畝柒分	壹畝柒分	東至官路 南至西 西至 東姓地北 學地堆至	劉篤	鎮原人	每畝陸元 伍角捌分	拾壹元貳 角
經制署基本城東街壹畝肆分	壹畝肆分	東至王姓地 南至官街 西至廟 北至帝廟 祠前牆根	田祖	鎮原人	每畝二十 二元三角 伍分	三十一元 三角

鎮原已賣官產表第二

財賦志 官產

三二

蘭州交善印書館排印

舊倉審院	縣署後	三間	<small>東至齊姓宅 南至齊姓宅 西至齊姓宅 北至齊姓宅 中至齊姓宅 上至齊姓宅 下至齊姓宅 界至齊姓宅</small>	石李進廷財俊	俱係鎮原人	每間兩元	六元
------	-----	----	--	--------	-------	------	----

會計簿

鎮原縣自十七年至二十三年終收支一覽表第三

地 方 支 應 款							類 別
二十二年		二十一年		二十年		十九年	年 數
支 應 費	支 應 李 彥 和	支 應 費	支 應 費	支 應 陝 軍	支 應 費	支 應 費	名 目
三十元	九萬七千五百	九十九元	六萬六千一百	八十四元	一萬六千九百	八千元	數 目
				三萬元	六千三百二十	元一萬一千六百	目
				三十三元	萬六千六百	以上二十三	總 計
						暨實解數開	備 考
						上數均照實支	
						上八千元內有汪	
						飛西過境四千元	

鎮原縣志

財政志 會計

141

蘭州俊華印書館排印

解 上									
十 九 年							十 八 年	十 七 年	
解平涼炭貨費	解平涼羊皮價	解平涼保安費	解平涼借款	款解財廳臨時借	解平涼清鄉費	派解平涼款款	解清鄉費	麥 價	有獎公債
二千元	八千五百元	一萬五千八百三十五元	二千元	一萬一千五百二十九元	九元五角	七千零四十四元	三萬五千元	二萬五千元	三萬元
角	元	元	拾	零	貳	玖	肆	拾	拾
	五		柒	伍	千	萬			

各																			
二		年						十		二									
解平涼羊皮價	五千元	解平涼服裝費	二萬三千四百二十元	解平涼借款洋	一萬八千八百六十三元	解平涼軍糧折價	三千七百七十元	解平涼清鄉費	三萬元	解預借清鄉費	一萬八千元	解炭貨費	二千元	解平涼草價	二萬元	解平涼小麥折價	三千五百元	解平涼借款	二千七百元

蘭州府志卷之二十一

財賦志 會計

一


蘭州俊華印書館排印

種										
款					種					
二 十 二					年 一 十					
派解財廳款	派解平涼官署	借款	匪款	派解平涼勦赤	派解財廳金庫	券	解平涼三十八軍軍糧折價	款	派解平涼綏部軍費	派解平涼綏部
二萬七千元	五千元	一萬元	八千元	一萬七千二百九十元	二萬元	二萬元	二萬六千元	二萬四千七百	三萬元	五千六百六十元七角

三		兩		年	
派解三十八軍	一萬三千零三	派解財廳二十	一萬六千七百	派解財廳二十	二萬二千元
軍糧折價	十元	二年罰款	元	三年罰款	一千六百元
捐款		派解財廳飛機			

天禍中國災棧相尋烽火連天荆榛滿地顧往年戰禍如庚申壬戌甲子諸
役時不過二三月地不過三四省以吾國之屢有政爭人民之習聞戰事猶
可忍痛一時徐圖甦息乃自乙丑以逮丙寅戰地之廣大戰期之延長聞之
心悸談之色變起於蘇魯達於直奉蔓延於京熱察綏各區轉入於湘鄂贛
豫諸省雖五季之紛更十六國之割據無此擾攘無此慘痛也至於軍隊所

過支應兵差蒼赤何辜同罹浩劫或戰事未經之地或戰事已了之區而土匪蹂躪金融停滯商業凋零農村破產壯者逃散弱者溝壑大好神州幾無一片乾淨土矣鎮原距腹地較遠向以小桃源稱自隴東南用兵而後元氣凋傷久矣益以天久不雨歲荒無收草根木皮掘食殆盡近數年以來畝有餘糧而人抱悲觀民貧如洗者則以兵差一項取之無窮故也縣城設支應局且且而索之未必筆筆而記之事後追思挂一漏萬此表所列僅就掣回收據者約略言之亦使後之人知亂後財盡民窮皆師旅如林之所致耳



封面	-2
书名	-1
1	1
2	2
3	3
4	4
5	5
6	6
7	7
8	8
9	9
10	10
11	11
12	12
13	13
14	14
15	15
16	16
17	17
18	18
19	19
20	20
21	21
22	22
23	23
24	24
25	25
26	26
27	27
28	28
29	29
30	30
31	31
32	32
33	33
34	34
35	35
36	36
37	37
38	38
39	39
40	40
41	41
42	42
43	43
44	44
45	45
46	46
47	47
48	48
49	49
50	50
51	51
52	52
53	53
54	54
55	55
56	56
57	57
58	58

59	59
60	60
61	61
62	62
63	63
64	64
65	65
66	66
67	67
68	68
69	69
70	70
71	71
72	72
73	73
74	74
75	75
76	76
77	77
78	78
79	79
80	80
81	81
82	82
83	83
84	84
85	85
86	86
87	87
88	88
89	89
90	90
91	91
92	92
93	93
94	94
95	95
96	96
97	97
98	98
99	99
100	100
101	101
102	102
103	103
104	104
105	105
106	106
107	107
108	108
109	109
110	110
111	111
112	112
113	113
114	114
115	115
116	116
117	117
118	118
119	119

120 120
121 121
122 122
123 123
124 124
125 125
126 126
127 127
128 128
129 129
130 130
131 131
132 132
133 133
134 134
135 135
136 136
137 137
138 138
139 139
140 140
141 141
142 142
143 143
144 144
145 145
146 146
147 147
148 148
149 149
150 150
151 151
152 152
153 153
154 154
155 155
156 156
157 157
158 158
159 159
160 160
161 161
162 162
163 163
164 164
165 165
166 166
167 167
168 168
169 169
170 170
171 171
172 172
173 173
174 174
175 175
176 176
177 177
178 178
179 179
180 180

181 181
182 182
183 183
184 184
185 185
186 186
187 187
188 188
189 189
190 190
191 191
192 192
193 193
194 194
195 195
196 196
197 197
198 198
199 199
200 200
201 201
202 202
203 203
204 204
205 205
206 206
207 207
208 208
209 209
210 210
211 211
212 212
213 213
214 214
215 215
216 216
217 217
218 218
219 219
220 220
221 221
222 222
223 223
224 224
225 225
226 226
227 227
228 228
229 229
230 230
231 231
232 232
233 233
234 234
235 235
236 236
237 237
238 238
239 239
240 240
241 241

242 242
243 243
244 244
245 245
246 246
247 247
248 248
249 249
250 250
251 251
252 252
253 253
254 254
255 255
256 256
257 257
258 258
259 259
260 260
261 261
262 262
263 263
264 264
265 265
266 266
267 267
268 268
269 269
270 270
271 271
272 272
273 273
274 274
275 275
276 276
277 277
278 278
279 279
280 280
281 281
282 282
283 283
284 284
285 285
286 286
287 287
288 288
289 289
290 290
291 291
292 292
293 293
294 294
295 295
296 296
297 297
298 298
299 299
300 300
301 301
302 302

303 303
304 304
305 305
306 306
307 307
308 308
309 309
310 310
311 311
312 312
313 313
314 314
315 315
316 316
317 317
318 318
319 319
320 320
321 321
322 322
323 323
324 324
325 325
326 326
327 327
328 328
329 329
330 330
331 331
332 332
333 333
334 334
335 335
336 336
337 337
338 338
339 339
340 340
341 341
342 342
343 343
344 344
345 345
346 346
347 347
348 348
349 349
350 350
351 351
352 352
353 353
354 354
355 355
356 356
357 357
358 358
359 359
360 360
361 361
362 362
363 363

364 364
365 365
366 366
367 367
368 368
369 369
370 370
371 371
372 372
373 373
374 374
375 375
376 376
377 377
378 378
379 379
380 380
381 381
382 382
383 383
384 384
385 385
386 386
387 387
388 388
389 389
390 390
391 391
392 392
393 393
394 394
395 395
396 396
397 397
398 398
399 399
400 400
401 401
402 402
403 403
404 404
405 405
406 406
407 407
408 408
409 409
410 410
411 411
412 412
413 413
414 414
415 415
416 416
417 417
418 418
419 419
420 420
421 421
422 422
423 423
424 424

425 425
426 426
427 427
428 428
429 429
430 430
431 431
432 432
433 433
434 434
435 435
436 436
437 437
438 438
439 439
440 440
441 441
442 442
443 443
444 444
445 445
446 446
447 447
448 448
449 449
450 450
451 451
452 452
453 453
454 454
455 455
456 456
457 457
458 458
459 459
460 460
461 461
462 462
463 463
464 464
465 465
466 466
467 467
468 468
469 469
470 470
471 471
472 472
473 473
474 474
475 475
476 476
477 477
478 478
479 479
480 480
481 481
482 482
483 483
484 484
485 485

486 486
487 487
488 488
489 489
490 490
491 491
492 492
493 493
494 494
495 495
496 496
497 497
498 498
499 499
500 500
501 501
502 502
503 503
504 504
505 505
506 506
507 507
508 508
509 509
510 510
511 511
512 512
513 513
514 514
515 515
516 516
517 517
518 518
519 519
520 520
521 521
522 522
523 523
524 524
525 525
526 526
527 527
528 528
529 529
530 530
531 531
532 532
533 533
534 534
535 535
536 536
537 537
538 538
539 539
540 540
541 541
542 542
543 543
544 544
545 545
546 546

547 547
548 548
549 549
550 550
551 551
552 552
553 553
554 554
555 555
556 556
557 557
558 558
559 559
560 560
561 561
562 562
563 563
564 564
565 565
566 566
567 567
568 568
569 569
570 570
571 571
572 572
573 573
574 574
575 575
576 576
577 577
578 578
579 579
580 580
581 581
582 582
583 583
584 584
585 585
586 586
587 587
588 588
589 589
590 590
591 591
592 592
593 593
594 594
封底 595